




Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.203/a










Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6 2013/a





Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.203/a



Early European Books. Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.203/a



246  
G  
R. P.

PAVLI LAYMANN  
SOCIETATIS IESV

Theologi

C E N S V R A

Astrologiæ Ecclesiasticæ

&

ASTRI INEXTINCTI,

à CASPARE SCIOPIO in  
*lucem editi.*



COLONIAE AGRIPPINAE

In Officina Birckmannica, sumptibus Hermanni Mylij,

Anno seCVLari soCietatis IesV à sanCto P. Ignatio InstitVta,  
atqVe à Pontifice pavLo III. ConfirMatæ.







# APPROBATIO

R. P. PROVINCIALIS.

247

**C**ensuram Astrologiæ Ecclesiasticæ & Astri  
Inextincti, à P. Paulo Laymann, Societatis  
nostræ Theologo, aduersus Gasparem Sciop-  
pium scriptam, & ab aliquot eiusdem Societatis Theo-  
logis lectam, approbatamq;: Ego GVALTHERVS MVND-  
BROT Societatis IESV per Superiorem Germaniam  
Præpositus Prouincialis, facta mihi potestate ab Ad-  
modum Reuer. P. N. Generali MVTIO VITELLESKO,  
in lucem edi permitto; fidemq; facio Manu meâ, &  
consueto Societatis Sigillo. Ingolstadij, die 30. Septemb.  
Anno 1634.

L. S.

GVALTHERVS MVNDBROT.

A 2

TYPO-





# TYPOGRAPHVS LECTORI,



Vandoquidem Aſtrum Inextin-  
ctum, poſtquam R. P. Paulus Lay-  
mann in Nouembri anni 1635. mor-  
tuus, ſub nomine R. P. F. Romani  
Hay anno 1636. denuo editum eſt,  
& latius per Imperium & Orbem Chriſtianum  
diuulgatum, ne quid Lector deſideret, numerum  
paginarum huius poſterioris editionis margini  
appoſuimus, vbi numerus prioris editionis pagi-  
nas designans in ipſo contextu annotatur. Vale  
& vtere.



INI





IN  
**ASTROLOGIAE**  
 ECCLESIASTICÆ, ET ASTRI  
 INEXTINCTI CENSURAM,  
 PROOEMIUM PRIMUM.

**P**HILOXENVVS MELANDER, qui in *Actio-  
 ne per duellionis in Iesuitas*, indignum Iesu Christi ser-  
 uum se appellauit, & ex Lutherano, subito (si Supe-  
 ris placet) Catholicus factus est; postea etiam *Ana-  
 tomiam Societatis Iesu* miro artificio delineauit; imò  
 secreta eius, atque *Mysteria* in lucem produxit;  
 nunc etiam ASTROLOGVM se proficitur, & ASTRVM INEX-  
 TINCTVM omnibus palam exhibet.

Intelligit, vt arbitror, Lector rerum gnarus, quæ hic insinuantur.  
 Prodiere non ita pridem, vno volumine, duo libri; in quibus pluri-  
 ma, quæ in *Actione per duellionis*, seu *Flagello Iesuitico*, aliqua etiam  
 in *Anatomia*, aduersus Societatem nostram conficta & obiecta sunt,  
 denovo afferuntur, confirmantur, & nouis adinventionibus illustran-  
 tur. Tamen si verò horum Auctor præcipuus in tota Germania co-  
 gnitus sit; quandoquidem in hoc infamandi genere diu se exercuit,  
 atque ita perfecit, vt ex loquendi, falsandi, ac quælibet deprauandi  
 antehac non auditis modis, ilicò Artifex iste agnoscat; nihilomi-  
 nus tamen, quia cernebat, lucubrationes suas aduersus Societatem  
 nostram à se editas, iam prosperum desiderij sui successum nancisci,  
 vt Iesuitas omnes, tanquam *iuratos S. R. I. hostes*, & pacis publicæ per-  
 turbatores, per militares factiones, ex Germaniâ; breui post tempo-  
 re, pellendos esse speraret; ideò, vt de laboris sui fructu, gloriâ vid. ac  
 rei bonè gestæ famâ, pecuniarioque subsidio certior esset, nomen suū  
*Astrologia Ecclesiastica* adijcere voluit; & quasi causæ suæ minimè

A. 3. diffide-



diffideret, Augustissimo Cæsari FERDINANDO II. dedicare, perpetuo *Sacræ Cæsareæ Maiestatis* falso prætenso privilegio. Ne autem quisquam de eius egregiæ præstitâ industriâ dubitare possit, *intra continuum biennium, complures libros, partim apud VVeingartenses, partim in exilio apud Heluetios adornare* se gloriatur fol. 83. Astrologia.

De his duobus libris, qui ante paucos dies ad manus nostras peruenierunt, iudicium aliquod ferre, necessarium esse videbatur. Et prior quidem, cuius inscriptio *Astrologia Ecclesiastica*, grauibus erroribus, *Sacræ Scripturæ* deprauationibus; insuper calumnijs, & maledictis refertissimus est, vt præterea fermè aliud nihil contineat. Enimuerò id in toto eo libro agit Astrologus, nouâ & ante hac inaudita peruersitate, quòd ex varijs *Sacræ Scripturæ* libris verba quædam depromat, eaque arbitrato suo in ynam ipse coherentem constructionem, quibuldam vocabulis omissis, alijs à se ipso adiectis, ita connectat, vt ad contumelias, & calumnias non solum Societatis nostræ Religiosæ, sed alijs quoque Mendicantium Ordinum, præsertim RR. PP. & familia S. Francisci; ipsis quoque Ecclesiarum Domini Episcopis, ac Prælati inferendas, accommodata reddantur. Et hanc ipsam arbitratur Astrologus esse nouam mysticam Theologiam, quam diurnis ac nocturnis lucubrationibus didicerit, atque debeat in publicum proferre, ad arguendum ea, quæ in Ecclesiam Christi, vitio hominum, irrepunt scandala.

Apud omnes Nationes, & lure quasi naturali receptum, constitutumque est, ad intelligentiam sermonis, aut scripturæ plurimum referre, vt antecedentia cum sequentibus conferantur; quia ex verborum ac sententiarum integra connexion & contextu, appareat mēs seu intentio loquentis. Magna itaque hac peruersitas est, si quis ex vno folio, aut libro verba quædam excerptat, ijsque ex alio folio, aut libro, alia longè diuerso proposito prolata verba adijciat; præsertim si id fiat (sicut frequenter id agit Aduersarius) adiecta copulatione causali. *Quia, cum.* Eiusmodi fraudibus sæpissimè vsus fuit in Actione perduellionis, & Astro inextincto; sed in Astrologia Ecclesiastica arte factum istud quasi perpetuò rexit, quòd E. C. Propheta Hieremiæ allegatis verbis, alia, coherente oratione, ex S. Ioanne ijs adiungit; mox alia ex S. Paulo; atque vt oratio congrua reddatur ad flagitium



flagitium inferendum, quædam subinde, ut supra dixi, Scripturæ verba omittit, alia ex suo, connectendi causâ, adijcit.

Verum de hac Astrologia, animus non est aliqua particulatim referre, aut refutare; quia adeo absurda, atque à Fidelium sensu & pietate pleraque abhorrentia continet, ut pigeat pudeatque commemorare; atque Lector quilibet, si prudens sit, per se ipsum mox perspiciat Scriptoris illius impudentiam. Itaque generatim duntaxat lata censura hæc sit; Astrologiæ Ecclesiasticæ librum, erroribus & calumnijs plenum esse, perniciosum & spiritu fanatico conscriptum. Quæ censura Lectoribus consilij & admonitionis loco erit, donec grauior, quam iustissimè meretur, ab ijs, qui eo Iure præditi sunt, cum auctoritate, inferatur.

Quod ad posteriorem librum, *Astrum Inextinctum* attinet: Eum Philoxenus Melander Astrologus, à Sacerdote Ordinis S. Benedicti viro docto, conscriptum, & ad semissum esse, testatur. Quam eius assertionem discutere hic nolo. Existimo verò plurima, imò pleraque esse in eo libro, videl. Quæ de vacantium Monasteriorum iuribus ac titulis, Prælatorum regularium, non exemptorum, iurisdictione ac potestate &c. disputantur, quæ Astrologus ab alio accepisse debuit; cum ipse, sicuti ex alijs eius libris cognoscitur, eam Iuris Canonici cognitionem non habeat. Accedit ex scribendi etiam stylo apparere, alium quendam fuisse, qui plurima, vnde quaque congesta confarcinavit, & Magistro Philoxeno Melandro, magis adhuc exornanda, & fraudibus fulcienda transmiserit: Idque Melandrum Astrologum egregiè præstitisse, vel inde colligitur, quando, ne præmium, & fructus operis, quod sub incude suâ tenuit, & callidis adinventionibus auxit, atque adornauit, sibi deperiret, omnia libri excusa folia nominis sui adiectione consignauit, *Gasparis Scioppij Astrum inextinctum*.

De eo libro hæc generalis Censura esto: Prima fronte, doctrinæ speciem aliquam præ se fert: sed, si penitus inspicatur, eruditionis parum, calliditatis atque imperitiæ multum continereprehenditur. Plurima in eo copiosè probantur, quæ ad Quæstionis statum nihil pertinent, atque à nemine negantur. Quæ dudum proposita, aut obiecta sunt partis aduersariæ argumenta, denuò repetuntur, dissimulatis aut perperam relatis *Iusta defensionis* responsis. Ex verbis  
meis,



PROOEMIUM SECVNDVM.

meis, plerumque etiam malè allegatis, falsa & absurda corollaria inferuntur: Ea postea, tanquam propria *Iustæ Defensionis* asserta sint, inuidiosè pluribus, in locis inculcantur, atque in rerum memorabilium Indicem referuntur. Calumnijs quoque, imposturis, ac falsationibus hic liber repletus est, quas in medium afferre, atque refutare, prorsus necessarium, sicuti mox fusiùs ostendam.

PROOEMIUM SECVNDVM.



Ausæ, & necessitas respondendi ad ea, quæ in Astro inextincto mihi, aut Societati nostræ falsa obijciuntur, apud prudentes quidem, rerumque intelligentes, nihil dubitationis habitura est: Interim verò non ignoro, quosdam, etiam inter Catholicos reperiri, qui ob malam informationem, sinistramue affectionem, vitio nobis vertunt, quòd eiusmodi, quales illo in libro enudè proponuntur controuersia ac lites, quæ ut ipsi censent, per silentium sopiri possent, datis responsionibus ac defensionibus, magis excitentur.

Equidem non diffiteor, eâ in re grauiter esse peccatum, quòd Cõtrouersia illæ, occasione rationum quarundam, (quæ in Epistolas Cæsareas irrepserant, atque Theologorum quorundam Iudicijs refutata fuerant) exorta apud eos, quibus id negotium commissum, & qui huic rei remedium adferre potuissent, relictæ non fuerint, sed in omnium notitiâ, typis publicis, deducta. Ea propter in proemijs Iustæ defensionis, id maximè laboraui, ut falsam suspensionem, quæ in multorum animis concepta erat, duo Theologorum Iudicia, Patrum Societatis operâ in lucem publicam prodijisse, penitus abolerem.

Tametsi verò probè sciuerim, quinam, aut quales essent eorundem Iudiciorum, totiusque Controuersia in publicam notitiâ deductæ Auctores, nolui tamen eos disertè nominare, aut describere, ne, si significarem, Religiosos esse, in ipsosmet Ordines querela redundare videretur, maleuolorum aut imperitorum hominum sententiâ. Imperitorum, inquam: Qui enim prudentes sunt, aliter censent, videlicet, Quod vnius aut alterius, seu paucissimorum hominũ

tame-



PROOEMIUM SECVNDVM.

temeritate actum est, nequaquam toti Congregationi, aut Ordini imputari posse.

Et ad eò quidem in Iustâ defensione cohibui me, ne vel verbo exprimerem, Iudicia illa, & libellos duos famulos, à Personis Regularibus editos fuisse, vt multi viri, etiam doctissimi reperti sint, qui perlecto eo toto libro iudicare non potuerint, Religiosorum, eos quos dixi, parus esse. Postea verò ipsimet Societatis nostræ Aduersarij, quod de industria celandum esse duxi, disertè confessi sunt. Videl. Philoxenus Melander in Actione perduellionis fol. 24. v. 5. Visum fuisse quibusdam Ordinum Personis, vt ea famosa scripta (ita appellat duo Theologorum Iudicia) in publicam lucem ederent. Et eodē fol. 24. v. 25. Aegre tulisse, Patres Societatis, quòd Monachi (duobus Susceptæ Defensionis & Disceptationis &c. l. bris) se opponere ipsis ausi fuerint. Eademque habet Astri Inextincti Auctor fol. 258. prope finem, & fol. 260. n. 6. 336.  
338.

In his duobus libellis plurima ad eò absurda, ab omni veritate & honestate aliena continebantur, vt sine graui Societatis nostræ detrimento, alijsque incommodis, dissimulare ac tacere non possemus: Ea que ipsa respondendi necessitas, vt prima mox libri fronte Lectori appareret, idcirco post Prooemia Iustæ Defensionis, synopsis errorum, calumniarum & falsationum &c. posui. Verumtamen hæc ipsa res, quæ libro meo patrocinium afferre, Lectorumque animos conciliare debuerat, apud quosdam, iniquos rerum æstimatores, maiorem etiam indignationem, ac querelam concitauit. Quæ enim, dicebant, videri potest necessitas hæc, vt Viri Religiosi à Religiosis de erroribus, calumnijs, falsationibus, ac mendacijs, edito, & per totam Germaniam sparsò libro aceusentur.

Videlicet, non indignantur isti, aduersus Societatem nostram, calumnias, falsationes, mendacia spargi, erroresque graues in hominū animis ingenerari, publicè editis, atque Cæsari, Principibus, & Proceribus Imperij oblati libellis; sed id magis indignè ferunt, quod illa ipsa, & quidem iisdem verbis, quibus Societati nostræ obiecta sunt, defensionis ac refutationis causâ, enumerata fuerint. In omniniuriarum iudicio, aggressori condemnatio ac pœna decernitur; defensori autem venia tribuitur: quia defensio, quatenus necessaria, omni iure cuiuslibet permissa est. Soli autem hi iudices, damnare defen-

B

sores;



fores; & culpæ plus ipsis, quàm aggressoribus, adscribere non ventur.

Sed nonne, cogitabit quispiam, Viros Ecclesiasticos ac Religiosos, decet magis, secundum Euangelij doctrinam, pati iniuriã, & non resistere, aut se defendere? Dudum hæc quæstio tractata fuit à SS. Patribus, Augustino, Gregorio I. Papa, & alijs, quorum doctrinas allegavi in Iustæ defens. proœmij n. 45. & seqq. Summa doctrinæ est: In iustas detractiones, ac contumelias, fiducia innocentia, Deo supremo Iudici cognita perferre ac dissimulare, famamque propriam negligere, Christianæ Humilitatis & Patientiæ opus insigne esse posse; præterquam si exinde in alios spiritualis salutis damna redundent; quæ permittere & non impedire officio nostro, & ordinatæ Charitati, quæ vnica norma actionum nostrarum est, aduerſetur. Cui enim homines plerique cō propenscant, vt detractionibus ac querelis, quæ publicè sparsæ sunt, facillè fidem habeant, in eaque confirmantur magis, si quæ obiecta sunt, dissimulari, ac veluti pro confectis haberi intelligant; ideo necessarium est Viris Ecclesiasticis, ac Religiosis, vt, quæ falsò & iniuste de ijs vulgata sunt crimina, ostensa innocentia aboleant; ne alioquin fructus in proximos, qui ex illorum vitæ exemplo, prædicationibus, alijsque spiritualibus functionibus percipiunt, imminuatur. Atque ij, qui talia Religiosis obiciunt, aut qui eisdem assentiuntur, dum Hæreticis eã in re fauent, atque arma ipsis ad oppugnandam Christi Ecclesiam administrant, in quo quandoque ex eorundem libris accipiunt, cum eisdem, Hæreticis inquam, malè pereant, nisi per veritatis demonstrationem ab errore reuocentur. Quare rectè S. August. dixit lib. 22. de bono Viduitatis: *Nobis necessaria est vita nostra* (honestè acta) *alys fama nostra*. Et S. Thom. de Aq. in quodli. 10. a. 13. *Contemptus famæ ratione sui ipsius, Humilitas est, ratione verò proximi, ignavia & crudelitas.*

Nemo facillè reperitur ex viris honestè ac ingenuè natis educatisque, qui publicè sibi obiecto crimini, si innocens sit, contradicendum sibi non arbitretur, atque honorem suum, famamque defendendã. Quod si eum de Christianâ Patientiã ex Christi consilio admoncas, respondet illicò, si prudens, & bonis doctrinis instructus sit; Inimico, aut iniusto famæ detractori se ignoscere, vindictam non desiderare; ei que benè facere paratum esse; Verum de damno, quod ex  
infa-



infamationibus secuturum est, abolendo, & per silentium non confirmando, laborandum sibi esse: quandoquidem, non mea tantum (inquiēt ipse) causa hic agitur; sed etiā vxoris, liberorum, totiusque familiæ, quam ex me, seu mei causâ. contemptam, atque indefensam relinquere, rectæ rationi, & Charitati, Pietatiq̃ue repugnat. Quod si ratiocinatio isthæ cōmendatur in quibuslibet hominibus priuatis, cur non etiam, & quidem multò magis, in Congregatione Religiosorum, si ad ea, quæ ipsis per iniuriam imputata sunt crimina, innocentiam suam demonstrando, respondere aggrediantur?

Et verò, si rectè rem perpendimus, nullus modus hic aut ratio suppetit, maleuolorum hominum iudicia & oblocutiones declinandi. Si enim Societas nostra, secundum Patrum doctrinam, se defendat, atque innocentiam ostendat, de impatientia & conuentione accusabitur. Sin verò taceat, ac dissimulet, de obiectis criminibus, propriæ taciturnitatis confessione, rea iudicabitur. Insuper qui in angulis quibusdam iam latent famosi aduersus Societatem excusi libelli, post decem, viginti, & amplius annos, ab Aduersarijs nostris, maximè Hæreticis, in lucem denuò producentur, quando nemo fortasse in viuis erit, qui rerum gestarum memoriam, cognitionēque habeat ad refutandum. Itaque cum malū omni ex parte declinare non possimus, præstat eligere id, cui minus periculi ac damni inest; quodque Maiorum traditioni, ac Regulæ Ecclesiasticæ, vt supra dixi, conforme est.

Sed dicunt, id saltem probari, aut à temeritate excusari non posse, quod Societatis nostræ Religiosi, de temporalibus Monasteriorum possessionibus, cum antiquorum Ordinum familijs, in his publicis Germaniæ calamitatibus, decertare non desistant. Respondeo; Si id verum esset, quod nobis hic obijcitur, quàm maximè culpandos nos fore. Cæterum, qui tales de nobis querelas fundunt, rerum plerumque ignorantia laborant, atque idè edocendi sunt. Ante annos quinque epistola Cæsareæ Romam, & ad quosdam Dominos Episcopos, Romani Imperij Principes missæ fuerunt, in quibus Monasteriorum, quæ ab A catholicis detentoribus, vi Edicti, recuperari debebant, vniones, pensiones, ac commendæ adeò inhihebantur, vt, si earum aliqua per Sedis Apostolicæ auctoritatem fieret, foundationi in iure naturali stabilitæ, conscientiæ Maiestatis Cæsareæ, Concordatis quoque Germaniæ, & ipsi Generali Edicto repugnatura esset;



atque difficulter coram Deo excusari posset. Lectis his litteris, tam Romæ, quàm in Imperio admiratio atque querelæ ortæ fuerunt; eæque vna cum plurimum tum sæcularium, tum quorundam è Societatis nostræ Theologorum scriptis iudicijs, ad Cæsareum Confessarium P. Guilielmum Lamormaini, delatæ: Is rediū secum deliberata, negotium ad Sacram Cæsaream Maiestatem, quod etiam Nuncios Sedis Apostolicæ velle intellexerat, breui scripta epistolâ retulit. Cæsar iussit mox, de causâ istâ, Consiliarios suos vnâ cum diuersorum Ordinum Theologis, consultare. Interea autem iudicia ista claculum à quibusdā acquisita, eorumque duo selecta, ac typis publicis edita; atque paulò post libellis famosis refutata fuerunt. Contra hos libellos, ex Superiorum meorum voluntate, scripsi ego iustam defensionem; non eo argumento, aut proposito, quod Societas vllum ex recuperatis, aut recuperandis Monasterijs sibi assignari perat; multò minùs, quod ad ea ius quælècunque sibi vendiceret: sed solum, vt quæ contra Romanū Pontificē, Cæsarē, Episcopos, Theologos, aliosque, demū ipsos Societatis nostrę Patres, calumniæ ac falsitates, aut errores proposita fuerunt, refutarētur. Inter quæ id quoque numerari debebat, quod Domini Episcopi, Religiosi Mendicantes, aliæque Personæ Ecclesiasticæ, si Monasteria pro ipsis ab origine suâ fundata non sint; ad eò eorundem incapaces existant, vt seclusa extraordinaria, & vix vnquam occurrente causâ sine iuris naturalis ac iustitiæ, Germaniæque concordatorum &c. violatione, per Sedis Apostolicæ auctoritatem, assensiente etiam Cæsare, conferri non possint. Hæc autem assertio, ac doctrina iniuriam continet, & errorem Ecclesiasticæ praxi aduersantem; Cum plures causæ canonicæ esse soleant Monasteriorum transferendorum; & inter eas hæc quoque, si sacra Collegia, ipsaque Monasteria eorum Ordinū, in quibus professio cum stabilitate loci editur, per mortem omnium in ijs ius ac titulum habentium, extincta sint, eorumque bona vacantia. Hæc causa fuit, atque propositum iustam defensionem scribendi. Cæterum, quia ego auctor eius, nouis adinuentis falsationibus, calumnijs, & imposturis, cum in alijs non ita pridem editis libellis, tum vel maxime in Altro Illo extincto, impetor, & per me Societas tota (partim, quod ipsimet Scriptores, quæ malè docuisse arguor, ad vniuersam Societatem deriuant; partim quod Societatis Superiores scribendi, edent.



edendique mihi licentiam, & auctoritatem tribuerint) ideo eadem iam necessitas postulat, ut ea, quæ iniuste, ac calumniose obiecta sunt, refellam; atque detectis falsitatibus, & sophismatis, ac dolis veritatem aperiam, errorefque, qui cum multorum pernicio stabiliri possunt, tollam. Ut verò Lector quilibet, quàm hic assero, respondendi necessitatem mox clarissimè intelligat, Indiculum subijcio non quidè omnium, sed præcipuarum duntaxat calumniarum, & pseudologiarum, quæ in Societatis nostræ publicum detrimentum, aut infamiam cedere possent, nisi refutarentur.

*Indiculus calumniarum, & pseudologiarum, quæ in  
Astro Inextincto aduersus Iustæ defensionis  
Auctorem, & Societatem IESV  
adferuntur.*

**F**ol. 89. *Astri inextincti, dicitur; Me, Iustæ defensionis auctorem non semel disertè fateri, mandata ad Oratorem, &c. esse, fuisseque Cæsarea: scribere tamen non dubitasse, hæc mandata à iure aliena esse; aduersus Ecclesiæ traditionem, Romanæ Sedis consuetudinem tendere; quædam in ijs contineri contraria, falsa, scandalosa. Et paulò post eod. fol. Optimum & Sacratissimum Imperatorem iuris, & immunitatis Ecclesiasticæ violatorem arguit, ac talè, qui sibi contraria, falsa, scandalosa, & Ecclesiasticæ traditioni aduersantia mandauerit. Similia habentur fol. 188. n. 20. Astri inextincti, ubi adiçitur: Vnde est, quod iterum triumphum canant heretici, quando audiunt, ab Opponente (Paulò Laymann) suum Cæsarem pro iuris violatore proclamari. Grauißima hæc calumnia & impostura refellitur p. 1. loco 2. fallaciarum, post princ. & loco 5. §. Ad hoc dicitur.*

*Eod. fol. 89. Astri inext. habetur. Iustæ defens. Auctorem negare, à Generalibus Ordinibus & Abbatibus (pro Monasteriorum recuperatione) processus iudiciales institui posse. Et fol. 90. Vnde sequitur euidenter, ex dictis Laymanni, causas & processus iudiciales, à Generalibus Ordinibus pro restitutione suorum Monasteriorum institutos, nec posse, nec debere, adeoque nec potuisse, nec debuisse coram Cæsareo tribunali ventilari, &c. Fol. 198. in fine. Dicere intendit (Laymannus) S. C. Maiestatem, eiusque Aulam & Imperij Cameram, non secundum iustitiam, sed secundum quandam æquitatem processisse, eisque Ordinibus adiudicasse Monasteria, quibus de iure non debebantur: quin hoc ipso (supple non processisse secundum iustitiam) quod præsumperint in tali causa ferre sententiam, quæ ad suum tribunal, & officium minimè pertinebat. Hæc grauiß, nulloq; penitus fundamento, nisi fraudulentia Astrologi nixa calumnia, refutatur in p. 2. cens. 1.*

B 3

Fol. 8.



8. Fol. 91. in fine; *Auctorem* iusta defensionis docuisse Dum iuris quaestiones à Sacra Caesarea Maiestate tractantur & definiuntur, Sedi Apostolicae, & immunitati Ecclesiasticae multum derogari. *Impostura ista atque falsatio detegitur p. 1. loco 5. §. Hic autem.*
10. Fol. 94. Implorationem officii Caesarei, pro recuperatione Monasteriorum, Abbatibus & Regularibus Ordinum non concedi ab *Auctore* iusta defensionis. *Mendacium hoc refutatur p. 1. loco 1. in fine, p. 2. cens. 5. in fine.*
25. Fol. 99. traditur, vniuersim negari in iusta defensione, quod ius aliquod habeant, exempti & non exempti Religiosi, vbiuis terrarum, ad Monasteria eiusdem Ordinis, hucusque ab haereticis &c. detenta, recuperanda *Falsitatis arguitur p. 2. cens. 2. princ.*
39. n. 22. Fol. 109 vsq; ad 113. totus in eo versatur *Auctor* *Astri* Inextincti, vt ostendat, superesse adhuc aliquos. videl. Rom. Pontificem, Imperatorem, Episcopos, Patronos &c. qui pro Monasteriorum ab haereticis detentorum recuperatione agere possint: quasi id à me in iusta defensione negatum fuerit. Et fol. 114. n. 86 ita scribitur: Haeretici gloriabuntur, & triumphabunt, iamque securi bona detinebunt Ecclesiastica: Nam vbi nullus actor, ibi nullus reus, nec iudex, qui imploratus ex officio procedat; nulla sententia, adeoque nulla restitutio. Quod vnum iam diu optarunt, & quaesierunt haeretici. *Impostura ista refellitur p. 2. cens. 5. & cens. 8. sub finem.*
77. Fol. 131. n. 78. De Scholasticis Societatis nostrae, qui post expletum probationis biennium, tria substantialia Religionis vota ediderunt, refertur; Huiusmodi Nouitij, non sunt propriè membra Societatis. Et n. 79. Quod dicti Scholastici non sunt propriè membra Societatis. Hanc doctrinam (quae Societatis Iesu institutum conuellitur) Bullis & decretis Sedis Apostolicae aduersari, ostenditur p. 2. cens. 14. §. Enumerabo nunc.
- Eod. n. 79. dicitur, Si Collegium aliquod Societatis spoliatum sit, Scholaribus istis, qui tria substantialia Religionis vota ediderunt, non competere vllam actionem, aut ius reperendi, nisi generalissimum, quod quilibet è plebe habet in causis pijs ac ecclesiasticis. Hoc dictum de falsitate arguitur ead. p. 2. cens. 14. post. §. Enumerabo.
81. Fol. 131. n. 95. habetur. Opponentē (Laymann) contra Religiosos Ordines pugnando, & negando eisdem, aut Ecclesiae vniuersali, quod vulgò iure notum est, spoliatum ante omnia esse restituendum, nisi corporalis antecefferit violentia &c. denuò pro haereticis egregiè depugnasse, & Sacros canones, praesertim c. Redintegranda, adeoque causam vniuersali Ecclesiae pro recipiendis bonis ecclesiasticis, non leuiter vulnerasse. Et fol. 188. n. 10. Insertur ex doctrinā mea, quod Imperator arguitur de iniusto processu. Et Opponentem (Laymannum) egregiè haereticis parocinari. *Calumnia ista repelluntur p. 2. cens. 16. & cens. 32.*
- Fol. 129. n. 99. iuncto fol. 101. argum. 8. & fol. 178. n. 10. falsò imputatur mihi, sicuti & *Auctori* placida disceptationis (quam à Dilinganis Patribus Societatis scriptam esse mentiuntur *Aduersarij*) docuisse nos, Propter paucorum Monachorum lapsum ante annos 80. totum Ordinem à recipiendis hodie Monasterijs arceri, Item Per



Per Apostasiam quorundam Monachorum olim Ecclesiam vniuersalem spoliata fuisse; quasi ratione huius Ecclesie ius & actionem ad Monasteria ista desolata consequeretur. *Mendacium hoc reprehenditur p. 2. cens. 30.*

*Fol. 171. circa medium. contendit Auctor Astri inextincti, quod ijs, videl. Monachis* 158.  
(rationabiliter) inuitis facta per Sedem Apostolicam Monasteriorum ab Ordine alienatio, nec iusta est, nec valida. Et *fol. 173. ante medium, eodem proposito dicitur:* 161.  
Grauissimæ & inuitabiles, vt ita loquar, requiruntur causæ, si Pontifex alicui quæsitum ius, ac dominium rerum, absque propriâ culpâ, vel iri auferre, si Canonum Sacrorum auctoritatem suæ posthaberi iubeat, si denique, quæ iure gentium firmata, imò quæ in ipsâ naturali ac diuina lege fundata reperiuntur, lupprimere & extinguere aggrediatur. *Hæc dicta, quatenus ab Aduersarijs accom-*  
*modantur ad horum Monasteriorum, in alios pios vsus, dammandam applicationem, erroris argui passim in iusta defensione, & hic breuiter p. 2. cens. 28. & cens. 29.*

*Fol. 183. n. 5. Grauius perstringit (Laymannus) omnes Imperatores, quod ad a-* 177.  
*gendum iudicialiter admiserint Ordines. Item, Quia inuaserint (Imperatores) iura* Prælatorum Ecclesiæ. *Grauiissima hæc impostura refelluntur p. 1. loco 4. §. Superest*  
*iam, & p. 2. cens. 1.*

*Fol. 184. n. 7. Falsò imputatur Auctori iusta defensionis, quasi negauerit, Cæsarem ob-* 138.  
*ligatum esse ad omnium Ecclesiarum, adeoque etiam Monasteriorum iura defendenda.*  
Et subiungitur ibidem: Quid aliud sunt Ecclesiarum iura, quam Episcopatus, Abbatia, Canonice, beneficia, &c. Si hæc iura Imperator, vt Aduocatus generalis defendere non tenetur, quænam denique iura defensurus est? Iterum se, pro dolor, Imperatori opponit Aduersarius. *Refutatur p. 1. loco 5. §. Aliud huius fallacie.*

*Fol. 185. in princ. docuisse me ait in iusta defensione, Titulo gratitudinis, ab Eccle-* 180.  
*sia posse remitti Cæsareum homagium, ne videl. is teneatur esse fidelis. Aduo-*  
*catus antiquorum Ordinum Religiosorum, ne obligetur ex officio eis; & per*  
*eos restaurandæ Germaniæ benefacere, eos defendere ac tueri. Falsatio ista, &*  
*impostura refutatur p. 2. cens. 31.*

*Fol. 185. n. 9. significatur, Laymannum in iusta defensione, pactum simoniacum &* 181.  
*intrusionem Sacratissimo Imperatori, in causa cuiusdam Monasterij transferendi,*  
*affinxisse. Refellitur hæc calumnia p. 2. cens. 31. §. Adiungam.*

*Fol. 187. n. 13. dicitur tradidisse me in iusta defensione, Cæsarem ab antiquis Or-* 183.  
*dinibus imploratum vt Iudicem, vel Aduocatum, teneri sub graui obligatione,*  
*partibus implorantibus iustitiam non administrare, neque tutelam. Et n. 15.*  
*Imperatorē, si administret partibus implorantibus iustitiā, siue tutelā, peccare*  
*mortaliter. Eamq; reposita exaggerat Aduersarius n. 16. Grauiissimè impetitur Im-*  
*perator, cui nobilissimū officiū, adeoq; sceptrū iudicis, ausu temerario (quā-*  
*tū est ex voto scribētis) adimitur, & ex sanctis manibus excutitur. Similia habet*  
*fol. 218. n. 3. Docet Oppositor (Laymann) Cæsarem, in hoc casu nostro nō debere*  
*pro-*



procedere, ut Iudicem &c. adeoque aduentantibus ad ipsum Abbatibus &c. Religiosis pro restitutione Monasteriorum sibi de iure debitorum, oportere clementissimum vultum auertere, debere afflictis & implorantibus iuris remedia negare, & sub graui obligatione in conscientia, teneri illos iustissime supplicantes non attendere &c. *Refelluntur calumnia ista, atque impostura p. 1. loco 5. in fine, & p. 2. cens. 33.*

109. n. Fol. 191. princ. hac leguntur: Stultitiæ Cæsarem, cuiusque sacrum tribunal arguit Opponens, iusta defens. Auctor; Quod Monasteria adiudicat eis Ordinis personis, ad quas ante detentionem pertinebant: Quod Imperator ex officio sedens, acceptauerit narrata non vera, ac per sententiam declarauerit, supplicantes Abbates esse eas Ordinis personas, ad quas Monasteria pertinebant: Quod Imperator in re Ecclesiastica, ad se non pertinente, tulerit sententiam &c. *Refutantur ista p. 1. loco. 1. §. Tertium, & loco 3. §. Tertio & Quarto.*

215. Fol. 197. n. 52. & fol. 198. significat Astri inextincti Auctor, male me sensisse de Confi-

217. liarijs Imperatoris, & nominatum S. R. Imperij Principem & Episcopum Vien-

217. nensem grauius perstrinxisse, dicitur in rerum Indice. Quare cit. fol. 198. circa mediū ita loquitur: His nempe hominibus talis est causa, ut, nisi cum optimorum denigratione sit coniuncta, nulla putetur: Discordias inter suprema Reip. Christianæ Capita seminare, credunt esse patrocinarī veritati, quam saluam esse negant, quamdiu Principes isti inter se non colliduntur. Hoc est flammam in Europa fuscitare, & schismati iacere vicina fundamenta: hoc est classicum in Aulis Principum canere; hoc est Pontificem Opt. Maximum, & Imperatorem Augustissimum inter se committere, & (si Dijs placet) egregie defendere. *Insignis hæc calumnia rejiciuntur p. 1. loco 2. post princ.*

220. Fol. 200. post princ. ita scriptum: Vehementer dolendum, hunc Religiosum Patrem, zelum fuisse defectum iustitiæ Cæsaris dicasterio, & Edicto generali affingere; cum hæretici (quibus iterato, pro dolor, patrocinator) in propriā causā, plus quam Argi, nihil horum obijcere palam sint ausi. Et mox: Mallent, utique Sectarij nullum agnoscere Iudicem, quam S. C. Maiestatem: Nullum Aduocatū Ecclesiarum, quam adeo potentem: Mallent nullos Actores experiri, quam antiquos Ordines, si spem sibi in hac plusquam lubricā Opponentis (Laymanni) sententiā firmare liceret. *Refutata hæc sunt p. 2. cens. 1. §. Tertia fraus, & §. Quarta fraus.*

223. Fol. 102. ante medium, ita scribitur: Apparet, eum (Laymann) ultra, quam hominem Christianum & Catholicum, ne dicam Religiosum deceat, Sedis Apostolicæ declarationibus, S. C. Maiestati, eiusque decretis ac Tribunalibus sese opponere, res iudicatas in controuersiam ducere, &c. Ut causam habeat S. C. Maiestas Auctorem ad publicam reuocationem compellendi, aut illius editū tractatum prohibendi, confiscandi, & supprimendi, veluti S. R. Imperij Constitutionibus, & ipsimet Imperatorio supremo muneri ac Tribunalibus ad-

uer-



uerfantem, nociuum, scandalosum, & hæreticorum iniquæ causæ patrocinantem. Refutatur ead. p. 2. cens. 1. prope finem.

Fol. 219. n. 5. hoc dictum falsò imputatur Iusta defens. Auctori : Si Religiosi aliqui malè viuunt in Monasterio, esse Canonicam Monasterij, ad alium Ordinem transferendi causam, idque constare ex Ecclesiæ praxi. Refellitur p. 2. cens. 40.

Fol. 253. ante medium, tanquam mea verba & doctrina refertur, quòd coram Deo facile possit excusari, si in iure diuino stabilitæ foundationes, contra voluntatē Fundatorum, etiam in aliorum præiudicium, ad alios vsus conuertantur. Re. futatur p. 2. cens. 46. §. Altera.

Eod fol. 253 ex suppositiis, & dudum explosis, Monitis priuatis Societatis, allegantur, qua in Societatis nostra infamiam cedere possunt. Refutantur ead. p. 2. cens. 46. §. Quarta.

Fol. 258. prope finem, dicitur, Ordines antiquos prouocatos fuisse ad scribendum contra Patres Societatis; quia ante susceptæ defensionis (qui est libellus famosus in Iusta defens. à me refutatus) editionem, Annotationes, itemque Disceptatio solida & modesta prodierint. Hoc dictum de mendacio clarè cõuincitur p. 2. cens. 48.

Fol. autem 258. in medio : Ipsemet Opponens in disceptatione solida & modesta, mox sub initium prætationis, antiquorum Ordinum Religiosos Monasteria sua legitimè repetentes, Diabolo Cappellam secus templum ædificati comparauit, antequam suscepta defensio prodiret in lucem. Hoc mendacium refutatur ead. cens. 48.

Fol. 262. defenditur, quòd in allegato susceptæ defensionis libello scriptum est, quòd Societas pederentim à primo instituto deficiens, ad occasum vergit. Et, Obseruantiam regularem apud PP. Societatis obfuscarì : Ostendere hac conatur Auctor Astri inextincti partim ex R. P. Claudij Aquauina, Generalis Præpositi, ad Superiores Societatis scriptis industrijs; partim ex suppositio, ac dudum damnato libro Ioannæ Mariana. Refelluntur ista, p. 2. cens. 49. §. Paucula quedam.

Hæc sunt, non omnia, sed præcipua aduersus me, & Societatem nostram effusa mendacia, calumniæ, & imposturæ, quas mox ab initio exhibere volui, vt Lector clarè perspiciat, à responsione, ac refutatione Astri inextincti, abstinere nobis non licuisse; tum alias ob causas, tum vel maximè ob hanc, quia liber ille, eiusque cumulata imposturæ, eò potissimum spectant, vt aliorum Ordinū Religiosi aduersus minimam Societatem nostram, concitentur, atque armentur. Quos proinde, ostensis fallacijs, atque calumnijs Astrologi, exhibitaque in contrarium veritate, in pace, concordia, & beneuolentiâ erga Patres Societatis conseruare necesse est. Si enim verò silentio rem præteriremus, mox plures adessent, qui

C

palam



palàm obijcere, ac scribere auderent, Indicium id esse confessionis: Cùm enim alios libros, qui aduersùs eandē Societatem scripti sunt, refutare non intermiserint, quæ causa est, (dicerent illis) cur ab hoc Astro inextincto repellendo se cohibeāt, nisi quia veritatis radij eorum oculos nimis perstrinxerunt, vt contra intuitum figere, atque obiecta refellere non potuerint? Atque adeò falsitas, & error pro veritate, calumniæ atque iniustitia pro æquitate acceptarentur; cum publico multorum, etiam ipsorum, vt dixi, Religiosorum cuiusque Ordinis, detrimento.

Diuido autem scriptionē istā in duas partes: in priore capita quædam, seu locos enumerabo, è quibus potissimū fallacias suas deproptit Astrologus, siue Astri inextincti Auctor, eaque exemplis declarabo. In posteriore parte particularim, seruatō foliorum Ordine, recensentur, quæ in eo libro continētur, pseudologiæ, calumniæ, ac imposturæ, saltem potissimæ, atque ad nocendum, ac veritatē euerendam magis opportunæ. Et annotabo subinde folia ex Actione perduellionis, atque Anotomia, in quibus eadē obiecta, aut tractata reperiuntur; vt appareat, ex eadem fraudum officinā, communicatis quorundam consilijs, hæc omnia prouenisse.

Non possum autem non prius monere Lectorem; Astrologiæ Ecclesiasticæ Auctore, toto eo libro, vel maximè aduersùs Trid. Cōc. decretum sess. 4. de editione & vsu sacrorum librorum delinquere; Scripturā Sacram passim ad sensum suum detorquet; nullā prorsus habitā ratione interpretationis eius, quam sancta Mater Ecclesia tenet, & quam SS. Patres nos edocent. frequenter quoque verba, & sententias Sacræ Scripturæ ad profana conuertit, ad scurrilia, detractiones, infamationes. Insuper in lucem producit alium itidem infamantem, atque errores continentem, veluti is à Regulari aliquo scriptus fuerit, cuius tamē nomē nō exprimitur. Et idē Astrologus pro Auctore habendus est, donec illum prodiderit. Denique tã Astrologia, quàm adiectum ei Astrum inextinctum de examinatione & approbatione doctrinarum, quas in se continēt, nullum penitus testimonium, aut indicium præ se ferunt. Quæ omnia Triden. inæ Constitutioni, eiusmodi libros sub censuris & pœnis Canonicis prohibenti, prorsus aduersantur.

PARS.



## P A R S P R I M A.

*Completens Enumerationes Locorum, è quibus,  
tanquam promptuarijs, fallacias suas de-  
prompsit Astri inextincti  
Auctor.*

## L O C V S I.



RIMVS locus, ac veluti sedes deceptionis est, in qua egregiè laboravit Astrologus, ut statim quæstionis mutaret, ac peruerteret. Exempli plura occurrent in p. 2. Censuræ: Hic verò aliqua breuiter enumerabo.

29. n. 1. Fol. 102. in princ. Assertionem suā, seu quæstionis decisionem proposuit Aduersarius, quod *de iure communi omnia Monasteria* (Ordinis v. g. S. Benedicti, quorum Professi olim ab A Catholicis expulsi. dudum omnes mortui sunt) *necessariò debent restitui personis eiusdem qualitatis & Religionis, cuius erant olim demortua; & quod Religiosis Ordinibus hac de causa legitimè competit actio.* Sed mox eod. fol. 102. & pluribus seqq. aliò abducit quæstionem; quando operosè, plurimis adductis auctoritatibus, tanquam rem maximè pertinentem ad controuersiam statum, & ex qua omnis eius decisio pendeat, ostendere conatur,

quod omnibus è Monasterio, aliòue Ecclesiastico Collegio per mortem sublati personis, ordinatio Monasterij seu Sacri Collegij ad proximū Prælatum deuoluatur. Cum autem ego hoc nunquam negauerim, imò apertè affirmārim iustæ defensi. pag. 6. & 16. liquet inde, omnia ea, quæ fol. 102. usque ad 108. continentur, frustra, & tantum Lectoris perturbationi, ac quæstionis aliò deriuandæ causa, ab Astrologo disputata fuisse. Dicam de hac re iterum p. 2. cens. 3. & 4.

Alterum. Cum fol. 113. in fine, 45. n. 35. quæstionem controuersiam aperuisset, An mortuis omnibus de Conuentu, Monasterium titulos & iura Prælaturæ, Prioratus &c. eo ipso perdat; atque ipse in princ. fol. 114. negantem partem statuisset; ilico allegando Doctorum auctoritates quæstionis statum aliorum deriuat; atque per eas id copiosè ostendere conatur, quod à me nunquam negatum fuit. Loquuntur enim plerique DD. de iuribus



iuribus ac priuilegijs Monasterij, alteriusue Ecclesiae materialis, ea non extinguui, sed permanere, tanquam loco aut rei affixa, si totum Collegiū siue Congregatio soluta sit per mortem omnium; secus autem esse, si soluta sit siue extincta per Superioris sententiam. Quae receptissima doctrina à me nunquam negata fuit: imò priorem eius partem, quae sola ad propositum spectare potest, palam asserui pag. 6. 7. & 444. Iustae defensionis. Sed alia, & quidem praecipua quaestio erat de ipsius Collegij seu Congregationis spiritualibus Titulis, Praelatura, inquam, Prioratu &c. hos dixi, si Collegium morte omnium solutum fuerit, extinctos esse, atque exinde inferebam, neminem iam adesse, qui bona, iura, ac priuilegia Ecclesiae materiali, secundum benignam iuris dispositionem inhaerentia ac veluti affixa, per propriam dictam actionem, tanquam sibi debita, vindicare & repetere queat; ac proinde iura & bona ea vacantia esse, atque ad Superioris dispositionem deuoluta. De hac re iterum dicendum erit in p. 2. censi. 6. & seqq.

50. n. 48 Hic autem, ut vanitas Aduersarij appareat, transcribam verba eius ex fol. Astri inextincti 119. Syllogismum Laymanni Opponentis aggrediamur, qui talis est: Si iura aliqua, aut bona vacantia sint, nemo eorum dominium, aut ius ad ea pretendere, actionemque pro ijs instituire potest; sed dispositio de ijs ad illum pertinet, qui Reipubl. praest, l. 1. C. de bonis vacantibus, l. 1. ff. de iure fisci. Quid hic Opponens intelligat per nomen IVRA,

satis declarat passim (citaturq; pag. 7. & 247. & 444.) nempe iura Collegij, titulorum seu beneficiorum, Abbatiarum, Prioratum &c. Per bona verò Monasteriorum intelligit bona immobilia & prouentus eorundem. Postea respondendo multa dicit, quae digna non aestimo, ut adferantur: solum monere volui, malitiosè, & contra apertum verborum meorum sensum, per vocabulum IVRA, Aduersarium intelligere Spirituales Monasterij titulos: (cum ijs ipsis in locis, quos ex Iusta defensionis allegat, videl. pag. 7. & pag. 444. clarissimè significarim, per bona, census, aliaque iura vacantia, non spirituales titulos, sed iura, quae materiali Ecclesiae siue Monasterio adhaerentia sunt, intelligi debere. Pag. 7. Iustae defensionis. haec verba leguntur.

Si Ecclesia, Monasterium, vel Sacrum Collegium adhuc adsit, vel eius restaurandi spes aliqua sit, licet Praelatus, Conuentus, aut beneficiarj mortui; hoc in casu, bona immobilia, & census secundum benignam iuris fictionem, censentur pertinere ad locum, seu Monasterium & Ecclesiam materiale, cuius tituli extincti sunt; tanquam accessorium ad suum principale; ita quidem, ut si Monasterium, per legitimam Ecclesiasticam auctoritatem, cum Caesaris, tanquam Patroni, & noui Recuperatoris consensu, alijs assignetur & donetur, ij per consequentiam, ius ad bona, census, & quacunq; Monasterio sunt adhaerentia, acquirant; eaque à possessoribus ac detentoribus repetere possint.

Et pag. 11. Iust. defensionis. vnde verba supra posita ratiocinationis ab Astrologo.



Astrologo accepta sunt, rationem reddidi; cur bona & iura Ecclesiæ materialis vacantia sint, & ad eius qui Ecclesijs præest, dispositione deuoluta; quia omnes qui in corpore Collegij seu Congregatione spirituale ius ac titulum habuerunt, mortui sunt; id eoque Collegio actualiter extincto, nemo adest, qui ius prætere, actionemque instituere possit, ut infra dicitur p. 2. cens. 7. Pagitem 444. apertissime distinxit inter iura titularum spiritualia; & iura Ecclesiæ materialia; illaque dixi extincta esse; hæc autem vacantia. Locus integer reperitur ead. cens. 7.

47. n. Aliqui porro ex Doctoribus, quos allegauit Aduersarius cit. fol. 37. 38. 114. 115. loquuntur quidem de iuribus ipsius Collegij seu Corporis Congregationis; attamen non probant ipsius negatiuum, sed magis contrarium indicant; videl. si omnes e Collegio mortui sint, quod iura Collegij veluti dormiant, & in habitu manent; ac postea alijs institutis, resurgant, 49. prout Astrologus refert eod. fol. 115. circa medium. Hæc autem mihi non obstant, sicuti in ead. cens. 7. ostendam: Obstant verò Astrologo; Si enim iura Collegij morte omnium soluti, per Superioris auctoritatem resurgere debent, sequitur quod ea ceciderint, ac veluti mortua fuerint, seu extincta, uti ibid. latius declarabo, resque in eo consistit; Discrimen videl. esse inter hos duos casus, quorum vnus, si sacrum Collegium dissolutum sit, sine spe reparationis, ut si per Superioris sententiam extinctum; alter,

si dissolutum sit, cum spe reparationis, videl. si per mortem omnium Collegiatorum esse desierit, ita ut spes sit nouæ ordinationis. Nam in priore illo casu, tituli, ac iura spiritualia seu Collegiata omnimodè desisse, atque extincta censentur; in posteriore autem casu, quodammodo permanere, videl. habitu ac potentia. Ita enim ex doctrina Alexandri referunt Felinus in c. accedentes. n. 2. de præscript. Lælius Zechus de Republ. Christ. cap. 26. n. 2.

Tertium. Fol. 191. Astri inextincti, 189. n. perturbato quæstionis statu, atque verbis, & mente Auctoris iustæ defens. prout Astrologo libuit, explicatis, ita in illum inuectus est. Stultitia Casarem, eiusque Sacrum Tribunal arguit Opponens: I. Quod Monasteria adiudicavit eis Ordinis personis, ad quas ante detentionem pertinebant, cum tamen illa persona dudum omnes fuerint mortua, & non existentibus restitui non possint. II. Quod Imperator ex officio sedens, acceptauerit narrata non vera, ac per sententiam declarauerit supplicantes Abbates esse eas personas, ad quas Monasteria pertinebant, 9. Hierumaben &c. cum tamen, iuxta mentem Opponentis, Abbates isti nondum docuerint, se esse illas personas Ordinis, neque probare possint se Monasterijs spoliatos fuisse, consequenter nunquam ad ipsos pertinuisse. III. Quod Imperator in re Ecclesiastica ad se non pertinente, tulerit sententiam, adeoque etiam in Edicto generali iura Prælatorum Ecclesiæ inuaserit, decernendo qualibus personis iuxta foundationem Monasteria debeant restitui; iam autem ea qua fiunt à Iudice, si ad



si ad eius non spectant officium, viribus non subsistunt, reg. iuris. Qua ratione sententia est nulla: Et consequenter Edictum Casareū nullius est valoris: quia tamen omnia absque Lesione Sacrae Caesar. Maiestatis nemo asseruerit. IV. Mandata & literas à Cas. Maiestate datas, inquit, idem Oppositor, tendere tantum ad executionem faciendam, si ius & fundamentum restitutionis facienda liquidum sit (quasi verò Caesar non agnouerit esse liquidum sententiam toties ferendo categoricam pro Ordinibus?) Igitur Imperator immittendo alicubi antiquos Ordines, iterum fecit, quod sibi non licuit; nam aiunt, non licere Imperatori, aut eius Commissarijs, vllis Religiosis possessionem bonorum recuperatorum tradere, nisi ante traditionem vtiles illos iuxta foundationem, ac legitime vocatos & qualificados esse, sufficienter constiterit. Allegat autem Astrologus Iustæ defens. pag. 268. 368. 369. ex quibus hæc colligi possint.

Cæterum, si ij ipsi textus inspiciantur, clarè apparebit, à statu motæ controuersia, atque responsis meis alienissima esse, quæ calumniosè hîc imputantur. Nuspiam enim id in dubium vocatum fuit, num rectè egerit Cæsar, Monasteria recuperata per sententiam, aut executionis mandata eiusdem Ordinis Religiosis restituendo, vel adiudicando; sed quæ in locis allegatis dicta fuerunt, ita se habent Theologus secularis, in Iudicio suo proponebat pag. 268. 269. Non tantum iuxta sacros Canones, sed etiam iuxta ipsa Edicti verba. Non licere I. Imperatori, aut eius Commissarijs, vllis Religiosis possessionem bonorum recuperatorum tradere, nisi ante traditionem vtiles illos

iuxta foundationem, ac legitime vocatos & qualificados esse sufficienter constiterit. II. Non licere vllis Religiosis propria auctoritate vlla Monasteria, aut eorum bona occupare, aut occupata retinere. III. Non licere Imperatori, aut eius Commissarijs permittere, vt Religiosi vlla Monasteria, aut bona Ecclesiastica propria auctoritate inuadant, aut detineant. IV. Non licere Imperatori, aut eius Commissarijs Religiosos, qui Monasteria propria auctoritate inuasunt, vipote intrusos, in tali detentione defendere, sed oportere eos ad sua Monasteria, vel Ordinarios remittere. Hæc Theologi dicta ab Aduersariorum impugnatione defendere aggressus sum. Et quid obsecro, verius dici potest, quàm Religiosos ad recuperata Monasteria introduci non posse, nisi vtiles, legitime vocatos, & qualificados esse constiterit? Item Religiosos, nisi ius ac titulum sibi competentem exhibeant, intrusionis vitium incurrere, si vel propriâ auctoritate Monasteria occupent, vel per secularem potestatem, non præcedente Cannnica Episcopi, vel Romani Pontificis institutione, recipiant, prout dixi cit. pag. 269. Attamen sufficere etiam tacitum, siue rationabiliter præsumptum consensum, & approbationem, monui pag. 16. Iustæ defens. & clarissimè ea ipsa, quam contra me allegauit, pag. 369. Hæc à me dicuntur ex hypothesi, si Domini Abbates & Religiosi (de quibus controuersia mota fuit) Monasteria tanquam sua, & sibi debita vindicare velint, prout libelli Auctor passim significat. Sin autem rogare, aut petere, vt secundum aequitatis rationem, quia eiusdem Ordinis Religiosi



*Religiosi sint, tunc Romanus Pontifex vltro consentit, vt plura ipsis Monasteria assignentur; ideoq; nihil tunc agitur contra Sanctissimi D.N. voluntatem.*

Ecce, quod in hoc Iustæ defensionis, vt & alijs pluribus locis, Religiosis Ordinibus S. Benedicti, Canoniorum Regularium &c. petitio concedatur, seu imploratio supremi officij Cæsarei, propter æquitatem, in eo fundatam, quia eiusdem Ordinis Religiosi sint. Sin autem de iure suo adeo contendere velint, vt Monasteria tanquam sibi debita ex iustitiæ lege, per propriè dictam actionem, exigant &c. hoc in casu, dixi, Sac. Cæs. Maiestatem non ferre sententiam, neque executionem imperare, nisi ius perentium manifestum sit, vel per Ecclesiasticam potestatem decusum, pag 368. 369. Iustæ defens. Eadem porro, quæ hic ex Astro inextincto protuli, reperiuntur etiam in act. perduellionis; fol. 10. 11.

LOCVS II.

**A**lter locus, seu modus decipiendi nimis frequens est apud Astrologum, quod falsas doctrinas, tanquam à me traditas, referat; adiectis subinde pauculis Iustæ defens. verbis, ex quibus in speciem id colligi posse videatur. Exempla huius rei infra proferentur; hic autem vnum, aut alterum producam.

268. Fol. 190 circa medium ita scriptur Aduersarius: *Opponens passim fatetur expresse, mandata ea Cæsarea, qua in literis ad Principem Sabellum 25. Octobr.*

*An. 1629. datis emanarunt.* Falsum est, me vnquam id falsum esse in Iustæ defensione: Quotiescunque enim de hac re sermo incidit, aperte dixi, in ijs ad Principem Sabellum Oratorē Cæsareum datis literis, quædam inserta, aut mandata fuisse, contra scientiam, voluntatem, aut praxin. Sed quo modo ostendit Astrologus, talē à me confessionem emanasse? Allegat proœm. n. 9. & pag. 165. 166. 327. Iustæ defens. in quibus omnibus locis nullus apex seu litera reperitur, quæ vel in speciem Aduersario fauere possit, præter hæc verba, *Mandata Cæsarea*, quæ etiam diuerso caractere fol. suo 196. exprimi voluit; sed non sine additione, ac falsatione, quasi falsus fuerim, *Mandata ea esse Cæsarea*; Ego autem dixeram esse literas, aut mandata Cæsarea obreptitia, in quæ falsa quædam, contra mentem Cæsareæ Maiestatis, ab aliquo intrusa erant; &c. Quæso te; si quis dicat, hominem esse fictitium, fateturne esse hominem? Si quis dicat, literas quæ Titij nomine emanarunt, esse obreptitias, falsatas, fateturne esse literas aut mandata Titij?

Fol. 197. n. 52. ita loquitur Astrologus: *Hic sub finem præterire nequeo, quin addam, quid sentiat P. Laymann de Consiliarijs S. Cæs. Maiestatis; nam & hoc in Imperatorem redundat, qui, si bonus est, malos Consiliarios non tolerabit: sin verò tolerat, quomodo bonus erit, & innocens?* Et in margine hæc annotatio legitur, *Quid sentiat Opponens Laymann de Consiliarijs Imperatoris.* Et in Indice, *Antonius S. R. I. Princeps & Episcopus Viennensis.*



215.262 Viennensis ab Aduersarijs grauius perstringitur; atque inter hos etiam me numerat, vti manifestum fit ex folijs quæ allegantur 197. 222. ASTRÆ INEXTINCTÆ. Verum quid obsecro, ex tota Iusta defensione afferri potest, vnde vel indicium aliquod oriatur, eius Auctorem de Cæsar. Maieftatis Cōsiliarijs malè sensisse; aut nominatim perstrinxisse S. R. I. Principem & Episcopum Viennensem? Nihil penitus à Calumniatore affertur, nisi quod Romæ à quodam Theologo scriptū, cuius titulus, *Animaduersiones in causa bonorum Ecclesiasticorum & Monasteriorum extinctorum Germania*, oblatum fuerit, in quo Cæsareæ Maieftatis Consiliarij, & speciatim Illustriss. Dom. Episcopus Viennensis, Abbas Cremifanensis grauius perstringuntur. Sed quid hæc ad Laymannum? Quia, inquit cit. fol. 197. Theologum illum calidè defendit, plurimumq; commendat, asserens esse virum clarissimum, pag. 442. Clarissimum & rerum Germanicarum peritissimum Theologum, n. 37. procem. Quod etiam obiecit Melander in act. perduell. fol. 39.

Vt clarè appareat hominis impotura, referam quid à me scriptum fuerit. Eo n. 37. commendauim in utroque iure fundatam doctrinam Romanorum Iureconsultorum, qui cōtra rationes mandato ad Excellentiss. Oratorem Cæsareum insertas responderunt, Dominis Abbatibus, ac Monachis, seu Regularibus qui nunc viuunt, nullum eius actionemq; ad Monasteria ista, quippe quorum tituli, & bona Ecclesiastica vacan-

tia sint, competere; Ideoq; nihil ipsos pretereundere posse, aut impedire, quo minus Sanctissimus D. N. intentionem suam de quibusdam Canobys ad Collegia, Gymnasia, Clericorum Seminaria. Parochias applicandis exequatur. Quale consilium seu resolutionem obtulit etiam Clarissimus quidam, & rerum Germanicarum peritissimus Theologus, in quem libelli famosi Auctor calumniosè inuehitur in suo Epilogo.

Pag. autem Iustæ defenf. 442. 443. hæc habentur: Vir ille clarissimus, cum intellexisset, Sanctiss. D. N. ex paterna cura & amore Germania Ecclesias adiuuandi, intentionem suam declarasse, & ad Nuncium destinasse, de Monasterijs in sequestrum accipiendis, donec sua Sanctitas, ex Cæsaris assensu, disponderet; ita, vt Ordinibus restituerentur, aliqua tamen eorum ad Collegia, Gymnasia, Clericorum Seminaria, Parochias applicarentur; at verò huic iustissima & saluberrima intentioni, quam omnes Catholici approbaturi essent, non nisi paucos aliquos (Astrologus allegans hæc verba, veluti interpretando, per parenthesis malitiosè adijcit, nempe totum Consilium Cæsareum, quod idem egit in Act. perduell. fol. 40. remoram injicere videret proprij animi zelo, ac desiderio adiuuanda Germania, cuius statum ipse optimè cognitum habet, scripto aliquo breui, cuius titulus, *Animaduersiones, &c.* suggestit, vt Sanctitas sua in proposito permaneret, & ad exitum perducere non desisteret; quandoquidem etiam Cæsar. Maieftas, pro sua pietate & Ecclesiam adiuuandi deuotione, ad hoc ipsum (prout ex Sereniss. Neoburgici Principis ad Pontificem destinato Legato intellexisse refert) penitus inclinet.

Iudicet



Iudicet iam Lector, num ego aduersus amplissimos Cæsar. Maieſt. Conſiliarios quidquam peccarim, an verò Astrologus impolltor ſit. Non enim verò, quia clariffimum, & rerū Germanicarum peritiſſimum vocauit Theologum illum ( quod & verè dictum fuiſſe fatebūtur ij, qui virum illum nouerunt ) non, inquam, propterea approbaui omnia, quæ in illo ſcripto comprehenſa fuerunt. Quem admodum ſi Ariſtotelem, aut Ciceronem, tanquam viros clariffimos, & ſcientiarum peritiſſimos, quis laudet, non idè approbat omnia, quæ ab ipſis dicta aut ſcripta ſunt. Accipienda enim eſt ac moderàda laus ſecundùm ea, quæ in ijs laudari poſſunt ac ſolent; videl. quòd in Rhetoricis, politicis, ac philoſophicis ſcientijs excelluerint, quamuis & ij in quibusdam errarint.

215. n. 52 Aſt, inquit Aduerſarius fol. 197. Defendendo & approbando illas Animaduerſiones. ſe quoque earum participem facit. Et fol. ſeq. in medio: Et quid egit, aut deliquit Reuerendiſſ. noſter Dominus Antonius Abbas Cremiſanenſis, ob merita virtutum ſuarum, iam Illuſtriſſimus Princeps & Epiſcop. Vienneniſis, quòd eum inter ſua Maieſtatis Conſiliarios præcipuè denigratum Pater Opponens (Laymann) aſpiciat, nec defendat, ſed veluti præ cæteris reum, omniq; deſenſione indignum, ipſo ſcriptoris encomio fateatur? Hu nempe hominibus talis eſt cauſa, vt, niſi cum optimorum denigratione ſit coniuncta, nulla puteatur: diſcordias inter ſuprema Chriſtiana Reipubl. capita ſeminare, credunt eſſe patrocinari veritati: quam ſaluam eſſe negāt,

quandiu Principes iſti inter ſe non colliduntur. Hoc eſt flammas in Europa ſuſcitare, & ſchiſmati iacere vicina fundamenta: hoc eſt claſſicum in aula Principum canere: hoc eſt Pontificem Opt. Max. & Imperatorem Auguſtiſſimum inter ſe committere, & ( ſi Diſplacet ) egregiè defendere. Poterunt iſti vti malagmate, iam per Opponentem ſibi preparato num. 49. præm. Iulix deſenſi. & ſeqq. Neque enim aliter iudicare fas eſt, quàm has animaduerſiones famoſi libelli titulo dignas eſſe, quippe quæ verè & grauiffimè inſamantia continent, quaque Auctior & approbator Opponens vel probare, vel ( ſi iure res agatur ) pœnam editi, & palam approbati libelli famoſi ſubire meritò compellentur: præcipuè, quia ſummum Caſarū dicasterium, in re tanti momenti, non abſque ſua Maieſtatis iniuria, inſamare non ſunt reuerſi.

Equidem cū hanc grauiffimam inueſtigam legi, admiratus ſum huius hominis temeritatem: inter im verò me ipſum conſolatus, quòd vel ex hoc ipſo appareat innocentia, quando de eo vehementer accuſor, in quo manifeſtum eſt, nihil culpæ mihi adſcribi poſſe. Siquidem animaduerſiones illas vniuerſim nunquam defendi, aut approbaui: ſed Auctorem earum à calumnia defendi, quam ipſi Compiler ille, ſeu ſuſcepta deſenſionis Auctior obiecerat; videl. erraſſe eum Scriptorem Animaduerſionum, qui S. D. N. Suadere conatus eſt, vt bona Eccleſiaſtica in ſequeſtrum accipi mandaret, donec ſua Sanctitas de ijs diſponeret: Id dixi falſum eſſe, quando quidem conſtaret, Sanctiſſimum id antè declarafſe, quàm Conſulens ille de eare ſcri-

D

bendi



bendi cogitationem suscepisset. Hac mihi oblata occasione, respondi ea, quæ paulò ante ex pag. 442. Iustæ defens. recensui. Cur autem id mihi non liceret, ut inter refutandum famosum *Susceptæ defensionis* libellum, etiam de hac re veritatem aperirem, innocentem excusarem, atq; Lectorem ab errore liberarem? Præsertim cum facilè alicui in mentem venire potuisset, aliquè de Societate Patrem fuisse, qui tale Sanctissimo consilium suggessisse in simulatur, quo in errore confirmatus etiam esset Lector, si rem obiectam tacitus præterissem. Dixi itaque, non fuisse Religiosum ex Societate nostra, esse virum clarissimum, ac rerum Germaniæ peritissimum, quippe qui Germaniam cum inferiorem, tunc superiorem peragraret, & quisnam Ecclesiarum nostrarum status esset, oculis & propria experientia cognoverat, & ideo ad dandum de bonorum Ecclesiasticorum applicatione consilium, seu potius id quod iam conceptum erat, stabiliendum, non iphabilis videri poterat.

Quòd verò in eodem Scripto Theologus ille, amplissimos Cæsar. Maiestatis Consiliarios perstrinxerit, equidem à me referri, atque refutari necesse non fuit. I. Quia de hac re dicendi nulla mihi ansa dabatur, cum Aduersarius ille, cuius libellum ex instituto refutavi, nihil penitus obiecerit. II. Falsum est, ab aliquo illati conuicij aut calumniæ alterum participem fieri, & approbatorem, præterquam si mandet, aut suadeat inferri, aut suo nomine illatam, postea ratam

habeat; vel denique, si cum posset ac deberet impedire, intermittat: Mihi autem nihil horum imputari potest. III. Longè prudentius me egisse non dubito, de eâ Domini. Consiliariorum suggillatione tacendo, quam si eam, cuius nulla vnquam mentio facta, in lucem publicam produxissem. Quis enim virorum clarorum non malit, quæ contra ipsum voce vel calamo obiecta sunt verborum iacula, præteriri ac cõtènni, quàm ut à quolibet, nullo accepto mandato, scripto publico repellantur, & magis in notitiam deducantur? Præsertim, si ipsi, contra quos iacula tendunt, rei non ignari, longè melius se defendere nòrint. Idque consilium, tanquã prudens, priùs secutus fuit Compilator ille, quando in *susceptæ defensione*, Animaduersionum mentionem quidem fecit, sed suggillationis illius nullam. Et in astro inextincto prudenter egit Astrologus, quòd ea, quæ sigillatim, seu, ut ipse loquitur, *præcipuè* obiecta fuerunt, non recensuerit, & (si retorquere argumentum liceat) eum (quæ & Dominum suum agnoscit) indefensum reliquerit. Malunt enim viri clari, sicuti suprà dixi, tanquam inania, & parùm lædencia verborum iacula cõtènni, quàm repellendo animorum turbationes excitari.

Denique istud prorsus non capio, quod tum Auctor, tum approbator Laymannus, si res iure agatur, penam edicti & palam approbati libelli famosi subire meritis compellantur. Ergo enim libellum, seu scriptum illud nec edidi, nec approbavi; sed cum aliqua ex eo, quæ

adi



ad nullius infamiam pertinebant, non rectè recensita fuissent, quo modo res comparata esset, sine cuiusquam iniuriâ exposui, verbis suprà allegatis. Contra se ipsum autè vim argumenti retorqueat Astrologus, qui ea ipsa verba scripti & Romæ oblatis libelli, quæ ad maximam iniuriam spectare fatetur, in publicam notitiam proferre non est veritus, fol. suo 198. Designatque alijs iuris pœnam minari, quâ ipsemet, frequentes calumnias & criminationes inferendo, meretur. Legat contra se l. Lex Cornelia. §. §. In lege Cornelia, ff. de iniurijs & famos. libellis, l. 1. Cod. de famosis libellis. Et l. ult. Cod. de accusat. vbi ita Honorius & Theodosius Imp. decernunt: *Quisquis ille est, qui crimen intendit, in iudicium veniat &c. nec impunitam fore nouerit mentiendi licentiam, cùm calumniantes ad vindictam postulet similitudo supplicij.* Neque aliud hic adijcio, nisi quod eadem, quam hic repuli, impositura, etiam in act. perduellionis reperitur fol. 39. Videri potest Antimel. fol. 161.

## LOCVS III.

**T**ertia fallacia ab Aduersario tam in actione perduellionis, quàm in Astro inextincto sapissimè usurpata est, quod verba & sententias ex Iusta defensione non eo sensu referat, quo dictæ sunt, sed sicuti ad suum decipiendi Scopum inferuire possunt: Eamque ob causam, quædam subinde verba omittit, & alia adijcit, præsertim particulas causales, & ad-

uersatiuas, quibus ea, quæ in diuersis locis, alio atque alio proposito dictæ fuerunt, inter se, fallendi causa, connectuntur. De hac ipsa re dixi in Proœmio I. & exemplum postea adferam p. 2. cens. 1.

Hic autem præterire non possum insignem in hoc genere falsatione fol. 91. altri inextincti, vbi ita scribit: *An Monasteria, inquit Opponens (Iusta defensionis Auct. n. 24. Proœm. 1.) & bona eorum Ecclesiastica de iure pertineant ad antiquorum Ordinem, quibus olim dicata erant, Religiosos, esse iuris questionem ecclesiasticam, seu ad forum ecclesiasticum pertinentem: qua iuris questiones ait ibidè, dum à Sacra Cæs. Maiestate tractantur & definiuntur, Sedi Apostolica & immunitati Ecclesiastica multum derogatur.* Postea verò explicando infert: *Vult ergo dicere, per Edictum generale Cæsareum, quo decernitur, omnium bonorum restitutio de iure faciendâ personis iuxta fundationem idoneis, adeoque eorum Ordinum Religiosis, quibus olim dicata, & fundata erant Cœnobiaz, Sedi Apostolica & immunitati Ecclesiastica multum derogari, eod quod causa ista suapte natura Ecclesiastica sit, neque pertinens ad politica negotia.*

Hæc merissima impostura, atque falsatio est: Quia neque verba, quæ mihi tribuuntur, dixi in Iusta defensione, neque cum ea cōnexionem, multò minùs eo proposito, videl. oppugnandi Cæsareum Edictum. Siquidè de hoc nullus mihi sermo fuit, sed de epist. Cæsarea ad Oratorem, quàm. 2. Proœm. propter intrusas rationes, tanquam falsam & obreptitiâ, dānaui. Atque vt clarè intelligeretur, cur eam improbarim (quia



plures in se articulos cōtinebat) subiunxi num. 23. 24. Non ed tendunt, iam recensita, quod Cæsarea Maiestatis iura atque regalia pretenduntur, quæ per eiusmodi translationes Monasteriorum impediri possunt. Id enim causa cognitionem postularet, cum iusta esse possit pretensio. Neque ed tendunt, quod eiusmodi dispositiones & applicationes absque Scientiâ & consensu Cæsaris, his in casibus (per Sedem Apostolicam) non fieri, æquum sit: Propterea quod Cæsarea Maiestas, propter Labores, curas, sumptus bellicos, quibus Monasteria & bona Ecclesiastica recuperavit, veluti novus Fundator, Dotator, aut Benefactor agnoscere debeat. Quæ est prioris Theologi consideratio, magnam aequitatem præseferens. Sed ed tendunt quæ supra (n. 22.) recensui, ut iuris quæstio, eaque Ecclesiastica, seu ad forum Ecclesiasticum, maximè ad Sedis Apostolicæ examen pertinens examinetur, & planè definiatur; Videl. Monasteriorum titulos extinctos non esse, nec bona eorum Ecclesiastica vacantia, sed de iure pertinere ad antiquorum Ordinum, quibus olim dicata erant, Religiosos; Cæsarem obligatum esse, ut hæc, & non alijs restituat, proinde, propter conscientiam non passurum, ut aliud per Sedem Apostolicam applicentur. Id enim vix ac difficulter coram Deo excusari posse, cum defunctorum ultima voluntates inviolabiliter servari debeant. Hæc autem & per se falsa sunt, atque, dum iuris quæstiones, quæ suoapte obiecto, Ecclesiastica atque spirituales sunt, (quippe de spiritualibus titulis & unionibus) tractantur & definiuntur, Sedi Apostolica & immunitati Ecclesiastica multum derogatur.

Itæ est locus integer verborum,

quem Astrologus omittendo, addendo, malè connectendo, turpiter falsavit. Aduertat autem hic prudens Lector primò; Quomodo Aduersarius à tramite, & statu quæstionis, & quidem in hac materia principali, declinet, illamque aliorum per vim deriuare conetur. Hæc enim eo in loco Procemij, & toto penè libro iustæ defensionis, tractata est quæstio; Num rectè in epist. ad Oratorem, & Episcopos imperij Principes, dictum, ac decisum fuerit, Monasteria ab hæreticis recuperata, de iure pertinere ad eiusdem Ordinis Religiosos. Hanc decisionem, dixi in epistolis illis obrepitiè, & perperam fuisse positam, etià idcirco, quia iuris Ecclesiastici sit, & ad Sedis Apostolicæ examen pertinens. At verò Astrologus rem aliò deducit, videl. ad Edictum Cæsareum, quasi ego fassus fuerim, Cæsarem in eo Edicto decreuisse, ut Monasteria quæq; eorundem Ordinum Religiosis, tanquam de iure debita, restituerentur.

Secundò, Malitiosè peruertit sententiam Auctoris iustæ defensionis, in Procem. num. 24. adijciendo verba ista, à *Sacra Cæsar. Maiestate*. Quasi eo in loco pijsimum Imperatorem nostrum, ut Ecclesiasticæ immunitatis violatorem perstrinxerim. Cum tamen in eo ipso Procemio nihil fermè aliud egerim, quàm ut Cæsaream Maiestatem à tali, quæ ex Supposititijs eius epistolis in hominum animis nasci potuisset, opinione liberarem.

Tertiò aduertat Lector, maximo-perè laborare Aduersarium, ut Lectori



tori persuadeat, in generali Edicto Cæsareo definitum fuisse, vt Monasteria suis quæque Ordinibus, tanquam de iure debita, restituerentur. Cum autem textum Edicti, suæ causæ fauentem allegare non possit, nisi in terminis generalibus, & non conuincentibus, videl. decreuisse Cæsarem, Monasteria & Sacra Collegia ab iniquis detentoribus repetere, atque curare, vt de ijs, personis vtilibus, iuxta foundationem legitimè vocatis, & qualificatis prouideatur: At verò, quòd soli ij Religiosi, qui eiusdem Ordinis sunt, personæ vtilis, iuxta foundationem legitimè vocatæ & qualificatæ ad recuperata Monasteria cēferi debeant, siue quòd alij Religiosi aut Clerici, vtilis & qualificati per legitimam vocationem fieri non possint, id in Cæsaris Edicto non reperiatur: Idcirco Astrologus alia suæ causæ fulcra quærit. Significat itaque, iuste defens. Auctorem non diffiteri, in Cæsareo Edicto contineri, quòd Monasteria eiusdē Ordinis personis de iure debeantur, sed eam definitionem factam esse circa iuris ecclesiastici questionem, adeoque extra secularis potestatis limites, cit. fol. 9r. Et in Act. perduell. fol. 11. expressius quoque fol. 191. astri inextincti: *Scultitia Cæsarem arguit Opponens Laymann. quòd in Edicto generali iura Prælatorum Ecclesiæ inuaserit, decernendo qualibus Personis iuxta foundationem Monasteria debeant restitui. Locum integrum suprà reperiēt Lector in loco primo fallaciarum.*

Quartò aduertenda est hæc calli-

ditas: quòd eam, quam ex generalibus Edicti terminis malè collegit decisionem Cæsaream, alijs ipse in locis, tanquam indubitata, & expressam Lectori obtrudit, fol. 188. num. 18. *Sacra Cæsar. Maestas per Edictum generale restitutionem prioribus Dominis & Ordinibus faciendam, nullum Monasterium excepisse legitur. Et fol. 191. nu. 40. Subreptitia erunt Laymanno tum alia rescripta Cæsarea &c. tum vel maximè ipsum generale restitutionis Edictum, quo restitutio ipsis Ordinibus facienda expresse statuitur, vt inquit Imperator in epist. ad Principem Sauellum 25. Octob. 1629. Vbi noua fraus later. Nam verba illa restitutio ipsis Ordinibus facienda typo mutato excudi curauit, vt Lector existimare posset, ita esse expresse statutum in Edicto: Tunc enim causam obtinuisset, nisi Aduersarius eius, seu Opponens Laymannus, dicere vellet, Cæsarem ita statuendo potestatis suæ limites excessisse. Sed & de manifesta Cæsarei Edicti falsatione argui possit, idcirco lubricè & ambigüe ponit Verba, vt saltem per adiectionem sequentium, (Vt inquit Imperator &c.) à falsi crimine se extricare queat.*

Si ars mentiendi, ac multimodè fallendi, falsandi approbata esset, maximus protecto ad Astrologum istū discipulorum concurus esset; cum appareat, egregiè in eo genere instructum & exercitatum esse Magistrum.

Similem captionem fol. 183. obijcit, circa medium: *Generale Restitutionis Edictum præcipit, Monasteria quaque suis Ordinibus restitui, vti ostensum est in*

D 3

rescri-

184.

196.

177.



*rescriptis.* Ecce, quomodo iterum falsam suam propositionem, postrema verborum adiectione moderatur.

Quod porro attinet ad *rescripta* ea, seu epistolas Cæsareas, ita dicendum est: I. Posito etiam, (quod tamen verum non est) Cæsaris mentem fuisse per *rescripta* decidere, Monasteria eiusdem Ordinis Religiosis, tanquam de iure debita, restitui oportere, nihilominus falso dixisset Astrologus, hanc decisionem contineri in Edicto. Præterquam quod Edicti longè maior auctoritas sit, quam *rescriptorum*: Cum publicam & recognitionem contestationem habeat, non item quæ in Aduersariorum libellis referuntur *rescripta*. II. Distingui debet inter Cæsarea *rescripta* seu epistolas, in quibus Monasteriorum restitutio eiusdem Ordinis Religiosis designatur. Aut enim significant, secundum ius naturale, canonicum, Germanicæ Concordatæ, Cæsareum Edictum &c. ita fieri necesse esse, atque idcirco applicationi ad alios vsus pios locum esse non posse, talia *rescripta*, qualia erant illa ad Oratorem, & quosdam Episcopos, non verè Cæsarea sunt, sed contra Cæsaris mentem ac voluntatem, prodierunt: Vel significant, intentionem Cæsareæ Maiestatis ad id inclinatam, ut Monasteria suis quæque Ordinibus, quorum Religiosi olim spoliati fuerunt, restituantur, neque eam permissuram, ut translationes ad alios pios vsus absque suo consensu fiant: talia *rescripta* Cæsarea obreptionis nunquam insimulauit: Idque propter quandam æquita-

tem in Iusta defensione non vno tantum in loco explicatam, partim intuitu Augustissimi Imperatoris, noui Recuperatoris & supremi Ecclesiarum Aduocati, partim intuitu ipsorum Ordinum, quorum haud dubiè in applicatione ista potior habenda ratio est. Quamobrem hæc semper non tantum Sacræ Cæs. Maiestatis, sed etiam Sanctissimi Domini nostri intentio fuit, ut pleraque Monasteria Ordinibus ijs, quorum Religiosi olim expulsi aut spoliati fuerunt, restituantur, prout hæc à me explicata sunt Iustæ defensione. Pag. 442.

Itaque status totius controuersie inter me & Aduersarium in hoc puncto residet, quem ipsemet breuibus verbis expresse, fol. 188. n. 18. astri inextincti, ubi ex Iusta defensione. Proccm. n. 25. retulit: *Incumbere necessitatem defendendi Imperatorem, ne vinculum & obligatio Cæs. Maiestati frustra iniiciatur, quasi omnia, & quidem tanquam de iure debita, Monasteria antiquis Ordinibus restituere debeat.* Postea huic asserto antithesin suam opponit: *Nos supra demonstrauimus, omnia de iure deberi.*

Vnus solus eximendus est scrupulus, quem iniicit Astrologus fol. 181. 173. nu. 1. In Iusta defensione. pag. 28. dictum fuisse, ne quidem in alijs ante mensis Octobrem anni 1629. editis decretis ostendi posse, quod Monasteria ijs ipsis Ordinibus, pro quibus fundata, restituenda sint: Id verò falsum esse, pluribus allegatis *rescriptis*, seu epistolis in Ordinum fauorem datis, ostendit ibi Astrologus, & iterum fol. 290. 291. Facile respondeo: Con- 410. 411  
fide-



considerandum esse, cur, seu quâ occasione annotatio illa pag. 28. posita fuerit, videl. quâ in susceptâ defens. libello hæc verba legebantur, pag. 27. Iustæ defens. Temerariè duo Theologi inuadunt, & retortis, vt putant, rationibus, quibus Sacra Maiestas permota, Oratoris sui operâ & industriâ cauere voluit, ne qua in antiquis foundationibus mutatio fieret, sed conformiter Edicto generali restitutionis, caterisque Maiestatis decretis & rescriptis, cœnobis suis quaque Ordinibus, quibus fundata sunt, & non alijs restituerentur, concludunt, &c. Ad hoc respondit. loco; In Edicto Cæsareo nuspiam reperitur. Monasteria ipsi Ordinibus, pro quibus fundata sunt, restituenda esse. Et addidi: Sed neque in alijs ante mensem Octob. Anni præced. 1629. (quo videl. tempore epistola ad Oratorem Cæsareum missa est) tale quippiâ ostendi potest; Suppleri autem debet, quale in sua propositione attulit libelli illius Auctor: Ne qua in antiquis foundationibus mutatio fiat: Cœnobis suis quaque Ordinibus, pro quibus fundata sunt, & non alijs restituantur. Tale quid, in quibam ibi, eoque sensu, quo refertur, quasi si alia applicatio aut translatio fiat, sacris foundationibus contrarium id foret, ante eum mensem Octobrem, ex Cæsaris Curia non emanasse. Addo verò hic, si ponamus, tale quid emanasse, (quia in ijs quæ facti sunt, ignorantia facile accidit, c. 1. de Constit. in 6.) necessariò confitendum, obreptitium fuisse, atque contra Cæsaris mentem, voluntatem, ac praxim, à Concipiente intrusum, sicuti de epistolis ad Oratorem & Episcopos dictum fuit.

Non absimile priori falsationis specimen legi potest fol. 189. atri in. 185. extincti: Affirmat Opponens Iustæ defens. Procem. 30. 31. in epistolas ad Excellentissimum & Illustrissimum Oratorem Cæsareum, & quosdā Dominos Episcopos datas, irrepisse, ne Monasteria Episcoporum mensis vniantur, aut in Commendam dentur. Nam coram Deo vix ac difficulter excusari posset, si in iure diuino stabilita dispositiones, contra fundatorum voluntatem immutarentur, scandala quoque & inconuenientia certò euentura essent, si eiusmodi incorporationes, pensiones, commenda impetrarentur, adeoque ab eis prorsus abstinendum esse. Hæc, inquit, quæ & in literis ad Dominos Episcopos datis, præter & contra Cæsar. Maiestatis scientiam ac voluntatem inserta, cum veritati, Sacris Canonibus, Ecclesiasticæ immunitati repugnent, necesse est refellere.

Hæc omnia verba, tanquam formalia & expressa essent in Iustæ defens. Procemio, diuerso ab alijs typis scripsit Astrologus, præter copulam eausalem Nam, quam ipse ideò adiecit, vt prætermisissimis verbis meis intermedijs, quibus fraus eius patefceret, & veritas appareret, coniunctio verborum nihilominus permaneret.

Locus integer cit. nu. 30. 31. est iste: In rationibus id specificè improbat, si Monasteria Episcoporum mensis vniantur, aut in commendam dentur: Quæ ipsa improbatio & prohibitio postea in epistolas ad Excellentissimum & Illustrissimum Oratorem Cæsareum, & quosdam Dominos Episcopos datas irrepit: Si in rationibus aut mandatis inhibitorium tantum fuisset, ne pensiones, aut commenda in his, ab



Acatholicis recuperandis, Monasterijs peterentur aut impetrarentur, absque Caesaris scientia & consensu, propterea quod sua Caesarea Maiestati in isto casu conveniret attendere, ac prospicere, ut suis curis, laboribus, sumptibus maximis recuperata bona Ecclesiastica non superuacane, sed pro Ecclesiarum utilitatibus, prout maior Dei gloria postulat, applicarentur, nullam earum rationes censuram meruissent, prout infra dicam in refutat. c. 4. mem. 21. fol. 260. Sed quod coram Deo vix ac difficulter excusari possit &c. sicuti supra relatum.

Elucet iam fraus & impostura Astrologi. Inprimis verba mea, quibus obreptionem argui, non affert integre, sed corrupte, atque ex sensu composito efficit diuissum (qui decipiendi modus ipsi, ut postea dicam loco 5. familiarissimus est) quasi ego absolute dicere voluerim, prohibitionem eam, ne Romae Monasteria Episcoporum mens vniantur &c. in mandata Caesarea, praeter aut contra Caesaris scientiam ac voluntatem, irrepisse. Quod tamen ego non dixi, neque talem prohibitionem, si absolute & praecise facta fuisset, reprehendi, sed expressis verbis ab omni reprehensione liberaui, Si in rationibus, aut mandatis inhibitorium TANTVM fuisset &c. Quid igitur reprehendi, tanquam contra Caesaris mandatum, ab aliquo male intrusum? Quod non TANTVM, aut simpliciter inhibitorium fuerit, sed etiam improbatum, si tales incorporationes per Sedis Apostolicae auctoritatem fierent, ex ratione nimis multum se extendente, Apostolicam auctoritatem imminu-

ente, ipsius quoque Caesaris Maiestatis consuetudini aduersante, Quod coram Deo vix ac difficulter excusari possit &c. Videri possunt quae dicam infr. p. 2. c. 46.

Adijciam alia eiusce fraudis specimina ex fol. 153. paulo ante finem, ubi eodem coherente contextu, tanquam aliena verba, videl. Oppositoris sui (Laymanni) sint, peculiari caractere, ista afferuntur: Cum à paucis retro annis, numerus Religiosorum Societatis in Germania, per Dei gratiam multum auguisset, & indies augeatur, consequens est, ut prouentus quoque pro sustentatione necessarij augeantur: Qui cum aliunde horum ac temporum statu haberi non possint, Caesarem in conscientia sub graui obligatione teneri, ut ex recuperatis bonis Ecclesiasticis & Monasterijs tam virorum, quam foeminarum, Academijs, Scholis, & Collegijs quam plurima Societatis, in quibusuis Germania partibus instituat, fundet, ac dotet.

Profecto discursus iste talis est, ut Lectorem quemlibet ad indignationem aduersus Patres Societatis armare possit, quod ad id Monasteriorum, & quidem quam plurimorum appetentes sint, ut ex futile quadam ratione, Sacram Caesaris Maiestatem ad ea ipsis tradenda graui conscientiae obligatione astrictam dicere audeam. Verum, si textus illi, ex quibus verba allegata desumpsit, & more suo fraudulenter copulauit Astrologus, inspiciantur, indignatio omnis atque reprehensio in ipsum fraudis architectum recidet. Siquidem pars prior eius ratiocinationis ab ipso conficta, sumpta est ex Iusta defensione p. 131.

pars



pars autem posterior *Qui cum aliunde* &c. ex Theologi secularis Iudicio, allegato Iustæ defens. pag. 29. Quanta itaque hæc peruersitas est, quæ à diuersis personis, diuerso tempore, ac proposito scripta sunt, in eandem coherentem sententiam, adiectis malitiosè particulis causalibus, *Qui cum aliunde* &c. eodem contextu, ad calumniam inferendam copulare?

Neque contentus eâ fraude fuit Aduersarius; sed immediatè post verba illa, eod. fol. 153. subiicit: *Hæc quippe cum conditione Patres Societatis Iesu desiderant bona Monasteriorum* (ait iterum Opponens) non propter se, sed ut sint in sustentationem plurium, ad fidei Catholica propagationem incumbendum sed non Monachorum &c. Nam si Rom. Pontificis atque Cæsaris consilium, uti sperare licet, de bonis quibusdā Ecclesiasticis ad Seminaria Clericorum, Scholas & Gymnasia applicandū, successum habiturum sit, dubitari non potest, Patrum Societatis operam adhibitū iri: quia institutum Societatis ad hoc peculiariter tendit, ut Collegia instituantur &c. Non enim satū prospectum erit Ecclesiæ, nisi adsint præter Monachos aliq̃, qui ex instituto suo & propria vocatione fidem Catholicam propagent, & augeant. Scio equidem Monachorum institutum non repugnare, & claustrī leges ac chori assiduitatem per publica Ecclesiæ, aut etiam domestica Conuentui præstita officia, abundè compensari, & in melius commutari; attamen pleriq̃, adeoq̃ communiter loquendo, Monachis utilius esse, non tantum singulis, sed etiam toti Congregationi, si in claustris permaneant.

Hæc omnia verba vno contextu

attulit Astrologus: & quidem mutato caractere, ijs solis exceptis, sed non Monachorum, quæ tamen & per adiectionem signi &c. significare voluit, etiam ex Iusta defens. descripta esse.

Quis autem non indignetur, si tam absone, pro Societate arroganter, contra Monachos inuidiosè scripsisse legat Paul. Laymann? Sin autem aperto Iustæ defens. libro, verba eius omnia inspiciantur, longè alia facies apparebit, atque imposturæ astrologicæ apparebunt. Primò deprauatur sententia, sumpta ex pag. Iustæ defens. 392. Obiecerat ibi Columniator, manuscripti libelli Auctor; Non agere ferant PP. Societatis Iesu, sese à Capuccinis, Discalceatis, atque à plerisque Ordinibus in hoc superari, quod aliena beneficia, & bona Ecclesiastica non appetant, & appetentes execrentur. Ad hæc ita respondendo: Dico, Patres Societatis aliena bona non appetere, cum bona & Monasteria, de quibus sermo, vacantia sint, & in nullius hominis iure, atque dominio. Sed neque ea (vacantia bona) ipsi appetunt, nisi summorum Capitem nutu & auctoritate ipsis offerantur: hæc cum conditione Patres Societatis desiderant bona Monasteriorum non propter se, sed ut sint in sustentationem plurium ad Fidei Catholica propagationem in Germania incumbendum. Totus iste contextus, uti arbitror, reprehensionem nullam meretur, Cur enim Patribus Societatis vitio vertatur, si vacantium Monasteriorū bona, summorum Capitem nutu & auctoritate, ipsis offerantur, quod ea acceptent, desiderantque ad Fidei Catholicæ in Germania propagationem?

E

nem?



nem? Eandem hanc imposturam reperire est in act. perduell. fol. 26.

Secundo apparet fallacia, & quidem insignis in adfectione particularum causalium, Nam, si Rom. Pontifici; Et iterum, Quia institutum Societatis; Præterea, Scio enim Monachorum, &c. Sunt enim illa ex diuersissimis capitibus, & membris iustæ defensionis accepta, videl. pag. 80. 82. & 502. quæ utique nec inter se, nec eum verbis dictæ pag. 392 connexionem aliquam habuerunt; & tamen fallacius iste ausus est in vnum contextum omnia constituere, adiectis oculis, Nam, Quia, enim.

Tertio, si textus pag. 225. & 502. integrè legantur, videbit Lector, nullam Aduersario causam fuisse iustæ defensionis. Auctorem, ut postea dicam, tanquam mutæ charitatis osorem perstringendi. Ita locutus sum eam pag. 225. Si Auctor libelli dicat, etiam inter Monachos reperiri posse viros spiritu Apostolico praditos, qui in animarum salutem impigrè incumbunt, magnumque in Ecclesia fructum asserunt. Id non nego; aio tamen, cum institutum eorum ad hoc non tendat, & ob id eorum Monasteria plerumque extra vrbes posita sint (prout Gl. annotauit in c. luminoso c. causa 18. q. 2.) non satis prospectum fore Ecclesijs, nisi adsint alij, qui ex instituto suo & propria vocatione, ab ipsa Sede Apostolica ad hoc deputati sunt, ut in omnibus prouincijs Fidem Catholicam propagent, & augeant, hæreses & errores, prauosque Fidelium mores corrigant. Pag. verò 502. hæc disserui: Fateor, propter necessitatem Ecclesiarum, rectè & laudabiliter etiam Monachos quandoque ex Monasterijs euocatos fuisse,

& hodie quoque euocari, atque ad proximorum procurandam salutem, gentiumque conuersionem ab Ecclesiarum Prelatis destinari: Scio enim Monachorum institutum non repugnare, & claustrum leges ac chori assiduitatem per publica Ecclesia, aut etiam domestica Conuentui præstita officiis abundè compensari, & in melius committari, actamen plerisque, adeoque communiter loquendo, Monachis utilius esse non tantum singulis, sed etiam toti Congregationi, si in claustris maneat, quam si extra claustra, ideoque absque obedientia Prelati dia versentur. Hæc est traditio Patrum; hæc est veritas, quam dicere cuiuslibet, tametsi forte horum scriptorum odium pariat.

Quæ hoc in loco scripsi, uti prælagiebat animus, etiam Astrologi huius aduersus me maleuolentiam excitauerunt: Sed cum aliter me oppugnare non posset, ex falsandi promptuario sibi consueta subsidia sumpserat, atque his denique criminationum telis opponentem suum Laymanum adortus est: Quibus verbis & sententijs an charitatem inter religiosos Ordines promoueat, an Catholica Religio propaganda officium antiquis Ordinibus commune esse desideret, an aliorum Ordinum Religiosos otiosos esse, vel in laboris Societatem cupiat, necne; cuiusvis prudentis eris examinare.

Ita est: Examinabit rem prudens Lector, iudiciumque feret de Aduersario quod iustum est, atque in Procem. à me insinuatum, neminem facile mortalium, etiam inter hæreticos, repertum esse, qui fallendi, ac falsandi artem tam benè calleat, atque



que iste Astrologus. Incredibilis enim, & ante hac inaudita peruersitas hæc est, si ex diuersissimis Scripturæ alicuius locis, aut capitibus verba deprompta, arbitrari alicuius impostoris, in coherentem constructionem neſtantur, falsitatis astruendæ, aut criminationis inferendæ gratiâ: Etenim nihil tam falsum, aut tam absurdum fingi potest, quod nō ex cuiuslibet libro tali artificio cōcludi queat.

LOCVS IV.

**Q**uartus fallendi modus admodum perniciosus est, quod ex Iustæ defensionis assertis, plerumque etiam perperam propositis aut falsatis, Astrologus corollaria inferre solet, penitus falsa, aut expressis verbis reiecta & negata: Quæ tamen ipse subinde tanquam disertas meas doctrinas Lectori proponere, & sæpius inculcare audeat. Exemplum huius rei reperiet Lector p. 1. cens. 1. Aliud autem inſigne extat fol. 176. n. 7. Dicit Oppositor (Iustæ defens. pag. 186.) Quod Rom. Pontifex Concordatis Germania circa beneficia ordinariè derogare non possit (eod quod etiam Princeps pacta & promissiones seruare debeat) licet secus sit, si extraordinaria ad bonum publicum Ecclesia necessitas postulet. Fatetur autem alibi (pag. 346. 365.) per eiusmodi translationem auferri quidpiam à iurisdictione Episcopali, confirmata per Concordata Germaniæ; quamuis addat, volentibus non fieri iniuriam. Quando proinde alijs in locis asserit, cum binis nuncupatis Theologis, quos ſuetur, Summum Pontificem & Casarem

sub graui obligatione & conscientia teneri, ut ex bonis Monasteriorum restituendorum erigantur Academia, Seminaria, & quæ plurima Patrum Societatis Collegia, &c. quid aliud, obsecro, dicere intendit, quam Summum Pontificem, &c. in conscientia sub graui reatu obligari ad extinguenda multa Monasteria Ordinum antiquorum, ad derogandum iuri communi, iurisdictioni Ordinariorum, Concordatis Nationis Germaniæ; adeoque etiam iuri naturali ac gentium, quod inter transigentes huiusmodi intercedebat; neque Fidem Catholicam feliciter propagatum iri, si Concordata & iura naturalia, Canonesq; seruentur; si denique Monasteria, cuiuscunque fuerint sexus aut Ordinis, non deleantur, supprimantur, & opprimantur.

Aduertat Lector, vim ratiocinationis, quam Lectori obtrudere vult, si aliquid concludere debeat, hanc esse oportere: Fatetur Laymann, Ro. Pontificem ordinariè non posse derogare Germaniæ Concordatis; quia alioquin ius naturale, ac gentium violaretur. Fatetur quoque per Monasteriorum istorum translationem (Astrologus perperam vocat suppressionem & extinctionem) Concordatis Germaniæ derogari: Ergo, cum à Papa vel Casare talem translationem faciendâ esse existimat, nihil aliud sentit, nisi quod Pontifex & Imperator Concordata Germaniæ, adeoque ius naturale & gentium violare debeant.

Gravis hæc est accusatio, in qua si succubuerit Aduersarius, & de falsatione apertè conuictus fuerit, utique ne in alijs quidē rebus fidem merebitur. Respondeo itaque, propositionē

E 2

illam



illam à me traditam esse in allegata pag. 186. At verò subsumptionem à me alienissimam esse, & per insignem fallaciam, ab Astrologo confictam. Inspiciatur pag. illa 364. 365. nihil aliud reperiet Lector, quàm Episcoporum iurisdictioni per eiusmodi translationes Monasteriorum exemptionum parum auferri: Deinde, tamen si auferretur aliquid, Auctorem tamen libelli famosi immeritò quæstum fuisse de iniuriâ Statibus, puta Episcopis, &c. inferendâ. Cùm Reuerendis. & Illustrissimis Domini Episcopi nō repugnent, sed vtrò consentiant, imò talem translationem fieri, ob publicum Germaniæ, & Religionis Catholicae bonum, exoptent. Notum autem esse, quod volenti iniuria non fiat. Dixerat enim Auctor ille, quem refutabam: Etiam hinc Episcopi pro suo iure tuendo sumere debent argumentum contra Patres Societatis, & Imperator Augustus obligatur ex omni parte prospicere, ne iuribus Episcoporum & Monasteriorum, vel Religiosorum Ordinum, quidquam detrahatur; neque cum aliorum Statuum iniuria, alij in messem alienam intromittantur, pag. 361. Iustæ defensionis.

At verò translatione ea Monasteriorum Concordatis Germaniæ derogari, in quo puncto totius accusationis cardo versari debet, nullo penitus verbo, seu ibi, seu in toto reliquo libro, significatum fuit, sed contrarium pag. 362. Itaque totum fundamentum, quo accusatio ea nititur, videl. falsum me esse, per Monasteriorum eorum translationem auferri quidpiam à iurisdictione Episcopali, confirmata per Concordata Germaniæ, manifeste

falsum, & fictitium est.

Taceo hic alia, quæ hoc loco immiscuit, mendacia; Vt, quòd vterque Theologus docuerit, ego quoque asseruerim, Cæsarem graui obligatione teneri, vt ex restituendorum Monasteriorum bonis quamplurima Patrum Societatis Collegia erigantur. Verùm id non vterque, sed alter Theologorum dixit, qui è Societate non est; ego verò declarauit, cur id dixerit, & quâ ratione eius dictum à falsitate, & calumniâ defendi debeat, pag. 108. Iustæ defensionis.

Eadem hic occasione, examinare atque refellere placet, quæ fallaciter proponuntur tam in act. perduell. fol. 30. quàm in astro inextincto fol. 181. 182. 183. vbi ita legitur: In Edicto Cæsarea Maiestatis, inquit (Laymanni, pag. 28. Iustæ defens.) nusquam reperitur, Monasteria illi ipsis Ordinibus, pro quibus fundata sunt, restituenda esse. Quæ in re ipsum è diametro S. C. Maiestati opponit, quæ in literis ad Oratorem superius iam adscriptis aiebat; Quandoquidem nostrum nuper publicatum Edictum, restitutionem ipsis Ordinibus faciendam expressè statuit. Ecce, cùm in Edicto, in quo negauit illud reperiri, ostendere non possit, producit Cæsar. Maiestatis literas ad Oratorem; quas tamen vitiatas & obreptitias esse, non semel in Iustæ defens. clarè edixi, & ostendi: Quo iure itaque obijcere mihi potest, quòd Sacr. Cæsar. Maiestati me opponam?

Vtcrius fol. 182. n. 3. perinde ac si 176. ex Edicto & rescriptis causam obtinisset, ita loquitur: Itaque stantibus verbis



verbis clarissimis Edicti & Rescriptorum, alia viam aggreditur Opponens. Quænam sunt illa verba clarissima Edicti, ex quibus colligi possit, Monasteria hæc ab hæreticis recuperata, Ordini- bus necessario restituenda esse? Nul- la penitus afferri possunt. Quod verò attinet ad rescripta, iam superius in- dicaui loco 3. distinguendum esse; num in rescripto Cæsareo contineatur id solum, nolle Suam Maiesta- tem, vt in Curia Romana Monaste- rij alicuius translatio, &c. conceda- tur, aut impetretur, videl. præprope- re, & sine Cæsaris scientia ac consen- su; An verò absolute significetur, translationes eiusmodi fieri non pos- se, siue secundum ius naturale, & Con- scientiæ Cæsaris obligationem, Ger- manicæ Concordata, aut Edictum, necessarium esse, vt sua quæque Mo- nasteria eiusdem Ordinis Religiosis restituantur. Prioris generis rescrip- ta, nequaquam reieci; at verò poste- riora (quæ tamen ante mensem Oc- tobrem Anni 1629. nulla prodijisse arbitror) obreptitia & falsata dixi, & adhuc dico.

Audiamus iam, quænam sit ea via, quam porrò me ingressum, ex eaque tanquam qui Cæsareæ Maiestati me opponam, detrudendum me existi- mat Aduersarius. Quod attinet ad Pa- tres Societatis, inquit (Laymann pag. 371. Iustæ defens.) ipsi fatentur, se iuxta foundationem habiles atque qualificados non esse ad ea extincta Monasteria, priusquam canonicam super ijs institutionem, vni- onemq. accipiant. Sin autem Rom. Apostoli- ca Sedes Societati seu vnum; seu plura

Monasteria assignauerit, tum Patres So- cietatis (si Cæsaris etiam accesserit, vo- luntas) iuxta foundationem legitime vo- catos, & qualificados fore indubitè af- firmo, & oppositum sine errore non posse di- ci, pronuncio.

Et statim subiicit Astrologus: Cau- sam his assertis prauit Edictum Imperato- rium, clarè pronuncians, restituendis Mo- nasterijs prouidendum de vtilibus, iuxta foundationem legitime vocatis, & qualifica- tis personis. Idque, vt mox adiungit, in- telligendum est de omnibus foundationibus seu Monasterijs, nullo excepto. Ita omninò est, & à nemine negatur. Sed quo modo inde ostendere conatur, S. C. Maiestatem, eiusque Edictum non iustè me defendisse? Sex inutilibus ra- tionibus fol. 183. quas non tam refu- tare, quàm recensere necesse est.

I. Ratio, Ipse Imperator disertè in di- uersis rescriptis verba Edicti explanat, Mo- nasteria ijs ipsis Ordinibus, pro quibus fun- data, restituenda esse. Videmus, quòd i- terum ex rescriptis subsidia, quærit; cum Edicti verba non sufficiant. Cur itaque & hoc ipso fol. & aliàs sæpè, in act. perduell. quoque fol. 39. Iustæ de- fens. Auctorem accusat, tanquam op- ponentem se Cæsareo restitutionis Edicto?

II. Cæsar, eiusq. decretum pronunciat, Monasteria esse reddenda personis iuxta foundationem qualificatis, non qualifcan- dis. Resp. in Edicto Cæsaris ita legi, sicuti antea ipsemet allegarat, Mona- sterijs prouidendum esse de personis iuxta foundationem qualificatis, &c. Tales autem etiam sunt PP. Societa- tis; si ijs per Sedis Apostolicæ Aucto- ritatem.



toritatem, cum Cæsaris assensu, Monasteria assignentur. Etenim talem assignationem foundationi repugnare frustra assumit Astrologus.

III. Ex Opponentis argumenti paritate sequitur, omnes omnino fideles cuiuscunque Monasterij, Collegij, vel Ordinis esse utiles legitime vocatos, & qualificados, supposito nimirum consensu dictorum Principum. Ita omnino est, dummodo eo tempore, quo ipsis Monasteria, eorumque bona Ecclesiastica attribuantur, capaces eorum sint; ita, ut Sacris Canonibus non repugnet translationem fieri.

IV. Etiam si Sedes Apostolica Monasterium aliquod hominibus eiusmodi assignaret, tamen inde non sequeretur, quod essent utiles & qualificados iuxta foundationem, sed iuxta foundationis mutationem, sed translationem (suspicio legendum seu) & sic non ex mente Cæsaris Edicti. Resp. Si vacantia ista Monasteria, eorumque bona per Summorum Capitum auctoritatem applicentur, aut transferantur ad pium aliquem usum, quatenus id necessitas Ecclesiarum Germaniæ postulare videtur, non immutatur fundatio, siue nihil contra foundationem agitur, prout in Iusta defens. q. 2. præamb. ostensum, & alibi passim. Porro Cæsar. Maiestas verbis ijs Edicti hoc potissimum significare voluit; Monasteria ea a detentoribus laicis, atque hæreticis, adeoque incapacibus eorum, auferenda esse, ut per personas iuxta foundationem utiles, habiles, & legitime vocatas ordinentur.

V. Mense Imperatoris, ut Monasteria

restituuntur ijs qualificatis personis, quæ possunt ea recipere salvis iuribus Ordinariis: Atqui si Monasteria non exempta, vel exempta mediata dentur Societati ad Collegia, Scholas, &c. non manebunt salva Ordinariis iura. Resp. De hac re in Edicto Cæsareo nullam penitus fieri mentionem. Num verò per eiusmodi translationem iuribus Ordinariis derogetur, dictum est paulò ante, ex pag. 364. 365. Iustæ defensionis.

VI. Generale restitutionis Edictum præcipit, Monasteria quæque suis Ordinibus restitui, ut ostensum in Rescriptis: At si ea applicentur aliis, quàm pro antiquis Ordinibus, non restituentur, sed donabuntur: Idg. contra mentem S. C. Maiestatis, & Edicti. Resp. Sicuti supra ad Primum; In Edicto nihil tale contineri: Rescripta autem, in quibus asseritur in Edicto tale quid definitum fuisse, obrepticia sunt. Præterea, pro absurdo habere non debet Astrologus, si Monasteria ab hæreticis recuperanda, per Summorum Capitum auctoritatem, eiusdem Ordinis Religiosis donentur, non restituantur; cum id ipsi Romanæ Curie Officiales censuerint de Ordinibus illis antiquis, quod, si ijs Monasteria applicata fuerint, non restituentur, sed donabuntur, in epist. Orationis ad Cæsarem, quæ ipsemet Adversarius agnoscit & allegat fol. 7. Act. perduel. & fol. 187. *Astræ inextinctæ.*

Fol. 183. n. 5. ita scribit Astrologus: Augustissimus Imperator in Edicto restitutionis S. Auf welchem bißhero / commendat suorum Antecessorum iusticiam in restituendis cuique Ordini Monasterijs ad-

177.



ministratam; quin ipsemet antiqui Ordini-  
bus per mandata Casarea multa iam as-  
signavit. Opponens verò asserit, id non de iu-  
re, sed secundum equitatem duntaxat fa-  
ctum fuisse, quo dicto grauius perstringit  
omnes Imperatores 1. Quod ad agendum  
iudicialiter ad miserint Ordines, qui ius a-  
gendi nullum (ut opinatur) habuerunt. 2.  
Quia in Caesarum potestate non est, dare  
Monasteria extincta, cui voluerint. 3. Quia  
inuasert iura Prælatorum Ecclesiæ, penes  
quos erat dispositio: Cum ad Pontificem (ut  
inquit) non ad Casarem pertineat Ecclesiæ  
disponere. 4. Quod Sacra Cas. Maiest. ad-  
ducto S. male commendat suos Antecesso-  
res de administratâ iustitiâ; cum non se-  
cundum iustitiam, sed secundum quandam  
equitatem; conuiente Rom. Pontifice, pro-  
cesserint.

Quis hæc legendo non indignetur  
contra Iustæ defensionis Aucto-  
rem, censeatque cum Astrologo, fol.  
18. 199. Astri inext. n. 53. librum illum ex  
Rom. Imperio procul arcendum, ac  
proscribendum esse? Verum si dete-  
ctis fraudibus, res ipsa inspicitur, o-  
mnis penitus materia reprehensionis  
sublata erit. Ex duobus locis Astrolo-  
gus verba paucula allegat, cum inte-  
grè afferre non audeat, ne impostu-  
ra eius deprehendatur. Primus est  
pag. 52. Iustæ defensionis, ubi aliud  
dictum non est, nisi ex hypothesi, si  
fateremur (quod verum non est, &  
frequentissimè negatum) per trans-  
lationem vacantium Monasterio-  
rum, ac bonorum ad Seminaria,  
Scholas, &c. ius aliquod auferri, quod  
id non Imperatoria potestate fieret, urgente  
Rom. Pontifice, sicut ineptè locutus

fuerat libelli illius famosi Auctor:  
Cum ad Pontificem, non ad Casarem perti-  
neat Ecclesiæ transferre, vnire, diuidere.  
Videri potest intra p. 2. cens. 1.

Alter Locus est pag. 320. 321. Au-  
gustissimus Casar Ferdinandus I. in Edi-  
cto suo, allegato S. Auf. welchem bißhero  
non decreuit, Monasteria suis quaque Or-  
dinibus restituenda esse; sed ait, rectè fa-  
ctum, quando præcedente tempore Ordi-  
num Generalibus, Prælatibus, alijsq; Ecclesia-  
sticis Officium Casaris implorantibus, occu-  
patorum Monasteriorum, &c. restitutio A-  
atholicis imperata, & interdum executio-  
ni mandata fuit. Qua in re supponitur,  
Prælatos, aliosq; Ecclesiasticos, ius suum in  
Monasterijs, alijsq; Ecclesijs, tanquam in-  
dubitatum, Casario tribunali exhibuisse;  
Aut, si Monasteria de iure vacarunt, &  
extincta fuerunt, interdum secundum æ-  
quitatem, cum alia dispositio à Rom. Ponti-  
fice non proponeretur, ad ordinandum data  
fuisse.

Superest iam, ut numeremus frau-  
des & mendacia Astrologi. I. Insinu-  
are vult Lectori in Edicto Casareo  
quippiam contineri, aut definiri, de  
Monasterijs suis quibusque Ordini-  
bus restituendis: quod tamen eo ipso  
in loco, quem ex Iusta defens. allegat,  
negatum fuit:

I. Falsum est, in Iusta defens. si-  
gnificari, id non de iure factum esse,  
quod Antecessores Imperatores, ip-  
seque Augustissimus Ferdinandus  
II. antiquorum Ordinum Religio-  
sis Monasteria restituerint. Nam  
præterquam, quod Religiosi illi sepe-  
numero ius, actionemque propriè  
dictam habuerint, (ut, quia ex Mona-  
sterijs



steriis expulsi aut spoliari ipsimet fuerant, vel Collegia, seu Sacra loca, quæ repetebant, proprijs Monasterijs vnita erant) etiam id aduerti debet; Non ideo quia Religiosi, v.g. Ordinis Cisterciensium, aut Præmonstratensium, ad Monasteria, quæ per mortem omnium Professorum extincta sunt, nullum propriè ius actionemque prætereendere possunt, sed solum petere, vt secundum equitatem, permittente atque rationabiliter cõsentiente Rom. Pontifice, restitutio ipsis fiat; non ideo, inquam, consequens, sed neq; verum est, quod Imperator in hoc ipso casu pro Ordinibus officium eius implorantibus, sententiam aduersus iniquos Monasteriorum detentores ferendo, non secundum iustitiam, sed quandam duntaxat aequitatem, connuente Pontifice, processerit: Cum clarissimè non vno in loco Iustæ defensionis dictum sit, Cæsar. Maiestatem, in horum Monasteriorum mandatâ restitutione, non tantum meri iudicis officio, partibus ius actionemque propriè dictam instituentibus inferuiente, fungi posse, sed etiam nobilissimo ac libero officio suo, tametsi nemo quidquam petat; multò verò magis, si adsint, qui secundum æquitatem implorato nobilissimo Cæsareo officio ac potestate, Monasteria Ordinis eius Religiosis, pro quo olim fundata erant, attribui postulent. Videri potest pag. 153. & pag. 314. Iustæ defensionis.

Multò magis falsum, me alicubi Imperatores perstrinxisse, quod Ordines ad agendum iudicialiter admiserint; Imò

etiam, quod inuaserint iura Prælatorum Ecclesiæ, penes quos erat dispositio. Perniciosa hæc & calumnijs plena mendacia sunt, quæ etiam in act. perducill. reperiuntur fol. 10. & 11. proponuntur. Videri possunt quæ infra dicentur p. 2. cens. 1.

Fol. 187. in fine hæc adfert Aduersarius; Per ea, quæ ab Authoribus disceptionis, & susceptæ defensionis adferuntur, ac propugnantur, inquit Oppositor (Layman. n. 87. Proæm.) Sacros Canones, atq; potestatem Ecclesiasticam non parum labefactari. Quod si ita est (tametsi ne vnum Canonem producat, quem violatum esse docuerit) consequens erit, vt Sacratissimus Imperator, Monasteria per Edictum & Rescripta Casarea solis Ordinibus adiudicandos primus & precipuus asseratur esse violator Sacrorum Canonum, & Ecclesiasticæ immunitatis; cum ad Pontificem, non ad Cæsarem, ait fol. 52. pertineat Ecclesias transferre, vnire, diuidere, &c. Meræ fraudes atque Calumniæ. Si enim textus, & verba Iustæ defensionis inspiciantur, nihil prorsus vel in speciem reperitur, vnde talis criminatio desumi possit. Et enim in Proæm. n. 87. generalibus tantum verbis dixi, decere, vt pro Sacrorum Canonum defensione, atq; ecclesiastica potestate, quæ in libellis illis famosis non parum labefactata cernitur, me opponerẽ. Quibus autẽ modis Sacri Canones & Ecclesiastica potestas à Libellorum Actoribus labefactata fuerit; id passim significavi in toto libro, & collegi in Synopsi, præsertim tit. 4. & 5. At verò per Edictum Cæsaris, aut per eiusdẽ rescripta (quæ obreptitia, aut falsata nõ sunt) Sacros Canones, & ecclesiasticam



illicam potestatem labefacti, ne vno quidem apice significavi. Atque alter ille textus ex pag. 52. allegatus, quo Astrologus denuò calumniam hic suam colorare, Lectoriq; imponere vult, Cum ad Pontificem, non ad Cæsarem, &c. nihil penitus ad rem pertinet, sicuti superius ostendi.

184. Fol. 188. nu. 19. Pergit Aduersarius, expositis prius imposturis, Opponentem Laymannum vehementius incusare. Pijssimum Cæsarem Ferdinand. II. ait nu. 27. Procem. mandando restitutionem pro antiquis Ordinibus, Sedis Apostolica auctoritatem, eiusdemq; iura imminuere, Ecclesiasticas causas ad forum suum trahere, & Rom. Pontifici leges in ea re prescribere, ecclesiasticamq; immunitatem ladere videri, nisi ipsum calamo suo defendat, id est, nisi contra clarissima Edicti, Rescriptorumq; verba commentetur Opponens. At hoc non est defendere Cæsarem, quia spoliatum restituere, ius suum cuique reddere, implorantibus administrare iustitiam, Clientibus aduocatiā, fideicommissum reddere familiæ, Sacrorum Canonum obseruantiam manu tenere, iuramento, concordatis Germaniæ, obligationi iuris diuini, naturalis, & gentium satisfacere, non est Sedis Apostolica auctoritatem, eiusdemque iura imminuere, non est ecclesiasticas causas ad forum suum trahere (cū etiam Iudex secularis possit officium suum impendere, vt legata pia mandentur executioni, Abb. c. nos quidem, de testam. n. 5.) non est Rom. Pontifici leges prescribere, non demum ecclesiasticam potestatem ladere: Nisi dicat Opponens; Sedis Apostolica auctoritatem, eiusque immunitates ac iura conseruari aliter non posse, quàm per diui-

norum, humanorumq; iurium neglectum & confusionem.

Criminatio hæc, quibusdam verborum ac sententiarum falsationibus nititur, quibus detectis, eius inanitas, atque Astrologi malitia, clarè apparebit. Peruertit enim verba & mentem meam in alleg. n. 27. Procem. appositis ex fallaciarum promptuario suo his voculis, mandando restitutionem pro antiquis Ordinibus: Et iterū, pijssimum Cæsarem, ladere videri, quæ posteriora verba, tanquam formalia sint Iustæ defensionis, proprio characterē signauit: Vt nimirum Lectori persuaderet, Cæsarem in Edicto, aut Rescriptis, ex sua voluntate editis, mandasse, Monasteria suis quæq; Ordinibus restitui debere, eaque re, ex Opponentis Laymanni sententiā, Sedis Apostolicæ immunitatem læsisse videri, prout etiam in Act. perduellionis fol. 10. & 11. inculcatum fuit: Cū tamen nihil penitus eorum vel in mentem, vel in calamum mihi venerit, vti clarissimè videbit Lectori eum nu. 27. Procem. quem infra allegabo, p. 2. cens. 1. inspexerit.

## L O C V S V.

QVinta fallacia, in qua Astrologus noster apprimè exercitatus, est sensus compositi pro diuiso, aut vice versâ, vsurpati. Quod enim in sensu diuiso seu absoluto à me in Iusta defensione dictum fuit, ille ad compositum refert: Quod autem in sensu composito siue hypothetico dictum, id ipse sensu diuiso, absoluto, & categorico

F



gorico accipit. Nota est viris doctis fallacia ista & amphibologia. Exempli loco afferre solent Theologi Enunciationem hanc; *Quem Deus scit ob peccata sua damnatum iri, saluari potest*, veram esse in sensu diuiso, falsam in sensu composito. Philosophi quoque aiunt, propositionem istam *Socrates sedens stare potest*, falsam esse in sensu composito. Iureconsulti alio exemplo rem declarare possunt: Si ita stipulatus fueris, *Stichum & Pamphilum dabis mihi*? egoque respondeam, *Dabo tibi Stichum*, quaeritur num tibi obligatus sim? Dicendum, si stipulatio interrogantis seu petentis intelligatur in sensu composito, non sum obligatus dare Stichum: Quia non de eadem re, eodemque modo responsio & promissio facta, sicuti petitum, l. 1. §. si quis simpliciter, & l. ult. ff. de verb. obligat. & §. Præterea Instit. de inutilibus stipulationibus. Sin autem intelligatur stipulatio in sensu diuiso, valida erit. Et iste quidem sensus præferri debet, l. inter stipulantem 83. §. Item si ego, ff. de verbor. obligat. & Instit. de inutil. stipulat. §. Quoties, ubi & ratio assignatur: *Quia res singulas stipulari, & ad singulas respondere debemus.*

Multa huius fallaciæ exempla passim reperiuntur in actione perditionis, & Astro inextincto, ut vel ex vñico hoc artificio magister iste fallaciarum agnosci possit. Aliqua tantum hic referam. Sæpe ait Melander Astrologus, Iustæ defens. Auctorem negasse, quod Cæsar voluerit, aut mandauerit, Romam scribi, & impe-

diri, ne inibi Monasteria alijs, quam Ordinibus, ad quorum Religiosos olim spectabant Monasteria, assignentur. Id verò in sensu diuiso, seu absolute nulpam à me negatum fuit, sed tantum in sensu composito dixi: Falsum esse, quod Cæsar voluerit, aut mandarit Romam scribi; Ne Monasteria alijs, quam suis quæque Ordinibus assignarentur, quia id permittere Cæsar's conscientie repugnet, aut quia coram Deo vix, ac difficulter excusari possit.

Hac ipsa fraude tum aliàs usus fuit Aduersarius, ut in act. perduell. fol. 8. & 9. tum verò maximè fol. 188. nu. 20. Astri inextincti: *Mandata Cæsaris ad Oratorem Roma, iubentia Monasteria non nisi antiquis Ordinibus restitui, dicit Opponens à Iure prorsus aliena, & contraria esse ijs, quæ à Cæs. Maiestate sæpius scripta sunt. Ex quo sequitur, ipsum quoque generale restitutionis Edictum, & conformia rescripta omnia, plerasque item epistolas ad Oratorem, & Cæsareos Commissarios à Iure communi aberrare. Vnde est, quod iterum triumphum canant heretici, quando audiunt ab Opponente suum Cæsarem pro iuris violatore proclamari.*

Ad hoc dicitur; Astri inextincti Auctorem egregiè hic iterum artem suam fallendi, & criminandi ostendere. Primum enim falsat verba Iustæ defensionis, per omissionem vocum *insertas rationes* aded, ut etiam constructionem mutare debuerit. Mea enim verba nu. 10. Proceem. sunt ista: *Mandata & insertas rationes à Iure alienas esse*; Astrologus autem refert absolute, *Mandata Cæsaris à Iure aliena esse, & quidem*

188.



& quidem signato caractere, quasi nihil in verbis meis immutatum fuerit. Secundò falsissimum est, vnquam me falsum fuisse, mandata ea, siue epistolas, quas vnà cum Theologis, ob insertas rationes reprehendi, Cæsaris aut Cæsareas fuisse, cùm passim toto in libro Iustæ defensionis, mandata & epistolas obreptitas, rationes à quopiam, præter & contra Cæsaris mentem, intrusas fuisse dixerim. Videri possunt, quæ superius habentur loco 2. paulò post princip. Tertiò, accommodatio verborum, quam mihi affingit, alienissima est à mente mea: Nunquam enim epistolas eas siue mandata reprehendi, quæ præcisè exprimebant: Ne Monasteria alijs, quàm suis quæque Ordinibus, Romæ assignarentur, sed in sensu composito, quæ id prohibebatur ob insertas rationes falsas, & ecclesiasticæ immunitati repugnantes: Quia videl. talis Monasteriorum ad alios vsus applicatio conscientie, foundationi, Concordatis &c. repugnet. Quartò, quid de consecutionibus, quas ex falsata, & fraudibus stipata verborum relatione collegit Astrologus sentiendum sit, facile iudicabit Lector.

178. 179 Aliud huius fallaciæ perspicuum specimen reperietur in act. perduellionis fol. 34. & astri inextincti fol. 184. 185. quibus in locis maxime perlaborat, vt Lectori persuadeatur, falsum me esse, Cæsarem ratione iuramenti, & supremi aduocati officij, obligatum esse ad Monasteria suis quæque Ordinibus restituenda. Eiusq; rei causa, varijs artificijs vtitur.

Præcipuum verò est sensus compositi, pro diuiso: Quæ enim verba in Iusta defensione pag. 490. perspicuè dicta sunt in sensu diuiso: *Falsum est, & ecclesiastica consuetudini repugnans, si alicubi* ( prout Auctor libelli famosi dixerat) *Ordo S. Benedicti aut S. Francisci institutus sit, Cæsarem iuramento obligatum esse ad eum defendendum, vt inuiolabiliter ibi permaneat, càm plures cause occurrere possint, cur mutatio & translatio per legitimam ecclesiasticam auctoritatem instituat, prout sapissimè factum esse constat, Casare, alijsque Principibus nequaquam se opponentibus, sed quandocumque etiam translationem procurantibus.* Verba, inquam ista, Cæsarem iuramento obligatum non esse, Aduersarius accepit in sensu composito, Cæsarem tametsi iurarit, tamen iuramento obligatum non esse, vt Ordini S. Benedicti Monasteria sua defendat, atque conseruet, prout videre licet in act. perduell. fol. 30. 31. 34. At verò in 178 astro inextincto, fol. 184. nu. 7. eisdem verbis eandem fallaciam cudit Auctor, sed modo diuerso, videl. pro sensu composito, accipiendo sensum diuisum seu absolutum: *Falsum est, ait Oppositor cit. pag. 490. & Ecclesiastica consuetudini repugnans, si alicubi Ordo S. Benedicti, aut S. Francisci institutus sit, Cæsarem iuramento obligatum esse ad eum defendendum, vt inuiolabiliter ibi permaneat.* Atrox est hoc dictum, quodque omnibus hereticis non immeritò iubilum, Religiosis autem lachrymas excutiat: An ergo lignorum tantum, lapidum, & agrorum Aduocati gerit Imperator? An non iuramento se obstrinxit omnium



Ecclesiarum iura se defensurum? Quid autem aliud sunt Ecclesiarum iura, quam episcopatus, abbatia, canonici, praebeata, beneficia, tituli, & horum consentanea? Si haec iura Imperator, ut Aduocatus generalis, defendere non tenetur, quoniam denique iura defensus est? Hoc fraudis artificio significare vult, absolute me inficiari, quod Caesar, tanquam Ecclesiarum omnium Aduocatus, ad iura Monasteriorum defendenda obligetur. Sin autem verborum contextus, quem paulo ante posui, integre legatur, clarissime apparebit, quid senserim ac dixerim, videlicet ex praxi ac traditione Ecclesiae notum esse, quod variae causae canonicae occurrere possint, ob quas recte ac licite mutatio seu translatio, per ecclesiasticorum Praelatorum auctoritatem, fieri queat, ut in Monasterio, in quo habitant unus Ordinis Religiosi, ijs recedentibus aut remotis, instituantur alij Religiosi, ac proinde verum non esse, quod Auctor disceptationis, quem refutaram, significauit, Caesarem iuramento obligari, ad Ordinem S. Benedicti ver. gr. ita defendendum, ut Monasteria omnia inuicibiliter retineat.

Veruntamen, quia aduertit Astrologus, hanc ipsam imposturam non satis congruere cum ijs, quae in alijs locis, praecipue in act. perduellionis fol. 31. & seqq. falso insinuat fuerunt, videlicet à me & Auctore epistolae ad Maestatem Caesarem non negari, quod Caesar ex officio suo, atque vi iuramenti, debeat Monasteria hanc Ordinibus suis restituere, attamen

ab obligatione ista, propter praesentem Ecclesiarum necessitatem excusari, idcirco varia fraudum artificia commiscitur eod. fol. 184. 185. quibus me contrarie scripsisse ostendere conatur: Ea autem, ne à proposito hic longius abicebam, referam p. 2. cens. 3. & seqq.

Tertium eiusdem fallaciae exemplum est. Dixeram in Iusta defensione pag. 314. 316. 357. 358. Quod Augustissimus Caesar, videlicet dicti sui generalis, in recuperatione Monasteriorum non debeat procedere ut merus Iudex, partibus actionem instituentibus iustitiam administrando: Id vero explicatissime, non vno dumtaxat in loco, docui in sensu diuiso, non esse necessarium, ut semper ita proceat, cum etiam alius sit procedendi modus, videlicet secundum liberum supremi Ecclesiarum Aduocati officium, tametsi nemo adsit qui actionem instituat, aut tanquam spoliatus restitutionem petat. Hinc verò Astrologus sensum compositum colligit, dixisse me, quod Caesar partibus iustitiam implorantibus, sicuti secundum iura constitutum est, iudicis officium impartiri non debeat, fol. Astri inextincti 185. nu. 10. & fol. 187. nu. 16. fol. 181. 183. 218. nu. 3. Agam de hac re pluribus in p. 2. cens. 33.

## LOCVS VI.

EST modus quidem fallaciae, quae dici solet *captio accidentis*, eaque prudentes quoque interdum decipi, Dialectici admonent. Si nimirum, quodi

178.

179.

667  
66.181. 183.  
249.



quod quibusdam accidit, ita accipiat & proponatur, ac si vniuersim & omnibus, qui eiusdem generis sunt, competat. Exempli causa Grammaticum esse, pluribus hominibus, ijfq; solis conuenit: fallaciter tamen concludes, omni homini competere, siue hominem non esse, nisi Grammaticus sit.

66, 67. Hoc genus fallaciæ potissimum exercet Astrologus fol. 126. & 127. Sic enim loquitur eo fol. 126. nu. 65. Dicunt (in Iusta defens. q. 1. præamb.) Monasteria Ordinis S. Benedicti & Canonicorum regularium S. Augustini non efficere vnum corpus, quia iura & bona inter se diuisa, & non communicabilia habent: At verò si hæc conditio necessaria est ad constituendum corpus, pleraque corpora non erunt corpora: nam & corpus mysticum Ecclesia vniuersalis, licet ratione unitati Fidei, caeremoniarum, ac rituum Catholicorum, vel propter vinculum Christianæ charitatis, sit specialiter adunatum, tamen Episcopatus, Regna, Prouincias, Monasteria, Religiones, Parochias, ciuitates &c. earumque intra & bona inter se diuisa, & non communicabilia habet: Simul ex aduerso intolerabile sibi onus imponit Opponens probandi, ad rationem corporis liciti, quale est Ecclesia Catholica, quale Collegium Eminentissimorum S. R. E. Cardinalium vna cum Capite, quale deinde Corpus cuiuslibet Synodi prouincialis, vel diocesane, quale Cathedralis vel Collegiata Ecclesia, Reipubl. vel ciuitatis, quale deinde pistorum, fabrorum, nauiculariorum ac similitum, requiri, ne inter se bona diuisa, & incommunicabilia habeant. Et paulò post. Probet igitur Opponens, huiusmodi

corporibus omnibus necessarium semper fuisse & esse suorum bonorum & iurium, quæ singuli possident, indiuisiōem & communicationem.

Respondeo: Mihi hoc onus probandi nequaquam incumbere, cum nuspiam dixerim, generatim ad rationem corporis pertinere, vt eius membra inter se iura ac bona diuisa, ac separata non habeant. Id enim planè falsum, vt rectè ostendit Aduersarius, non tantum si loquamur de corpore mystico, aut morali, quod est Collegium, seu Congregatio: sed etiam, si loquamur de corpore naturali: quandoquidem singula eius membra, proprias ac separatas facultates, & quodammodo iura sua obtinent, oculus videndi, auris audiendi, stomachus cibum concoquendi, prout Apostolus dixit ad Rom. 12. v. 4. In vno corpore multa membra habemus omnia autem membra non eundem actum habent. Eodemque modo in corpore sacri alicuius Collegij, seu Congregationis secularis, aut regularis, discretæ plerumque sunt singulorum titulorum officia, ac iura; puta Præpositi, Decani, Abbatis, Prioris, &c.

Quid itaque dixi, aut quid mihi ostendere propositum fuit in allegata qu. 1. præamb. in fundam. 4. & 5. Id videl. quod Monasteria Ord. S. Benedicti v.g. quæ singula per se, ac separatim corpora, Collegia, & sacre Congregationes sunt, in vnum totius Ordinis aliquod corpus non coalescant, seu vniantur. Quia ad huiusmodi plurium Monasteriorum, aut sacrorum Collegiorum vnionem necessarium



42  
rium est, ut eorundem iura ac bona sub vnus Capitis seu Superioris dispositione, ac gubernatione, communicabilia sint. Quæ ipsa tamen communicabilitas non ita intelligi debet, quasi singula Monasteria, aut sacra Collegia, eorumque iura non maneant diuisa, sed quod ea ita sint dispositioni Superioris, tãquam vnus Capitis (prout postea explicabo) subiecta, ut per ipsum personis, quæ eiusdem Ordinis, communicabilia sint, sicuti colligi potest ex ijs quæ tradunt DD. super c. & temporis 48. causa 16. q. 1. Doctrina itaque in eo consistit, quod religiosi Ordinum S. Benedicti, Canoniorum Regularium S. Augustini, & aliorum, qui professionem edunt restrictam ad certum locum, seu Monasterium, & particularem Prælatum eius, ita ius ac titulum beneficii, aut quasi beneficii seu sustentationis obtineant, ut cum aliorum Monasteriorum, quamuis eiusdem Ordinis, personis, bonis, ac iuribus communicationem aut participationem non habeant.

Sed longè aliter se res habet in eorum Religiosorum familijs, qui sub vno Generali Capite, Præpositis quoque Prouincialibus, ita constituti sunt, ut eorum arbitratu de vno Monasterio, sacra domo, aut Collegio, ad aliud eiusdem prouinciæ, imò etiam de prouincia in prouinciam transferri possint, atque ob eam ipsam translationem, ex communibus hominis, iuribusque frui debeant. Et tantò quidem maior cèseri debet cuiusque religiosi Ordinis, tanquã vnus

corporis, copulatio, quantò hæc personas mutandi, transferendi que potestas gubernationis, bonorumque ac iurium communicabilitas maior, pleniorque est. Quamobrem Religiosi isti obedientiæ professionem nõ alligant loco aut Prælato loci, sed quicunque ipsis, & vbicunque locorum à Capite generali, aut eius Vicario, siue Prouinciali præpositus fuerit, huic obedire tenentur.

Neque hæc res in sola theoria consistit, sed experimur eius vsum, ac praxin quotidianam. Etenim hoc ipso, quod v.g. Religiosus Ord. S. Dominici, ex Generalis, aut Prouincialis sui voluntate, in alio Monasterio eiusdem Ordinis collocatur, Prælatum eius loci ipsum recipere, & alere debet, atque vicissim Religiosus, ex obedientiæ voto, eidem subesse, & secundum regulam parere. Atque hoc ipsum discrimen inter Ordines Religiosorum, quorum Monasteria aut sacra Collegia, modo iam dicto bona & iura communicabilia habent, aut non habent, ab aliquot annis in Germania, cum de sedibus suis eiectionis, ac rebus omnibus spoliati essent Religiosi, factis, uti arbitror, apparuit.

Eod. fol. 126. nu. 67. Neque ex definitionibus corporis moralis à DD. traditi solitis ait Astrologus sequi, quod sit de necessitate absoluta Corporis moralis, vnum Caput habere. Vnde etiam vacante Pontificia Sede orat Ecclesia: Omnipotens sempiternus Deus. cuius spiritu totum corpus Ecclesie sanctificatur, & regitur. Et Batavi faciunt vnum corpus, & Heluetij vnum. & quacunque demum Respublica, vel artificum corpora

67.



corpora per Aristocratiam, Democratiam, Duumuiros, Triumuiros, Septemuiros, aut Tribunos gubernantur. Proferri igitur debet lex aut textus, quo catus eiusmodi ventur esse corpora, qui Caput vnum generale non habent.

Sophistica hæc itidem responsio est: Neque enim ego dixi, ad rationem moralis corporis, seu Congregationis hominum vniuersim requiri, vt vnum Caput habeat: Sed specialem locutus sum de Ordinum Monasterijs, seu sacris Collegijs aut Congregationibus, vt eæ vnū corpus constituant, necesse esse, vt vnum commune Caput habeant. Quemadmodum enim Ecclesia Catholica vniuersalis ita à Christo Domino bene constituta fuit, vt esset Monarchia, siue vni visibili Capiti ac Pastori generali subiecta: Ita & particulares quælibet Ecclesiæ, seu fidelium Congregationes, vni Particulari Capiti, seu Pastori in spiritualibus subiectæ esse debent: Ideoque, si particulares Congregationes, Collegia, aut Ecclesiæ regulares sint, quæ singulæ singulis Prælati, siue subordinatione ad vnum commune Ordinis Caput, pareant, eæ Congregationes, aut Monasteria vnum inter se corpus ecclesiasticum non constituunt.

Quod autem de Ecclesia Pastore suo orbata adiicitur, appellari nihilominus Ecclesiæ corpus: Id inprimis retorqueri contra Aduersariam potest: vocari enim solet Ecclesia viduata, orbata, quasi ei secundum præsentem, & actualem statum aliquid desit. Deinde causæ afferri possunt,

cur Ecclesia visibili Pastore destituta, corporis ratione, appellationemq; sortiri debeat, partim quia facultas, obligatioque adest, mox Ecclesiæ orbatae prouidendi, iuxta c. vbi periculum 3. de elect. in 6. partim quia non deest interim inuisibile ac principale Ecclesiæ Caput in cœlis, cuius vicem gerit Caput visibile in terris. Ioan. 21. v. 16. & 17.

Ostendere deinde conatur Astrologus, neg. Ordinem S. Benedicti tale corpus esse, quod capite careat. Qua de re infra sermo erit p. 2. cens. 10. & 11.

Fol. 127. n. 70. hæc verba leguntur: Vult (Opponens) ad hoc vt totus Ordo, seu Vniuersitas actione possit instituere super spolio, requiri, vt Caput habeat nō qualecunque, sed quod pleno iure omnia Collegia particularia siue membra Vniuersitatis gubernet, ita vt non personas modò, sed & bona temporalia liberè & quidem ordinariè de vno loco ad alium, de vno Collegio particulari ad aliud transferre, mutare, versareq; possit, adeoque necesse esse, vt bona inter se communicabilia, non separata, personas mobiles, non loco stabilitas habeat. Quaproinde omnia cum non reperiuntur in Ordine Canonicorum regulariū S. Augustini, nec in Ordine S. Benedicti, imò ne in Cisterciensi & Præmonstratensi quidem, quantumvis Capite generali prouisis, & exemptis, concludendum esse adstruit, nulli eorum actionem in vacantiā suorum Ordinum Cœnobiorum competere. Aliud autem esse in Societate Iesv, cuius (quæ sequuntur, verba distincto charactere excula sunt, quasi sit textus Iustæ defensionis. p. 15.) Generalis aded sit Caput Societatis totius, tanquam vnius Corporis, vt per-

68.



personas de loco in locum liberè transferre, & de omnibus bonis ac iuribus Collegiorum ac domuum, cum auctoritate disponere, & ex iusta causa de loco in locum transferre possit. *Suar. tom. 4. de Relig. l. 2. c. 28. nu. 8. & 9.*

Plura hic peccata committuntur ab Astrologo: I. Quod textum iustæ defensionis flagitiosè falsat. Dixeram enim, quòd Præpositus Generalis ex iusta causa, videl. si alicubi reditus abundantes sint, de Collegio ad Collegium, cum Societatis consensu, transferre possit. Quæ formalia verba mea quam diuersa sint ab ijs, quæ falsata produxit Astrologus, conferendo perspiciet Lector.

II. Quæ ipse refert, tanquam ex meis verbis sumpta requisita, ad hoc vt Ordo aliquis, seu Religiosorum Vniuersitas, Monasteria hæc propriè dicta actione, petere possit, primum duntaxat verum est; cætera autem falsa. Nam alioquin neque Ordinum Mendicantium Generales pro Monasteriorum suorum recuperatione agere possent; Imò verò (vt consequenter dicamus, cum eadem ratio sit) neque Episcopis, & Archiepiscopis, ad Ecclesias & sacra Collegia diocesis suæ, ab hæreticis detentoribus recuperanda, vlla talis actio competere, cum constet, iura & bona singularum Ecclesiarum, & sacrorum Collegiorum propria, & separata esse, ac proinde de vno particulari loco ad alium liberè transferri, mutari, versariq; non posse.

III. Committitur hic fallacia, siue captio accidentis. Quod enim ego

cum P. Francisco Suarez cit. eo loco specialiter dixi de Societate IESV, iuxta Constitutiones eius à Sede Apostolica approbatas, id Astrologus accipit tanquam vniuersim à me dictum sit de omni Regularium Ordine, quòd de loco in locum reditus abundantes transferendi potestatem habere debeat, vt pro extinctis Monasterijs agere possit. Quemadmodum si ex eo, quòd Titius Grammaticus sit, collegerim hominem esse, tu hinc inferre velis, omnem hominem necessariò esse Grammaticum, malum vtique Dialecticum ages. Quia licet ex eo, quòd quis Grammaticus est, consequens sit, hominem esse, non tamè vice versa: Quia ex consequente non inferitur antecedens. Ita rectè in iusta defens. q. 1. præamb. ad obiectionem seu argum. 3. Si Iesuitæ ex Collegijs expulsi sint, post centum annos, quando omnes eorum habitatores mortui erunt, Societas ius actionemque ad ea prætensura erit; Rectè, inquam ratiocinando ostendi & conclusi pag. 15. talem actionem indubitatè competere Societati IESV, eò quòd Religiosi in Collegijs nullum ius aut titulum alicuius beneficii habeant, & non solum ipsi de loco ad locum liberè transferri, sed etià bona Collegiorum, si abundantia sint, à Præposito Generali, ad alia Collegia, cum Societatis consensu, transferri possint. Hinc verò nequaquam inferas, vt Generales aliorum Ordinum, etiam Mendicantium, v. g. S. Dominici, Carmelitarum, &c. actionem, vindicationemque, ad Ordinis sui recuperanda



superada Monasteria instituere possint, necessarium esse, vt eadem reditus abundantes à Monasterio ad Monasterium, sine speciali Sedis Apostolicæ petitâ licentiâ transferendi facultate præditi sint.

LOCVS VII.

**N**Otissimus est fallaciæ locus, qui dicitur *Æquiuocationis*: Cû vox geminam significationem, acceptionemque gerens, ad alterum sensum, quem in locutione habere non debet, fallendi causa, accommodatur.

Fallaciam istam non rarò exercuit Astrologus, prout in altera parte fusiùs ostendetur: Hic autem breuiter exempla quædam indicabo. Fol. 113. num. 35. fallit Lectorem ambiguitate vocis *Monasterium*, quod interdum accipi solet pro materiali Religiosorum ædificio, ac habitatione: Interdum verò pro Religiosis in vnum Congregationis corpus collectis. Ait itaque Aduersarius, cû in iusta defensione docui, spirituales titulos & iura Collegialia Monasteriorum, morte omniû Religiosorum, extincta esse, *Monasterij* nomen à me in priore significatione accipi, non posteriore. Sed planè oppositum docui. Et quænam esset hæc imperitia, si quis existimaret, aut diceret, titulos seu iura Collegialia non Monachorum Congregationi, sed materiali structuræ, aut loco per se ac directè adhærere, atque ideo non personalia communiter, siue corporalia (vti DD. loqui solent)

sed realia & localia esse? Hac de re pluribus infra p. 2. cens. 6.

Eod. fol. 113. in fine, & tribus seqq.

folijs eadem arrepta *æquiuocationis* ansa, varia loquitur, & quæstionis statum sæpe confundit. Cû enim iura Monasterij, Ecclesiæ, aut Collegij duplici sensu accipiantur, vel vt realia, quæ per se ac directè censentur adhærere rei, & loco; vel vt personalia communiter, quæ per se ac directè inhærent personis in communi viuentibus: Astrologus cit. fol. 113. quæstionem priùs rectè proposuit:

*An mortuû omnibus de Conuentu, Monasterium seu Ecclesia priùs titulis, fundationibus & iuribus Prælatû, Abbatia, Prioratus, &c. affecta, hosce titulos eo ipso mox omnes perdat, & omnia iura Collegialia, quæ habebat. Noster Opponens affirmat, &c. Nos negamus.* His verbis aperte fatetur, controuersiam inter nos esse de iuribus collegialibus, seu communiter personalibus, videl. titulis ac iuribus Prælatû, Prioratus, &c. quæ iura ipsi Congregationis Corpori inesse, certum est. Postea verò, cû partem, quam asseruit negatiuam quæstionis, ostendere deberet, multa in fol. 114. 115. allegat DD. testimonia, in quibus sermo duntaxat est de iuribus & priuilegijs realibus, siue localibus: vt apud Innocent. in c. cû ex iniuncto, de noui operis nunc. Friederic. de Senis, consil. 15. Gl. in reg. 7. de reg. iuris in 6. quod Ecclesia vel ciuitas non Principis auctoritate, sed facta, v.g. à Tyranno destructa, retinet priuilegia sua. Audiamus E. C. Gl. ab Astrologo citatam. *Priuilegiarum aliud est*

45.

48.

47. 48.

6

per-



personale, aliud reale: Et quod dicitur hic, quoddam privilegium personale extinguitur cum persona, intelligat idem de reali, ut scilicet exincta re, extinguitur privilegium. Quod dic verum, quando ipsa res, vel loca, puta ecclesia, ciuitas, vel loca alia sacra vel profana destruuntur Superiori auctoritate, secundum Ioan. & Laur. Et mox: Sin autem destruat ab hostibus, retinet omnia sua privilegia.

Eandemque doctrinam tradidit Baldus in prohem. ff. col. 2. eamque etiam frustra pro se allegauit Astrologus. fol. 114. princ. Ecclesia dicitur curata, si quondam fuit, licet omnis populus eius alio se transferat, vel decesserit: est enim cum spe, & aptitudine reparationis. Sic ciuitas destruitur, si eius incolatus perpetuo deseritur, nec ibi deinceps ponendus Episcopus. arg. l. Pater, §. Tusculanus ff. de leg. 3. Et sic per destructionem facti deuenitur ad destructionem iuris: quia remoto actu & potentia, remouetur habitus: quia habitus esset frustra. Innoc. tamen dicit, quoddam non est verum, nisi destruat auctoritate Superioris, ut ipse notat in c. cum ex iniuncto, de operis noui munitat. Sed Innoc. dicitur intelligi, ubi de facto est spes reparationis.

Verissima doctrina, quam ego Baldi testimonio simpliciter allegato tradidi pag. 6. & 7. Iustæ defensi. Sed Astrologus queritur fol. 115. in med. eam Baldi doctrinam ab Opponente non esse fideliter adductam, & ex ea plerumque deduci, quæ Baldus nunquam somniauit. Non verò exprimit, cur non fideliter adduxerim Baldi auctoritatem, aut quænam ex ipso collegerim, de quibus nunquam cogitauit. De quo infr. p. 2. cens. 6.

Fol. 114. in princ. & 118. nu. 44. af. 46. n. 35. fert Astrologus duplicem sacri Collegij dissolutionem: vna est, per auctoritatem Superioris, propter delictum, vel aliam grauem causam: alia verò solutio, quæ facta sit per mortem, vel voluntariam celsionem omnium Collegiatorum. Hæc est vera, & recepta doctrina, secundum quam, eæ species dissolutionis oppositionem inter se habent, ut neutra subaltera comprehendatur.

In eo. verò decipit Astrologus, quoddam priorem illam vocet dissolutionem iuris, eique opponat dissolutionem facti, per mortem omnium: quasi hæc posterior dissolutio iuris non sit, atque iura Ecclesiæ siue Collegij per eam non amittantur. Commode autem accidit Astrologo, quoddam vocabulum iuris æquiuocum sit, variasque significationes gerat: Interdum enim sumitur pro ludicis sententia, iuxta c. 2. de Const. in 6. Extra territorium ius dicenti, &c. Quare iuxta hanc acceptionem, admitti potest ea diuissio, quoddam alia sit sacrorum Collegiorum dissolutio iuris, & alia facti. Interdum verò, & quidem frequentius nomen Iuris accipitur ut idem sit, quod lex, aut canon: Ita enim appellamus iura civilia & canonica, id est, leges ac decreta. Interdum quoque accipitur pro facultate agendi, petendi, conferendi, &c. Quo sensu dicere soleamus Ecclesiæ competere iura sua. Et hæc posteriores acceptiones iuris Lectori obtrudit Astrologus, eiusque dicta eò tendunt cit. fol. 114. & 118. ut existimetur, omnibus è Monasterio.



sterio mortuis, titulos & iura Collegialia permanere, quia dissolutio Collegij non est iuris, aut de iure, sed facti duntaxat. Quæ doctrina falsa est.

Bartolus in l. ult. nu. 22. ff. de Colleg. illicitis, Baldus in l. sicut, §. In Decurionibus, ff. Quod cuiusque Universitatis, Abbas Panorm. in c. reco-lentes nu. 3. de statu Monachorum, & alij, quos ipsemet Adversarius allegavit, in his terminis locuti fuerunt, quod alia sit Collegij dissolutio, quæ sit sententiâ, aut mandato Superioris, alia verò quæ sit casu, aut facto, videl. morte, aut cessione voluntaria omnium Collegiatorum. Cur itaq; hunc loquendi ac diuidendi modum Astrologus non retinuit, nisi quia alter modus, quem passim inculcat, quod alia est dissolutio iuris, & alia dissolutio facti, propter ambiguitatem vocabuli iuris, fallacijs suis accommodatior erat?

Exemplo res clarior fiet. Excommunicationem ecclesiasticam quandoque incurrunt fideles per iudicis sententiam, quandoque autem facto. Quod si iam aliquis excommunicationem quæ ipso facto incurritur, opponere velit ei excommunicationi quæ iure incurritur: non aberrabit quidem à vero, si nomine iuris, Iudicis sententiam intelligere velit: plurimum autem errabit, aliosque in errorem inducet, si ea arrepta occasione, inferre velit, eum qui ipso facto excommunicationem contraxit, v. g. ob Clerici percussione, de iure excommunicatum non esse, aut

iuribus aliorum fidelium adhuc frui posse. Videatur etiam infra pag. 2. cens. 6.

Alia plura fallaciæ æquivocationis specimina reperientur p. 2. cens. 12. & 14. 15. & alijs sæpius.

## LOCVS VIII.

Inter fallacias id quoque numerare debeo, quod non rarò in ijs ponendis, atque demonstrandis copiosus sit, quæ tamen causam & intentionem eius non adiuuant, nihilominus verò conclusiones inde inferat, quæ minimè ex dictis, aut probatis sequuntur.

Fol. 101. nu. 1. astri inextincti, quæ-  
stionis decisionem, tanquam intentionem causæ suæ in medium adfert, quod, de iure communi, omnia Monasteria necessariò debent restitui personæ eiusdem qualitatis & Religionis, cuius erat demortua, & quod Religiosis Ordinum hac de causa legitimè competat assertio. Hæc est Astrologi principaliter intenta assertio, quàm cū ostendere deberet, nullum penitus can. aut legem in mediū adfert, per quā hæc eius assertio confirmetur, sed neque vllum Auctorem classicum producit, qui eiusdem cum ipso sententiæ sit. Classicum inquam, siue cuius scripta in lucem edita sunt, ita vt ab omnibus legi, contextus inspici, & conferri, atque iudicium ferri possit. Quod dico propter Romanorum Aduocatorum, quæ fol. 108. & 109. allegat, consilia: De quibus, quid iudicandum ipsemet censeat, dicam infra p. 2. in fin. cens. 8.

G 3

Hic



29. Hic autem breuiter videamus, quæ nam saltem impertinentia allegando, assertionem intentionemque suam ostendisse videri velit. In primis, dicto fol. 102. n. 1. 2. & 3. fundamenti loco ponit, & auctoritatibus ostendit, quod mortuo Monasterij Prælati, priusquam alteri prouideatur, Monasterium dicitur vacare, & quidē de iure: Nam Ecclesia carens Pastore, dicitur vidua. Et debet tunc per Conuentum, spectato cōmuni iure, eligi persona, quæ eiusdem Religionis ac habitus sit. Resp. Hæc esse verissima, sed ad propositum nihil facere: Quia sermo nobis non est de Monasterijs, seu ecclesijs Regularium viduatis, & Pastore orbatis, permanente Conuentu, sed de Ecclesijs, seu Congregationibus, quarum Prælatus, atque Conuentus totus mortuus est.

30. Pergit Astrologus fol. 103. nu. 4. & 5. atque ita discurret: Si Electores intra trimestre tempus non eligant, vel si eligant scienter indignū, priuantur ipso iure, pro ea vice, electione actiua. Quod si Monasteria non exempta sint, ad proximum Superiorem, id est, Episcopum electio deuoluitur. Eoque casu Episcopus, seu proximus Superior non potest alium eligere, quam ex corpore ipsius Ecclesiæ, si dignus adsit. Hæc omnia iuribus & auctoritatibus demonstrat, sed frustra, quia ad intentionem, assertionemque eius initio positam nihil conferunt, vti mox patebit.

At verò in n. 6. propius ad rem accedendo, ita loquitur: Si verò cōtingat, totum Collegium Canoniorum seu Mona-

chorum mori, non relictū alijs in gremio, qui electionem instituere possint, vti contingit in Monasterijs ab hæreticis occupatis, electio actiua iterum ad immediatum Superiorem deuoluetur, c. quamquam, de elect. in 6. in fine, & ibidem Canonista.

Resp. Astrologus falsò allegat hoc c. quamquam, & Canonistas ibidem. Nam duæ tantum recēsentur species deuolutionis, quæ ipso iure fiant, & quidem ad proximum Superiorem, si sermo sit de non Cathedralibus Ecclesijs: Prima est in casu negligentiae, altera in casu priuationis, si Electores indignum eligant, prout ipsemet dixerat nu. 4. Vnde ergo accepit tertiā speciem deuolutionis ad proximum Superiorem, videl. si omnes e Collegio mortui sunt. Non ex illò, quod malè citauit, c. Quamquam, sed nec ex vllò alio can. prout infra dicitur p. 2. cens. 38. Neque Panormitanus, & alij, quos allegat DD. quando docent, in casu extinctorum Monasteriorum, aut Collegiorum, quæ exempta non sunt, ordinationem deuolui ad proximum Superiorem, ad quem de iure pertinet confirmatio, nituntur illo c. quamquam. Vide infra p. 2. cens. 4.

32. Vtcrius progreditur, & ait fol. 105. n. 8. Facta huiusmodi deuolutione per mortem omnium in Monasterijs vel Ecclesijs, Superior immediatus tenetur similiter spatio trium mensium prouidere Ecclesiæ viduata de Prælato. Noua hæc doctrina est, nullibi in iure Canonico reperta, neque à Doctoribus asserta. Cap. verò ne pro defectu 41. de elect. quod Aduersarius allegat, loquitur de deuolutione ob casum negligentiae, itaque trans-



transferri nō debet ad deuolutionem ob mortem omnium. Quia à diuersis non fit illatio, præsertim cum iura, vt supra dixi, huius deuolutionis nunquam meminerint.

fol. 34.

Num. autem 12. eiusd. fol. 105. super iactis à se fundamētis, denuo adstruit: Videamus, cui Superior debeat conferre Monasteria vacantia, iure deuolutionis. Et mox fol. 106. in princ. ex Rebuffo refert, quod Superior iure deuolutio tenetur eisdem conferre personis, quibus tenebatur inferior ante deuolutionem: Abbatē quoque Panorm. & alios in eandem sententiam allegat, nu. 13. & 14. Sed incassum omnia sunt: Nā Doctores loquuntur de iure deuolutionis, cuius in sacris canonibus mentio fit: At verò sacri Canones nullius vquam deuolutionis meminerūt in casu, si omnes è Collegio mortui sunt: Nihil itaq; ad propositum allegatur.

35.

Fol. 107. quædam allegationes de industria falsatæ sunt ab Astrologo: Videlicet. 14. vbi post relatam doctrinam Abbatis Panorm. in c. cum ex in iuncto, nu. 5. de noui operis nunciat. Canonicis per violentiam Tyrāni expulsis, aut mortuis, alios substituendos esse, addit falsarius, notandū esse, quod rationē huius dicti afferat Panormitanus, ed quod Clerus fuerit spoliatus. Quare Lectori insinuare vult, Canonicis omnibus pulsus, aut mortuis, reliquum Clerum actionem habere ex spolio. Quod falsum est, neque Abbas id dicit, cum tamen verba illa, tanquam ipsius formalia sint, distincto charactere attulerit.

Iterum nu. 15. fraudulenter allegat,

quibusdam verbis omisis, testimonium Gl. in c. statutum, 22. ver. Collegiatas, de elect. in 6. quasi ea loquatur in casu nostro, si omnes è Collegio, etiam ipse Prælatus, mortui sint: Cum tamen Glossa expressè loquatur de casu, si solum sit Collegium vno solo remanente. Nam & tunc definit esse Collegiū actu, sicuti & grex esse desinit, si vnum tantum animal mansit in grege, ait Gl. ibi allegata l. si grege legato, 22. ff. de legatis primò. Et postea subdit: Si Collegium desinat ibi esse, puta Canonicoꝝ morte, locum habet decretal. quia alij debent substitui, & si non faciant hi, ad quos primò pertinet, infra debitum tempus, ad Superiorem deuoluetur, & sic de singulū vsq; ad Papam: Et ius Collegij bene remanet in vno, quod dic, vti notatur supra de postul. Prælatus. c. gratum: Si autem destruat Collegiū Superioris auctoritate, puta quia facit ex causa, tunc non habet locum Decretalis. Hæc verba Gl. retulit Astrologus, omisis intermedijs illis, Et ius Collegij bene remanet in vno, quod dic vt in c. gratum. Ex his enim Lector aduertisset fraudem, quod nimirum Gl. loquatur in alio casu, nihil ad propositum pertinente.

Atq; hæc, quasi introductionis cuiusdam loco, dicta sufficiant. Deinceps autem librum Astri inextincti particularius peruoluere aggrediar, atque ea, quæ contra Iustam defensionem, ad statum quæstionis principalis perturbandum, veritatem evertendam, calumnias aduersus me, ac potius Societatem nostram, iaciendas, allata sunt, qua possum breuitate & claritate, proponam, & refutabo.

G 3

PARS





## PARS ALTERA.

*Continens particulares astri inextincti Censuras.*

### CENSURA I.



N Præf. ad Lectorem, fol. 89. 90. ubi pluribus demonstrare conatur Astrologus, Sac. Cæs. Maieft. in Iusta defensione oppugnari, inter alia hoc mihi dictum tribuit: Incumbere necessitatem defendendi suam Maieftatem, ne piffimus Cæsar Sedis Apostolica auctoritatem, eiusdemq. iura imminuere, Ecclesiasticas causas ad forum suum trahere, Romano Pontifici leges in ea re præscribere, Ecclesiasticamque potestatem ledere videatur. Cum ad Pontificem, non ad Cæsarem pertineat Ecclesias transferre, vnire, diuidere.

In hac allegatione, hac inprimis fraude. vltus est Aduersarius, quod verba, quæ post vocem videatur in Iusta defensione nu. 27. proximè sequuntur, penitus omisit, Veruntamen ab huius omnibus Augustissimi nostri Cæsaris mens ac voluntas alienissima est: Quia rationes eas, itemq. argumenta epistola ad Oratorem, &c. Maieftas sua nunquam vidit, aut legit. Intelligit iam Lector harum rerum gnarus, quidnam eo in loco dicere voluerim: Quomodo autem Astrologum mentem meam per-

uerterit, & aliorum transferre per calumniam ausus fuerit, mox clariùs apparebit.

Altera itaque, eaque præcipua est hominis fraus: Quod verbis ex Iustæ defenf. proœmio num. 27. allegatis, cohærenter annectat ex pag. 2. alia, longè diuersa intentione, scripta verba, Cùm ad Pontificem, non ad Cæsarem pertineat, &c. Vbi aduertet Lector, commodè accidisse Impostori huic, quod in eo loco reperit copulam causalem Cùm, vt connectendo hæc cum superioribus verbis, videri possit Laymannum rationem ibi reddere, cur Cæsar Sedis Apostolicæ auctoritatem minuere, causas Ecclesiasticas ad forum suum trahere censeatur, quia per Generales Ordinum, &c. instituti processus, coram Imperatoribus, aut Camera Spirensi fuerint admissi, prout ipse præmiserat citat. pag. 89. At verò hæc ratio, & doctrina à mente & scriptis meis remotissima est: Atque longè aliud pag. illa 52. docui, videl. Monachis illis, ( de quibus ibi sermo erat ) nullum ius per translationem Monasteriorum auferri, cùm nullum



nullum habeant: Et, si auferretur, id non Imperatoria potestate fieret, vrgente Rom. Pontifice. (Ita enim imperitè loquebatur Iulceptæ defensi. Auctor, qui eo in loco refutatur.) Cum ad Pontificem, non ad Cæsarem pertineat Ecclesias transferre, vnire, diuidere.

Tertia fraus in eo consistit, quòd ad corroborandum, ac penitus persuadendum Lectori, eam aduersus Cæsarem, Maiestatem à me fuisse latam censuram; aliam doctrinam adiungit ex pag. 16. Iustæ defensi. vbi verba Innocent. III. c. cum iam dudum 18. de præbendis, allegata reperiuntur, Multa per patientiam tolerantur, quæ si deducta fuerint in iudicium, exigente iustitia non debent tolerari. Hunc locum non ibi tantum, sed alibi passim, cum in Astro inextincto, tum in Actione perduellionis, fol. 11. 42. eò detorquet Aduersarius, quasi docere voluerim, in Aula Cæsarea, & Camera Spirensi, spectato iure & iustitia, non potuisse processum de Monasteriorum restitutione agitari: quamuis id à Pontif. Romano, alijsque Ecclesiasticis Prælatibus hætenus toleratum fuerit. Quæ est planè evidens hominis impostura: Siquidem nullo vnquam id verbo significauimus, sed varijs in locis disertè contrarium, pag. 248. Iustæ defensi. Cæsarem ex supremo nobilissimo officio spoliatis aut legitimis spoliatorum successoribus iustitiam administrare, eosque in pristinum iurium ac bonorum suorum possessionem reducere debet (sermo ibi est de Monasterijs quæ ab hæreticis malè detinentur) prout exemplum plurima Caroli V. Cæsaris, &

Rom. Imperij perpetua praxis demonstrat. Et pag. 478. Cæsareum Edictum non nititur meri duntaxat iudicij supremi officio, quod partibus iustitiam implorantibus impartiri debeat, cum etiam nemine in particulari ius & actionem instituyente, aut ius agendi habente, Cæsarem, tanquam vniuersalis Ecclesiæ Aduocatus & Patronus, ex nobilissimo & LIBERRIMO suo officio, Monasteria & bona ecclesiastica ab illegitimis acatholicis detentoribus repetere possit ac DEBEAT.

Quanam autem intentione Innocentij III. verba in suprà cit. c. cum iam dudum, à me allegata fuerint, clarissimè quilibet cognoscet, si locum integrum pag. 16. Iustæ defensi. inspexerit. Præmiseram enim, propter æquitatem, Monasteria multa (imò, vt alibi dictum, plurima, & pleraque) eorundem Ordinum Religiosis restitui. Sin autem (adiunxi) de iure contendere velint, & tanquam debita sibi, Monasteria vindicare, ita, vt Roman. Pontifex, cum Cæsare, aliud decernere non possit, tunc ipsis hoc ius negatur, atque locum hic habet, quod Innocentius III. dixit, Multa per patientiam tolerantur, quæ, si deducta fuerint in iudicium, exigente iustitia, non debent tolerari. Apparet, quòd dicti huius accommodatio ad ea, quæ proximè antecesserant, & non ad aliud quippiam, referebatur, videl. si Religiosi illi adeò de iure suo contendant, & tanquam debita sibi Monasteria exigant, vt aliud decerni nulla auctoritate possit, quia talis translatio iustitiæ naturali repugnet &c. tunc locum habere Innocentij Papæ III. sententiam:

Si



Si eiusmodi prætensiones, atque asserta secundum iustitiae regulas examinata fuerint, toleranda non esse.

Quarta, & maxime perniciofa fraus Astrologi est, quod ex falsatis iustitiae defens. sententijs & supposititijs doctrinis ipse corollaria infert, cit. fol. 90. & 91. Causas & processus iudiciales à Generalibus Ordinibus pro restitutione Monasteriorum institutos, nec potuisse, nec debuisse de iure coram Caesareo tribunali ventilari: Consequenter decretum seu Edictum generale ex hac parte falsum, ecclesiastica immunitati repugnans, ideoq; nec tolerandum esse: Sententias restitutionis à tribunali Caesareo pro Generalibus Ordinibus latas, & executioni mandatas fuisse secundum quandam aequitatem, sed exigente iustitia non debuisse tolerari, adeoque ne decretum quidem Caesareum quo declarantur huiusmodi sententiae & executiones de iure factae, aut faciendae.

Neque in hoc solo fraus ista Astrologi consistit, sed ulterius se extendit. Postquam enim quae numerata sunt corollaria, ex supposititijs iustitiae defens. doctrina intulit, eadem postea tanquam diserta pronuntiata mea, per summam iniuriam mihi attribuit, fol. 200. Vehementer dolendum est, hunc religiosum Patrem ausum fuisse, defectum iustitiae Caesariae dicasterio, & Edicto asserere, cum haeretici, quibus iterato, pro dolor, patrocinatur, nihil horum obijcere palam sint ausi. Et fol. 201. Noster Oppositor negat hac iuste decerni (à Caesare in Edicto, ut Monasteria secundum fundationem utilibus & qualificatis personis restituantur) negat Imperialem

Cameram eiusmodi sententias & iudicia de iure posse, vel debere pronunciare, quippe cum ea sint talia, quae per patientiam, & secundum aequitatem tolerata fuerint, non solum indigeant ulteriori examine ac disputatione, sed iustitia repugnent: cum Generales Ordines & Abbates nullum habeant ius agendi, aut vindicandi, adeoque ad formandos processus iudiciales non sint admittendi, consequenter neque sententiae pro personis iuxta fundationem idoneis, & de facto qualificatis ferenda. Et alibi saepius eadem inculcantur, praesertim fol. 187. 188. 199. 200. Astri inextincti, & in act. perduell. fol. 11. 41. 42. 217. 218 quae postea etiam in Indicem Astri inextincti cumulatim collectae sunt: Paulus Laymann de Societate Iesu causam haereticorum adiuvat: Imperatori & Camera Spirensi exprobrat defectum iustitiae: Opponit se generali Edicto: Eius liber nuncupatus iustitiae defensio, in Imperio susineri non potest: Prohibet antiquos Ordines à tribunali Caesareo.

Falsissimas has imposturas esse, ex his quae tum hic, tum in iustitiae defens. passim, & supra p. 1. loco 4. 6. Superest iam, clarè explicavi, perspiciet Lector: I. Ordines, seu potius Praelatos Ordinum, quorum Professores vota sua edunt cum stabilitate loci (de his enim duntaxat controuersia est) Monasteria ista vacantia coram tribunali Caesareo petere posse, propter aequitatem, implorato supremo Caesaris nobilissimo officio. Addo etiam, veram illos actionem instituere posse nomine Ecclesiae, si Rom. Pontifex, aut Episcopus Ordinarius (in Monasterijs non exemptis) consentiat. II. Caesar Romanus



manus non solum potest, sed etiam ex officio, & iuramento suo, tanquam supremus Ecclesiarum Aduocatus, obligatus est, Monasteria ab hæreticis iniquè detenta, exigente iustitia, reuocare. Idque non tantum, si quippiam in tribunali Cæsareo compareat Actor, aut qui officium supremum Cæsareum imploret; sed etiam si nemo compareat: Quia Ecclesiæ nomine, & auctoritate in recuperandis Monasterijs, sacris Collegijs, &c. munitus est Imperator, supremus & vniuersalis Aduocatus; Non ut ea ipsemet ordinet, aut arbitrato suo de iis disponat, sed ut Rom. Pontifici, alijsque Ecclesiasticis Prælati, iuxta sacros Canones ordinanda tradat; saluis tamen iuribus Imperij. III. Nihil omnino ad causam ab hæreticis recuperandi Monasteria pertinet, num aliqui in particulari adsint, qui ea tanquam sua, repetere ac vendicare possint: Cum semper supersit Ecclesia Christi, cuius nomine & auctoritate Rom. Pontifex, Cæsar supremus Aduocatus, Episcopi, &c. actionem, repetitionemque instituere queant, imo ex officio debeant.

Hæc alijs etiam locis à me tradita sunt; quæ si Lector veri atque iustitiæ amans, considerarit, atque cum Aduersarij fallacijs, & imposturis compararit, vnà mecum in eam sententiam ibit, vix vnquam mortalium aliquem repertum esse, qui in decipiendo, & calumniando illi par esse possit. Audiamus, obsecro, suas illas pseudologias, ac dolos, qua demum coronide concluderit fol. 202. Ex qui.

bus omnibus apparet eum (Laymannum) ultra quam hominem Christianum & Catholicum, ne dicam Religiosum, deceat, Sedis Apostolica declarationibus. S. C. Maiestati, eiusque decretis ac tribunalibus sese opponere, res iudicatas in controuersiam ducere; pro reuisione ad suum calamum reuocare, &c. Ut causam habeat S. C. Maiestatis Auctorem ad publicam reuocationem compellendi, aut illius editum Tractatum prohibendi, confiscandi & supprimendi, veluti S. R. Imper. Constitutionibus, & ipsimet Imperatorio supremo muneris ac tribunalibus aduersantem, nociuum, scandalosum, & hæreticorum iniquæ causæ patrocinantem; Iuri Canonico, decreto restitutionis, priuilegijs & Concordatis Nationis Germanicæ) quibus ne ipsa quidem Sedes Apostolica derogatum cupiet (contrarium & repugnantem; litium & periculosorum in Imperio tumultuum prouocantium & exorbitantem.

## CENSURA II.

POST præfationem, in ipso disputationis aditu, primæ & præcipuæ quæstionis statum perperam & inuidiosè proponit Aduersarius fol. 99. Astri inextincti: An, & quale ius habeant exempti Religiosi, vbiuis terrarum, ad Monasteria eiusdem Ordinis hucusque ab hæreticis, &c. detenta recuperanda. Et mox argumenta mea ex iusta defensione producit, quibus ostendi videretur, nullum ipsis ius repetendi competere.

Verum ego locutus non sum de omnibus Monasterijs, quæ ab hæreticis detentoribus recuperanda sunt:

H

sed



sed de ijs tantum, quæ per se stantia, & non unita fuerunt; Atque de eorum duntaxat Ordinum Religiosis, qui professionem edunt restrictam ad certum locum, & particularem Prælatum; Denique in eo tantum casu, si Professi Monasterij restituendi omnes mortui sint.

Nolo hic examinare, quàm fideliter ex iusta defensione rationes & argumenta, postea ab ipso refutanda, referat Aduersarius; quibusdam omissis, alijs, pro arbitrato, adiectis verbis. Videatur exempli causa ratio I. sumpta ex iustæ defens. pag. 444. Referuntur enim verba mea, quibusdam in medio omissis, continuata nihilominus cōstructione, sed non sine vitio latinitatis. Alia deinde ab Astrologo adijciuntur; Adeoq; non entis nō sunt qualitates; sed Monasteria, & bona vacantia Romanus Pontifex & Caesar assignare & donare possunt; quibus volunt. Quo autem consilio locum illum deprauauit, infra in cens. 6. intelligitur.

In hoc loco prætermittere non debeo, quod fol. 101. & 135. argumenta quædam ex *Placida disceptatione* eo modo afferuntur, & refelluntur, ut Lector existimare possit, ex eadem, cum alijs ex iusta defensione allatis, officina prouenisse. Quod & expressius dixerat Aduersarius in Act. perduell. fol. 15. & 18. in Anatomia pag. 30. Iesuistas Dilinganos auctores esse eius libri, cuius titulus, *Placida disceptatio*. Id verò manifestè falsum esse, abunde ostensum est in Antimelandro fol. 94. 95.

Eod. fol. 107. n. 16. ait: *Illustris ad hanc rem locus est in c. inter quatuor, de relig. domibus, cuius titulus est: Lotus religiosus debet reformari de Religiosis duntaxat, non de secularibus, nisi in defectum Religiosorum.* Et ad marginem, textus notabilis. Verum nihil notabile afferitur; cum neque iste textus agat de casu nostro, si omnes alicuius Monasterij Professi mortui sint; sed, si Monasterium, existentibus in eo atque manentibus quibusdam Religiosis, reformandum sit, prout etiam annotauit iustæ defens. pag. 183. Quod verò addit Astrologus eod. n. 16. ex S. Gregorio, allegato in causa 18. q. 2. c. 26. *Quæ semel fuerunt Monasteria, in secularium habitacula conuertenda non esse;* id verum est, & de hoc infra dicam cens. 38. Sed ad rem nihil attinet quando quærimus, num Monasteria eiusdem Ordinis Religiosis necessariò restitui debeant.

Tametsi verò nihil omnino ostenderit, subiungit tamen Astrologus: *Ex his hætenus dictis satis colligi potest, cur Monasteria Ordinis S. Benedicti dicantur & sint patrimonium S. Benedicti, eo quod de iure communi debeant filijs S. Benedicti, quamdiu inueniri possunt, qui loco, vel etiam intuitu sui patris & legislatoris, eiusmodi Monasteria debite regant, & possideant.* Adhæc dico, nullum ab ipso ius allatum esse, ex quo colligatur, Monasteria ista deberi filijs, seu Professis Ordinis S. Benedicti. Sin autem ex metaphora illa patrimonij paterni, ac filiorum argumentum ducere vellet, nihil sanè efficeret: cum scire debeat, ius successionis in ecclesiasticis bene-



beneficijs ac præbendis locum nulum habere, c. quoniam 10. & seqq. de filiis Presbyt. & c. 2. de concess. præbendæ. Id verò ideo moneo, quia infra fol. 116. n. 41. & fol. seq. n. 42. successionem hanc, eamque hereditariam iteratò inculcat. Sed aliter se res habet, videl. quòd Prælatus ius suum ac titulum propriè non consequatur per successionem ab antecessore; sed per nouam creationem & institutionem. Quare dicere solent DD. quod mala fides Prælati antecessoris non nocet successorij; cum ab ipso causam, titulumque non habeat, ex communi Balbus de præscrip. p. 2. terzæ princ. q. 11. n. 13.

38. Eod. fol. 108. n. 18. At obijciunt Aduersarij (inquit) Romanum Pontificem huiusmodi legibus & iuri communi non esse alligatum. Rectè, Valèr ergo dicere, Pontif. Maximum habere aliam potestatem, quam libera sit à lege positua: quod nihil aliud est, quam prouocare ad plenitudinẽ potestatis absolutæ, quam nunquam negabitur: licet asserant, hocce negotium transferendorum Monasteriorum ad illud absolutum tribunal nullo modo pertinere. Inania prorsus verba: Quæ enim sunt leges illæ aut iura communia disponentia de Monasterijs his vacantibus, eiusdem Ordinis Regularibus restituendis, quibus Laymann & alij dicant, Pontificem non esse alligatum? Nulla vspiam talis lex, nullus canon extat. Et quomodo hæc inter se consentiunt, quando significat, Aduersarios suos in hoc transferendorum Monasteriorum negotio prouocare ad plenitudinem Pontificiæ potestatis absolutæ; licet

asserant, negotium, ad absolutum illud tribunal nullo modo pertinere.

Nolo hic pluribus discutere argumentum, quod ex l. cum loca capta, 36 ff. de religiof. & sumpt. funerum, & mox alleganda l. si captiuus, deducit, Monasteria per Cæsarem ab hæreticorũ manibus recuperata, iure postliminiij, restituenda esse Ordini S. Benedicti, cuius olim erant. Quia expensis hostib. ex agris, quos ceperant, constat, dominia eorũ agrorũ, iure postliminiij, ad priores Dominos redire, nec aut publicari, aut præda loco cedere, l. si captiuus, ff. de captiuis & postliminio reuersis. Cũ enira Aduersarius nunquam ostenderit, neque ostendere possit, Monasteria hæc ad religiosos Ordinis S. Benedicti dominij iure pertinere, frustra assumit id, quod principaliter in quæstione versatur, ei que negatur. Taceo, quod l. illam 36. inscitè alleget, quia & impia sit, & ad propositum eius nihil prorsus pertinet. Cũ loca capta sunt ab hostibus, inquit Ethnicus l. c. Pomponius, omnia desinunt religiosa vel sacra esse: sicuti homines liberi in seruitutem peueniunt: quod si ab hac calamitate fuerint liberata, quasi quodam postliminio reuersa, pristino statui restituta restituntur.

Ex his itaque apparet, Astrologum, post positam principalem assertionem, quam ostendere debuisset, multa folia varijs allegationibus & discursibus, nihil ad rem pertinentibus, nec causam eius adiuuantibus, impleuisse.

(1)  
H. CEN.



## CENSURA III.

30. & 31. **F**ol. 103. & 104. allegat auctoritates Doctorum, qui dicant, *mortuis omnibus è Collegio, ius providendi, seu ordinandi deuolui ad proximum Superiorem, qui habet potestatem confirmandi electum, siue is sit Episcopus, siue alius Prælatus.* Hanc ipse receptissimam doctrinam, tanquam multum causæ suæ patrocinantem, atque à me in iusta defensione negatam, Lectori obtrudit, (sicuti & in Act. perduell. fol. 40.) At verò eandem doctrinam disertè probaui q. 1. præamb. pag. 6. & pag. 16. *Qui præest Ecclesie, inquit, ea pag. 6. siue Prælatus, bonorum (ecclesiasticorum) curator & administrator, vel est immediatus, videl. Abbas, Præpositus; vel mediatus, videl. Episcopus, si Monasterium, aut Collegium sacrum exemptum non sit; ac denique Papa. Quamobrem si Prælatus immediatus, videl. Abbas, vel Præpositus vita excesserit, atque insuper totum Capitulum, seu Conuentus (penes quæ iura Ecclesie, prælatura vacante resident, c. his quæ, II. c. cum olim 14. de maior.) mortuus sit, sequitur, quòd ius totum dispositionis recidat ad Prælatos mediatos, videl. ad Episcopum (si Monasterium aut sacrum Collegium exemptum non est) & principaliter ad Papam.*

Quod autem illa ipsa doctrina causam Aduersarij non adiuuet, apparet, si ita argumentati fuerimus: Omnibus è Monasterio mortuis, dispositio & ordinatio eius ad proximum Prælatum deuoluitur, ad quem spectato iure communi electio per-

tinet: Atqui, considerato tam communi & ordinario iure, quàm recepta Ecclesiarum Germaniæ consuetudine, confirmatio Abbatum & Præpositorum Regularium in Monasterijs non exemptis, non ad aliorum eiusdem Ordinis Monasteriorum Prælatos, sed ad locorum Ordinarios, seu Episcopos spectat: Ergo ad hos ipsos, & non ad illos, eorundem Monasteriorum, quorum Professores omnes mortui sunt, ordinatio proximè deuoluta fuit; Consequenter & actio, si per quaecumque vim, aut detentionem talium Monasteriorum ordinatio impediatur. Videri potest iustæ defension. q. 1. allegata pag. 16.

Quòd verò attinet ad Monasteria exempta, quæ omnibus eorum Professis mortuis vacant, contentus etiam ero, si innitatur huic regulæ: Quòd eorum ordinatio, consequenter & actio, pertinet ad proximum Prælatum, cui communi & ordinario iure competit confirmatio & institutio Prælatorum; attamen cum dependentia & subordinatione ad Rom. Pontificem, quæ nunquam excludi debet.

Si verò loquamur de Prælati, qui non iure communi aut primæuo, sed per consuetudinem legitimè præscriptam, aut specialia priuilegia, Electis confirmationem impendere solent; tunc inspiciendum, quousque se hæc specialia iura extendere possint. Addendum verò est; Tamen si eiusmodi Prælati, dum eis Pontifex permittit, actionem, pro Monasterijs restitui-

mè in-



mè instituant, nequaquam tamen inde consequens esse, Ordinem ius in ijs quæsitum habere, ita vt tanquam sua vendicare possint, si sermo sit de his Religiosis, qui professionem cum stabilitate loci edunt: Quemadmodum nec Episcopi pro recuperatione Monasteriorum non exemptorum aliter agunt, quàm vt ea secundum Canones ordinent; cum dependentia tamen, atque subordinatione ad Rom. Pontificem.

38. Præterire hic non debeo calliditatem Aduersarij, quando fol. 108. n. 17. Lectori persuadere volens controuersie decisionem ex eo pendere, num mortuis omnibus è Collegio ordinatio eius deuoluatur ad proximum Prælatum, eiusque partem negantem amplexum me esse in iusta defensione: idcirco ex ea allegat pauca verba pag. 263. quibus id me negasse, Lectori incauto videri possit: Ex hæcenus dictis, inquit Astrologus, satis colligi potest, cur Monasteria Ordinis S. Benedicti dicantur, & sint patrimonium S. Benedicti, &c. E contra, quàm rudi Minerva docuerit Opponens, ostendi non posse substitutionem aliquam factam esse, vt e mortuo Conuentu, alioq; dissoluto Collegio, ad alios deuolutio fiat. Sed textus verborum integer ita se habet: Verum non est, quod libelli Auctor (quem ibi refutaui) ait, Monachos, qui nunc viuunt, esse posteros seu successores eorum, qui in Monasterijs cum stabilitate loci professi, dudum mortui sunt: quandoquidem Monasteria, tametsi eiusdem Ordinis ac regula sint, tamen iura ac bona penitus separata habent. Quamobrem etiam ipsa fundatio-

nes ad certum huius loci Conuentum diriguntur; neque in ijs ostendi potest, substitutionem aliquam factam esse, vt e mortuo Conuentu, adeoq; dissoluto Collegio, ad alios deuolutio fiat.

Locutus sum hic de lege, seu conditione hominis, eam ostendi non posse in literis foundationis: Alioquin, si expressa fuerit talis conditio, vt in eo euentu, si omnibus mortuis Professis Monasterium v.g. S. Benedicti extinctum fuerit, per alios eiusdem Ordinis ac habitus ordinetur; tunc secundum ordinariam iustitię legem, adimplenda erit conditio, iuxta ea quæ tradunt DD. in c. verum, 4. de condit. appos. & in c. 4. causa 13. q. 2. vbi dicitur, quod vltima voluntas defuncti modis omnibus conseruari debet. Plerumque autem non apponuntur eiusmodi conditiones; sed Prælatorum, ad quos pertinet, potestati liberum relinquitur, vt secundum sacros Canones ordinationem faciant. Quidnam autem in eo extincti Monasterij casu fieri secundum Canones debeat, & num eiusdem Ordinis Religiosi instituendi sint, eo in loco non disputaui; sed neque in toto Iustę defensi. libro, si intelligatur, sicuti Astrologus ibi loquitur, de proximis Prælati, quibus spectato communi iure, dictorum vacantium Monasteriorum ordinatio competit.

CENSURA IV.

Fol. 109. n. 23. hæc scripsit Aduersarius: Iure deuolutionis vacantibus Monasterijs, prouideri debet de personis eiusdem



dem Ordinis & Religionis: Cum igitur actio nihil aliud sit, quam ius persequendi quod sibi debetur, Instit. de action. in princ. Gl. in c. dilecti, de iudicijs, Panorm. in c. Iudicis officium, de offic. Iudicis, sequitur euidenter, Ordini, siue cuius de Ordine, nomine tamen Ordinis, seu Monasterij, ut supra dictum fuit, actionem competere, l. 178. §. 2. de verb. signif. Quod enim mihi debetur, de iure persequor. Hoc ipsum quoque iam toties repetita verba significant, debent, oportet, substituendi sunt, habent substitui, debent subrogari, &c. Nam verbum Oportet sapit praeceptum l. 2. C. de iureiur. & per Bartol. in l. admonendi. ff. eod. tit. Abb. in c. quia contingit, Clem. de religiosis domibus n. 9. Idem Abbas in c. cum super de causa possess. & propriet. n. 13. Et verba oportet, debent, non ad facultatem Iudicis, sed ad veritatem debiti referuntur, & omnem actionem comprehendunt, l. 17. in Gl. l. 108. l. 178. ff. de verb. signif.

Respondeo. frustra haec omnia allegari, & nihil inde ostendi: Primò, quia, ut supra dixi p. 1. loco 8. in toto iuris Canonici corpore nullus Canon ostendi potest, in quo huius deuolutionis mentio fiat.

Secundò; Tamen multi Doctores rectissime doceant, in casu isto extincti Collegij per mortem omnium, ordinandi potestatem deuolui ad proximum Praelatum, id tamen ipsi non colligunt ex iuribus eod. loco 8. allegatis, in quibus sermo est de deuolutionibus ob negligentiam, vel electionem personae indignae. Sed tota haec theoria, & accommodatio Canonum ad nouam

hanc deuolutionis speciem, fictitia est.

Tertio; Interim non nego, Panormitanum, & alios quosdam in hac sententia fuisse, quòd Episcopi, & similes Praelati inferiores Papam, eiusmodi Monasteria ob mortem omnium vacantia, seu extincta, ordinare debeant per eiusdem Ordinis Religiosos; eamque doctrinam in Iusta defensione nunquam negaui; sed nec approbaui, propterea quòd in sacris Canonibus hunc casum definitum non repeterim, prout infra iterum dicendum cens. 38. Aut ostendat mihi Astrologus iuris textum, in quo insinuetur, quòd in casu Monasterij vacantis per mortem omnium, talia verba legantur, Oportet, debent substitui eiusdem Ordinis Religiosi: Frustra itaque hinc colligit, actionem competere Ordini S. Benedicti, siue Praelatis eius; cum nulla lex, nullus canon allegetur, per quem hoc ipsis ius conueniat.

Quartò; Tamen si ponamus, reperiri aliquem canonem, quo praecipitur Episcopis, ut Monasteria huiusmodi vacantia, si exempta non sint, per eiusdem Ordinis Religiosos ordinent: tamen non rectè inde inferet Astrologus, Abbatibus illis ius & propriè dictam actionem competere. Non enim omnis lex, aut praeceptum quo decernitur aliquid dari, aut fieri oportere in hominis fauorem, tribuit ei propriè dictam actionem; sed opus est, ut per illam legem, aut praeceptum ius acquiratur, cui obligatio iustitiae respondeat. Quare quod ex tit. Instit. de actionibus in princ.



princ. refertur, quòd actio nihil aliud est, quàm ius petendi in iudicio, quod sibi debetur, non de quocunque debito intelligendum, sed de debito, seu obligatione ex iustitia. Quamobrem in eod. loco Instin. actiones diuiduntur in reales, & personales: Reales sunt, si res obligata esse dicatur: Personales verò, si persona obligata dicatur, siue ex voluntaria pactione, siue ex maleficio, aut quasi maleficio. Quæ omnes obligationes iustitiæ sunt.

Veruntamen, licet lex, aut præceptum in hominis fauorem positum, interdum ei ius iustitiæ, actionemq; aliquam pariat, vti apparet in legato ex testatoris voluntate ab hærede præstando; Item in decimis, quas ex Canonis constitutione, propria dicta actione, ac conditione Parochi petere possunt, argum. l. vn. ff. de condict. ex lege, & tradunt Canonistæ in c. commissum 4. de decimis; Attamē non semper lex, aut præceptum iustitiæ ius homini, actionemque confert; esto, interdum Iudici, Superiori, vel alteri obligationem aliquam adferat, in hominis fauorem quippiam dandi, aut faciendi. Exempli causa: Si lex, aut statutum præcipiat, vt ciues diuites pauperibus, qui graui inopia premuntur, eleemosynas tribuant; non ideo pauperibus ius aut propriè dicta actio acquiritur ad eleemosynas exigendas; cum lex illa seu statutum non intuitu virtutis iustitiæ, sed charitatis tantum ac misericordiæ lata sit. Item si defunctus votum non insinuat, neque acceptatum ediderit, dotandi puellam inopem,

obligatur hæres ad exequendum, atque ad id à Iudice compelli potest, ac debet iuxta l. 2. ff. de pollicitat. Non tamen hinc consequens est, quòd puellæ propriè dicta actio competere possit. Sed in eiusmodi casibus officium Iudicis imploratur, vt is decernat & exequatur, quod potest, & quandoque debet decernere & exequi. Quæ doctrina hic tradita, reperitur apud Bartholum super l. i. ff. de iurisdic. omnium Iudicum, Panor. mit. in c. 2. n. 2. de offic. Iudicis.

Sic itaque dico; Tamen si fatemur canonem extare, quo præcipiatur Episcopis, vt huiusmodi Monasteria non nisi per eiusdem Ordinis Religiosos ordinarent; non rectè tamen inde inferretur, his propriè dictam actionem competere posse; sed tantum Iudicis officium & obligationem exigere, quòd proinde peti, atque implorari poterit.

Leges, quas Astrologus allegauit, sed, more suo, deprauat; (iungendo videl. in vnā constructionem, quòd dicit Glossa cum verbis legis, & vnus legis verba, cum verbis alterius) partim de debito iustitiæ agunt, videl. l. 37. 108. 178. §. vltimo, ff. de verb. signif. partim in Iudicis officio, siue quid eum agere oporteat secundum legis præscriptum, l. 3. C. de iureiur. Abb. in cit. c. cum super n. 3.

Ex his apparet, discursum illum Astrologi vndeque infirmum, & vacillantem esse. Maiorem verò inscitiam suam, infantiamque nouitius iste Iurista prodit, quando fol.



178. 179 185. & fol. 186. in princ. ubi postquam verba Theologi retulerat, hoc rerum statu, *Cesarem sub graui etiam obligatione in conscientia teneri*, vt ex bonis ecclesiasticis & Monasterijs recuperatis seminaria Parochorum, Academi-  
 42. & Collegia Societatis fundet; *Ex hoc asserto*, (ubi iungit Aduersarius) sequitur, quod pro Monasterijs recipiendis, etiam alij prater antiquos Ordines habeant aliquod ius agendi: Id enim quod alter mihi sub graui conscientia obligatione dare tenetur, est mihi debitum: quod autem mihi debetur, de iure prosequor: adeoq; ius pro se agendi habebit etiam Oppositor, & iam bellum erit ex vtraque parte iustum, quolibet petente suum & alienum: Et idem erit debitum, & non debitum. Apparet, hunc hominem ne primis quidem labris iurisprudentiae studium attigisse; cum non intelligat, quid sit actio; sed neque Theologiae peritum esse: Quis enim Theologorum nesciat, non ideo, quia, v. g. diuites obligati sunt pauperibus subuenire, ipsos pauperes ius actionemque habere ad bona diuitum, tanquam debita sibi, exigendum.

## CENSURA V.

42. & 43. **F**OL. 111. & 112. multa proponit Aduersarius, quae etsi probata sint, causam eius non adiuuant; imò probatione non indigent, quia pleraque eorum à nemine negantur. Ostendere enim conatur, multos esse, qui ius actionemque ad repetenda Monasteria ista habeant; Videl. summus Pontifex, vt est Generalis omniū

Ordinum religiosorum, fol. 112. n. 33. 43. Romanorum Imperator, tanquam vniuersalis Cœnobiorum Aduocatus, fol. 111. n. 31. Aduocati item particulares; Hæredes, ac descendentes à fundatoribus, &c. eod. fol. 111. n. 30. 41. Locorum Ordinarij siue Episcopi, fol. 112. n. 32. Deniq; quilibet è clero, 43. immò etiam è populo, fol. 110. n. 40. 26. Quanto itaque magis ipsis Ordinibus, & cuilibet ex Ordine, nomine tamen Ordinis, vel Monasterij, actio competere debet? fol. 9. & seqq. Ex quibus omnibus apparet (concludit ipse fol. suo 113.) Aduersarium grauissimè 44. hallucinatum esse pag. Iustæ defens. 19. quando scripsit, neminem hominū iam reperiri, qui sibi ius & actionem ad Monasteria eidem Ordini restituenda, vendicare possit.

Cæterum si huius ipsius allegationis fraus detegatur, illic patebunt omnia, quæ ijs in locis ab Astrologo disputantur. Verba Iustæ defens. in ea pag. 19. sunt hæc: *Hic sermo est de Monasterijs, quorum Professi in eo ius, seu tituli, seu proprietatis, aliquod habuerunt, omnes mortui sunt; & ideo nemo hominum iam reperitur, qui sibi ius & actionem vendicare possit: Tunc dicitur facilem causam sufficere, vt Summus Pontifex, tanquam supremus bonorum & iurium Ecclesiasticorum Dispensator; Et Caesar Romanus, tanquam supremus Ecclesiarum Patronus, Monasteria ad alium Ordinem, vel aliam piam causam applicet.*

Aduertet hic Lector, qua calliditate Astrologus mentem meam peruertere voluerit, ex cerebro suo adiectis verbis illis: *Ad Monasteria eidem Ordini restituenda; Quasi Pontificem, Casa-*



Cæsarem, Episcopos, Fundatorumque hæredes excludere voluerim, si actionem, repetitionemque horum Monasteriorum, ad ea eidem Ordini restituenda instituere vellent. Quæ nimis lubrica locutio mihi nunquam in mentem, ne dum in calamum venit, sed hoc solum scripti: Cum omnes Monasteriorum Conuentuales è viuis excesserint, neminem hominum iam superesse, qui seu tituli, seu proprietatis iure, actionem, vendicationemque instituere possit. Interim verò non negaui, sed sæpius repetiui, Monasteriorum repetitionem ad Cæsarem pertinere, tanquam vniuersalem Patronum, Ad Roman. Pontificem, aliosque Episcopos, & Prælatos ordinarios, non iure proprietatis, aut tituli, siue quasi domini sint; sed vt administratores, dispensatores, ordinatores.

41.

Quòd si verò hi Monasteriorum repetitionem, aut ordinationem negligant, adeoque in defectum, nemo inficiabitur, Fundatorum hæredibus, aut descendantibus, imò cuilibet clero, aut populo actionem, petitionemque competere posse; vt Monasteria ab iniquis detentoribus recipiantur, eorundemque iura ac bona dispensentur, sicut officij obligatio exigit. Multò minùs itaque hæc popularis actio negari potest eiusdem Ordinis Religiosis, præsertim Abbatibus illis, quos inter Benedictinos, vt præcipuos, refert Astrologus fol. 111. Plus dicam, quòd Patres Benedictini pro Monasteriorum istorum restitutione, & vt ea ex sui Ordinis Religio-

sis ordinentur, iudicis officium implorare possint, propter æquitatem: Imò etiam, quòd propriè dictam actionem, repetitionemque instituere queant nomine Ecclesiæ vniuersalis, aut Diocesane, si Prælati Ordinarij, in primis summus Pontifex, expresse aut tacite contenti sint, & Cæsar actionem, prout iuste & rationabiliter solitus fuit, admittat. Quæ omnia in iusta defensione satis significata fuerunt, hoc adiecto: *Sin autem de iure contendere velint, & tanquam debita sibi Monasteria vindicare, Ita, &c.* Videri possunt, quæ in 1. cens. dixi, prope finem.

CENSURA VI.

FOL. 115. in med. queritur Astrologus Baldi doctrinam ab Opponente non esse fideliter adductam. Quia verò causam nullam exprimit, cur malè sit allegatum Baldi Testimonium, primo statim aspectu apparet, nullam ipsi adhibendam fidem, vt tamen querela hæc, Baldi à me falsò allegati (quæ dudum, etiam antequàm astrum inextinctum apparuit, contra me mota fuerat) penitus cesset, produco alium testem, & approbatorem eius, quod Baldus de hac ipsa re docuit. Is est Vdalricus Zasius in comment. super l. possessio §. municipes ff. de acqui. possess. fol. meo 142. *Quid autem, inquit, si Collegium totum destinet, ne vna quidem persona manente? Hoc loco refert: quia aut Collegium desinit, & transfertur in aliud collegium, sicut Templarij sunt translati in Hospitalarios, ve dicit Baldus. Et tunc bona collegij transeunt*

48.

I

CUM



cum ista translatione. Allegat Baldus c. 1. de sede vacante. Aut Collegium desinit, quia destituitur per Superiorem, & tunc bona Collegij sunt vacantia, deferuntur fisco. Baldus allegat c. cum ex iniuncto, de operis noui nunciat. Aut Collegium desinit per se, quod omnes persona moriuntur. Et tunc si est Collegium seculare, bona apprehenduntur per Superiorem, & desinet possessio. Si autem est Collegium ecclesiasticum, tunc bona, una cum possessione, remanebunt penes Ecclesiam vniuersalem. Ita Baldus in dicta l. sicut, in fine.

45. Fol. 113. n. 35. distinctionem quandam affert Astrologus, quæ, si recte declaratur, vera est, & traditur à Legistis nominatim à Bartolo, & Vdalrico Zasio in l. inter stipulantem, §. facram, ff. de verb. obligat. Quod Monasterium interdum accipitur pro Religiosorum materiali habitatione, iuribus ac priuilegijs suis affecta: Interdum verò pro Religiosis sacrum Collegium seu Congregationem constituentibus, iuxta c. 1. & ibi DD. de elect. Eademque diuersitas est in voce Ecclesia, quæ vel accipitur pro materiali structura sacri loci: vel pro personis sacris Collegium, seu Congregationem efficientibus.

Pergit verò Aduersarius, aitque, cum in Iusta defensione dicitur, Monasteria, quorum Professi omnes mortui sunt, extincta esse, nomen Monasterij accipi priore, non posteriore modo: adeoque ex mente Laymanni, Wandas Kloster außgestorben ist: (prout phrasi Germanica ad marginem notatur) si, inquam, Prælatus ac totus Conuentus morte sublatis sint, non tã-

tum titulos, sed & iura omnia ac priuilegia Monasterij, posteriore modo accepti, pro Claustralium habitatione, amitti: quandoquidem illud, secundum Iustæ defensionem doctrinam, extinctum est: at verò non entia nulla sunt qualitates, prout ipse retulit fol. suo 90. nu. 161.

Hic autem, ut hominis fraudes clarius appareant, profero eius verba cit. nu. 35. Videndum est quid sit, Monasterium esse extinctum. Et ipsum quidem Monasterium dupliciter accipitur. Primum, pro habitatione Claustralium, sub titulis affecta. Secundum, pro ipsis habitatoribus Religiosis. Et paulò post: Iam ergo mortui omnibus de Collegio, verum est dicere, Monasterium esse extinctum, sumpto nomine Monasterij pro habitatoribus, siue Monachis ipsis: omnes enim Monachi mortui sunt, & extincti. Verum in presenti materia, Monasterium in hac significatione non solet accipi, prout nec Opponentes taliter usurpant. Est enim nobis sermo de Monasterijs restituendis, non de mortuis resuscitandis. Adeoque quaritur: An mortui omnibus de Conuentu, Monasterium seu Ecclesia prius titulis, foundationibus & iuribus Prælatu, Abbatia, Prioratus, &c. affecta, hosce titulos eo ipso mox omnes perdat, & omnia iura Collegialia quæ habebat. Noster Opponens affirmat, nullo tamen iuris vel authoritatis adminiculo subnixus.

Ipse verò Astrologus negantem partem amplectitur: propterea quod hæc Collegij dissolutio sit facti, non Iuris, uti declarat fol. 114. nu. 36. Quocasu (ubiungit) Monasteria non extincta, sed vacantia & desolata nominantur: retinent enim omnia sua iura, priuilegia, titulos, 46.



resolos; ut iam demonstrabimus: secus si sine  
de iure dissoluta. Allegat deinde pluri-  
mas DD. auctoritates, quibus osten-  
ditur, quod dissoluto Collegio de facto,  
manent omnia iura & privilegia.

Ut fraus Astrologi, quam hoc in  
loco egregiè exercuit, deprehenda-  
tur, ante omnia animadvertenda est  
doctrina, quam tradunt IC. in alle-  
gata l. inter stipulantem, §. sacram,  
circa finem, quòd iura Monasterij  
alteriusve sacri Collegij, alia sint  
realia, siue localia, quia censentur ad-  
hærere rei, seu loco, videl. ipsi mate-  
riali ecclesiæ, & fundo eius. Alia ve-  
rò iura personalia, non singulariter,  
sed communiter, quæ & corporalia ap-  
pellari solent, quia corpori, seu Con-  
gregationi inesse censentur: Ideo-  
que personis singulis deficientibus  
non extinguuntur, sed tum demum,  
si Congregatio, seu corpus Colle-  
gij deficiat. Quæ doctrina tradi so-  
let in reg. iuris 7. in 6. & reg. ff. 68.  
& 156. & à Legittis in l. sicut, §. In  
Decurionibus, ff. Quod cuiusque V-  
niuersi.

Porro extra controuersiam etiam  
est, quòd spirituales tituli, qui ab  
Astrologo recensentur, v. g. Præ-  
posituræ, Abbatiz, Prioratus, &c.  
iura sint non realia, aut localia, sed  
personalia, eò quod fundata sint in  
spirituali sacri hominis officio: Nō  
tamen sunt iura singulariter, sed cō-  
muniter personalia, siue corporalia,  
quia censentur inesse ipsi sacre Con-  
gregationis corpori: Eaque de cau-  
sa, dum Collegij corpus manet, &  
ipsa permanent, etiamsi personæ

singulæ, quibus hæc iura ad tempus,  
vel ad vitam earum collata sunt, mo-  
riantur. Hoc enim casu dignitas Præ-  
laturæ v. g. aliudve beneficium regu-  
lare, aut seculare, non vnà moritur,  
vel extinguitur, sed, dum possi. flore  
caret, apud corpus Ecclesiæ vacare  
dicitur, donec denuò alicui confera-  
tur. Sin autem totum corpus Colle-  
gij siue Congregationis, adeoque  
Monasterium vel alia Collegiata  
Ecclesia (iuxta posteriorem, ex ijs  
quas initio huius cens. attuli, acce-  
ptionem) dissoluatur, v. g. per mor-  
tem omnium, ita ut nullus è Collegio  
superfit, tunc consequenter dicen-  
dum, quòd Præposituræ, Abbatiz,  
Prioratus, &c. vnà soluantur & ex-  
tinguantur.

At verò iura & privilegia realia,  
seu localia, quæ videl. ipsi loco dire-  
ctè atque immediatè competunt, in  
personas autem inibi congregatas in-  
directè redundant, ea non persona-  
rum siue singularum, siue congrega-  
tarum, naturam & conditionem se-  
quuntur, neque ijs deficientibus per-  
eunt; quandoquidem loco, siue Ec-  
clesiæ, v. g. Monasterio, (secundum  
priorem eius acceptionem) adhære-  
re censentur, adeò quidem, ut tamen-  
si Ecclesia, aut Monasterium peni-  
tus destructum sit, dummodo spes  
restitutionis superfit, maneant pri-  
uilegia, & ipsi solo inhærere singan-  
tur, l. æde sacra 73. ff. de contrah. em-  
ptione, c. & hoc diximus 9. iun. Gl.  
ver. destructa, causa 16. q. 7. & c. Ab-  
bate in fine, iun. Gl. de verb. signifi-  
catione, Innoc. in c. cum ex iniuncto,



de noui oper. nunc. & dixi suprà etiam p. l. loco 7.

Animaduertit Aduersarius vim huius doctrinae, atque ideo varijs artificijs eam occultare, atque Lectoris animum perturbare aggressus est, uti iam ostendam. In primis, perperam & inscite alteram Monasterij, siue Ecclesiae acceptionem Lectori proposuit in sensu non collectiuo, sed diuiso, fol. 113. num. 35. Monasterij nomen accipi pro ipsis habitatoribus Religiosis: sermonem non esse de mortuis resuscitandis. Et fol. 116. nu. 40. Titulos perseuerare, extinctis titularibus, in aperto est, & ostenditur in titulis vacantis Abbatiae vel Praepositurae, prout ipse fatetur Opponens: Dignitas enim nunquam perit, nec moritur, indiuidua verò quotidie pereunt. Gl. in c. quoniam 14. ver. substitutum, de offic. deleg. Sed scire debuit Astrologus, nomen Monasterij aut Ecclesiae collectivum esse, & non posse significare Capitulares, aut Conuētuales in sensu diuiso, ac proinde nullam prorsus causam habuit, inter duas Monasterij, siue Ecclesiae acceptiones, vnam referendi pro habitatoribus, siue titularibus, ob quorum mortem, tituli non pereunt, sed vacant, atque inde inferendi, quādo dixi, Monasterium, aut sacrum Collegium per mortem omnium extinctum esse, sermonem mihi fuisse, de habitatione Claustrali. Nam praeter haec duo, videl. materiale Ecclesiam, siue Monasterium, & ipsos Professos seu titulos, quorum singulorum morte tituli vacant, & non pereunt, datur tertium, de quo ego locutus sum, videl. corpus

Congregationis, quod si extinguatur morte omnium, tituli cessant, & extincti sunt.

Secundò eod. n. 35. inscite & fraudulenter mihi tribuit, quod nomen Monasterij extincti usurparim pro habitatione Claustralium suis titulis affecta. Falsum enim est, & nusquam à me indicatum, quod spirituales tituli per se efficiant habitationem Claustralem, seu Monasterium materialiter acceptum.

Tertiò in eo fraudem, & quidem insigniter, committit, quod, cum falsum suae deceptionis fundamentum struxisset: Nomen Monasterij extincti accepisse me pro habitatione Claustrali, suis titulis affecta, postea quaestioni statum non male in eo consistere dicat: An mortuis omnibus de Conuentu, Monasterium seu Ecclesia prius titulis, foundationibus, & iuribus Praelaturae, Abbatiae, Prioratus affecta, hosce titulos mox omnes perdat, & omnia iura Collegialia quae habebat. Noster Opponens affirmat. Quibus verbis veritatem expressit, affirmasse me de fundatis titulis, ac iuribus Praelaturae, &c. seu iuribus omnibus Collegialibus, consequenter corporalibus, non autem localibus, sicuti suprà explicauī. Cur itaq; antea dixerat, affirmasse me id de titulis seu iuribus habitationis claustralis? Et cur in seqq. numeris, quasi mihi contrarius sit, tantopere ostendit, Ecclesiae materialis aut ciuitatis, si ea de facto destructa sit, iura & priuilegia permanere?

Quarta fraus in eo commissā est, quod dissolutionē Collegij per mortem



tem omnium, eo sensu appellet, *facti*, quasi non sit de iure; siue, quodd Collegium, eiusque spirituales tituli, spectato iure permaneant, quam æquiuocationem annotaui suprà pag. 1. loco 7.

50. Hic autem adscribam argumentationem fol. 116. in medio: *Mortuo Parocho rurali, non minis vacant omnia iura parochialis Ecclesie, quam mortuo Conuentu iura Monasterij: Atqui defuncto Parocho non extinguitur titulus beneficij: igitur neque mortuo Conuentu seu Collegio Monasterium.* Resp. disparem esse rationem, si parochia collegiata non sit. Cum enim nullum in ea sit corpus Ecclesie, ideo titulus, per mortem Parochi, non in parochia, sed in Ecclesia diocesana vacare censetur. At verò Ecclesia Monasterij-collegiata est, in qua tituli existunt, eaque sublatà, tolluntur.

51. Eod. fol. 116. nu. 42. indoctè loquitur: *Si propriè loqui velimus (vti debemus) Monasterium de iure vacat per solius Abbatis obitum, vel cessionem, c. Messana, c. ne pro defectu, de elect. Abb. in c. quia propter, & c. ne pro defectu n. 2. ibidem.* Ideoque si totus Conuentus moriatur, Abbas autem non, vacare nō dicetur Monasterium: mortuo autem vicissim solo Abbate, vacat Monasterium de iure.

Ad hoc dico, Astrologum iterum sophistam agere, nam Monasterium per mortem Abbatis dicitur vacare, non omnimodè & absolutè, sed cum addito, *vacans Pastore*; cit. c. Messana 61. id est, *viduata*, siue orbata Prælato, tanquam sponso suo, cit. c. ne pro defectu 41. vbi id bene declarat Abb.

in allegato nu. 2. Nota 3. Ibi, *Ecclesia viduata*, quodd Ecclesia carens Pastore dicitur *vidua*, cuius maritus mortuus est. Et mox: *Ecclesia vacans capitur pro vidua.* Falsum quoque est, quodd mortuo toto Conuentu, si solus Prælatus supersit, Monasterium non vacet, tam de iure, quàm de facto, quodd attinet ad titulos Conuentuales. Tamen si Ecclesia regularis numerata non sit, per mortem singulorum è Conuentu tituli vacare non censentur, tamen per mortem omnium, ideoque extinctionem totius Conuentus, necessariò dicendum, titulos vacare, & per nouam creationem conferri oportere. Videmus itaque, quàm multos passim errores inuoluat Astrologus, in quos ne Lector incidat, admonere operæ pretium est.

CENSURA VII.

54. FOL. 118. nu. 45. hæc verba profert: Ait (Laymann lustæ defenl. pag. 267.) *soluta Collegio per mortem omnium, bona & iura eius esse vacantia*, id est, extincta. Et postea nu. 46. Opponens passim affirmat, restituenda Monasteria, eorumque titulos & iura esse penitus extincta: Interdum esse vacantia, & quidem de iure. Nonnunquam simul coniungit vtrumque, asserens Monasteria esse extincta, & vacantia: Interdum similiter ait, bona huiusmodi Monasteriorum esse vacantia, vt hic: alibi fatetur, *vacantium ecclesiarum bona ab Ecclesia possideri. Quæ asserta inter se è diametro pugnant.* Vnde respondens contraria est, & habetur suspectus de falsitate, vt ait Abb. in c. vt nostrum, vt eccles.



cles. beneficia sine diminut. possideantur, n. 12. Et ex varietate responsionis praesumitur fraus, iuxta Alciat. tom. 4. reg. 2. praesumpt. 31.

Hic iterum Astrologus quaestio- nis statum, ac veritatem occultat, at- que ea quae in iusta defensione tradi- ta sunt, pervertere studet. Itaque bre- uissimè aperienda est veritas, iuxta ea quae superius dicta sunt. Monaste- rium quandoque accipitur pro mate- rial loco & structura, & adherenti- bus ei iuribus, privilegijs ac immuni- tatibus: Quandoque autem accipitur pro corpore Congregationis regula- ris, cui spirituales tituli insunt. In casu iraue nostro, si omnes à Congrega- tione mortui sint, Monasterium (iu- xta posteriore acceptionem) & ti- tulus eius extincti sunt, ac propriè loquendo non vacant: quia vacatio est iuris existentis, sed possessore vacantis. At verò in priore acceptione Monasteria, & iura eius ac privile- gia extincta non sunt, sed vacan- tia, quia possessore, ac domino carent. Pertinebat enim Monasterium cum iuribus suis ad Praelatum & Conuen- tum, qui, uti ponimus, omnes mortui sunt.

Nunc videamus, an veram & re- ceptam doctrinam in iusta defensi- onem expresserim. Hanc rem ex instituto tractavi pag. 444 his verbis: Si Prae- latus, Canonicus, aut Monachus moriatur, eius titulus ac ius sustentationis vacat, ita ut apud Conuentum, Capitulum, seu Congregationem maneat, atque intra tempus à sacris Canonibus praescriptum, al- teri conferatur, vel collatio, aut provisio

ad Superiorem deuoluatur. Sin autem tota Congregatio, seu Conuentus penitus cessa- rit, siue solutus sit, tum consequenter Prae- latura, Administrationes, Officia, Cano- nia, Monachatus, & vno verbo, iura, ac ti- tulus extincti sunt, id est, penitus cessarunt. Ipsum verò Monasterium, seu Ecclesia ma- terialis eius loci, vna cum omnibus adha- rentibus iuribus ac bonis, inter bona vacan- tia numeratur, quia ad neminem pertinent seu personam, seu Congregationem, sed est DEI, Christi, & Ecclesiae quoad domi- nium, at verò quoad gubernationem, spe- ctat ad Praelatos Ecclesiae, principaliter ad Roman. Pontificem, saluis interim iuribus & obligationibus realibus, quae seculari po- testati competunt.

Ex his apparet, cur Monasteria, de quibus internos controuersia fuit, interdum appellari extincta, & in- terdum vacantia, & quandoque v- trumque vocabulum coniunxerim, extincta & vacantia. Quae enim acci- piuntur pro materiali structura vna cum iuribus realibus seu localibus, vacantia sunt: quae autem accipiuntur pro sacra Congregatione & spiritua- libus titulis, extincta sunt. Quam- obrem cum vel de ipsis iuribus ac bonis realibus, vel de spiritualibus titulis sermo fuit, data opera pas- sim in toto libro iustae defensi. ea vsus sum distinctione, quod illa dixerim vacantia, titulos autem extinctos. Statim in prooem. nu. 24. circa prin- cipalem quaestionem, retuli Aduer- sariorum assertionem; Monasterio- rum titulos extinctos non esse. nec bona eorum ecclesiastica vacantia, sed pertinere ad antiquorum Ordinum, quibus olim di-

cata



sota erant, Religiosos; Et num. 37. Responderunt Romani Iureconsulti, Dominis Abbatibus, ac Monachis seu Regularibus, qui nunc viuunt, nullum ius adionemq; ad Monasteria ista, quippe quorum tituli extincti, & bona ecclesiastica vacantia sint, competere. Et fol. 7. Bona immobilia & census, secundum benignam iuris fictionem, censentur pertinere ad locum, seu Monasterium, & ecclesiam materiale, cuius tituli extincti. Atque ita deinceps sæpe locutus sum, ut manifestè appareret discrimen inter iura & bona vacantia, & titulos extinctos.

Falsum itaque est, quod insinuauit Aduersarius, vacare & extinctum esse pro iisdem me accepisse: tametsi utrumque vocabulum Monasterio adiunxerim, sed secundum geminam eius acceptionem. Falsum quoque est, me varia & contraria docuisse, cum rei veritatem sæpenumero, atque consentienter declararim.

Vnicus locus Iustæ defenf. pag. 270. scrupulum habet, quia dictum ibi fuit: Monasterium, omnibus Professu mortuis, extinctum est, ideoque secundum receptissimam doctrinam, eius iura ac tituli vacant, & nemini de iure debentur. Hunc locum tametsi faterer aliquantò obscuriorem esse, non ideo tamen per ea verba obiter prolata, euerti deberent quæ alibi, videl. p. 444. ex instituto clarissimè explicauì, eandemque explicationem passim indi- caui, atque retinui?

Veruntamen plus dabo Aduersario, quam à me forrasse expectat, Aio itaque, nò incongruè dici posse, quòd

In calu nostro, si omnes Monasterij Professi mortui sint, tituli aliquo modo vacant. Quia licet actu & simpliciter extincti sint vnà cum sacra Congregatione, tamen quodammodo manent, videl. potentia, quia proxima spes est, ut resuscitentur, ac reuiuiscant; Et ideo veluti dormit Collegium, ipsiusque tituli, quia resurgent & reparabuntur, idque ex debito officij, saltem si loquamur de Pre- latis Papa inferioribus, imò ex quadam æquitate, etiam ab ipso Rom. Pontifice. Hic tamen non disputo, an restitutio ac reparatio fieri necessariò debeat per eiusdem Ordinis Religiosos, sed de hoc infra aliquid afferam cens. 38.

Dicit aliquis: Si Corpus sacri Collegij post mortem omnium, eiusque tituli potentia, ac veluti habitu manent, & quasi dormiunt, eaque ratione dici possunt vacare, consequens hinc esse, quòd Collegium, siue Monasterium acceptum pro sacra Congregatione, eiusque tituli non sint extincta. Respondeo: Non ita verè ac propriè esse extinctum Monasterium cum titulis suis, considerata spe nouæ ordinationis, quam si per sententiam extinctum esset, attamen absolute loquendo, rectè dici, & esse Monasterium, titulosque eius extinctos: quandoquidem magis propriè res sortitur appellationem ab eo quòd est actu, quàm quòd est potentia. Exemplum simile est apud S. Ioann. cap. 11. v. 11. vbi dixit Christus ad discipulos suos: *Lazarus amicus noster dormit, sed vado, ut à somno excitem eum.*



eum. Sed quia figuratè locutus fuerat Dominus, discipuli autem propriè accipiebant de dormitione somni: Tunc ergo IESVS dixit eis manifestè. Lazarus mortuus est, v. 14. Videri etiam possunt quæ dixi p. 1. loco 1.

## CENSURA VIII.

57.

**F**OL. 120. nu. 51. hæc habet: Ad auctoritatem Bartoli l. vlt. num. 22. ff. de Colleg. illicitis, & Panormit. quod attinet, dicimus eos ambos loqui de Collegio iure dissoluto, ut patet utrobique ex allato Templariorum exemplo, quorum Collegium iure fuit destructum. Et Abbatem quidem pro nobis stare, fusè docuimus hucusque. Iam etiam Bartolum adducamus, qui l. 1. §. Municipis, ff. de acquir. poss. num. 4. Quæro, inquit, si moriuntur omnes de Collegio, an possessio vacet? In Collegio seculari dic, quod sic, uti notaui suprâ, tit. Quod cuiusque Vniuersitatis, l. sicut. Sed in Collegio Ecclesiæ, videtur quod non, quia, ipsa Ecclesiæ possidet, Cod. de SS. Ecclesijs, l. iubemus, in fine, expressiùs de Episcop. & Clericis, l. Raptores, §. Sin & Diaconissa, ibi, & plenam possessionem, &c. Ideo dicit Innoc. quod res Ecclesiæ possidet Christus, vel vniuersalis Ecclesiæ, hoc est, congregatio fidelium, ut extra, de restitut. spoliator. c. super electione: Et in hoc stemus eis. Hæc Bartolus, nostram sententiam de possessione non vacante solidè confirmans. Ad alterum Bartoli locum ex l. sicut adductum, dicimus non apparere, quid contra nos inferat, quandoquidem ibi responderet ad questionem, quid si nullus remansit? & ait, de proprietate seu dominio vero immediato, rerum Ecclesiæ vacantis, quod videlicet

huiusmodi proprietas vacat, sicut hereditas (qua duo verba ex Bartolo omisit Opponentem) & hoc verum est: quia licet Ordo religiosus, vel Ecclesiæ vniuersalis, vel ipsi Christus retineat dominium eiusmodi rerum Ecclesiæ, illud tamen est dominium altum & subalternum. Dominium autem immediatum respectu intitulasi vacat, & successor illud habebit velut heres. Atque in hoc sensu venit etiam explicanda Gl. apud Opponentem fol. 3. quamuis secundum Baldum, abbatem, & alios, per iuris intellectum dicatur etiam proprietas, sicut & possessio remanere penes Ecclesiæ particularem viduam. Quod Bartolus non negat. De possessione verò bonorum huiusmodi, si est Collegium Clericorum (pergit ibidem Bartol.) Tunc dicit Innoc. quod possidet Christus, vel Ecclesiæ vniuersalis. Et sic iterum nihil contra nos concluditur, quod enim possidetur, simpliciter vacare non dicitur.

Et fol. 121. nu. 52. Potest etiam explicari Bartolus locis supra citatis, & alij cum dicunt, quod bona dissolutorum Monasteriorum maneat apud Superiorem, subintelligi, velut in custodia, iuxta Gl. c. presentem, de offic. Ordinarij in 6. ver. custodiam, & ver. reservari. Et quod pertinebunt ad illud Collegium, eiusdem Ordinis, quod Superior loco prioris instaurauerit, l. sicut, §. in Decurionibus.

Etn. 53. Illustrissimi, & Eminentiissimi Cardinalis Barbarini epistola data mense Ianuar. 1630. die 24. Romæ ad Illustrissimum pariter & Eminentiissimum Cardinalem Ballotum in Germania degentem, sicuti & Franciscus Ripa in l. quo minus nu. 107. ff. de fluminibus, contra nostram sententiam sese non opponunt, cum ambo loquantur

58.



loquantur de Monasterijs destructis, vtrique sine spe restorationis, vel de iure destructis ac dissolutis: In Germania verò nostra constat ex predictis & dicendis, huiusmodi Monasteria non esse de iure dissoluta, adeoque nec extincta.

58. Et num. 4. eod. fol. 111. Præterea Nauarrus nobis aduersari non potest, cum referat auctoritatem Clem. VIII. de qua supra. Reliqua verba huius num. referam prope finem huius censuræ.

Clarissima ea Doctorum testimonia, à meq. i. præambula, pag. 2. & seqq. prolata, mauult Astrologus peruertere, quam veritatem fateri. Et ideo effugia & interpretationes nimis friuolas, contra apertos textus comminiscitur. PRIMO itaque ait, Bartolum in l. ult. n. 22. ff. de Collegijs illicitis, & Panorm. in c. recolescentes, n. 3. de statu Monachorum loqui de Collegijs per Superioris sententiam solutis, non item solutis facto, videl. per mortem omnium: Hoc enim polterius membrum licet non exprimat Aduersarius, tamen subintelligi vult.

Ostendamus itaque, referendo textus, quòd Bartolus, eumque secutus Panormitanus, de vtraque solutione locuti fuerint: ac proinde Astrologi responsio falsitatis conuincatur. Quæro, inquit loco cit. Bartolus, qualiter Collegia dissoluantur. Resp. Quadam est dissolutio, quæ fit omnibus de Collegio volentibus, vt supra ead. l. i. vel omnibus mortuis, nullo remanente, vt l. sicut, supra. Quod cuiusque Vniuers. Quadam est dissolutio inuita, quæ fit mandato Superioris propter aliquod delictum Collegiatorum,

vt puta, si prætextu Collegij liciti committant illicita. Quæro, quid fiet de rebus Collegij, dissoluto Collegio? Resp. Quadam sunt Collegia, quæ possunt habere in communi, & nihil in particulari, vt Collegia Religiosorum: & in istis dissoluto Collegio, remanente bona apud Superiorem, vel cui ipse concesserit: Et ita fuit obseruatum, quando fuit destructum Collegium Templariorum per summum Pontificem: sunt enim bona vacantia, & sic debentur fisco, l. i. c. de bonis vacantibus, & l. i. ff. de iure fisci. Quadam sunt Collegia, quæ possunt habere aliquid in particulari, & in communi. Et hic est aduertendum: Quia quadam sunt Collegia, quæ habent aliquid in remunerationem laborum, vt Collegium vnius Ecclesie: habent enim propter officium & laborem, quem sustinent pro ciuibz & parochianis: Et tunc dissoluto Collegio, sine in totum, siue quoad vnum recedentem, bona eorū non consequuntur, sed remanent apud ipsum Collegium, vel eo in totum dissoluto, remanent apud Superiorem: cessante enim labore, cessare debet premium. Quadam sunt Collegia, quæ habent aliquid non propter se, sed vt distribuunt inter alios, vt Collegium misericordie, &c. & tunc etiam destructo Collegio, non remanet apud eos, &c.

Nōne ex toto hoc discursu, & partium enumeratione, manifestè liquet, Bartolum de omni Collegij dissolutione, & quidem vel maxime de ea locutum fuisse, quæ est facti per mortem omnium de Collegio, atque aperte dixisse, si Religiosorum Collegia soluta sint, bona eorum remanere apud Superiorem, vel cui ipse concesserit. Neq; refert, quòd Barto-

K lus,



lus, eumque secutus Panormitanus, exemplum de Templarijs attulerint. Notum enim est apud doctos, quod exemplum speciale non restringit regulam generalem, cui apponitur.

Audiamus iam Abb. Panormitan. in c. recolentes n. 2. & 3. de statu Monachorum. Dicit Vincent. & Ioan. Andr. si collegium dissolueretur, bona aequaliter diuiderentur inter illos collegiatos, causa 18. q. 2. c. in nullo: sed, si collegio remanente, aliquis inde exiret, solum repetit ea, quae secum portauit. Sed certe hac dicta simpliciter intellecta sunt falsa: Nam cum Regulares non possint possidere bona in particulari, non possunt consequi partem collegij, eo dissoluto, maxime, quia talia bona non tribuuntur ad utilitatem singulorum. Et ideo distigue latius, assumendo aliqua dicta Bartoli in l. fin. ff. de illic. collegijs. Nam quaedam sunt Collegia, quae non possunt bona possidere in particulari, ut Religiosorum: Et in illis bona remanent apud Superiorem Collegij, qui disponet de illis, tanquam de bonis vacantibus, argum. l. i. ff. de curat. bon. d. ind. Et sic aliàs seruatum fuit in dissolutione Collegij Templariorum. Nonne itidem clare apparet, Panormitanum loqui de omni collegiorum dissolutione, siue ea sit facti, siue per sententiam, licet exemplum, cum Bartolo, afferat de Templarijs.

SECUNDO respondet Aduersarius, se supra docuisse, Abbatem pro ipso stare: Sed nihil prorsus docuit. Neque item locus ille Bartoli super l. i. §. Municipis, ff. de acquir. possess. pro ipso stat: Duo enim docet ibi Bartolus: I. Quod mortuis omnibus est Collegio ecclesiastico, ipsa Ec-

clesia (materialis) bona & iura sua possidet. Quae doctrina à me cum in Iusta defensi. pag. 7. tum in superioribus censuris tradita est. II. Quod in hoc casu res Ecclesiae possidet Christus, vel Ecclesia vniuersalis, hoc est, congregatio Fidelium. Quæso te, Cur omnibus est Collegio, vel Monasterio mortuis, non dixit res eius possidere Ordinem Clericorum, aut Monachorum, sed Christum & Ecclesiam vniuersalem, nisi, quia bona vacantia sunt, deuoluta ad dispositionem supremi Ecclesiae Pastoris, Papae? Nihilominus audet dicere Astrologus, sententiam suam de dominio ac possessione non vacante solidè confirmari à Bartolo.

TERTIO ait; Non apparere, quid ex Bartolo super allegata l. sicut, inferatur. Ad hoc dico, nihil aliud inde inferri, nisi quod ipse ibi tradidit: Si nullus est Collegio remansit, bona illius vacantia esse, secundum proprietatem pertinere ad fiscum, si sint ab eo agnita, postea pertinere ad Collegium quod Superior restaurabit loco illius: Possessionem verò eorundem vacantium bonorum, si Collegium, quod destructum est, Clericorum fuerat, esse penes Christum & Ecclesiam vniuersalem, prout plenius se tradidisse refert in l. i. §. Municipis ff. de acquir. possess.

Ait porro Astrologus, me duo verba sicut hereditas, in allegatione Bartoli omisisse. Sed cur ea verba referrem, cum nihil causae vel demant, vel addant? Praesertim, cum statim nullo.



nullo verbo interiecto, addiderim. Eandem doctrinam tradi à Gl. in cit. l. *ficuti*, §. In decurionibus: Si nullus omnino remansit, solum est Collegium, & res in nullius bonis sunt, sicut & hereditariae. Sed tamen, si auctoritate Domini Papa, vel eius, ad quem spectat cura eiusdem Collegij, instituatur aliquis in eodem Collegio, iuris artificio fingitur illius fuisse. Similitudo itaq; in eo consistit, quod, sicut iacente hereditate, res hereditariae vacant, siue in nullius dominio sunt, donec hereditatem adierit haeres: ab eo autem, quo adierit, tempore, res censentur illius esse: Ita soluto Collegio per mortem omnium, res Collegij vacat, & in nullius bonis sunt, pertinentes ad fiscum ac dispositionem Ecclesiae: Sin autem aliquis instituitur, iuris artificio censentur ipsius fuisse. Caeterum similitudo haec heredis ac rei hereditariae, non est omni ex parte accipienda, cum certum sit, licet Astrologus saepe aliter insinuet, res & iura sacri Collegij dissoluti, ad alios non deferri iure hereditariae successionis, sed voluntariae institutionis, per eum cui haec cura incumbit, uti ead. Gl. disertè explicauit.

Mirum autem non est, quod verba eiusdem Glossae tacitus praeterierit Astrologus, quia nimis ei displicebant: siquidem praeter ea, quae superius recensui verba, etiam alia adiicit: Quod bona, ab eo tempore, quo solutum est Collegium, ipso iure sintISCO, vel Papa quaesita.

QUARTO, licet verba Gl. tanquam nimis eius oculos perstringentia, ponere ausus non fuerit, tamen verbo

tenus allegando Glossam, ait, ita intelligendam esse, sicuti & Bartoli doctrinam: Res Collegij soluti vacare quoad dominium immediatum, non autem quoad dominium altum, & subalternum, aliaque supra allegato n. 51. quasi explicaturus adfert, re ipsa tamen aliud non agit, quam ut rem inuoluat, atque Lectorem à veri intellectu abducatur.

Sed ut res ista clarescat, pro certo & confesso habeo. I. Rem dici vacare, quatenus possessore, ac domino caret, prout ipsemet Aduersarius passim explicat. II. Dissoluto sacro Collegio, Ecclesiam materialem cum bonis ac iuribus suis, non vacare comparatione Ecclesiae vniuersalis, quippe cui dominium (quod ipsi altum & subalternum appellare placuit) ac possessionem disertè tribuit Astrologus. III. Ipsemet fatetur, Ecclesiam vnà cum rebus ac iuribus suis vacare comparatione dominij immediati, adeoque domino (similiterque possessore) carere. Quæro itaque iam, quis sit ille dominus ac possessor immediatus? Annè intitulus quilibet, siue sigillatim? nequaquam: quia Ecclesia & res eius non pertinent iure dominij, aut possessione, ad singulos: Sed Ecclesia, siue Monasterium, vnà cum rebus, iuribus, & privilegijs suis, pertinet ad corpus Congregationis siue Collegij, tanquam ad immediatum dominum & possessorem. Cum itaque confessus fuerit, soluto Collegio per mortem omnium, Ecclesiam siue Monasterium cum rebus suis vacare,

K 2

quia



quia domino ac possessore immediato caret, nonne veritatem vel inuitus expressit?

Veruntamen, quia alia quoque immiscet Astrologus, de singulis breuiter dicam quid sentiendum sit: Inprimis ait cit. n. 51. quod secundum quosdam, *proprietas & possessio per iuris intellectum dicatur remanere penes Ecclesiam particularem viduam*. Resp. Verum esse, quod mortuo Præfato, proprietas & possessio rerum, & quidem re ipsa non tantum secundum iuris intellectum, maneat penes Ecclesiam siue Congregationem viduatam: Sin autem tota Congregatio mortua sit, quomodo apud eam manebit?

Deinde ait, cum Bartolus & alij dicunt, bona dissolutorum Monasteriorum remanere apud Superiorem, intelligi posse quoad custodiam, citatque Glos. in c. præfenti, de offic. ordin. in 6 Sed nihil ad rem, quia sermo ibi est de Ecclesia Pastore vacante, ita ut permaneat Conuentus: Bartoli autem & aliorum Doctorum verba longè aliud, quàm custodiam significant cum dicant: *Dissoluto Collegio, remanent bona apud Superiorem, vel cui ipse concesserit: Qui disponet de illis, ait Abbas supra allegatus, tanquam de bonis vacantibus*.

Præterea dicit Astrologus, nomine fisci, ad quem iuxta DD. res soluti Collegij deuoluantur, fortasse intelligi Ecclesiam particularem, quæ etiam fiscum habere dicitur. Resp. Inane esse effugium: Quia allegati Doctores expressè aiunt, bona deuolui ad Superiorem, sicuti bona vacantia,

imò aliqui expressè aiunt, pertinere ad Ecclesiam vniuersalem, vel ad Papam, videl. secundum liberam eius dispositionem. Accedit, quod nomine fisci absolutè pronunciati, intelligi debeat fiscus principalis, non qui alicuius particularis Ecclesie seu Monasterij est. Vtteriùs, ita contra hominè ratiocinor: Si particularis Collegiata vel Conuentualis Ecclesia fiscum habet, tanquam ius siue rem sibi adhaerentem, at verò dissoluto Collegio siue sacra Congregatione, Ecclesia particularis vnà cū iuribus suis vacat, siue domino ac possessore immediato caret, ut supra explicatum: sequitur, quod etiam fiscus eius Ecclesie vacet, & ad Superiorem dispositionem pertineat.

Denique fol. 124. n. 61. aliam theoriā affert, per quam, si vera esset, ex nodis istis se extricare posset. Ait enim, *quatenus vnumquodque Monasterium (nomine Monasterij communitatem ipsam intelligendo cum suo capite) pars est & membrum totius Ordinis, dominium bonorum, omnium Monasteriorum est penes totum Ordinem, bona totius Ordinis penes Ecclesiam*. Et supra n. 60. dixit: *Fundator bona sua in eos (Monachos) transfudit immediatè, in quantum erant Monachi, siue membra huius, illiusve regula vel Ordinis, prout erga quemlibet Ordinem se inspirari, vel affici sensit: Et sic Monasterium cum omnibus bonis suis incorporatum est, ut loquitur Opponens*.

Ad hæc dico I: Si ita est, ut explicauit Astrologus, quæ obsecro, causa est, cur Bartolus, & ipsemet, S. Benedicti Ordinis Abb. Panormitanus,



non dixerint bona Monasterij dissoluti, proximè deuolui ad Ordinem, cum tamen res ista explicatu facillima fuisset? Cur Innoc. Bartolus, eiusque doctrinam approbando Abbas Benedictinus, & alij, transiliendo Ordinem, statim ad Ecclesiam vniuersalem, ad Papam bona hæc vacancia transtulerunt?

II. Dico, Ordinem totum S. Benedicti non constituere vnus Ecclesiæ corpus: quia omnis Ecclesiæ, vt vna sit, Caput vnum habere debet: Ordo autem S. Benedicti non habet vnum Caput. Qua de re suprâ etiam egi p. 1. loco 7.

III. Dico, Fundatorem bona sua legasse, aut destinasse ad constructionem Ecclesiæ, seu Monasterij Ordinis, v.g. S. Benedicti in ordine ad certum locum, Prælatum, & Conuentum loci, atque vno verbo, sicuti institutio, ac veluti natura Ordinis admittit, & sacri Canones disponere solent: præterquam, si fundator aliud specificè in fundatione expresserit. Sed de hac re paulò post cens. 10.

Quando autem Astrologus me quoque suæ doctrinæ ad stipulantem adducit, quia iustæ defens. pag. 362. hæc verba legantur: *Concordatū Germania non repugnaturum, si aliqua ex ijs Monasterijs vacantibus Societati incorporarentur*; sophisticè agit, ea quæ particulatim de Societate nostra dixi, ad Monachorum Ordinem transferendo: Cum manifestum sit, in Societate nostra membra eius omnia sub vno generali Capite constituta & gubernata, vnus Ecclesiæ corpus con-

stituere. Id autem de Monasterij Ordinis S. Benedicti Astrologus non ostendit, neque vnquam ostendere poterit. Videat Lector suprâ p. 1. loco 6.

QVINTO quod attinet ad responsum Eminentiss. S. R. E. Cardinalis, Barberini & Franc. Ripæ, nimis pueriliter existimat, loqui eos de Monasterijs destructis, sine spe restorationis, vel de iure (intellige per sententiam) destructis: Imò vtrumque illorum tum iuris, tum facti ignorantia arguit. Tam enim Cardinalis, quàm Ripa loquuntur expressè de Monasterijs Germaniæ, quæ ab hæreticis occupata sunt. Errassent autem in iure, si existimassent, Monasteriorum iura, tanquam spes omnis restorationis amissa sit, mutata & inuersa esse. Errassent etiam in facto, & quidem grauissimè, si ea de iure, vt ipse loquitur, id est, per Principis auctoritatem extincta esse, opinati fuissent. Sed, vt vesania Astrologi magis deprehendatur, placet vtriusque verba adijcere. Illustriss. & Eminentiss. Cardinalis Barberinus hæc scripsit: *Addo, quod non sit vllus, cui debeat fieri restitutio, cum Monasteria sint destructa: Monachi omnes extincti: locus itaque dandus est auctoritati supremæ Vicarij Christi in hac bonorum (ab hæreticis recuperandorum) dispositione, & applicatione ad maius DEI obsequium.* Franciscus Ripa ita scripsit: *Destructo Monasterio, vt nunc (proh dolor) euēnit in Alemania, propter hæresin Lutheranam, amittuntur iura Monasterij, & bona applicantur Superiori, tanquam vacantia, & sic Papa.*

K. 3.

SEXTO,



SEXTO, Nauarri doctrinam de spolijs §. 10. num. 5. sibi aduersari non posse arbitratur, cum ( vt supra etiam dixerat ) referat auctoritatem Clementis VIII. Attamen Mart. Nauarrus mortuus fuit, antequam Clemens VIII. Pontifex esset, quomodo itaque eius Pontificis auctoritatem, atq; indultum referre potuit? Vbiq; igitur non tantum malitia, sed & incitia Aduersarij deprehenditur. Neque negat, pergit Altrologus, alios esse substituendos in locum demortuorum: Sed quid id ad rem, cum de hoc non agatur? Sed vult solummodo dicere, bona huiusmodi ecclesiastica, destituta Catholicis administratoribus, pertinere ad sollicitudinem & administrationem suae Sanctitatis, id est, vt provideat ea restitui, & canonicè, mediata vel immediata, provide-ri: Neque enim de fisco Pontificis vlla fit mentio.

Sed longè aliud, & plus, quàm existimat, significant verba Nauarri. Subinfertur, bonorum ecclesiasticorum & fructuum eorum, quae nunc inueniuntur in Anglia & Germania, destituta Catholicis Administratoribus, pertinere ad sacrosanctam eius Maiestatem: quoniam certum est, illa non deberi nunc alicui per concessionem eius immediatam, vel mediatam, cum palam sit, carere illa haereticos, qui malè possident. Ex quo infertur, felic. recordat. Pium V. ( non Clementem VIII. ) rectè nuper quibusdam nobilibus Angliis indulgisse potestatem, certis modis limitatam & oneratam, administrandi bona quadam ecclesiastica per eos possessa, pertinentia iure antiquo ad Abbatiam, Praelato & Conuentu carentem, de-

nec eos habere inciperet. Viden' I. quòd dixerit, bona ecclesiastica, cum nemini modo legitimo competant, aut concessa sint, pertinere ad sacrosanctam Maiestatem Papae, videl. secundum liberam eius dispositionem. Viden' II. quòd dixerit, potestatem administrandi bona illa Abbatiae, Praelato & Conuentu carentis, rectè nobilibus quibusdam Angliis fuisse concessam. Id verò non ita dixisset Nauarrus, quippe iurium Regularium defensor egregius, si Ordini ad eam vacantem Abbatiam, ius aliquod competere existimasset.

Ineptè quoq; obijcit Aduersarius, nullam de fisco Pontificis mentionem fecisse Nauarrum. Cum rem ipsam satis declarauerit, & longè verius, quàm si de fisco Papae locutus fuisset. Etenim, propriè loquendo, bona Monasteriorum vacantium, ad Ecclesiam Christi pertinent secundum dominium, at verò secundum administrationem & ordinationem ad Papam, aliosque Episcopos ( si Monasteria exempta non sint ) saluis Patronorum & Advocatorum iuribus.

Ex his itaque intelliget Lector, quàm malè Aduersarij causa atq; intentio fundata sit, cum ad testimonia Doctorum, quae circa principalem quaestionem contra ipsum producta sunt, tam friuolas responsiones, ac interpretationes fingere debuerit: Ipse verò ne vnicum quidem Doctorem classicum in fauorem causae suae producere potuerit, qui diceret, bona Monasteriorum eiusmodi, quorum Professi omnes mortui sunt, vacantia non



non esse, vel ad Ord. S. Benedicti, & Prælatorum eius dominium, aut dispositionem pertinere.

De Romanis verò Aduocatis, qui ante sex, ut ille ait, annos consilia miserunt, sollicitus esse non debeo: quādoquidem hæc scripsit Aduersarius fol. 122. princ. Christophori Ronconi, & alterius Iureconsulti Romani sententiam (in Iusta defens. pag. 5. productam) reijcimus tanquam à iure communi exorbitantem. Accedit, quod Doctorum antiquorum iudicio potius standum sit, quàm iuniorum: Præterea ad Aduocatum non pertinet, ut ipse fatetur Opponens, nu. 62. proæm. Iudici partes assumere, & sententiam definire. Veruntamen ex verbis ijs, quæ tanquam Roman. quatuor Aduocatorum sint, (nescio quā fideliter) allegauit Astrologus, non satis eorum sententiam de his vacantibus Monasterijs colligere potui.

## C E N S V R A I X .

61. FOL. 123 num. 58. scribit Aduersarius. Licet Opponens pag. 319. Iustæ defens. & alibi, dicat Ordini indeterminatè non esse fundationem factam, restamen aded certa & clara est, ut ipsemet veritatem, vtitatissima & verissima phrasi loquendi, vitare non potuerit. Nam fol. 495. Negantne Iesuitæ, inquit, aut vllus alius Catholicus, fundaciones factas Ordini S. Benedicti, ad animarum salutem, diuini cultus & Catholice Religionis augmentum pertinere? Et paulò post refert Astrologus, quod Comes Adelbertus Monasterium Hirsaugiense restaurauit pro Fratribus sub regula S. Benedicti ibi procurandis.

Et ipsum locum Hirsaugium, cum omnibus pertinentijs, ex toto, super altare S. Aurelij delegauit, & contradidit Domino Deo, & S. Benedicto in potestatem, & proprietatem, &c. Ut nimirum huiusmodi proprietates, quæ (interpretatur Astrologus) nihil aliud sit, quàm dominium rei iustis modis quesitum. Host. in summa de causis propriet. num. 1. post Deum, resideat penes S. Benedictum, seu Caput Ordinis & familiam, & consequenter penes filios, siue Ordinem ipsum, veluti heredem patrimonij S. Benedicti: nam si filij, & heredes, ut ait Apost. Gal. 4.

Multa hic inuoluuntur, quæ distinguere oportet, & rem clarè explicare: Inprimis verò discernere debemus inter fundationis dispositionem, & fundationis executionem. Et ideo dico I. Ordini S. Benedicti generatim ac indeterminatè fieri potest legati, testamenti, aut fundationis alicuius dispositio: sicuti & Clero, aut Ordini Sacerdotali generatim legari, aut testamento relinqui potest, ut ijs, exempli causa, Ecclesia & sacrum Collegium edificetur, ac dotetur. Hoc in casu tamen fundationis dispositio & obligatio extendat se, confusè & indeterminatè, ad omnes S. Benedicti Religiosos, aut omnes Clericos, seu Sacerdotes, tamen per executionem erga aliquos, extinguitur omnis obligatio. Quemadmodum hoc ipsum in promissione alternatiua euenit, ut si Testator iusserit dotem dari vni ex quinque sororibus pauperibus, erga omnes alternatiua orta est obligatio, sed si vni earum dos data fuerit, alijs nihil debetur.

Itaque



Itaque si fundator v. g. præceperit, Ordinem S. Benedicti, siue, quod idē est, Religiosos S. Benedicti in ciuitate, aut oppido suo constitui, Ecclesiam & Monasteriū eius fundari, construī & dotari, erga omnes indeterminatē obligatio exorta est, ea tamen penitus extinguetur, posteaquam per institutionem aliquorum, iuxta fundatoris voluntatem, executio facta fuerit. Videri potest pro huius doctrinæ intellectu Vdalr. Zasius in l. stipulationum, nu. 44. ff. de verb. obligationibus, & quod traditur in l. Maius 66. §. Eademque ratio, ff. de legat. 2.

Dico II. Rectē me docuisse pag. 319. Iustæ defens. assert. 3. *Ordini indeterminatē non esse factam foundationem, neque traditam possessionem rerum Monasterij, sed Monachis & Professu eius.* Idem dixi secundū foundationis executionem, per quam, vt suprā explicauī, erga quosdam facta executione, traditaque eis rerum possessione, obligatio extincta fuit, vt alijs eiusdem Ordinis Religiosis nullum ius, actioque competere possit.

Aduertendum insuper est: Licet vocabula ista *Clerus, Ordo sacerdotalis, Ordo S. Benedicti* indeterminatē accepta, significant omnes Clericos, Sacerdotes, aut S. Benedicti Religiosos, frequenter tamen determinari ad vnus Congregationis seu Collegij Corpus: Vt si Clero Ecclesiæ S. Rochi in certa ciuitate, legatum quippiam sit, intelligendi sunt Clerici eius Ecclesiæ: similiterque, si Ordini, aut Religioni S. Benedicti huius Mo-

nastrij legatum sit, intelligetur particularis ea Religiosorum Congregatio. Etenim nomen *Religionis* ita interdum accipi, vt particularem aliquam Religiosorum Congregationem, Collegium, aut Conuentum significet, dicam infrā cens. 12. Denomine *Ordinis* id ipsum colligitur ex Bullis Pontificum, ab Aduersario adductis fol. 132. nu. 83. ex append. Iustæ defens. pag. 37. vbi Clemens VIII. in translatione Monasterij Ebersperg ad Societatem IESV ait, se *Ordinem S. Benedicti & omnem illius statum, & essentiam ac dependentiam regulares, auctoritate Apostolica suppressere & extinguere.* Et in altera Bulla ex pag. 35. eiusdem Append. vbi Innoc. VIII. in translatione Monasterij Bruel ad PP. Carthusianos, mandat quibusdam, vt *Abbatialem dignitatem, ac nomen, & titulum, Ordinemque, prædicta auctoritate, penitus suppressant, & extinguant.* Nihil enim aliud significatur, quàm regulares titulos, statum, ordinem, ac regulam S. Benedicti huius loci, Monasterij ac Congregationis, extincta esse.

Reperitur quandoque in foundatione decretum à Fundatore, vt v. g. *Ordo S. Benedicti perpetuis temporibus in constructo Monasterio permaneat, idque sub anathematis, & execrationis comminatione, si quispiam contravenire ausus fuerit.* Iusta hæc lex atque decretum, sensusque esus est, vt huius Ordinis ac Regulæ Professi non depellantur, sed iuribus suis in perpetuū gaudere ac frui sinantur. Quo cum tamen non pugnat, quo minus per-

volun-



voluntariam cessionem, aut mortem omnium è Collegio, aut per iustam Superioris sententiam, Congregatio seu Ordo particularis in eo loco, aut Monasterio, desinere possit iuste, ac licite.

Dico III. Non fuisse, aut esse inusitatum, ut aliquis *unum Sanctorum heredem scripserit, aut legatum ei reliquerit*, sicuti loquitur Iustinianus Imperator in Authent. de Ecclesiasticis titulis, c. 6. Verum, ut ex eadē Authent. colligitur, aliud tunc testator voluisse non censetur, quā ut Ecclesie sub eius Sancti titulo, relictum, legatumue sit. Quare non nisi in scitē & falsō ex illa loquendi phrasi aliquis inferet, Sanctum illum esse dominum rerum ad Ecclesiam, quæ in eius memoriā fundata est, pertinentium; quippe cum in cælo existens, eiusmodi rerum ac possessionum huius mundi nec capax, nec desiderans sit.

Dico IV. S. Benedictum in cælis existentem, non esse Caput Ordinis; partim quia Caput Ecclesiarum inuisibile, in cælis existens, est vnus Christus, cuius vicem agunt Pastores earum visibiles in terris: Partim quia Caput inuisibile in Cælo nullum dici potest, Fidelium multitudinis, nisi quatenus ea in formā Corporis siue vnus Ecclesie, sub vno Prælato redacta est: Quandoquidem Caput ordinem, relationemque habet ad Corpus.

Dico V. Religiosos S. Benedicti nō esse heredes patrimonij S. Benedicti, Quia, ut suprà dixi, S. Benedicto nullum, propriè loquendo, patrimonium,

atque substantia est in terris: Atqui Religiosi illi non sunt filij eius naturales, aut adoptiui; sed secundum virtutis, ac viuendi regulæ imitationem: Ex qua filiatione nullum ius hereditatis inferri potest; alioquin etiam Christiani, qui fidei imitatione Abrahamæ filij spirituales ab Apostolo Paulo censentur ad Gal. 3. v. 7. patrimonium eius in terra Chanaan vindicare possent.

## CENSURA X.

**F**Ol. 127. n. 68. hæc lego: *Negamus Or dinem S. Benedicti tale Corpus esse, quod Capite careat, cum singula Monasteria sint subiecta Capiti Ordinis S. Benedicti. Et paulò post: Atqui dicent, hanc rationem Corporis visibilis, & capitis inuisibilis non sufficere ad acquirendam proprietatem toti Corpori in commune, ut exinde pariter restitutio peti queat. R. spondeo, hoc ipsum ab Opponente non tantum dici, sed & demonstrari oportere. Ponamus enim, Sedem Apostolicam per mensem, aut annum vacare; adeoq; Ecclesiam nullum habere Caput visibile. In tali casu, si quis funderet, aut debet (fortasse doret) Ecclesiam aliquam particularem, dominium eius vel mox etiam acquireretur Ecclesie vniuersali, vel non. Posterius hoc nemo dicet. Si prius asseratur, igitur ad hoc ut acquiratur alicui Corpori, vel Collegio dominium, non requiritur necessariò, ut habeat de facto Caput generale visibile.*

Ad hæc dico: Etiam si fateremur, quod singula Monasteria subiecta sint S. Benedicto, tanquam inuisibili Capiti eorū, tamen hinc inferri non posset, quòd S. Benedictus Caput sit totius Ordinis, siue Monasteriorum

L

S. Bene-



S. Benedicti vniuersim acceptorum. Nam Caput inuisibile in caelis, quod tamen solum Christum esse praecens. monui, non dicitur Ecclesiae in terris militantis, seu vniuersalis, seu particularis, nisi ea visibile Caput habeat. Cum itaque Monasteria Ordinis S. Benedicti, vniuersim accepta, non habeant vnum commune eiusce Ordinis Caput in terris, frustra asseritur ipsis inuisibile Caput in caelis.

Ad quaestionem illam respondeo; Si quis Ecclesiam particularem fundauerit aut construxerit, eius dominium veluti altum ac vniuersale mox acquiri Ecclesiae vniuersali, tamen si eo tempore Pastore, vid. Summo Pontifice orbata sit: Quemadmodum & particulari Ecclesiae, v.g. Monasterio acquiritur dominium particulare rerum, quae ipsi, dum Pastore orbata est, donatae, aut legatae fuerint. Cuius rei ratio est, quia Ecclesia seu vniuersalis, seu particularis, interim dum Pastore caret, dummodo maneat facultas & spes alium instituendi, iura sua retinet; quin & Corporis, seu Congregationis, atque Ecclesiae rationem seruat, sed orbata, viduata. At verò Ordo S. Benedicti rationem vniuersi Corporis, aut Ecclesiae non habet, ne viduata quidem.

## CENSURA XI.

68. **E**Od. fol. 127. n. 69. ita discurrit Aduersarius: Pontifex Maximus est summus Generalis omnium Regularium, ut faceret Opponens, maxime verò illorum, qui proprium Generalem non habent: Vnde

non potest ostendi textus in iure, qui prohibeat, quo minus eiusmodi Religiosorum Corpora, quorum Caput Ordinis vnum est in caeli gloriosum, & inuisibile; alterum verò visibile & eminenter homogeneum, possint habere suorum bonorum commune dominium subalternum, & subordinatum dominio Ecclesiae vniuersalis; multò minis, qui prohibeat, restitutionem bonorum eiusmodi Corporum iure peti. Quod si enim hodie summus Pontifex officio Generalatus amoueretur Admod. Reuer. P. Generalis Societatis IESU, asserens, se ipsum post hac fundurum officio Generalis Societatis; nam habebit dominium omnium suorum Collegiorum; num idcirco non habebit ius recuperandi & agendi?

Astrologus noster, Monasterijs S. Benedicti Caput quaerit, ut vnius Ecclesiae corpus constituere possint; Idcirco hic nominat Rom. Pontificem tanquam supremum omnium Regularium Generalem. Sed sophismate fallit Lectorem, & ideo breui distinctione expediri potest; Rom. Pontificem esse Generalem, seu Caput generale omnium Ordinum regularium, sumptuum collectionem; non autem diuisionem, & sigillatim. Nego itaque; Romanum Pontificem esse Generalem, siue Caput generale Monasteriorum S. Benedicti, quatenus à reliquis Religiosorum familijs, separatim Ordinem constituunt: Fateor autem, esse Generalem, seu Caput generale Monasteriorum ac Monachorum S. Benedicti, quatenus ij membra sunt vnius corporis siue Ecclesiae omnium Regularium. Explicabo rem clarius: Caput, & Corpus Ecclesiae

correla-



correlata sunt; ideoque Summus Pontifex dici non potest Caput Fidelium, nisi quatenus sub ipso vnum Ecclesie corpus constituunt; & ideoque bonorum operum ac meritorum communionem inter se participant, si iusti, seu sancti sint. Hoc verò est privilegium insigne, seu prerogativa Roman. Pontificis, quod ipse non tantum Romanæ Ecclesie proprius ac peculiaris Episcopus sit, sed etiam totius oculis Christi, seu omnium fidelium, (quatenus vnam Ecclesiam Catholicam Sanctorumque communionem efficiunt) supremus Pastor, & visibile Caput existat: Deinde verò eorum omnium, qui iuxta Domini consilia, in præcipuam sortem ac hæreditatis partem vocati, ascitiq; sunt, Religiosorum, inquam, supremus Generalis censei possit. Quæ ipsa assertio & doctrina inde verisimilis efficitur, quod Religiosi omnes, cuiuscunque Ordinis ac regulæ ab Ecclesia approbatæ sint, tria substantialia Religionis vota, Perpetuam paupertatem, Castitatem, & Obedientiam, approbante & acceptante supremo Ecclesie Pastore edant, eisdemque personaliter obligentur, vti dicam infra cens. 30. in fine: Qui proinde Pontifex Caput illorum omnium, ac Prælati generalis, tanquam vnius corporis, seu membrorum circa statum Religionis essentialiter non discrepantium, non incongruè dici possit: Quia consequenter affirmandum, inter variorum Ordinum Religiosos, non tantum eam, quæ omnibus fidelibus iustis bonorum ope-

rum ac meritorum participatio competit, sed etiam quoque specialio-rem inter ipsosmet Religiosos, tanquam membra vnius sub Rom. Pontifice constituti Corporis, communicationem intercedere, non esse à vero alienum: Interim verò nemo negat, quin speciali charitatis affectu, & mutua pactione Ordinum quorundam Religiosi, specialius adhuc inter se colligari, & operum bonorum ac meritorum influxum mutuo sibi communicare possint.

Ad casum illum, si Rom. Pontifex Societatis nostræ P. Generalis officio amoveret, asserens seipsum posthac functurum officio Generalis; Resp. Vel Summi Pontificis mens, ac declaratio esset, quod Generalatus officio fungi vellet specialiter in Societate Iesv, tunc nulla esset difficultas; maneret enim vnum Corpus Societatis sub vno Capite, Rom. Papa, qui Generalis munus exerceret, suppleretque. Vel Summi Pontificis mens, ac declaratio esset, quod officio Generalis fungi vellet generatim duntaxat, sicuti omnium Religiosorum Ordinum communis Pastor, & Caput, iuxta modum iam explicatum: Tunc dico, Ordinem, ac constitutionem Societatis nostræ mutatum iri; neque Collegia, & Domos eius habitura inter se rationem vnius Corporis; multò minus, bonorum & iurium communicationem, aut specialem illum membrorum influxum, ac meritorum communionem.

L 2 CEN-



## CENSURA XII.

67. **F**ol. 128 n. 7. ita legitur: Ad stabilitatem quod attinet, grauius balluciat, quisque eam credit ita voueri, ut quartum votum efficiat, aut quasi per mutationem Religiosi ab vno Monasterio in aliud, votum professionis relaxetur, aut remittatur. Nam stabilitatis nomine status cum permanentia intelligitur: Quocirca stabilitas secundum regulam approbatam, idem est ac status religiosus, ait Antonius Berez comment. in c. 58. reg. S. Benedicti n. 24. Qui n. 28. subiungit, quod Abbas nomine Religionis, profitemem suscipiat: Etenim cum professio, (addens) quidam contractus onerosus sit, vltro citroque obligatorius, quo Professus fidem suam obstringit DEO; obligaturque Religioni; & quo Religio etiam ipsa obligatur Religioso ad retinendum illum, & alendum, & tractandum iuxta Religionis institutum, &c. Haud simili modo stabilitatem explanat Ignatius Balsamon de Societate IESU, qui in Institutione breui de perfectione religiosa sic loquitur. Vnde primo stabilitatem, id est, in finem usque perseveranturum, viuere ac mori in hac vocatione, ad quam tibi me immeritum sola tua benignitate placuit vocari. Vnde vel accipimus stabilitatem praedicto modo, pro permanentia status sub Abbatis obedientia; & sic obligat omnes in Conuentu, sed non singulos, ut ait Abbas; & Innocentius inferius allegandi: Nisi dicere malui, huiusmodi permanentiam in loco promitti soli Abbati, vnde & talis promissio ab Abbate, cui facta est, remitti potest.

Et paulo post: Deinde stabilitas loci, seu in Congregatione, ideo solum a SS. Patribus introducta fuit, ut vitaretur gyroua-

gia; quando nonnulli Monachi Gyrouagi nuncupati, prout a S. Ben. dicto cap. 1. regulae graphice describuntur, tota vita per diuersas prouincias ternis aut quaternis diebus per diuersorum cellas hospitabantur, &c.

Quae de stabilitate loci, qua cum Religiosi Benedictini, iuxta S. Benedicti regulam, & ius commune, professionem edant, hic dissertit Astrologus, legentibus errores ingenerare possunt, nisi diligentius discussa fuerint. Itaque aduertendum, quod stabilitas Religiosorum variè accipi solet; interdum, ut significet status perpetuitatem, siue indissolubilem obligationem, quam omnes Religiosi vouent, de qua intelligendus est P. Balsamon. Interdum verò accipitur pro claustro, seu obligatione manendi in claustro, iuxta Praelati praeceptum, & obedientiae votum. De hac stabilitate loquitur Abb. Panormita in c. ex rescripto, n. 3. de iure iur. & refert, nec improbat dictum quorundam DD. Vniuersum Conuentum non posse ex Abbatis licentia amoueri à claustro; posse tamen singulos, ex causa iusta: Quia dicit Abbas antiquus in c. cum illorum de sent. excomm. in 6. vbicunque fuerit Monachus, dummodo sit sub obedientia Abbatis, semper fingitur esse in claustro. Atque haec stabilitas itidem, communis est omnibus Religiosis claustralibus. Ex quo apparet Astrologum, dum de stabilitate, iuxta utramque harum acceptionem, disputat, & Auctorum dicta congerit, à quaestionis statu data opera declinare, atque Lectoris animum perturbare velle.

Est:



Est itaque tertia, eaque solum ad propositum spectans stabilitas loci, ad quam non omnes Religiosi, etiam claustrales, obligantur; sed ij duntaxat, qui possessionem edunt in ordine ad vnius loci regularem Congregationem seu certum Monasterium, ac Prælatum eius. Quamobrem per eiusmodi professionem efficitur aliquis proprius eius Monasterij filius, eique tanquam pars ac membrum incorporatur: Imò etiam fit quasi possessio, ac seruus Monasterij, eo effectu, vt vnà cum ipso, omnia bona ipsius, ipso iure, in Monasteriũ transcant; & quidquid illi seu hæreditate, seu donatione, seu personali opera atque industria acquiritur, per personam eius, siue potius contemplatione eius, ad Monasterium deuoluatur, iuxta Authent. de Monachis, §. Illud quoque, & §. Si vero relinques; Item Authent. Si qua mulier, & Auth. C. de SS. Ecclesijs, Auth. Ingressi, C. eod. iun. Gl.

De hac sola stabilitate locutus sum in Iusta defens. eo ipso in loco, quem Astrologus carpit, vid. pag. 8. Monachus, dicebam; professionem facit, & quasi matrimonium spirituale contrahit erga hoc Monasterium, ei se penitus tradens, tanquam possessio quadam, atque vicissim Monasterium sibi obligans, prout ex communi docet Panormit. in c. non est, n. 3. de Regul. Et postea; Neque volens Monachus ad aliud Monasterium transferri potest, ex mero arbitrio Abbatis; cum votum professionis, quod cum stabilitate loci editum est, aliquo modo relaxetur, quod sine causa fieri non debet, prout videre est apud

Dominicum de Geminiano in c. cum singula, Francum n. 3. de prabend. in 6. & Abb. Panormit. in cit. c. non est, n. 6. Quæ vera & Canonica doctrina, à nemine homine sano reprehendi poterit.

Examinemus iam, quid in ea carpserit Astrologus: I. ait, grauiter hallucinari eum, qui existimauerit, stabilitatem ita voueri, vt quantum votum efficiat. Verum id ego non dixi, ideoque frustra assertur.

II. Stabilitatem non ita accipiendam esse; quasi per mutationem Religiosi ex vno Monasterio in aliud, votum professionis relaxetur, aut remittatur. Si ita locutus fuisset, non multum à vero aberrassem; dixi verò, professionis votum aliquo modo relaxari. Manet enim secundum substantialia sua, & quæ communia sunt Monasterijs S. Benedicti; relaxatur autem secundum ea quæ editæ professionis propria sunt, ac determinata ad hanc Congregationem, eiusque Prælatum; peculiaria præcepta & obseruationes. Aiunt verò DD. apud P. Franc. Suarez lib. 6. de voto, cap. 19. n. 4. Sicuti promissio homini facta, ita & Deo editum votum in specie sua implendum esse; siue aliud pro alio solui non possit, inuito eo cui promissio facta est. Non autem Deus contentus esse censetur, vt opus aliud, licet æquè bonum, præstetur loco eius, quod promissum est; eò quod perseverantia voluntatis stabilitæ magis placeat Deo, quàm recessus & aliqua instantia, argum. c. 1. de voto, & eorum quæ docet S. Thom. in 2. 2. q. 88. a. 12. in corp. Quamobrem regula illa canonica,

L. 3.

nonica,



monica, quod Religiosis, petita Superioris licentia, integrum sit transire ad Religionem strictiorem, non item ad aequalem, multo minus ad laxiorem, ut tradunt DD. in c. licet, 18. de Regularibus; Ea, inquam, regula atque doctrina locum etiam habet in eiusdem Ordinis Monasterijs, si ea diuersos Praelatos, communi seu generali Capiti, in eos ordinatam iurisdictionem exercenti, non subiectos habeant. Accidere enim solet, ut reliqua, quamuis vna videatur, quam omnia Monasteria profitentur v.g. S. Benedicti, tamen ob specialia locorum statuta & consuetudines, per Abbates & Conuentus introductas, non parua in illius obseruatione varietas sit circa ieiunia, abstinentiam a carnibus, vestimentis ex lino, &c.

III. Non rectè ratiocinatur Astrologus, stabilitatem loci promitti Abbati, ideoque ab Abbate, cui promissio facta est, remitti posse. Falsa haec est doctrina; quia professio ea cum loci stabilitate, principaliter fit Deo, atque per eam Professus incorporatur Corpori eius Congregationis: Quare promissio illa, seu professio, quatenus ad hanc Congregationem seu Conuentum tendit, ab Abbate, mero eius arbitratu, remitti non potest, etiam si Monachus velit, aut consentiat.

Cum verò alium discursum verbis obscuris subiungit Aduersarius, & ut arbitror, significare vult, professionem cum stabilitate loci remitti posse (quia collatio canonica monachalis in se quidem perpetua est, at ex causa legitima

cum consensu Abbatis, & ipsius Religiosi scilicet) miror quidem, Canoniam Monachalem ab ipso appellare: Sed ne de nomine altercemur, doctrina ipsa vera est, & satis à me tradita in ead. pag. 8. Iustæ defensionis ubi dixi, relaxationem, seu remissionem illam mero arbitrio Abbatis aut sine causa fieri non posse; huiusque rei gratia allegavi Domin. Geminianum, Philipp. Fran. & Abbatem Panorm. id adiiciens; *Quod si in aliam diocesim transferendus sit Monachus non exemptus, prater causam rationabilem, etiam Episcopi proprii consensu requiritur, prout ex communi testatur Ioann. Andreas in fine cit. c. eum. singula, Ioann. Monachus ibid. n. 4. Domin. col. 2. Francus n. 3. & 4.*

IV. Ait Astrologus fol. 129. n. 74. *infideliter me allegasse Domin. de S. Geminiano, Francum, & Abbatem Panorm. Quia authores hi, inquit, ne verbum, quod sciam, de relaxatione voti meminerunt; cuius tamen mentionem facere debuissent in hac materia, praesertim Panormit. cum & ipse fuerit Abbas S. Benedicti. Verum, neque ego dixi, eos mentionem fecisse de relaxatione voti; cum verba ipsorum non adduxerim; sed eorundem auctoritatem ad stabiliendam doctrinam meam, simpliciter allegarim. Animaduertiatem hic debet, quando Doctores (praesertim Itali & Citramontani) disputant, utrum Religioso de vna Religione particulari ad aliam particularem transire liceat nomine particularis Religionis frequenter eos intelligere certum aliud quod Ordinis Monachorum, vel regularium Canonice Monasterium.*

Sed



Sed ne existimet Astrologus, me hæc ex meo cerebro proferre, aut pro libitu comminisci, adferam Canonistarum doctrinas; Et ne longus sim, eligam duos, omni exceptione maiores, qui instar plurium esse debent. Primus est, Abbas Panormitanus, ad quem ipsemet Aduersarius appellauit; Alter Martinus Nauarrus; Cum enim ille Religiosus fuerit ex Ordine S. Benedicti, iste autem ex Ordine Canonicorum regularium S. Augustini, negari non potest, ipsos harum rerum fuisse peritissimos; & Ordini- bus suis ne minimum quidem abrogare voluisse. Igitur iusta censi in- ter nos hæc conuentio debet, vt in hac re illorum verbis atque doctrinis stemus.

Abbas Panormit. in c. in præsen- tia n. 63. & seqq. hæc tradit: Dubitatur de quæst. nona, quid de bonis ingredientium aliquam Religionem particularem alicuius Ordinis, habentis Patrem Abbatem, qui potest & solet transferre Monachos de loco ad locum, ita quod omnia Monasteria illius Ordinis sunt quasi membra sub vno Ca- pite, nec intrantes particularem locum promittant stare ibi, sed promittunt ser- uare regulam secundum statuta Ordinis: Sicuti propiè videtur in Monachis mon- tis Oliueti: Ita etiam credo, quod ser- uent isti alij Mendicantes; & scias, hanc vnionem potius procedere ex statutis Or- dinis confirmatis per Papam; quam à iure communi, & dispositione regule S. Be- nedicti: quia secundum regulam, & di- spositionem iuris communis quodlibet Mo- nasterium recognoscit Caput de per se, scil. Abbatem, vel Priorem; & Episcopus est su-

perior, tanquam diocesanus: sic habetur causa 12. q. 2. quasi per totam. In hac quæst. consuluit Cass. de Cal. vt hic refert Dom. Andreas qui in effectu dicit quosdam pro- fessos in genere generalissimo, aliquos in ge- nere subalterno, quosdam in specie. In genere generalissimo dicit Professos istos, qui profitentur in manibus Episcopi, vel qui vouerunt se seruaturus tria substantialia regula; Item is qui proficitur regulam Prædicatorum, vel Minorum ante annum probationis, c. non solum de Regul. in 6. Obligatur enim isti Religioni in genere, non in specie. Verum istæ post Concil. Tri- dentinum non amplius locum ha- bent; ideoque ad alios professionis modos pergamus. Subdit itaque Pa- normitanus: Venio ad secundos, scil. Pro- fessos in genere subalterno, & istos vocat il- los, de quibus in terminis quæstionis nostræ: Et istorum bona dicit, quod acquiruntur non Monasterio recipienti, sed toti Ordini; quia ex quo totus Ordo sentit onus istius in- gressi, naturale est vt sentiat commodum: Allegat Speculatorem, de statu Monach. v. 19. & Gl. quam dicit singularem causa 27. q. 1. c. de viduis 1. in Gl. 1. qua dicit, bo- na esse in potestate & dispositione illius, qui est Superior in Ordine, vt sic diuidat & di- stribuat, prout sibi videtur. Putat tamen Dom. Antonius, quod si essent plura Mona- steria, sub vno Capite, & professio determi- naretur ad loca particularia; quia Mona- chi de particulari loco nunquam remo- uentur, quod tunc bona applicabuntur ad particularem locum, vbi ingreditur: quia cessat causa prædicta; & est causa, quare bona ingressi aggregantur Monaste- rio, secundum onus Monasterio imminens, causa 16. q. 6. c. de lapsis. Bona verò eorum



eorum qui profitentur certam regulam in specie, ut sunt isti, qui profitentur regulam in certo Monasterio alij non supposito, modo predicto applicantur illi Monasterio.

Aduerte hic primò Astrologe, quòd Panormitanus pro eodem vsurpet, ingredi particularem Religionem alicuius Ordinis, & intrare particularem locum seu Monasterium.

Secundò aduerte diligenter discriminè, quòd hic Abbas tradit inter Ordines Religionum: Interdum enim Monasteria alicuius Ordinis habent vnum Patrem, qui potest ac solet Monachos transferre de loco in locum, & omnia Monasteria sunt quasi membra sub vno Capite, ut Monasteria montis Oliueti, & Mendicantium. Interdum verò Monasteria Ordinis non habent talem vñionem sub vno Capite, uti mox dicam.

Aduerte itaque tertio, quod clarè expressit idem Panormitanus Abbas, hanc Monasteriorum vñionem sub vno Capite non esse secundum regulam S. Benedicti, aut iuris communis dispositionem; quia iuxta eam, quodlibet Monasterium recognoscit Caput per se, videl. Abbatem, vel Priorem; & Episcopus est Sup rior. Videri possunt quæ infra dicuntur Censura 42. & 43.

Quartò aduerte, quòd Abbas palàm dixit, Monachos Monasteriorum non habentium communem Patrem siue Abbatem, profiteri regulam in specie, siue in certo Monasterio.

Veniamus iam ad Martin. Nauarrum. Is in conf. 3. de regular. edit. 1. hæc scripsit: An Monachus seu Regularis vnā Religionem approbatam legitime

professus, transiens legitime ad aliam approbatam, teneatur de nouo profiteri in secunda Religione. Hæc est quotidiana questio, & parum tractata. Et quidem pars negatiua videri posset ei qui legerit consilium Federici quatenus videtur affirmare, quòd Monachus vnus Religionis electus in Prælatum alterius, non tenetur ad profitendum secundam. Pro quo facit primò, quòd in omni Religione vouentur tria vota substantialia, scilicet castitatis, paupertatis, & obedientie, c. fin. de statu Monach. Et ita qui proficitur vnā Religionem approbatam, videtur profiteri omnia substantialia omnium Religionum; & cum nihil sit faciendum frustra, iuxta c. Si Papa, de priuileg. in 6. non videtur repetenda professio à translato in secundum Monasterium. Secundò facit, quòd in translatione cuiusdam Monachi ad Abbatiam alterius Monasterij, nulla fit mentio de repetitione professionis in secundo Monasterio. c. sicut tuus, de Simon. c. cum venerabilis de consuetudine, & c. nihil, de elect. vbi agitur de confirmandis omnibus electis, & non fit vlla mentio de huiusmodi professionis repetitione in promotio ad secundam Ecclesiam; nec in c. quorundam, c. religiosus, c. nullus de elect. in 6. in quibus agitur de translatione Religiosi ad aliud Monasterium.

Sed contrarium videtur dicendum: Tum quia frequenter Monasterium secundum est arctioris obseruantie, ad quam professio prioris Monasterij non extenditur; & nisi profiteretur nouè in secunda, nullo iure ad illam obseruantiam obligaretur: Tum quia, &c.

Et concludit denique; Religiosum, vel Monachum transeuntem legitime ad aliam Religionem, teneri tacite, vel expresse



expresse ad profitendam illam, saltem quoad observantiam illorum, quæ servari debent in illa ultra substantialia vota, siue transferatur, ut fiat in illa Prelatus, siue ut maneat ibi ut subditus & filius Monasterij.

Ecce, Nauarrus potissimum hic loquitur de translatione Regularium ab vno Monasterio ad aliud Monasterium eiusdem Ordinis, prout aperte colligitur tum ex toto eius discursu, tum ex iuribus allegatis, c. sicut tuis 33. de Simon. c. cum venerabilis 7. de consuet. c. Religiosus 27. de elect. in 6. in quibus sermo est de translatione Religiosi ad aliud eiusdem Ordinis Monasterium, tum denique, quia Nauarrus multa intermiscet de translato ad aliam Religionem, ut sit Abbas: Talis autem translatio intelligi non potest ad Religionem alterius Ordinis, iuxta Clem. 1. de elect. Necessario itaque fateri debemus, transitum Monachi, Ordinis S. Benedicti v. g. aut Canonici regularis de Monasterio suo, in quo professus fuit, ad aliud eiusdem Ordinis Monasterium, censeri ac dici posse transitum ad aliam Religionem, etiam ad hunc finem, secundum Nauarrum, ut noua professione, saltem tacita, opus sit.

Et ne quis dubitare possit de mea hac interpretatione, quæ tamen ex verbis Nauarri manifestè colligitur, adducam alium eius reitestem, Pat. Ioan. Azorium, tom. 1. instit. moral. l. 12. c. 14. q. 13. Quaritur, an Regularis ex vna Religione, vel ex vno Monasterio in aliud transiens, debeat in eo denuò profite-

ri? Hanc questionem tractat Nauarr. consil. 3. de Regular. Porro Imola in Clem. 1. de Regul. nu. 19. secutus Ioann. Lignanum videtur negare, præsertim cum ex vno Monasterio in aliud Monachus transit, eam ob causam, quod in omni Religione, dum professio solemniter emittitur, sunt tria vota, quæ ad Religionis substantiam & naturam pertinent. Et mox: Fridericus verò, quem citat Nauarrus, docet, Monachum electum in Abbatem alterius Cœnobij, non debere in eam nouam professionem emittere: unde distinguit, aut Monachus transit, ut præsit, aut ut subsit: si ut præsit, tanquam Abbas, Prior, vel Superior, non est neesse, ut denuò professionem emittat: si ut subsit, necessaria est secunda promissio. Contrarium Nauarrus affirmat, ratus requiri professionem secundam: Tum quia licet fuerit Monachus vnius Religionis, Ordinis, vel Monasterij, non tamen eo ipso est alterius: Tum etiam, quia vnaquaque Religio suis constitutionibus gubernatur, ac regitur, & oportet, ut omnes eiusdem Ordinis Monachi eisdem legibus & constitutionibus teneantur. At nisi fieret noua professio, Religiosus ad aliam translatus, esset ijs constitutionibus ac legibus solutus, quibus alij tenerentur. Item singula Monasteria, quando non sunt sub cura & potestate vnius Generalis Præsidi, suis statutis & legibus viuunt, & vnum Monasterium sæpe duriori & arctiori instituti regula tenetur.

Addamus alium locum ex Nauar. consil. 60. de Regular. edit. 1. An Regularis translatus in aliam Religionem, debeat sedere in Capitulo ad suam vocem dandam iuxta tempus, in quo emisit professionem in priori Monasterio, siue in quo fuit translatus, vel in quo fuit professus in

M

secundæ



*secunda? Respondetur, quod debet sedere secundum tempus, quo professus fuit in secunda, per ea quae dicta sunt in consil. 17. cum quia eo tempore incipit esse Regularis illius Religionis, & secundum illud tempus debet scribi & sedere, iuxta l. 1. de albo scribendo, ff. arg. c. 1. & c. statuimus, de maior. & obed. Quod est verum in eo qui transfertur, & sit in eo subditus & filius: si autem est translatus in Praefectum, & renuntiavit praefecturam, sedebit in primo loco post Praefectum, in memoriam honoris, quem gessit.*

Hic iterum apparet, Nauarrum per translationem in aliam Religionem, intelligere transitum ad aliud Monasterium eiusdem Ordinis, si professio edatur determinatè ad locum, & Praelatum loci.

Immeritò itaque me reprehendit Astrologus fol. 128. & 129. quod translatione ad aliam Religionem comprehenderim etiam translationem ad aliud Monasterium v.g. S. Benedicti; Item, quod dixerim, translatione ista votum professionis, quippe astrictum certo Monasterio ac Praelato eius, quodammodo relaxari. Si enim professio eadem omnino permaneret, quid opus esset, ut ad aliud translatus Monasterium iterum profiteretur, saltem tacitè? Et quare postremum ipse locum in secundo Monasterio tenere debeat, si, uti falsò arbitratur Astrologus, atque pluribus verbis cōtendit fol. 124. 125. omnia Monasteria sint membra Ordinis, tanquam vnius Corporis, penes quod Ordinis Corpus etiam iura dominij, ac possessio singulorum Monasteriorum permaneant? Videri possunt quae dixi cens. 10.

Hinc etiam obiter colligi potest, non ita ablonam, & à verborum proprietate alienam (vti fol. 177. Astrologus censet) esse interpretationem cuiusdam responsi, quod ex mente Sanctissimi Domini nostri Nuncius Apostolicus misit ad P. Martinum Becanum p. m. Anno 1624. Si bona illa ecclesiastica, quae Cæsarea Maiestas ad alios pios vius applicare voluerat, reditus erant alicuius Religionis Regularium, quae nunc extat in Congregatione vniuersita, quod illi particulari debent restitui: quia res iniuste ablata debet restitui.

Explicaueram id pag. 377. Iustæ defensi, Si Religio ea particularis, siue Congregatio Regularium, cui bona iniuste ablata fuerunt, adhuc extet, & non penitus extincta sit, illi particulari, videl. Congregationi seu Conuentui restituenda esse. Ita enim nomen *particularis Religio* praefertim à Citramontanis accipi, pro certa Congregatione aut Corpore Regularium, ex ijs quae in hac censura dicta sunt, cognosci potest. Contra verò Astrologus, nullum, uti arbitror, seu iuris textum, seu Doctoris alicuius testimonium producere poterit, in quo rō *particularis Religio* accipiat, sicuti ipse interpretatur, pro plurimorum Abbatum Capitulo seu Congregatione. Accedit, quod ipsemet Aduersarius non nisi vnam solam per vniuersam Germaniam assignare possit Congregationem, videl. Bursfeldensem, quae adhuc extet ex ijs, quae olim constituta erāt Capitula seu Congregationes Abbatum Ord. S. Benedicti, prout apparet ex ijs, quae fusi-

69. 70.

64. 65.



228. fusè congescit Astrologus fol. 207. & pluribus seqq.

Argumenta, quibus Aduersarius interpretationem meam infringere nititur, præter sophisticas principij petitiones, hæc sunt: I. Sedes Apostolica consulta fuit de bonis quæ pridem alienata, Monasteria profanata, ac Monachis & Monialibus orbata fuerant: Responderi itaque non potuit, si particularis Religio, (id est, Congregatio seu Conuentus) adhuc extet, & non omnino extincta sit, illi restitutionem fieri oportere. II. Monachi & Moniales omnes ante annos septuaginta, aut octoginta mortui fuerant; Atque ideo indubitatum fuit, Congregationem particularem, iuxta meam interpretationem, non extare. III. Quidam è Societate PP. Theologi de eo Roma transmissore responso olim consulti, aliter id intellexerunt: Quod autem semel placuit, amplius displicere non potest, reg. 21. in 6. Et mutare consilium aliquis non potest in alterius detrimentum, reg. 30. in 6.

Facile respondeo: Ad I. Quod bona alicuius Monasterij malè alienata fuerint, & ipsa Monasterij structura profanata, aut religiosi incolis orbata, nihil prorsus obstat, quominus ius particularis Congregationis, seu Conuentus etiam in eiectis quibusdam & absentibus cõseruetur. Quam multa hodie in Germania sacra Collegia, ac Monasteria sunt, quorum bona alijs donata, aut vendita fuerunt à Suecicis, ipsaque profanata, Clerici aut Religiosi incolæ erecti: Et

tamen eorum Congregatio seu Collegium adhuc extare, atque Collegiati iura sua seruare censentur, quibus proinde restitutio fieri debet. Ad II. dico: Id minimè narratum fuisse in supplicatione Sedi Apostolicæ oblata, alioquin alia responsio data esset. Ad III. Satis à me responsum cit. pag. 377. Theologos illos, posteaquam ex alijs à Sede Apostolica datis literis ac responsis clarè intellexerūt, non eam, quam priùs ipsi conceperant, S. D. N. mentem fuisse, sententiam quoque suam mutasse. Talem autem consilij aut sententiæ mutationem, quæ ob pleniorẽ rei cognitionem fit, iniquam, præiudicialem, aut non concessam esse, nunquam ostendit Astrologus.

## CENSURA XIII.

FOL. 129. nu. 75. & fol. seq. hæc adfert Aduersarius: Insuper cum adiungit in argumento Opponens (Laymann.) Generales Cisterciensis & Præmonstratensis Ordinum, non nisi in pertinentibus ad regularem disciplinam, prælationem aliquam habere, non item in ordine ad personas, neque in ordine ad iura & bona Monasterij, quasi de ijs disponere possint, &c. grauitè in veritatem impingit: tametsi translatio Religiosorum, aut bonorum de vno loco in alium, nihil prorsus ad rem faciat.

Et postea nu. 76. Quòd porro Generales horum Ordinum prælationem aliquam habeant in ordine ad iura & bona Monasteriorum, docet nos primò statuta Ordinis Præmonstratensium Anno 1618. renouata

M 2

&amp; edita,



edita, quæ dist. 4. cap. 30. uum. 179. sic habent: Nullus Prælatorum Ordinis nostri aliqua immobilia bona primæ fundationis, vel quæ sunt amortizata, vel quæ ad Ecclesias suas longo tempore spectauerunt, sine Dom. Præmonstratensis, vel Capituli generalis, vel Patris Abbatis, vel, si is nimis longè distitus, Vicarij siue Visitatoris ad hoc specialem potestatem habentis, consensu, in scriptis obtento, vendat aliquatenus vel alienet.

Et n. 77. Generalem item Ordinis Cisterciensium alienationes bonorum mobilium & immobilium sui Ordinis posse concedere, confirmare, & inuadare, docet Em. Rodriquez qq. regul. tom. 1. q. 27. ar. 2. quippe cui Ordini omnia bona sunt communia, iuxta Bullam Pij I. datam Mantue anno 1459. pridie Non. Augusti, quæ incipit: Super gregem Dominicum nobis licet immeritis. Vbi inter cetera hæc habentur: Nos hoc perpetuæ constitutionis Edicto, autoritate Apostolica, & ex certa scientia, statuimus, decernimus, & declaramus, quod omnia bona Monasteriorum & aliorum locorum dicto Ordini sint communia. Et in margine habetur: Omnia bona Monasteriorum sunt Ordini Cisterciensi communia.

Verba illa n. 75. allegata, accepit expag. Iustæ defens. 10. sed more suo deprauatè attulit: Non enim absolute negauit, Generales Cisterciensium, ac Præmonstratensium prælationem aliquam habere in ordine ad personas professas, sed cum addito, pro libitu transferendas, &c. Verùm ne imposturæ argui possit Astrologus, postea obiter insinuat, quid dicere voluerim, aitque, grauitè me in veritatem im-

pegisse: atque oppugnando ait primò, translationem Religiosorum, aut bonorum ab vno loco in alium, nihil ad rem facere: Secundò, etiam Generales illorum Ordinum prælationem habere ad iura & bona Monasteriorum.

Quod ad primum attinet, plurimum refert ad rem, quæ de agimus, num Generalis aliquis Pater prælationem habeat, iurisdictionemque erga Monasteriorum, Collegiorumve, aut Domuum sacrarum personas suo arbitratu transferendas, disponendi que de illarum bonis potestatem. Nam exinde deprehenditur maior Corporis seu Ordinis totius vnitas, quod magis Monasteria aut sacra Collegia, tanquam membra, subiecta sunt gubernationi ac dispositioni vnus Capitis. Hæc res censura seq. magis declarabitur: Hic autem per facti speciem docebo Astrologum. Si aliquis Ordinem v.g. Patrum Dominicanorum profiteatur, post Concil. Tridentinum sess. 25. cap. 3. de Regular, bona eius, etiam immobilia, non ad Monasterium illud, in quo votum professionis edidit, sed ad Ordinem deuoluuntur, iuxta dispositionem Generalis, aut Prouincialis. Similiterque, si Religioso professo donatio fiat, aut legatum, vel hæreditas accidat non certi Monasterij contemplatione, Generalis, aut Prouincialis de bonis obuientibus disponet: non autem Monasterium, in quo Professus ille versatur, ius prætere potest. Sed longè diuersa ratio est de Monasterijs eorum Ordinum, etiam Gene-



Generalem habentium, in quibus professio edi solet restricta, seu cum stabilitate loci. Isti enim sunt Professi singulorum Monasteriorum, at verò Patres Dominicani, alijq; Mendicantium Religiosi professi sunt Ordinis. Audiamus de hac ipsa re differentem P. Ioann. Azorium tom. 1. Inst. mor. lib. 12. cap. 10. q. 4. *An professus Religionem in vno certo Monasterio, acquirat illi, an alteri? Respondeo; illi tantum acquirere, vt colligitur ex c. Abbates 18. q. 2. Sciendum est ex Abbate in c. praesentia de probat. nu. 63. Iure communi, & iuxta regulam B. Benedicti, quodlibet Monasterium esse in cura, & potestate Abbatis siue Prioris qui ipsi praestit: Et Abbatem subiecti Episcopo vt Superiori, in cuius diocesi Monasterium est constitutum, c. Abbates & alijs cc. causa 18. qu. 2. Vnde iure communi & antiquo, quilibet Monachus acquirat illi Monasterio, cuius est Monachus, non alteri: illius autem Monasterij censetur Monachus, cuius est filius, & eius est filius, in quod ingressus est, & in quo professus est Monasticam regulam. Caterum in ijs Religionum Ordinibus, in quibus multa Cœnobija in vna provincia subiunguntur Praefecto Provinciali, & omnia totius Ordinis Cœnobija Praefecto Generali, Monachus vnius Monasterij ita bona acquirat, vt ea possit Praefectus generalis applicare huic vel illi Conuentui siue Collegio: quia Religiosus non ita proficitur regulam Religionis, vt fiat filius & Monachus illius Cœnobij, in qua professionem emisit. Tales sunt Ordines Religiosorum Mendicantium. Excipiuntur tamen bona, quae ita ad Religiosum perueniunt, vt eo ipso intelligantur applicata certo Cœnobio, seu Collegio: nam*

*reliqua acquiruntur Ordini, non certo Conuentui.*

Quod verò ad alterum attinet, ostendere conatur Astrologus, Generales illos habere praelationem super bonis & iuribus singulorum Monasteriorum, quia alienationes etiam rerum immobilium, concedere, confirmare, & si sine consensu eorum factae sint, infirmare possint. Respondeo: Si ita est, fateri coguntur, Religiosi illi, se id habere ex priuilegio Sedis Apostolicae, quae talem potestatem auferre potest, imò verò ante annos circiter decem, per decretum, ablatam esse, memini. Deinde, ex hac alienandi concedenda potestate, colligitur quidem praelatio & iurisdictio aliqua, sed non in ordine ad disponendum de bonis: Siquidem Episcopo, spectato saltem antiquo iure, competit hæc potestas concedendi, aut confirmandi alienationes bonorum, si ex iusta causa necessitatis, aut vtilitatis, præcedente tractatu & consensu Conuentus, fiat à Prælato Monasterij non exempti, non ideo tamē Prælatus is regularis fatebitur, ad Episcopum pertinere praelationem super bonis, aut facultatem disponendi de bonis Monasterij sui: cum, secundum sacros Canones plena administratio rerum Monasterij ad Abbatem pertineat, c. nullam, causa 18. q. 2. Ita tamen, vt Episcopus attendat, vt administratio recte fiat, non ad dilapidationem tendat, &c. Quamobrem mala est illatio, si quis ex eo quod Abbas aliquis Ordinis S. Benedicti bona immobilia, aut mobilia pretiosa

M 3

alienare



alienare non potest sine auctoritate Episcopi, aut Abbas Ord. Cisterciensium vel Premonstratensium sine auctoritate Generalis, colligere velit, Abbates illos plenam & liberam bonorum Monasterij administrationem non habere.

72. Porro id incredibile prorsus, atque ab ecclesiarum consuetudine alienum dictum est, quod fol. 130. iteratò inculcatur, *Omnia bona Monasteriorum esse Ordini Cisterciensium communia*. Magis autem admiratus fui, cum verba Bullæ Pij II. quæ hoc ipsum testari videbantur, legissem: Sed mox fraudem suspicatus, quam ingeniosè hic exercuit Falsarius noster. De industria enim verborum etiam constructionem falsari voluit, dicto *Ordinè sint communia*: Ita secum ratiocinàs: Lector quilibet animaduertet errorem commissum esse, & ex adiunctis colliget, legendum dicto *Ordini*, quod decipiendi proposito meo seruit. Sin autem aliquis repertus fuerit, qui curiosus in Bulla (quæ tamen in vulgato Bullario non reperitur) inspexerit, à me (Astrologo) delictum amouere, atque Typographo adscribere poterò, qui pro dicti Ordinis posuerit dicto *Ordinis*.

Sed nequaquam se à falsi crimine, in re ista grauissima, extricare potest Aduersarius: Si enim præter ipsius mentem, à Typographo positum fuit dicto pro dicti, cur itaque tam in contextu, quàm ad marginem, & in ipso Indice, verbo *Cistercienses* contestatus fuit, omnia bona Monasteriorum toti ORDINI Cisterciensi com-

munia esse, & quidem iuxta Bullam Pij II. Sed audiamus verba eius Bullæ ex libri impressi priuilegiorum Ord. Cisterc. p. 39. *Auctoritate apostolica, ex certa scientia, statuimus, decernimus & declaramus, quòd omnia bona Monasteriorum, & aliorum locorum dicti Ordinis, sint communia*: Et, quòd vasa argentea, & clenodia, & alia quacunque ad decorem, & ornamentum Abbatis & Conuentus cuiuslibet Monasteriorum eorundem, manent & conseruentur in quolibet Monasteriorum Ordinis antè dicti: Quòdque vasa & clenodia, & bona prædicta per Commendatarios ipsorum Monasteriorum, vel eorum Officiarios, alienari non possint, seu debeant quoquo modo.

Ex his verbis nulla vtique bonorum communio, tanquam toti Ordini competens, colligi potest, sed prorsus contrarium, cum dicatur vasa argentea, clenodia, &c. cuiuslibet Monasterij, in ipso manere, & conseruari debere. Atque, vt res clarè appareat, causa, & occasio eius decreti hæc fuit: Quia Abbates Ordinis eius, præsertim Commendatarij, habentes mensam & aulam separatam à mensa & claustro Conuentus, prætendebant interdum, peculiare ac proprias possessiones, earumque proventus sibi deberi, mobilia etiam pretiosa ab Antecessore relicta sui iuris ac dominij esse, vt ea liberè alienare possent. Contra hanc falsam prætensionem Pius II. Pontifex Apostolica auctoritate, & ex certa scientia decreuit, ac declarauit, quòd omnia bona Monasteriorum & locorum dicti Ordinis, sint cõmunia: Et quòd vasa argentea,



argentea, &c. Confirmata hæc reperiuntur à Sixto IV. Pontifice pag. 131. Gregor. XIII. pag. 215. Sixto V. pag. 222. qui nu. 19. confirmare se ait plurimum Antecessorum statutum & preceptum, ne Abbates & Monachi bona à defunctis illius Monasterij relicta sibi approprient.

Ex his, ut arbitror, apparet, multos graues errores in Ecclesias introduci posse, si eiusmodi hominibus quælibet scribendi, ac falsandi licentia permilla sit.

CENSURA XIV.

73. **F**OL. 131. nu. 78. hæc refert Astrologus: Notandum (ait Eman. Rodriq. tem. 1. reg. qq. q. 2. a. 9.) in Societate quosdam Scholares nuncupari, qui, licet nō sint solemniter professi, tria vota substantialia emittunt, neque à Societate, citra incursum apostasia, recedere possunt: licet Praepositus Societatis illos expellere valeat, &c. Et huiusmodi Nouitij non sunt propriè de corpore Societatis, neque immutabiliter Religiosi, sicut sunt solemniter professi. Et paulò post: Non sunt propriè & immutabiliter Religionis membra, sicut sunt professi, qui dicuntur membra inseparabilia argum. eorum, quæ tradit Aretinus, quia illud est propriè & inseparabile membrum, quod à corpore suo non separatur, ut probatur in iure, & traditur à Bellamercæ & Socino. Et quod ipsi Scholares Societatem non constituunt, patet ex quibusdam literis Iulij II. (Iulium III. scribere debuisset: Nam Iulius II. dudum mortuus fuerat, antequam Societas orta esset) in quibus nonnulla Societati

Constitutiones inferuntur, ubi inter cetera dicitur, quod Societas habeat Collegia, in quibus Scholares, velut in seminario existant, innuens, diuersam esse Societatem ab huiusmodi Gymnasio. Quod etiam clariùs liquet ex alijs literis Pauli III. ubi dicitur, quod Scholares huiusmodi, peracto studiorum suorum cursu, & qui in literis aliquid profecerint, in Societatem admitti possint: & sic necessariò supponitur, quod antea non erant de Societate, neque Societatem constituebant. Et paulum infra: Præterea, si rectè quis intueatur, ipsi Scholares ut ex serijs Constitutionum Societatis apparet, nihil possident in communi, aut particulari. Hæc Rodríguez.

Addit postea ex seipso Astrologus, nu. 79. Quæ sita sunt, certum est, quod spoliato aliquo Collegio Societatis, istis Scholâribus nō competat vlla actio, aut ius repetendi prædictum Collegium, nisi ius illud generalissimum, quod quilibet è plebe habet in causis pijs ab (fortasse ac) ecclesiasticis, quia non sunt propriè membra Societatis. Sed nec ipsi spoliati fuerant, cum, secundum prædicta, nihil in communi, aut in particulari possederint, qui autem nihil possidet omnino, non potest possessione spoliari, l. 83. ff. de diuer. reg. iuris. Deinde etiam ij, qui propria & inseparabilia membra sunt Societatis, non possunt suo nomine agere pro restituendo sibi Collegio ablato, etiam si tempore spoliationis in Collegio habitauerint. Ratio est, quia non habent vllum titulum seu ius beneficii in Collegio, prout habent singuli Monachi & Canonici regulares in suis Monasterijs, quibus ea propter, quamdiu viuunt, iura concedunt actionem peculiarem. Possunt tamen agere nomine Societatis, cui Collegium erat incorporatū.

Ceterum



Ceterum ius transferendi personas, aut bona de loco in locum, &c. ut dixi, nihil ad rem, quippe quod nec tribuit, nec admittit quidquam Societati quoad dominium, possessionem, & agendi iura.

De his dictis censuram ferre debeo, ut & veritas, & à Sede Romana Apostolica confirmatum Societatis institutum, defensa sint. Itaque sic censo; pium, & religiosum admodum, atque bene in Ecclesia meritum P. Eman. Rodericum Ordinis S. Francisci de Observantia, in quibusdam hic errasse, sed venià & excusatione dignum esse, quia ipsemet insinuat se huius rei notitiam plenè non esse assecutum: Bod. a. 9. in fine. Videant ipsi, an ex privilegijs Societatis patentius ius habeant. Privilegia enim huius sacrae Religionis originalia ad meas manus non pervenerunt: solum enim vidi aliqua in quodam compendio auctoritate R. P. Claudij Generalis compilato. Et ex privilegio superius allegato solum collegi, omnes personas Societatis Mendicantes esse, & privilegijs & gratijs omnium Mendicantium Ordinum gaudere. Vtrum autem dicti Scholares inter personas Societatis, sub illa universali omnes comprehendantur, ex tenore dictorum verborum assequi, clarè non possum. Reprehendendus itaque est Astrologus, quod ex eo potius Auctore, qui cognitionem plenam rei in quaestione posita sibi deesse profiteatur, de Ordine & membris Societatis nostrae falsas persuasiones colligere, & proprijs (ut postea dicam) erroribus augere maluit, quàm ex P. Franc. Suare z tom. 4. de Relig. alijsque iuxta Societatis nostrae Constitutiones

ac privilegia expositam veritatem, addiscere.

Deceptus autem fuit P. Em. Rodriguez in eo, quod existimavit Scholasticos Societatis qui tria substantialia Religionis vota post completum probationis biennium edunt, non esse propriè de corpore Societatis, siue non esse membra constituentia Societatem. Oppositum verò huius habetur in Constitut. Societatis nostrae p. 5. cap. 1. Scholastici approbati, etiam modo quodam interiore, quàm admissi ad probationem, in corpus Societatis cooptantur. Et Gregor. XIII. Roman. Pontifex in Bulla Confirmat. quae incipit. *Quand fructuosius*, data Anno 1582. die 1. Febr. declaravit, eos qui post biennium Novitiatus emensum, tria vota simplicia, sicut ab hac Sede probata sunt, emittentes, & extra Novitiorum numerum habiti, ac in corpus ipsius Societatis cooptati, illiusque meritorum ac privilegiorum, non secus atque ipsi Professi, ex praedicta Sedis dispositione, participes effecti, &c. verè & propriè Religiosos esse. Idemque eisdem penè verbis habetur in alia Gregor. XIII. Pontificis Bulla, cuius initium *Ascendente Domino*, data anno 1584. 8. Kal. Iunij, §. Et quamvis.

Ad argumenta, quibus movebatur P. Eman. Rodericus, quia Scholastici non sunt membra Societatis inseparabilia: Item, quia in Collegijs, tanquam Societatis seminarijs existentes, si in literis profecerint, in Societatem admitti possint, facilis est responsio. Primi enim solutio apparet ex Constitut. Societatis nostrae p. 5. c. 1. in declarat. lit. A. *Societas, ut eius nomen*



men latissimè accipitur, omnes eos, qui sub Obedientia Præpositi Generalis viuunt, etiam Nouitios comprehendit. Et paulò post: Secundo modo, qui minùs late patet, Societas cum Professis & Coadiutoribus formatis, etiam Scholasticos approbatos continet: Ex his enim tribus partibus seu membris Societatis corpus constat. Tertio modo, & magis proprio, Professos & Coadiutores formatos duntaxat continet: Et sic accipiendus est in Societatem ingressus, què Scholastici promittunt, scil. vt inter Professos, vel Coadiutores formatos illius numerentur. Est enim verò corpus Societatis nostre non homogeneum, sed habens membra varia, alia magis, aut minùs interiora Corpori, ad varia officia & functiones pro DEI gloria exercenda.

Ad secundum, negatur, de ratione membri moralis esse, vt sit inseparabile à corpore. Nonne serui, & filij partes ac membra sunt familie, veluti vnus corporis, cuius Caput est pater familias? Et tamen serui manumitti possunt, filij familias emancipari. Nonne item ciues partes sunt & membra ciuitatis sub vno Magistratu constituti, & tamen inde migrare, domiciliumque mutare possunt? Nonne etiam milites, & variæ eorum cohortes partes sunt & membra sub vno Duce constituti, & tamen ab exercitu separari ac dimitti possunt? Accedit verò, quòd, vt paulò antè ex Constitutionibus intelleximus, ex pluribus partibus, ac veluti membris Societas nostra constat, quorum vnum est & semper erit Scholasticorum, quamdiu corpus istud Societatis incolume

permanebit; nihil obstante, quòd aliqui eorum, simplicia inquam vota habentium, interdum è Societate dimittantur, siquidem, vt dictus Gregor. XII. in Bulla Ascendente Domino ait, hæc conditio etiam eis multò est commodior, vt liberi potius, quàm votis obligati dimittantur, alijsq; iustis & rationalibus de causis.

Altera falsa P. Roderici persuasio fuit, Scholasticos Societatis nostre nihil possidere in communi, aut particulari, Oppositum verò decreuit Paulus III. Pontifex in confirmat. instituti Societatis Anno 1540. 5. Kal. Octob. Et in altera Bulla confirmat. data anno 1543. prid. Idus Martij, quòd socij Societatis LESV possint habere in Vniuersitatibus Collegium, seu Collegia habentia census, redditus, & possessiones, vsibus necessarijs Studentium applicandas, retenta penes Præpositum & Societatem omnimoda gubernatione, seu superintendencia super dicta Collegia, & prædictos Studentes.

Gubernatio itaque & administratio Collegiorum, ac bonorum est penes Societatem, quam ipsa in Præpositum generalem transtulit. Penes quem autem est dominium ac possessio censuum, reddituum, &c. cuiusque Collegij? Non penes Præpositum, neque penes Societatem, quæ Professos continet, cum ij omnium stabilium bonorum seu reddituum incapaces sint, neque Collegiorum prouentus aut bona ipsorum commodis, & vsibus applicari possint, p. 6. Constit. Societ. c. 2. Idemq; habetur in dictis Bullis Pauli III. Pontificis, in Bulla Iulij III. data Anno 1550. 12. Kalend. N Augusti,



Augusti, & in Bulla Gregor. XII I. *Ascendente Domino*. Ne itaque dicere cogamur, bona & reditus Collegiorum vacantia esse, necesse est nos fateri, eorum dominium ac possessionem ad Scholasticos eosque qui Professi non sunt, pertinere, non in particulari, sed communi.

Neque occurrit mihi, qua ratione P. Rodericus oppositum sibi ex Constitutionibus nostris persuaferit, nisi quia omnis bonorum administratio Præposito Generali commissa est. Id verò nihil impedit, eorundem bonorum dominium ac possessionem ipsis Scholasticis in communi, seu Collegialiter viuentibus competere. Nōne etiam pupillus rerum suarum dominus ac possessor est? & tamen tota administratio earum ad tutorem eius pertinet.

Enumerabo nunc errores, atque incitias, quas Astrologus noster adiecit. I. Non parum in eo deliquit, quod R. P. Emman. Roderici sententiam vnius literæ falsatione, peruerterit. Ille enim Scholasticos Societatis approbatos *novitios* appellavit adiectivè, qua ratione in multis Religionibus vocari solent, iuniores, seu *novitij Religiosi*: At verò Astrologus litera maiuscula expressit huiusmodi *Novitij*, non sunt propriè de corpore Societatis. Quis ex hoc scribendi modo non colligeret, Scholasticos illos esse veluti in via ad Societatis Religionem, sed non propriè Religiosos? Hæc autem, ita intellecta, è diametro repugnant Apostolicæ Sedis definitionibus ac decretis. Gregor. XIII. Pa-

pa in alleg. Bulla Ascendente Domino, Quibus (Paupertatis, Castitatis & Obedientiæ) *votū emissū*; *Novitij esse desinunt*, & in Societatis corpus, qui literis operam dederunt, vel daturi sunt, ut Scholares approbati, alij verò ut Coadiutores temporales nondum formati cooptantur. Et postea, motu proprio, ex certa scientia, deq. Apostolica Sedis plenitudine, idem Sanctissimus Pontifex statuit, ac decernit, Scholares ipsos, & supra dictos alios omnes & quoscunque qui in ipsam Societatem admissi, biennio probationis à quolibet eorum peracto, tria vota substantialia prædicta, tametsi simplicia, ediderint, verè & propriè Religiosos fuisse, & esse, & ubique semper & ab omnibus censi & nominari debere, non secus, atque ipsorum Societatis, tum quorumvis aliorum regularium Ordinum Professos. Et paulò infra. *Præcipimus igitur in virtute sanctæ Obedientiæ*, ac sub penis excommunicationis latæ sententiæ, nec non inhabilitatis ad quavis officia, & beneficia, secularia, & quorumvis Ordinum regularia, eo ipso, absque alia declaratione incurrendis, quorum absolutionem nobis & Successoribus nostris reservamus, ne quis cuiuscunque status, gradus, & præminentiæ existens, dictæ Societatis Institutum, Constitutiones, vel etiam præsentis, aut quemvis earum, vel supra dictorum omnium articulum, vel aliud quid supra dicta concernens, quovis disputandi, vel etiam veritatis indaganda quasito colore, directè vel indirectè impugnare, vel eis contradicere audeat.

II. In eo errat Aduersarius, quod ait, spoliato aliquo Collegio, Scholasticis nullam actionem, aut ius recuperandi competere posse, nisi id quod cuiilibet



cuiuslibet è plebe. Sed cur non potiùs dixit, cuiuslibet è clero? Clerici enim in hac actione præferentur plebeis siue laicis: Nisi Societatis nostræ Scholasticos inter plebem numerare velit.

III. Grauius deliquit, quando in confirmationem dicti sui, duos errores protulit, Scholasticos *non esse propriè membra Societatis*. quod, vt vidimus, Pontificijs decretis repugnat: Et, Scholasticos in eo casu *non esse spoliatos*. Quis ergo est spoliatus? Ex verbis eius sequentibus apparet, respondendum, quòd Societas. At verò Societas non est spoliata, nisi contemplatione Scholasticorum: Ideoq; necessariò fateri debet, Scholasticos esse verè, ac propriè Societatis membra, vt mox iterum patebit.

IV. Ait, Eos qui propria & inseparabilia Societatis membra sunt (indicare volens, Scholasticos aliosque qui simplicia tantùm vota in Societate edunt, non esse propria Societatis membra, quod itidem Apostolicis decretis repugnat) videl. solemniter Professos. *non posse suo nomine agere pro restituendo sibi Collegio ablato, etiam si tempore spoliationis in eo habitauerint*. Hoc dictum verum est, non posse Professos suo nomine agere pro Collegij erepti restitutione, idque siue in eo habitauerint, siue non. Sed rationem huius malè assignat, Astrologus: Ratio est, inquit, *quia non habent ullum titulum seu ius beneficij in Collegio*. Quasi verò ad sacrum Collegium constituendum necessarium esset, Collegiatos in eo titulum seu ius beneficij habere, aut spoliatos dici non

posse, si non in perpetuum, & immutabiliter in eo ius, seu facultatem sustentationis obtineant. Quàm multa sunt, aut esse possunt Collegia Clericorum, imò etiam Religiosorum in Vniuersitatibus studentium: Virginum item, ex Apostolicæ Sedis licentia, in communi habitantium, qui omnes titulum seu ius beneficij in Collegijs non habent, & liberè inde discedere, aut transferri possunt. Quis autem tam amens sit, vt existimet, eas personas in communi viuentes, & ex communibus redditibus sustentari solitas non spoliari, si Collegium ipsis eripiat? Itaque non est hæc ratio, cur Professi suo nomine agere non possint, sed quia ipsi capaces non sunt reddituum Collegij, consequenter nec possessionis, non tantùm *sigillatim* considerati, sed etiam, vt *collegiati*.

V. Posse tamen, inquit, Professos pro recuperatione Collegij agere, *nomine Societatis cui Collegium incorporatū*. Inprimis, si Collegium Societati incorporatum est, multò magis ij, qui Collegium per se constituunt, videl. Scholastici, Societati incorporati erunt: Ideoque ij ipsi sunt propria Societatis membra. Quod tamen Aduersarius antea malè negauit.

Deinde inscitè loquitur, quòd Professi in eo casu agere possint nomine Societatis: Sed dicendum, quòd Societas professa, seu potiùs Præpositus Generalis, agere possit nomine, & iure Collegij, ac Collegiatorum simplicia vota habentium, quippe qui eiusmodi bonorum ac re-



dituum capaces sunt. Quemadmodum, ut supra indicaui, tutor agit nomine pupilli, curator nomine adolescentis sub cura sua constituti. Et in simili declarari potest: Si Ecclesia aliqua, effracta, sacrilia & ereptis vasis sacris, spoliata sit, ad restitutionem agere poterit eius loci Parochus, quatenus ei ab Episcopo cura & custodia templi commissa est: Agere quoque potest, & quidem principaliter, Episcopus, quia Ecclesia ea diocesi suae, tanquam membrum, incorporata est. Vterque autem, tam Parochus, quam Episcopus, libellum formabit nomine Ecclesiae spoliatae, quippe ad quam res ablatae pertinebant. Ita dico, si Collegium spoliatum sit, actionem competere Rectori eius Collegij, cui cura & administratio rerum proximè commissa est: Sed principaliter competere, Praeposito Generali, qui plenam omnium Collegiorum, & eorum bonorum ac reddituum administrationem, gubernationemque, ex plurimorum Pontificum Indultis, obtinet: Vterque autem agere nomine Collegij, seu Collegiatorum, pro quibus Collegij bona ac redditus fundati sunt.

VI. Obscurè, & intricatè loquitur, quòd ius transferendi personas, &c. Dicam itaque ipsi quidnam Societati tribuat dominium, possessionem, ac iura agendi Collegiorum respectu: Quia nimirum Collegia, & pro quibus ea fundata sunt Scholastici, propriè dicta membra sunt Societatis, cuius Caput, cum plena potestate tam personas gubernandi, & de loco

in locum transferendi, bona item Collegiorum administrandi, constitutus est Praepositus Generalis. Inde enim sequitur, quòd dominium & possessio Collegiorum, & adherentium bonorum, pertineat ad Societatem, sicuti membra pertinent ad corpus, eorumque facultates tribuntur corpori. Homo enim, & corpus hominis, dicitur ambulare propter pedes, res apprehendere, propter manuum digitos. Sequitur quoque quòd Societas, eiusque Praepositus Generalis ius agendi habeat, si Collegium, v.g. spoliatum, aut Societati ereptum sit: Idque non tantum, dum Scholastici, qui proximè spoliati, aut à Collegio eiekti sunt, in viuis existunt, sed etiam si omnes mortui fuerint: Eò quòd, Collegium, uti ipsemet falsus est Astrologus, Societati incorporatum fuerit: siquidem ea incorporatio durat, quamdiu in Societate Scholastici aliqui viuunt, ratione quorum, Societas ius ad Collegia illa retinere, eaque ratione Praepositus Generalis actionem instituere potest.

## CENSURA XV.

**F**ol. 134. n. 88. ita loquitur Astrologus: *Adhuc alio argumento conatur probare Opponens (p. 318. Iustae defenf.) Ordinem spoliatum non esse: Quando ydem possessores manent, spoliatio non accidit: atqui Monachi deficientes à Fide, permanserunt possessores Monasterij & bonorum eius: Igitur, &c. Sed simpliciter neganda est Minor: Licet enim non intersit ad possessionem, iustè, an iniustè quis possidet.*

78.



possidat, ut tamen locum habeat possessio, opus est ut res sit talis, quæ iure non sit prohibita possideri, adeoque habeat inris adminiculum, Bartolus l. 1. nu. 6. ff. de acqu. poss. &c. Et paulo post: Res igitur sacra, qualis est Prælatūra, titulus, vel canonica monachalis, cum omnibus adherentibus sibi fructibus, bonis, ac prouentibus, cum iure positio non minus sit prohibita possideri ab hæretico vel apostata, quam à laico, c. causa, c. super. de verb. signif. sequitur, talem non nisi occupatorem, vel detentorem appellandum esse, licet corpore & animo rem possidere nitatur. In quo casu Abbate vel Episcopo facto hæretico, Monasterium aut Ecclesia de iure vacat, Host. in summa, ne sede vacante: Et facetur Opponens fol. 367. Apostatas ipso iure inhabiles factos esse.

Ut ea, quæ in hac, & posteriore censura dicenda erunt, plenè intelligantur, ante omnia statum quæstionis aperire debeo. In quinta ratione ex ijs, quæ in Epistolam ad Oratorem Cæsareum irrepserant, hæc verba cõtinebantur, quod ratio, qua vigore Pacis Religionis, sua Maiestas restitutionem A catholicis iniungit, super spolio post pacem Püssauiensem commissio fundetur. Ad hoc respondit Theologus, quem ego defendendum suscepi, in iudicio suo: Distinguendum esse inter spoliū propriè, & spoliū improprie acceptum. Si loquamur, inquit, de spolio propriè dicto, id est legitima deiectione alicuius ex prahabita possessione, non est verum, quod ratio iniungendi A catholicis restitutionem bonorum Ecclesiasticorum super spolio fundetur: nimis enim illa ratio restricta esset. Enumeratque varios ca-

sus, in quibus Monasteriorum restitutio, vi Edicti Cæsarei, fieri debeat, in quibus propriè dictum spoliū non accidit, & inter eos istum, si Monachi & Prælati regulares à Fide Catholica deficientes, Ecclesias & Monasteria detinuerant. Hoc in casu, dicebat Theologus, propriè loquendo, spoliū non accidit: Si autem loquamur de spolio improprie dicto, id est, quauis ablatione & usurpatione bonorum, ac iurium alterius, in plerisque Germania locis, non tam ipsi Ordines Monasterij ac bonis suis per alios spoliati, quam ipsa Ecclesia vniuersalis.

Hanc doctrinam, tanquam verè iuridicam defendi Iustæ defens. ca. 8. mem. 1. & 2. Atque idcirco posui istam assertionem, pag. 318. Quando Abbas, vel Præpositus regularis vna cum Conuentu suo, in hæresin lapsi sunt, Monasterium retinentes, alij eiusdem Ordinis Monachi aut regulares Canonici spoliati non fuerunt. Probatur primò: Nam qui non possident, spoliari non possunt, cum priuatio formam præsupponat. At verò Monachi v. g. S. Benedicti Montis Andex non possederunt bona & iura Monasterij v. g. Lorchensis: Ergo, si ponamus, Abbates & Monachos Monasterij Lorchensis à Fide Catholica defecisse, Monachi andecenses spoliati non fuerunt: Sed neque alij, qui eiusdem Ordinis sunt, cum omnium eadem sit ratio: Et solum inter se conueniant in regulâ instituti, & habent, non item in bonis ac iuribus, Societatem vnius Corporis, sub vno Capite habent. Hanc probationem oppugnat Astrologus fol. 133. num. 84. Sed nihil adfert, quod non suprà refutatum sit.

N<sup>o</sup> 33

Alterat

76.



Altera mea probatio fuit: Quando eadem possessores manent, spoliatio non accidit. Atqui Auctor libelli fatetur, Monachos deficientes à Fide, permansisse possessores Monasterij & bonorum eius: Igitur spoliatio non accidit.

Ad hanc argumentationem, respondet Astrologus, eo num. 88. Simpliciter neganda est Minor: rationemque negationis suae adfert, quia haeretici illi atque apostatae, post lapsum, desierunt esse possessores Monasteriorum, &c. Quippe ab eo tempore, incapaces possessionis rerum sacrarum: Eamque responsionem suam stabilire volens, mox adijcit: quia in hoc casu Abbate, vel Episcopo facto haeretico, Monasterium vel Ecclesia de iure vacat.

Hac ideo tantum adfero, ut Astrologi imperitia denuo appareat: Primo quidem, quod hoc ipso loquendi modo, Monasterium vel Ecclesiam de iure vacare aperte insinuet ac fateatur, non vacare de facto, adeoque Monachos aut Clericos in haeresin lapsos, qui antè possederant, mansisse in possessione. Idque adeo verum est, ut, si alius Clericus canonicam Ecclesiae eius institutionem adeptus, propria auctoritate, possessionem quippe non vacuum, intraret, puniendus foret, tanquam à seipso intrusus, sicut etiam pag. ea 318. declaravi.

Secundò in eo imperitiam ostendit Aduersarius, quod non distinguat inter possessionis acquisitionem, & acquisitae seu habitae retentionem. Licet enim haeticus manifestus ecclesiastici beneficii, aut spiritualis tituli possessionem acquirere non pos-

sit, tamen acquisitam retinet, quam diu ea destitutus non fuerit; quandoquidem nimis id inauditum, atque secundum iuris terminos impossibile est, quod aliquis, qui possessionem rei animo & corpore habuerat, eam amittat, tametsi neque corpore neque animo in contrarium quid actum sit. Videri potest l. Quemadmodum. 8. & ibi Doctores, ff. de acquir. possessione.

Veruntamen non tam de imperitia, quam de malitia arguendus est Astrologus: Ipse enim ut hic traditam doctrinam occultet, paucula verba mea ex pag. 367. allegat, quibus videri possim, ipsius dicta de possessione per apostasiam amissa, approbasse, cum tamen, si verborum contextus integer legatur, statim appareat, longe aliud me voluisse; Dixi enim. Cum primum Ecclesiarum Praelati, aut beneficiarii à sede Catholica defecerunt, ipso iure tituli beneficiorum priuatos esse: propterea quod Ecclesiae, praelaturae, & beneficia per eos regi & administrari debeant, qui iuxta foundationem, & fundatoris voluntatem, ad id habiles sint, constet autem, Apostatas à Fide ipso iure inhabiles factos esse, intellige, ut regant, administrent legitime, titulumque canonicum retinere possint, siue à se abdicare non teneantur.

## CENSURA XVI.

FOL. 163. n. 93. haec verba leguntur: Negamus, spoliari & rei possessione per vim deijci, vnum idemque esse apud Canonistas in hac praesenti materia de restituitur. 80.



stis spoliatorum. De iure enim Canonico, habemus interdictum recuperanda magis largum, ait Abb. c. pastoralis, de causa posses. & propriet.

Et n. 94. post allegatum text. c. redintegranda 3. causa 3. q. 1. hæc adiunxit Astrologus: Ex textu duo colliguntur: Primo, quod explicari (legi debet spoliati) etiam dicantur in materia ecclesiastica restitutionis spoliatorum, qui dolo, captivitate, aut quacumque iniustas ob causas, bona sua perdidit: facit Gratianus noster ibid. Secundum est, quod huiusmodi dolo, metu, violentia, vel alia quacumque iniusta de causa spoliati, ante omnia sint restituendi. Vnde valde roboratur præallegata Beron sententia. Atque hoc vnum nobis euicisse sat esto, sub nomine spoliati, qui ante omnia restituendus sit, de iure Canonico venire quoque eum, qui per quamcumque iniuriam bonis ecclesiasticis exspoliatus fuit.

82.

Et fol. 137. n. 95. Ex quibus omnibus iterum inferimus, Opponentem contra Religiosos Ordines pugnando, & negando eisdem, aut Ecclesiæ vniuersali cōpetere, quod vulgo notum est, spoliatum ante omnia esse restituendum, nisi corporalis antecesserit violentia, cui remedium per interdictum vnde vi possit adhiberi, inferimus, inquam, illum denud pro hæreticis egregie de pugnas, & sacros canones, præsertim c. redintegranda, adeoque causam vniuersali Ecclesiæ pro recipiendū bonis Ecclesiasticis, non leuiter vulnerasse.

Et paulo post: Neque est questio, an Ordines Religiosi propriè, vel impropriè spoliati fuerint: sed querimus, an omnis, siue propriè, siue impropriè, tamen iniuste, spoliatus, ante omnia sit restituendus. Nos demonstrauimus, quod sic: Oppositor ex

phrasi negat, adeoque Casarem, eiusque Decretum arguit iniustitia, vt infra dicemus, quod Ordines antiquos ante omnia restituendos decreuerit, cum tamen nemo debeat ante omnia restitui, quàm spoliatus.

Arbitrari licet, Aduersarium omnes hic ingenij sui vires collegisse, & quæ fraudum artificia reperire potuit, congesta Lectori proposuisse. Ea breuiter recensebo: I. Equiuocatione fallit legentem. Quod enim ego, cum Theologo illo, de spolio propriè dicto docueram, idem esse spoliari, & possessione per vim deiici (pag. 314. Iustæ defens.) Aduersarius accipit, quasi à me dictum fuerit generatim de omni, etiam impropriè dicto, seu ficto spolio, vt mox clariùs patebit, & infra cens. 18. iterum explicabitur.

II. Egregie decipit, statum quæstionis mutando: Ita enim rem totam proponit, ac si negassem, vi Cæsarei Edicti, restitutionem ante omnia Religiosis ijs Ordinibus faciendam esse, eò quod per violentiam se deictos fuisse ostendere non possint: Ideò copiosè fol. 136. & seqq. contendit, non tantum eos, qui per vim, possessione exciderant, sed etiam, qui per metum, dolum, & quamuis iniuriam, secundum ius Canonicum, restituendos esse. Hæc autem extra propositum, & totū in controuersia limites ab Aduersario afferri, vel inde liquet, quia tum alias passim, tum allegata pag. 318. expressè docui, Ordinem, & Religiosos Ordinis qui nunc in viuis sunt, nunquam possedisse Monasteria, & bona Ecclesiastica, quæ

79



quæ restitui debent. Itaque manifestum est, cur ipsis restitutio de iure fieri non debeat, rationem me reddere non potuisse, quia non per vim, sed per aliam iniuriam possessione exciderunt: Cum ex ipsis terminis appareat, eos qui nunquam possederunt Monasteria, sed neque sunt hæredes, aut successores possidentium (prout hæc omnia declaravi) non tantum per interdictum unde vi, quod propriè spoliatis conuenit, sed neque per aliud vllum possessorem interdictum, etiam si sit largissimum c. *redintegranda*, restitui posse, aut debere. Quamobrem Aduersarius nullam paginam, aut literam allegat, ex qua colligi possit, restitutionem Monasteriorum me ex hac causa, quod per vim deiectioni non fuerint negasse.

- III. Fallit Astrologus tum petitione principij, tum copulando ea quæ diuisa esse debent: Coniungo autem has duas fallacias, quia etiam ipse paucis verbis, & quidem artificiosè admodum, coniunxit fol. 136. nu. 93. *Eadem est ratio* (quæ mulieris à marito recedentis) *in deficientibus à Fide Religiosis, qui se, suæque Ordini, & Ecclesijs subtraxerunt: quia licet manserint in detentione Monasterij, priuarunt tamen Ecclesiam & Ordinem sua possessione, hoc ipso, quod iam nec Ordinis, nec Ecclesia, sed priuato nomine duntaxat, adeoq; mutato titulo seu causa Monasterium occuparunt.*
80. Et fol. 137. n. 95. Cum igitur Ordines antiqui, & Ecclesia vniuersalis notoriè taliter (videl. per dolum, metum, aliamve iniuriam, etiam nulla interueniente violentia) spoliati fuerint Monasterijs

& Episcopatibus, sequitur eosdem antea omnia, ex quacunque tandem iniusta causa fuerint priuati, restituendos esse.

Videmus hic primò, quod questionis principium assumat, siue id quod sæpe negatum fuit, videl. quod Ordines spoliati fuerint, tanquam confesum, indubitatum, imò notorium ipse astruat. Secundò, quod Ecclesiam vniuersalem cum Ordine in eisdem propositionibus copulet, inquit, per defectionem Monachorum, aut Clericorum à fide, alijsve modis, etiam sine vlla violentia, Ecclesiam & Ordinem spoliatum fuisse. Si enim neges, inferet ipse, Ergo Ecclesia vniuersalis spoliata non fuit, consequenter nec restitui debet. Sin autem affirmes, inferet ipse: Ergo Ordo spoliatus fuit: at verò spoliatus, & quidem ante omnia restitui debet. Euitabo autem fallaciam, & dicam, sicuti in Iusta defens. pag. 319. Ordo spoliatus non fuit, quia nō erat in possessione: Congregatio Regularium spoliata quidem fuit, sed quia cum alijs eiusdem Ordinis, siue regulæ ac habitus Religiosis, vnā Ecclesiam seu corpus, sub vno communi Capite, non constituit, ideo Ordo spoliatus, aut possessione, quam nunquam habuit, excidisse, dici haud potest. At verò Ecclesia vniuersalis per defectionem Monachorum aut Clericorum à fide, & inde subsecutas rebelliones ac subtractiones, spoliata fuit, ideoque per Cæsaris auctoritatem restitui debet. Ita enim expressis verbis docui in Iusta defens. pag. 319. rationem adijciens: Si enim aliquis ratione



ratione possessionis sua, ad iura soluenda obligatum se professus fuerit, postea verò soluere contumaciter recuset, is spoliare censetur eum, cui se obligatum profitebatur, c. *querelam* 24. de elect.

Aduertere etiam potest Lector iuris peritus, quàm inscitè Aduersarius eod. nu. 93. ostendere conetur, Monachos aut Clericos per recessum à Fide, amisisse possessionem Ecclesiarum ac beneficiorum suorum, hoc ipso, quòd iam nec Ordinis, nec Ecclesie, sed priuato nomine duntaxat, adeoque mutato titulo seu causa, Monasterium occuparunt. Quanta hic inscitia cum malitià iuncta? Legisse debuisset, quod habetur in l. 3. §. Illud, ff. de acq. poss. A veteribus praeceptum est, neminem sibi ipsi causam possessionis mutare posse. Mutassent autem illi sibi ipsis causam possessionis, si, vt Aduersarius indoctè ait, deficiendo à Fide, iugumque & obedientiam Ecclesie abijciendo, Monasteria occupassent. Et quomodo, obsecro, rem aliquam quispiam occupare potest, cui ipse pedibus insittat? Occupatio enim factum requirit, & sine facto eam intelligi, possibile non est. Procuratorem, siue eum qui alterius nomine possidebat (quod inscitè fol. 136. loco argumenti adducitur) possessionem interuerrere, eaque dominum priuare, extra dubitationem est, sed nihil id ad propositum facit.

IV. Lectorem fallere vult Aduersarius eo sophismate, quod est à dicto secundum quid, ad dictum simpliciter. Negaueram cum Theologo illo, totum Edictum Casareum, tanquam ratione ac fundamento niti spolio

(proprie dicto) quandoquidem multorum Monasteriorum, quorum possessionem tempore Passauicæ transactionis habuerant Catholici, restitutio ex causa proprie dicti spolij peti non potest. At verò Astrologus ita rem proponit, ac si simpliciter & absolute docuissem; Monasteriorum eorum restitutionem (& quidem ante omnia sicuti ipsi loqui libuit) peti non posse, nisi tale spolium, videlicet per violentam deiectionem acciderit: Cum tamen oppositum huius clarissimè docuerim pag. 315. Iustæ defensionis. Extra controuersiam est, vigore Edicti Casarei, multa Monasteria, sacra Collegia, aliæque bona ecclesiastica restituenda esse, tametsi actio de spolio (intellige de proprie dicto & vero spolio) intentari non possit. Nam aliquando Religiosi aliæque Ecclesiastici, cum à Fide Catholica defecissent, Ecclesias & bona ecclesiastica male retinuerunt, quæ ad acatholicos successores deuoluta sunt. Aliquando verò Religiosi, seu Ecclesiastici Ecclesias & bona ecclesiastica, vel metu cogente, vel pecunia promissa cupiditate deseruerunt, & A catholicis sponte tradiderunt: Aliquando Monachi & Ecclesiastici spoliati & eiectione fuerunt, sed spoliatores postea Ecclesias & bona ecclesiastica ad particulares quoslibet successores venditione, donatione, &c. transulerunt. In quibus casibus, vigore Casarei Edicti, conformiter Paci Religionis, restitutio bonorum fieri debet, non actio ex spolio, sed ex alijs possessorijs iuris remedijs, prout apud Iureconsultos notissimum est.

V. Fraus, & quidem admodum perniciofa, in eo versatur, quòd quæ sophistice, & falsè proposuit Astrologus,



181. **gus**, ad calumniam postea applicat, quasi ego Edictum Caesareum, restitutionem Monasteriorum imperans, alicuius iniustitiae aut defectus arguerim, prout hic indicat n. 95. & infra fol. 185. n. 10. dicamque cens. 18. ubi etiam declarabo, quo fine seu decipiendi proposito, ex doctrina Augusti. Beroi, spoliatum quemcunque, tametsi per violentiam deiectus non sit, ante omnia restituendum esse, tam hoc, quam eo in loco, Astrologus ostendere conatus sit. Videat etiam Lector quae infra dicentur cens. 32.

## CENSURA XVII.

31. 396 **FOL.** 138. in princ. Dictum Opponentis (pag. 483. 484. Iustae defenl.) inquit Astrologus, esse contra omnes leges, canones, & Iureconsultos: Nam l. i. §. 2. ff. de vi & vi armata, siue autem corpore, inquit Ulpianus, siue animo possidens quis deiectus est, palam est eum deiectum videri. Idcirco si quis de agro suo, vel de domo processisset, nemine suorum relicto, mox reuertens prohibitus sit ingredi, vel si quis eum in medio itinere retinuerit, & ipse possederit, vi deiectus videtur. Hac ibi: Per violentiam autem amittitur possessio, siue quis corpore expellatur siue veniens non admittatur, ff. de acqu. possess. l. iam, §. Qui ad nundinas, &c. Et paulo post: Discursus quoque, quem ibi (p. 484. Iustae defenl.) format, quod spoliatus nequeat spoliari, prorsus est impertinens: Id. n. non queritur: Sed questio est, an qui ad suum non admittitur, spoliatur. Neque enim Ordines antiqui animum vnquam deposuerunt (vt supponitur ex aduerso) recipiendi sua Monasteria.

Inanes hic iterum deceptiones. Dicam inprimis, quidnam ea pag. 483. 484. disputatum fuerit. Dixerat Auctor libelli, cuius inscriptio Disceptatio, &c. Tam qui vi de suo deiecitur, quam qui ad suum non admittitur, spoliatur: Ergo si Monachis, seu potius Ordinibus, reditus ad Monasteria Ordini quaque sua attributa, intercluditur, spoliantur: Et quidem ab eo, a quo redire prohibentur. Ad hanc ratiocinationem respondi: Tamen si propositio maior, secundum iuris terminos, vera non sit: Nam qui spoliatus est, postquam animum praevalendi deposuit, possessionem amisisse censendus est, & ideo dum non admittitur, non spoliatur: sicut enim cacum excacari impossibile est; ita & spoliatum spoliari, attamen in gratiam Scriptoris, ponamus esse veram. Et paulo post: Ideo esto vera maior; Minorem, quod Monachi prohibeantur ad Monasteria sua accedere, eorumque possessionem capere, dico esse falsam. Imò tatum abest, vt a Monasterijs suis prohibeantur, vt iam multa Monasteria, quae antiquis Ordinibus iure actionis debita non sunt, Caesarem mandatis assignata fuerint.

Apparet hic primò; Frustra, & tantum perturbandi Lectoris causa, leges illas ab Astrologo adductas fuisse. Siquidem, quod in ijs legibus habetur: Si quispiam absentis, qui nemine sui loco reliquerat, possessionem ingressus sit: isque reuersus ingredi prohibeatur, ab eo tempore deiectionis censi, nemo vnquam in dubium reuocauit: Sed ea propositio maior, Qui ad suum non admittitur, spoliatur, ita indefinitè, & quasi vniuersaliter allata, secundum iuris terminos dicebatur esse falsa: Nam interdum aliquis ad



rem suam non admittitur, qui eius possessionem nunquam nactus fuit: Interdum verò, qui in possessione fuerat, ea priuatus est, vel quia repulsus, vel quia ad recuperandum accedere non ausus, iuxta l. 3. §. sed et si, ff. de acquirenda possess. Si quis nuntiet, domum à latronibus occupatam, & dominus timore conterritus noluit accedere, amississe eum possessionem placet. Quòd si hic ipse dominus postea in domum suam ingredi volens, prohiberetur, nemo sanus eum spoliari diceret: quia spoliatus spoliari non potest.

Secundò apparet, decipiendi tantum causa dixisse Astrologum, quæstionem pag. 484. in eo fuisse versatam, an qui ad suum non admittitur, spoliatur: Cum tamen de hoc disputare noluerim, sed dixerim, Esto vera ea maior propositio: Minorem esse falsam, quòd ad Monasteria sua (ita appellare libuit Auctori illi, quia pro eiusdem Ordinis Religiosis olim fundata erant) accedere ipsi prohibeantur.

Tertiò apparet, fallaciter verbis ijs, ut supponitur ex aduerso, significare voluisse Astrologum, ideo me circa maiorem eam propositionem dubium mouisse, quia existimarim antiquorum Ordinum Religiosos recuperandi Monasteria animum deposuisse, & ideo, tanquam qui iam spoliati sint, spoliari non posse, si ea recipere volentes prohibeantur. Quæ est mera impolltura, prout ex verborum inspectione & collatione cuilibet manifestum

est.

## CENSURA XVIII.

**F**OL. 138. n. 98. sic legitur: Vtrum tota dispositio Edicti Casarei innitatur huiusmodi spolio à nobis explicato, an verò Paci Religionis duntaxat, inter nos controuertitur. At licet in Pace Religionis §. Diueil aber etliche Ständ / ne verbo præcipiatur restitutio facienda bonorum Ecclesiasticorum, ponamus tamen in gratiam Opponentis, in Pace Religionis expressè contineri huiusmodi propositionem: Omnia bona ecclesiastica à tempore Passauica transactionis iniuste occupata, vel occupanda, sunt restituenda: Imperator non poterit Edictum restitutionis promulgare, neque Commissarios pro executione deputare, nisi constet de facti specie, aliqua nimirum huiusmodi bona fuisse ablata. Vnde non est verum, quòd ibi (pag. 314. Iustæ defens.) asserit Oppositor, Ad id solum generales Commissarios executores Casarei Edicti attendere solere & debere, num Prelati seu Ecclesiastici, quòd attinet ad Monasteria & bona quæ Imperio immediate subiecta non sunt, eorum possessionem tempore transactionis Passauica habuerint, necne: sed attendere debet vel maxime, an Ecclesiastici huiusmodi possessionem tempore transactionis Passauica habitam, per quasunque iniustas causas amiserint: adeoq, an fuerint bonis suis spoliati: nam qui nunquam fuit exspoliatus, neque generalibus Commissarijs opus habet, neque Edicti Casarei executione. Et sic Edictum generale innititur quidem Paci Religionis, seu potius iuri naturali gentium, & scripto, veluti legi, sed non soli. Vnde sic conclusio innititur propositioni Maiori

83.

O 2

& Mi-



& *Minori*; & *neutri soli*, etiam in *enthymemate*, nisi altera propositione subintelligatur: Ita *Cæsareum Edictum*, veluti quædam conclusio innuitur legi natura; &c. per *Pacem Religionis non conuulsa*, veluti *Maiori*, spolio verò, seu *speciei facti* tanquam *Minori*.

83. Tametsi quæ hoc fol. 138. & pluribus antecedentibus ab Astrologo fusè disputata sunt, nihil penitus ad controuersiam nostram pertineant, quia tamen ipse in his referendis, tanquam causæ suæ subsidium magnum adferant, prolixus est, ideo declarabo quid veri aut falsi eius propositionibus insit, vt denique appareat hominis vanitas, quòd omnia frustra, & solum *Lectoris* perturbandi causa, allegata fuerint.

Animaduertendum, prout ex iure notum est, quòd *Actoris libellus* duo in se necessariò contineat, *petitionem* eius quod iure debetur: quæ & *conclusio* libelli dici solet: Et *causam*, *rationem*, seu *fundamentum* petendi: Ex gratia: *Peto mihi rem à Titio restitui, quia mea est.* Vel in actione personali, *Peto mihi equum à Titio tradi, quia à me emptus est, pretiumq; solui, aut fides mihi de solutione habita est.*

Porrò causa ista, fundamentum, siue principium petitionis & conclusionis, continet in se duas propositiones, quarum vna, veluti *Maior* ad ius pertinet, altera, veluti *Minor* ad speciem facti: Iure constitutum est, vt, si quis rem emerit, post pretij solutionem, aut fidem sibi habitam, res empti tradi debeat: Ego autem, &c. Itaque peto, &c. Veruntamen sicuti in alijs rationationibus

vna propositio, præsertim *Maior*, sæpe non exprimitur, quia virtute continetur in altera, ideoque *enthymema* vocatur: *Titius homo est, ergo discursiuus.* Ita etiam frequenter, in libello, post solam facti speciem propositam, in qua iuris principium virtute continetur, petitio seu conclusio annectitur: idque ideo etiam, quia ius, quippe notum, probari non debet, sed sola facti species articulari & probari.

Porrò cum Iudicis sententiam *Actoris libello* conformem esse oporteat, ideo etiam Iudex pro *Actoris* petitione pronuncians, causa & fundamento eius niti debet, vt proinde quæ de actoris libello dicuntur, etiam ad Iudicis sententiam, aut decretum, iuxta petitionem *Actoris* editum, transferenda sint.

Iam res clariùs intelligetur: Quæstio erat, *Edictum Cæsareum*, per quod bonorum Ecclesiasticorum restitutio A catholicis, secundum Catholicorum petitionem, imperabatur, quam ratione ac fundamento niteretur. Theologus illè, cuius sententiam in iusta defensi, approbaui, respondit, falsum esse, quòd totum *Edictum* propriè dicto spolio nitatur. Hoc eius responsum pluribus verbis, imò paginis refutat noster Astrologus; sed frustra: eò vel maximè, quia spoliū ipse accipit latissimè & impropriissimè, pro qualibet possessionis amissione per iniuriam, vti supra indicaui.

Deinde ridiculè suam qualem qualem in iure peritiam, tyro iste ostendat, dicendo: *Edictum Cæsareum* non sola



sola facti specie niti, sed etiam iure naturali, gentium, &c. Quis hoc ignorat verum esse, si theoricè res discutitur? At verò, cum & id notum sit, in specie facti, proposita in libello, aut Iudicis sententia vel decreto, contineri etiam iuris principia, nonne rectissime, & vltatissime dicitur, petitionem, ac Iudicis sententiam, vel Edictum fundari, aut non fundari super specie alicuius facti? Quare rectè ac iuridicè negavit Theologus ille, totum Edictum Cæsareum super vero spolio fundari: Alioquin enim, vi Edicti, nemo restituendus esset, nisi spoliū ostendisset, quod falsum esse suprà declaravi.

Viterius etiam in hoc errat Astrologus, quod existimat, Edictum Cæsareum fundari super spolio, sicut ipse accipit latissime, ut tam verum, quam fictum comprehendat, adeoque vult, Ecclesiasticos, si Monasteriorum horum recuperationem à Cæsareis Commissariis executionis obtinere velint, occupationem iniustam ostendere debere. Sed in primis memor non est, quod ipsemet suprà docuit, fol. 136, num. 93, allegando verba Ioseph. Mascardi de probat. vol. 3, concl. 1321. n. 4. *Satis dicitur probatum de spolio, eo ipso, quod appareat probatum de antiquiore possessione.*

Magnum etiam onus Catholicis siue Ecclesiasticis frustra imponit, ostendendi spoliationem, siue occupationem iniustam antecessisse, quam positivè, & specificè ostendere, sæpe difficile est. Sufficit itaque demonstrasse presumptivè, hoc solo ostenso,

quod Ecclesiastici, qui bona ecclesiastica sibi restitui petunt, tempore transactionis Passauicæ in ipsorum possessione fuerint. Tunc enim consequens erit, detentores illos hæreticos, laicos, nullo iusto titulo, sed vi, clama, aut metu iniusto interueniente &c. bona illa nactos esse.

Dèniq; fallit Aduersarius, quando ita rem proponit, ac si in iusta defensione dixerim, Edictum Cæsareum Paci Religionis inniti, secundum hunc art. *Omnia bona ecclesiastica à tempore Passauicæ transactionis iniuste occupata esse restituenda.* Hoc enim nuppiam dixi, sed ita ead. pag. 314. locutus sum: *Edictum Cæsareum nritur Pace Religionis, maxime §. Diemeil aber etliche/ ex quo habetur, bona omnia Ecclesiastica, in quorum possessione Ecclesiastici tempore Passauicæ transactionis fuerunt, tametsi Imperio immediatè subiecta non sine, restituenda esse:* Ea paulò post: *Ad id solùm Generales Commissarij executionis Edicti Cæsarei attendere solent, ac debent, num Pralati seu Ecclesiastici (quod attinet ad Monasteria & bona quæ Imperio immediatè subiecta non sunt) eorum possessionem tempore transactionis Passauicæ habuerint, necne.*

Nonne his verbis clarissime significavi, Ecclesiasticis nequaquam id incumbere, ut occupationem iniustam probent, cum dixerim, quod ostensa sola possessione, quam tempore eius transactionis habuerant, ex articulis Pacis Religionis, maxime §. *Diemeil aber/* obtinere debeant, restitutio-

nemq; impetrare? Videatur infra cens.

32.

O 3

CEN.



## CENSURA XIX.

90. **F**ol. 144. princ. ex quinque paginis Iultæ defensionis, ab ipsomet in margine annotatis videl. pag. 80. 86. 139. 411. 502. in vnum contextum iunctis verbis, quibusdam tamen omis & alijs ab ipso adiectis, ad inuicem odiumque mihi conciliandum, tanquam mea hæc doctrina & sententia sit, ita scribit Panurgus iste: Communiter loquendo, vtilius est Monachis, non tantum singulis, sed etiam toti Congregationi, si in Claustris suis permaneant, & Patribus Societatis, (quorum operam adhibitum iri dubitari non potest) hanc provinciam relinquât. Vbi enim sunt scholæ & semina, ibi consequenter etiam Collegia Patrum Societatis: cum alijs sacra Cardinalium Congregatio decreuerit super Concil. Trid. sess. 23. c. 18. de refor. Si pro seminarijs reperiatur Iesuita, ceteris anteponendos esse. De his aliam censuram non fero, nisi quam in præfatione tuli, esse hunc allegandi & fallandi modum ante hac non auditum, à nemine hominum vsurpatum. Itaq; Astrologus noster hac fallaciarum arte alijs omnibus verborum fallarijs, ac sophistis victoriæ palmam præripuit.

## CENSURA XX.

94. **F**ol. 145. nu. 4. ita scripsit Aduersarius: Argumenti vim ponit Oppositor in praxi quadam Ecclesiæ, vnde & in append. fol. 10. prolixum catalogum tenuit eiusmodi Monasteriorum translatorum. Circa quem obseruandum primò,

quod licet fol. 155. promiserit huiusmodi catalogum fore tantum de Monasterijs Germaniæ, plura tamen intulerit ex Italia, Gallia, Hispania, & Hibernia. Secundò, quod potuisset multò plura Monasteria per vtramque Germaniam numerare, quæ ab antiquis Ordinibus ad Societatem IESV translata fuere. Tertio, malè concludit, quod, quod plura fuerunt hucusque Cœnobita translata, eò, propter Ecclesiæ praxin, plura esse transferenda: nam huiusmodi ratio argumentandi tenderet paulatim ad omnimodam absorptionem Ordinum antiquorum: cum potius inferri debeat, ut residuis parcat, si tam multa fuere translata. Porro nunc erant in eo catalogo minimùm 56. Monasteria, quæ Opposites computat inter Germaniæ Monasteria translata ab vno Ordine ad alium: quorum tamen nullum taliter translatum esse deprehendimus: Sed vel sunt extra Germaniam, vel manserunt in vno, eodemque Ordine, & translatio tantum instituta fuit ab vno sexu ad alterum, nulla facta alienatione ab Ordine: vel demum ex Ecclesijs secularibus facta sunt regulares: Idque communi iure, Gl. in c. statuimus 19. qu. 3. c. ad audientiam 5. de Ecclesijs. adif. vbi DD. communiter.

Ad hæc respondetur; In primis, ex praxi illa translationis Monasteriorum, argumentum me aliud non duxisse, nisi quod est à maiore ad minus: nam ea ipsa pag. 155. quam Astrologus allegauit, ita locutus sum: Monachis, quorum disciplina aut numerus diminutus fuit, ita ut per eos restaurari non posse videretur, ad alia Monasteria ablegatis, Monasterium ipsorum alijs Apostolica auctoritate traditum est, prout supra ex  
S. Bonæ-



*S. Benedictura audiuius. At verò in proposito casu longè minor difficultas est: cum Monachis, aut Religiosis Ordinum antiquorum, si se opponere vellent, dici posset ipsorum non interesse, ius ipsos, actionemq, non habere, &c.*

Ad alia quæ obijciuntur, ordine respondeo: I. Nihil in ea re vitij inesse, si plus aliquis prestat, quàm promiserat: Et verò satis significavi, catalogum illum me non contexuisse, sed aliunde mittendum expectare, quem proinde cùm annotationem illam pag. 155. scripsi, necdum videram.

II. Si plura Monasteria, quam numeraram ad Societatem IESU, Apostolica Sedis auctoritate, translata fuerunt, nō aliud inde sequi, nisi quod catalogus ille Monasteriorum translatorum longior, & idcirco ad intentionem meam ostendendam efficacior esse potuisset.

III. Translationes Monasteriorū ideo me recensuisse, vt redarguerem eos, qui foundationes adeò, spectato iure naturali, &c. stabiles esse dicebant, vt causæ vix ullæ existere possint, legitimè transferendi, etiam per Apostolicæ Sedis auctoritatem.

IV. Si Monasterium Sanctimonialium, v.g. S. Benedicti, vnà cum bonis suis, transferatur ad eiusdem Ordinis religiosos viros, propriè dictam translationem, & incorporationem esse. Quod verò non sit alienatio ab Ordine indeterminatè accepto, vt Aduersarius significat, facilè concesserim: quandoquidem tale Monasterium Ordini incorporatum

nunquam fuit, iuxta ea quæ suprà sepius explicui.

V. Inter Collegia regularia, & Collegia secularia hoc discrimen est: Quod regularia illa siue Monasteria, absque Sedis Apostolicæ licentia, non possint conuerti in habitacula, seu Collegia Clericorum seculariū. c. quæ semel, 4. causa 19. q. 3. At verò ex Collegijs secularium Clericorum, fieri possunt regularia, idque in duobus casibus: I. est, si ipsi Clerici, quod olim non infrequens erat, religiosam professionem edere velint. Itq; est casus c. statuimus 3. causa 19. qu. 3. II. Si Clericorum Collegium, collapsa penitus disciplina, reformari facili non possit, multoque magis, si per mortem omnium, Collegium extinctum sit, potest in eo Episcopus Regulares instituere, arg. c. ad audientiam 5. de Eccles. ædific. vbi Abbas & alij.

Id verò non rectè Astrologus eod. num. 4. allegat, tanquam Abb. Panormitani dictum in cit. c. ad audientiam; Episcopum de iure, quando subest causa, posse vel inuitis Clericis, ex Ecclesia seculari facere regularem. Falsa est hæc doctrina, præsertim tam indefinitè posita: siquidem Episcopus, extra casus specialiter concessos, statum Ecclesiarum mutare, aut iuri quæsito derogare non potest. Quærit eo loco Panorm. cum Gl. ver. indulgemus, ad quid valuerit hæc indulgentia, seu licentia à Pontifice impetrata, vt Ecclesia secularis conuerti posset in regularem, cùm tamen Episcopus per se eam dare posset. Ad hanc quæstionem duas



duas responsiones dat, quarum posterior hæc est: Quia clericus illius Ecclesie inuitis hoc facere potest Episcopus, ubi alias non potuisset eis inuitis. Addit verò postea, videri sibi, quòd talem mutationem instituere etiam posset inuitis Clericis, si ea peragatur absque ipsorum præiudicio, ita vt alteratio status locum habeat post mortē Clericorum. De hac doctrina Abbatis, num ea vera sit, an verò repugnet cum de beneficio, §. de præb. in 6. & quæ ibi docent DD. huius loci non est disputare, cum neque ad propositum nostrum inseruiat. Imò verò, si Astrologus has transferendi, ac mutandi foundationes licentiam multum extendere velit, suis ipsemet dictis repugnare censebitur, quando alibi non semel obijcit, Fundatorum voluntates exactè obseruandas, & absque grauißima causa, mutandas non esse, fol. 149. nu. 17. & pluribus seqq. folijs.

## CENSURA XXI.

99.

**F**OL. 147. nu. 11. Inscitè nimis loquitur Astrologus, vt clarè appareat, Canonistam non esse. Colligo, inquit, licitum fuisse cuius Clerico, & Presbytero seculari, concedere Monasterijs, intuitu religiosi status, decimas, oblationes, aliosque superfluos suæ parochia prouentus: Deinde, cum olim eiusmodi Parochi & Sacerdotes Laici sacrorum Canonum lege tenerentur hospitalitatem exercere, quòd bene ac rationabiliter se facturos existimarent Ecclesiarum Pastores, si huiusmodi sollicitudinem Parochorum, quos omnibus ac

singulis horis ad Sacramenta ministrandas promptos ac paratos esse conuenit, transferrent in mensam vicinioris Abbatis, alias ad hospitalitatem ex regula obligati, & exinde melius ad eam absque querela exercendam instructi. Et paulò post: Quapropter solatij loco reputabatur, si vnà cum decimis, translato ad mensam Abbatis hospitalitatis onere, licuisset cuique Parocho priuatim viuere, & certis atque stabilibus prouentibus in annos singulos gaudere.

Plures hic cumulantur imperitiæ, ac puerilitates: I. In Ecclesia licitum fuisse (& quidem, spectato communi iure, sicuti postea ait nu. 12.) secularibus Presbyteris ac Parochis, decimas, & alios prouentus transferre ad mensam Abbatis Monasterij. Cum tamen omnes eiusmodi translationes, seu alienationes in sacris Canonibus seuerissimè Parochis prohiberi, atque vt irritas damnari, omnes nòrint, qui vel modicam rerum notitiam habent. II. Parochos & Presbyteros istos esse, Sacerdotes Laicos. III. Solatij loco reputandum, si Parochi, prouentuum suarum magna parte ad mensam Abbatis translata, hospitalitatem ipsi non exercent. I V. Onus iustitiæ Abbatibus illis impositum esse, vt decimas & prouentus Parochiales, quas mensis suis incorporatas tenent, in hospitalitatis officium expendant.

## CENSURA XXII.

**F**OL. 151. nu. 21. ait Aduersarius: Ad secundum membrum, (quod per huiusmodi translationes, non fiat fundationis mutatio,

106.



mutatio, sed benigna tantum interpretatio per epikiam) nescimus fere quid respondere malimus, potius admiramur & ingemiscimus, in eius temporum iniurias nos incidisse, ut eiusmodi pretextus ac palliamenta rebus excogitatis quarantur & affingantur.

107.

Et fol. 152. n. 22. Qui asserere audet, verba seu literas Fundatorum in Monasterijs restituendis hodie deficere à recto, seu (ut loquitur S. Thom. 2. 2. q. 120. art. 1. in corp.) esse contra aequalitatem iustitiae; & per recessum à verbis, intentioni fundatorum nos melius accommodari praeferquam quod id probare debeat, ipsum Pontificem Max. adoritur, Ordinibus antiquis Monasteria adiudicantem, arguit iniustitiam Imperatorem, eiusque Edictum Generale, & rescripta multiplicia, per quae indefinitè Monasteria suis Ordinibus addicuntur: huiusmodi autem indefinitam aequivalere universali, docent Logici: perstringit Principes Electores Catholicos, quorum consilio & assensu Edictum illud in Imperio promulgatum fuit; denique redarguit omnes locorum Ordinarios, ac Principes Germaniae, qui Monasteria de facto, confirmatis novis Abbatibus, assignant.

Gravis haec accusatio est: Idem necesse est, ut obiectum accusationis, seu quidnam in Iusta defensione dictum fuerit, inspiciatur. Pag. ea 18. ita locutus fui. Circa ultimas voluntates, ac pias fundationes, ob superuenientem aliquem casum, aut circumstantiarum mutationem, secundum epikiam, interpretationem facere, & idcirco materiale aliquam mutationem instituere, non ad plenitudinem potestatis supremae, sed ad ordinariam potestatem Superioris pertinere. Idque auctoritatibus ostendi. Postea verò ad-

ieci pag. 25. Accedit, quod in proposito casu nihil iuris alicui acquisitum auferatur, sicuti supra copiose ostensum: sed cum omnes Religiosi, ac Successores eorum in Monasterio, mortui sint, Monasteriumque de iure vacet; Idem supremus Ecclesiae Praelatus, seu Pontifex Rom. cum Caesare, de eo disponit, sicuti maior Ecclesiae utilitas, Dei gloria postulare videtur.

Ex his cadunt omnia, & in nihilum abeunt, quae rhetoricè declamaui Aduersarius, neque aliud superest, nisi ut breuiter effulas ab ipso falsitates numeremus: I. Rebus excogitatis palliamenta affingi; cum tamen nihil dictum fuerit, quod non communi DD. doctrinae consentaneum sit. II. Me alicubi significasse, verba seu literas Fundatorum hodie deficere à recto; Et per recessum à verbis, intentione Fundatorum nos melius accommodari. III. Pontificem Maximum Ordinibus antiquis Monasteria adiudicare. IV. Argui iniustitiam Imperatorem. V. Per Edictum Generale Monasteria suis Ordinibus addici. VI. Redargui omnes locorum Ordinarios, &c. Omnia haec falsa & conficta: Et quidem postremum eius dictum redarguunt, quae scripsi pag. 369. Iustae defens. & saepe alibi.

Iterum fol. 153. n. 24. inuidiosè ostendere conatur, ex Iustae defens. doctrina consequi, quod intuitu melioris boni, citra iniustitiam licebit omnia Monasteria (non tantum restituenda, sed etiam nunquam spoliata, ut paulò ante dixerat) paulatim in Seminaria, Scholas, & Collegia transferre. Et ad margin. Doctrina Opponentis deducit Ordines antiquos

110.



quos ad interitū. Mera impostura: cū passim in libro Iust. defens. exprefsum fuerit, si Religiosi quilibet in Monasterio ius ac titulum sustentationis, per professionem acceperint, non posse id ipsis sine iniuria auferri; nisi propter delictum & contumaciam ita mereantur, pag. 8. pag. 181. & alibi.

## CENSURA XXIII.

129. **F**OL. 160. n. 38. accusat me Astrologus, quod verba sacrae Congregat. Cardinalium (ex relatione P. Franc. Suarez) sincerè non allegarim pag. 86. Iust. defens. Verba enim declarationis super Trident. sess. 23. cap. 18. de reform. ita se habere, inquit: *An te omnia in Seminarijs conducendus est Grammaticus & Musicus; qui pueros instruant; & si reperiuntur Iesuita, ceteris anteposendi sunt.* Conferamus itaque cum his Iust. defens. verba, ut appareat, num declarationis illius verba sincere allegarim, necne: Cū sacra Congregatio, dicebam, decreuisset, querendos esse Magistros, qui in seminarijs pueros instituunt, adiecit: *Si reperiuntur Iesuita, ceteris anteposendi sunt.* Quid in hac allegatione peccaui? aut qua fraude usus sum? Imò verò Astrologus hanc declarationem peruertit, quando mox subiunxit eo n. 38. *Debet itaque, iuxta mentem sacrae Congregationis, Iesuita esse Musicus, puerosq; instituere in arte Musica, qui vult in seminario ceteris anteponi.* Id verò ex verbis allegatae declarationis nequaquam colligitur; cū in sensu non copulato, sed diuiso di-

ctum fuerit, *Conducendus est Grammaticus, & Musicus qui pueros instituunt.* Et quare, obsecro, si tales reperiuntur Iesuita ceteris anteposendi sunt?

## CENSURA XXIV.

**F**OL. 161. prope finem, scurriliter traducit Iust. defens. Auctorem, quia pag. sua 61. ex Romano Iure conf. referens intentionem Sanctissimi D.N. de Monasteriorum applicatione, hunc etiam articulum posuerit; *Ut aliqua eorum bona applicentur Communibus veriusque sexus puerorum Scholæ cum Catholicis ac pijs Ludimagistris, qui pueros doceant, ac in Catholica fide, & bonis moribus instruant.*

Non satis assequimur mentem (inquit Astrologus) horum Auctorum (I.C. Romani, & P. Laymann) *An puella, quod credibile est, peculiare & separatos alumnatus, & quos, vel quales Ludimagistros, qui studiorum exercitijs præsideant, habitura sint: Neque enim fas est opinari, viros præsertim Religiosos hanc in se prouinciam suscepturos, cū etiam Clerici non debeant docere villas mulieres, &c. Nuge istæ sunt, & inanis loquacitatis verba: Si, ut rectè censet Aduersarius, Clericis, multo quæ magis Religiosis non conuenit puellas in Scholis docere; nonne hinc colligere debuit, alios Ludimagistros Laicos, eorundem quæ honestas & probas coniuges ad hoc munus conductum iri, qui pauperum filias in legendi, ac scribendi arte, vnâ cum Catechismo, & bonis moribus instruant? Eadem nugacitas proponitur in Act. perduell. fol. 55. Et tam eo in*



eo in loco, quàm hic scurrilia adferuntur de virginum Iesuitissarum suppressione, & extinctione. Quæ plenè refutata sunt in Antimel. fol. 209. & seqq.

148.

## CENSURA XXV.

**F**OL. 162. n. 3. hæc scripsit Astrologus: Non iuste defendit Summum Pontificem Opponens (pag. 23. Iustæ defens.) quando in translationibus fundationum mutationem fieri negat, sed per episkiam duntaxat, Pontificem interpretem ultimarum voluntatum constituit. Nam primò, non capio, quòd dicat nequaquam verum esse, quòd per eiusmodi Monasteriorum ad alium Ordinem, aut aliū vsum pium translationem, Fundatorum (voluntas) mutetur; quando tamen ibid. lin. penult. concedit, quòd in tali casu Fundatorum voluntas commutetur; non, inquam, capio, quo pacto vna eademq; voluntas commutetur, & tamen non mutetur. Deinde cum secundum episkiam, interpretationem duntaxat ultimarum voluntatum Summo Pontifici tribuit, non apparet, quid illi tribuat, quia interpretans vel declarans vnā rem nihil de nouo inducit, Abb. in c. ex parte n. 4. de consuet. & in c. pastor n. 3. de except. Et vsus episkie non est supremi Principis, sed hominis priuati & legibus subiecti.

Quæ pag. 22. vsque ad pag. 25. in Iustæ defens. clarè & distinctè tradidi, de industria inuoluit & deprauat Astrologus. Dixi primò; Defunctorum voluntates & pias fundationes à nemine mutari posse, præter supremū Principem, qui in causis pijs & Ecclesiasticis est Rom. Pontifex. Exinde intulit; tamen fateamur (quod verum non est) per translationem horum

Monasteriorum ad alium Ordinem, vel pium vsum, fundatoris voluntatem mutari; eam ipsam tamen facultatem ad Summum Pontificem, & suo modo ad Cæsarem, Ecclesiarum omnium Patronum pertinere; maximè cum sermo hic sit, de Monasterijs, & Ecclesiasticis beneficijs, in quibus Rom. Pontifex (considerata etiam ratione Patroni, præsertim supremi) plenariam dispositionem noscitur habere; c. 2. de præbendis in 6. Et dixi de hæc re Iustæ defens. pag. 171. 172.

Dixi secundò; Circa vltimas voluntates, ac pias fundationes, ob superuenientem aliquem casum, vel circumstantiarum mutationem, secundum episkiam facere interpretationem, non ad supremæ potestatis plenitudinem, sed ad ordinariam Superioris potestatem pertinere; Atque idè Episcopis quoque, cum hæredis & executorum consensu, competere posse.

Pag. verò 25. ad omnem tollendam dubitationem, adieci, quòd in proposito casu nihil iuris alicui acquisitum auferatur; sed cum omnes in Monasterio mortui sint, idque de iure vacet, ad Rom. Pontificem, &c. pertinere, vt prouideat.

Si hæc dicta mea, cum verbis Astrologi cõferantur, mox plures falsationes eius se ostendent. I. Falsum est, quod ait, falsum me esse, in casu applicationis Monasterij ad alium Ordinem, vel piam causam, Fundatoris voluntatem commutari. II. Falsum, quòd Romano Pontifici potestatem interpretandi tantum, non item

P 2

mutan-



mutandi (ex iusta causa) ultimas  
Fundatorum voluntates tribuerim.  
II. Falsum quoque, quod ait, secun-  
dum episkiam interpretari ultimas  
defunctorum voluntas acpias dispo-  
sitiones (quæ haud dubiè publicis iu-  
ris sunt) non ad Principem, sed pri-  
uatum hominem pertinere. Videri  
possunt quæ docui in Iusta defen-  
s. pag. 176.

## CENSURA XXVI.

149. **F**OL. 163. & seqq. inuehitur Aduer-  
sarius in Iustæ defen. Auctorem,  
quod ante q. 1. præamb. & fol. 23. 261.  
263. docuerit, si Röm. Pontifex, cum  
Cæsare, Monasteria ista, quæ ab hæ-  
reticis restituenda sunt, ad alium Or-  
dinem, aliamve piam causam trans-  
ferat, id non per absolutam & extra-  
ordinariam potestatem fieri, sed per  
ordinariam, & sacris Canonibus cõ-  
formem: Eò quod iura illorum, ac  
bona vacantia sint, & ad Principis  
dispositionem deuoluta. Hæc fuit eo  
in loco à me tradita doctrina. At ve-  
rò Astrologus antitheses suas adfert:  
Quod eiusmodi mutatio, non fiat per or-  
dinariam, & Canonibus conformem Sum-  
mi Pontificis Potestatem: quandoquidem  
translatio in præsentia casu non est sacris Ca-  
nonibus conformis. Idq. duplici ratione: I.  
Ex parte prouidentis, quia Pontifex dispo-  
nit, cum tamen deuolutio non ad ipsum, sed  
ad immediatum Superiorem facta sit. II.  
Ex parte prouisorum: quia prouidit alijs  
personis diuersa qualitatis ac professionis,  
quàm ius commune statuat; adeoque per præ-  
uiam suppressionem. Vnde necesse est recur-

tere ad plenitudinem potestatis absolutæ.  
cum Princeps legi non sit subiectus; maxime  
quando alteri Ordini ius suum, & saltem  
dominium subalternum in eiusmodi trans-  
lationibus aufertur. fol. 163. circa me-  
dium.

Et fol. 164. *Causa, ni fallor, legitima foret Ordinibus antiquis auferendi ius, quod habent ad Monasteria restituenda, si vocati recusarent laborare pro conuersione hereticorum; si necessitatibus Ecclesiæ occurrentibus subuenire detrectarent, nec alia via superesset huiusmodi necessitates subleuandi. Ideoque in suscepta defensione c. 2. rectè dixit Auctor, Principem rem tertij auferre non posse, quamdiu alia via Reipubl. subueniri potest.* Idque docuit Menochius, &c. Neque dissentit Rebuffus in suscepta defen. allegatus, dum ait: Princeps de potestate absoluta, ius tertij tollere potest; etiam sine causa, etiamsi agatur de graui præiudicio: Sed ista potestas absoluta est potestas, quæ verius diabolica dicitur: Procedit enim à potestate iniuriosa, & est contra legem diuinam, &c. Et paulò post: Vnde non im-  
merito D. Anton. de Petra cir. c. 24. n. 23. scribit; quod sicut Princeps summam habet potestatem; ita eam regulare debet secundum summam honestatem; & si secus faciat, utique potestas talis non absoluta, sed dissoluta, & plenitudo tempestatis, non potestatis dicitur.

FOL. 166. Opponens pag. 230. Iustæ defen. aperte fatetur, quod plenitudinem potestatis absolute Princeps tunc exercere dicatur; quando aliquid decernit contra, vel potius supra leges vniuersales, in corpore iuris contentas; præsertim, si etiam iuri aliorum derogat: Atqui in translatione Monasteriorum Pontifex Maxim. aliquid de-  
cernit.



cernit contra, siue supra leges vniuersales, in corpore iuris Canonici contentas; itemq; concordata Germania, & antiquorum Ordinum religiosorum iuri derogat. Igitur, &c.

155. Eod. fol. 166. prope finem; Respondetur (inquit) sacros canones nihil aliud esse, quam ordinationes aut statuta Summorum Pontificum, Conciliorum & Sanctorum Patrum, seu leges positivas corpori iuri insertas: in quibus, si quando mentio fit amplius, maiestatis Pontificia in beneficia ecclesiastica, illud fieri non per modum legis & canonis, sed per modum narrationis, aut reservationis: qua reservatio non est lex, cum id reseruet, quod est supra legem. Et sic Papa utendo plenitudine potestatis huiusmodi, exercet actum conformem suae reservationi, non autem conformem legi positivae seu canonibus: aliud enim disponunt leges, & aliud sibi reseruat Papa.

Eiusmodi doctrinas ego passim in Iusta defensione damnavi, & Romano Pontifici secundum sacros Canones, tanquam vniuersali Ecclesiarum Episcopo, & Ordinario omnium Ordinariorum, super beneficia ecclesiastica totius Orbis Christiani, in signum specialis privilegii, plenam ac independentem potestatem conuenire edocui. Hæc itaque est inter utrumque adhuc pendens controuersia; de qua disputare hic non est animus. Iudicet Lector, iudicent Ecclesiarum Prælati, iudicet ipsa Apostolica Romana Sedes. Videri potest c. 2. de præbendis in 6. ubi Gl. in 1. notando, Clem. vi. Ut lite pendente nihil innouetur.

Interim fatemur, si alicui ad bene-

ficiū ecclesiasticum ius quæsitum sit; aut si dispositio, vel collatio beneficii, iuxta Nationis cōcordata ad alium pertineat, quod Romanus Pontifex derogare non soleat; imò nec iuste possit, per se & ordinariè loquendo. Quod verò ad hæc ab hæreticis recuperanda Monasteria attinet, frequenter quidem inculcat Aduersarius, Religiosos eos, de quibus nobis sermo est, ius quæsitum habere; Atque translationem ad alium Ordinem, piamve causam, Concordatis Germaniæ repugnaturam, ut proinde à Rom. Pontifice, vnà cum Cæsare, absque grauissima & rarissima causa, fieri non possit: sed hæc omnia falsa esse pronuncio. Videri possunt, quæ infra dicam cens. 29.

CENSURA XXVII.

155. FOL. 167. r. 5. hæc leguntur in Astro inextincto: Num Opponens (Iustæ defens. pag. 57. & 48.) bene defendat Pontificem Maxim. nescio, quod in suo tractatu de moderna instituenda translatione Monasteriorum vacantium, allegat Vinc. Filliucium, ipseque, asserit, valde probabilem, & communiter ferme receptam esse sententiam Zabarella, quod translatio bonorum vnius Ecclesie ad aliam Ecclesiam, vel pium usum, facta per authoritatem Summi Pontificis, tametsi rationabili causa non nitatur, & Pontifex peccet, nihilominus translatio siue alienatio valeat. Ex quo inferitur, inquit Nauarrus ibid. citatus, quod Ecclesia cui applicatur vel vnitur per Papam res alterius Ecclesie, vel altera Ecclesia, sine iusta causa, salua conscientia, & sine peccato



eam retinere potest, licet Papa in uniendo & applicando peccasset; quia valet unio seu applicatio, licet esset iniusta, id est, peccato obnoxia ex parte unientis seu applicantis Papa. Hac ibi. Quibus verbis, Sanctissimum male defendit (Opponens) si intendit dicere, sibi sufficere, in sua sententia, dummodo Monasteria vacantia transferantur, vel iam bona conscientia per alios possideantur, siue Pontifex id fecerit ex rationabili causa, siue non. Quod si vero, uti reuera credimus, hoc non intendit, opus erit, ut seipsum iam defendat; nam hac opinio in doctrina ipsius non subsistit. Quod ut magis eluceat, inspicenda est ratio, quam cit. loco subiungit, & alibi confirmat: Ratio huius receptae doctrinae (inquit) reddi debet, quia bona Ecclesiastica, cum principaliter destinata sint ad cultum diuinum, censentur esse DEI, & Christi Domini, atque Ecclesiae; atque ita proprie non alienantur, si ab una Ecclesia ad alteram auctoritate eius, qui Ecclesijs praest, transferantur; cum principalis intentio & dominium idem (quod est DEI, Christi Domini, atque Ecclesiae uniuersalis) permaneat. Hac ille: Superius e contra commendarat Opponens sententiam Lud. Molinae, tom. 1. de Iust. disp. 142. n. 7. dicentis, bona Ecclesiastica, quoad dominium, non solum esse penes Ecclesiam uniuersalem, Christum Dominum, &c. sed etiam penes Ecclesiam particularem; per Ecclesiam particularem non intelligendo templi parietes, sed Communatam cum suo Capite, hac enim proprie capax est veri domini. Et mox: Quare cum Opponens hic admiserit cum Molina & alijs recentioribus, dominium bonorum alicuius Ecclesiae particularis, primo esse penes Collegium loci; non videmus, qua ratione dicere potuerit,

non esse proprie alienationem, si Pontifex uni cuius dominium huiusmodi bonorum auferat, alteri Collegio tribuat; imo manere idem dominium, cum tamen immediatum dominium proximis dominis in hoc casu auferatur.

Allegat hic Astrologus verba mea, quatenus decipiendi proposito apta sunt; dissimulat autem qua occasione, aut quo fine prolata sint; & quae postea adiuncta, ex quibus omnis eius impostura detegitur, malitiose subtrahit. Refutabam Iustae defensionem cap. 2. memb. 2. libelli Auctorem pag. 45. allegatum, qui imperite scripserat de plenitudine potestatis Romani Pontificis, secundum quam bona unius Ecclesiae particularis ad aliam particularem transferri possint: De ea, inquam potestate, adeo abiectè sentit Auctor ille, ut haec verba edicere auderet: Minus laderetur iustitia, vel charitas, si Princeps ex plenitudine potestatis auferret ab epulento superflua bona, quibus in DEI offensam, & proximi lesionem abutitur, quam si fundatio in pium usum destinata, ex bono fine ad meliorem conuerteretur.

Huius doctrinae refutandae, veritatisque declarandae causa docui I. Constantissimam esse Doctorum sententiam, quod talis facultas bona unius Ecclesiae, ex causa rationabili, ad aliam Ecclesiam transferendi, Rom. Pontifici competat. II. Probabilem & ferme communiter esse receptam doctrinam Zabarellae, Panormitan. Nauarri & aliorum, quod translatio siue alienatio bonorum unius Ecclesiae ad aliam Ecclesiam, piumue



piūmue vsum, facta per auctoritatem Summi Pontificis absque causa rationabili, valeat, licet Pontifex transferendo peccet. Rationem reddidi: Quia bona Ecclesiastica, cum principaliter destinata sint ad cultum diuinum, censentur esse DEI, & Christi Domini, atque Ecclesie: Et ita non propriè alienantur, si ab vna Ecclesia ad aliam, auctoritate eius qui Ecclesijs praeest, transferantur; cum principalis intentio (Fundatorum) & dominium idem, quod est DEI, Christi Domini, & Ecclesia vniuersalis permaneat.

Hæc autem omnia decui eo in loco ad Auctoris illius arguendam inscitiam; nequaquam autem, quod in transferendis his Monasterijs plenitudinem potestatis Pontificiæ agnoscerem, per quam seu iustè, seu iniustè, bona & iura vnius Ecclesiæ auferantur, & in aliam transferantur: Cum ego, ipso Astrologo teste fol. 164. n. 4. Astri inextincti, huiusmodi translationem à Pontifice non per absolutam eius potestatem; sed per ordinariam, ordinatam & legibus conformem, fieri, palàm edixerim. Et in eo ipso mem. 2. pag. 51. & princip. pag. 52. Ordinibus, per translationem Monasteriorum, &c. ad Seminaria, Scholas, nullum ius auferatur, cum nullum habeant. Et paulò post: Frustra & inaniter ab Auctore libelli allegantur testimonia Doctorum, quod ius quasitum vni v. g. Ecclesie, auferri non possit, & alteri dari (supple sine rationabili causa) Cum hac vltro fateantur ij, quos oppugnat; sed negant, ius competere Ordinibus; negant etiam causam iustam & rationabilem non

adesse applicationis ad Seminaria, Scholas, &c. Quibus postremis verbis etiam ratio indicatur, cur illa, de translatione bonorum vnius Ecclesiæ ad alteram, cum ablatione iuris, à me disputata fuerint; quia inde argumentum efficax duci poterat à maiore ad minus: Si Rom. Pontifex, ex causa rationabili translationem & applicationem bonorum ecclesiasticorum facere potest, ita vt Ecclesiæ particulari ius suum auferat; multò magis id efficere poterit in casu nostro, cum nullum ius Ordinibus auferatur. Cui enim licet quod plus est, licet vtrique quod est minus, reg. 63. in 6.

Ex his apparet, frustra omnia ac malitiosè obiecta fuisse ab Astrologo: neque opus est quidquam hic amplius admonere, nisi quod postremis verbis suis persuadere conetur. Lectori, ex mea sententia, in dicta bonorum ab vna Ecclesia ad aliam translatione, dominium omnino idem permanere, adeoque nullam alienationem fieri: Cum tamen eo ipso mem. 2. pag. 48. in fine, alienationem ipsemet appellatim, quatenus videl. mutatur particulare dominium Ecclesiæ, cui ius suum auferatur. Addidi verò pag. 49. cum principalius & vniuersaliter dominium, quod est DEI, Christi domini, & Ecclesiæ vniuersalis, idem maneat, non esse propriè dictam alienationem: quia nimirum magis ad principale attendi solet, quàm ad id quod minus principale est.

CEN.



## CENSURA XXVIII.

158.

**F**OL. 171. circa medium hæc habet Aduersarius: Opponens ait pag. 49. *Iustæ defenſ. quòd nec iuſta eſt, nec valida alienatio facta inuitis ijs, qui ius & dominium habent: Atqui Ordines antiqui dominium & ius habent ad Monasteria reſtituenda; conſequenter ijs rationabiliter inuitis, facta ab Ordine alienatio nec iuſta eſt, nec valida.*

Magna profectò hominis huius malitia eſt. Poſteaquam doctrinam illam ex Nauarro in tract. de ſpolijs clericorum §. 3. tradidiſſem, ſi Pontifex abſque cauſa rationabili bona vnius Eccleſiæ ad aliã Eccleſiam tranſferret, non quidem licitam, attamen validam fore translationem, alienationemque; quia, vt cenſura præced. explicaui, idem principale dominium manet; mox ſubieci: *Quamobrem rectè cit. loco obſeruauit Nauarr. aliam rationem fore, ſi Papa res Eccleſiæ, ſine iuſta neceſſitate vel utilitate tranſferat in Laicum, aut vſum aliquem profanum: talis enim alienatio nec iuſta eſt, nec valida: cum ſit propriè dicta alienatio facta inuitis ijs, qui ius & dominium habent.*

Ex his vltimis verbis, quibuſdam omiſſis, & diſſimulatis alijs quæ antecceſſerāt, principium ſiue Maiorem propoſitionem, malitiòſè ſtatuit Aſtologus: *Nec iuſta, nec valida eſt alienatio facta inuitis ijs qui ius & dominium habent.* Et mox ſubiungit: *Atqui Ordines antiqui ius & dominium habent.* Qua in re dupliciter decipit: Primò, quòd cū ego expreſſis verbis locutus ſim de translatione ad Laicos, vel vſum ali-

quem profanum, ipſe applicet translationem ad aliam Eccleſiam, pium vſum. Secundò, quòd ratiocinando aduerſus me principium manifeſtò petat, id eſt, id quod oſtendere deberet, tanquam certum aut conſeſſum assumat; vid. Ordines ius & dominium ad Monasteria iſta habere.

Eodemque ſophiſmate petitionis principij frequenter Lectorem fallere, aut perturbare conatur: Vti, exempli cauſa, videre licet, fol. 172. circa finem, & fol. 173. vbi inter ratiocinandum tanquam certa ſumit, I. Ordini S. Benediicti competere dominium ſubalternum in bonis horum Monasteriorum. II. Quod eiufmodi dominium auferre abſque ſufficiente cauſa, & quaſi prohibitu, foret in Eccleſia valde ſcandalolum. III. Sequerentur inde innumera mala; quia citra cauſas vrgentes, recederetur à ſacris Canonibus. Hæc omnia, tanquam indubitata ſint, ſumit Aſtologus, atque exinde ita cōcludit: *Quocirca grauiffima & inuitabiles, vt ita loquar, requiruntur cauſæ, ſi Pontifex alicui quaſi ius, ac dominium rerum, abſque propria culpa, velit auferre, ſi Canonum Sanctorum auctoritatem ſua poſt haberi iubeat, ſi denique qua iure gentium firmata, imò qua in ipſa naturali ac diuina lege fundata reperiuntur, ſupprimere & extinguere aggrediatur.*

Hi ipſi nimirum ſunt errores, ſummatim hic repetiti, ad quos reſutandos, pro Sedis Apoſtolicæ defendenda auctoritate, Caſaris, Episcoporum, aliorumque, etiam minimæ Societatis noſtræ conſeruanda libertate, iuſtam ego defenſionem ſcripſi.

CEN.



## CENSURA XXIX.

161. **F**OL. 173. circa medium ita loquitur Aduersarius: Certe si Concordata Germania penitus intueor, video non esse vacua defensionis pro Casare Romano: Verum, ut vi argumenti manifestior appareat, exscribenda prius erunt nonnulla: Placet nobis, (ait Nicolaus V. Papa) super Ecclesiarum & beneficiorum ecclesiasticorum quorumcunque, prouisionibus, &c. Deinde subiungit totum c. Ad Regimen Benedicti XI. extrauag. de prae. & dignitatibus.

Allegatis verbis Extrauag. Ad Regimen, subiungit Astrologus: Ex quibus cum manifestum fiat, prouisionem Monasteriorum tam exemptorum mediatorum, quam non exemptorum, quomodocunque vacantium, non ad Papam, sed ad inferiores Ordinarios, quibus prouidere incumbit, etiam iure transactionis specialis, deuolutionem censi, sequitur, quod Pontifex Ordinariis hoc ius dispositionis actiue, & consequenter Ordinibus antiquis ius dispositionis passiuæ, cum altero illo actiua, veluti suo correlatiuo, necessario coniunctum, nisi in casu grauissima, & necdum demonstrata necessitate, auferre non possit.

Non opus esse arbitror, contra doctrinam hanc, de Monasteriorum istorum ad Clericorum Seminaria, Collegia, &c. translatione, tanquam Concordatis Germaniæ repugnante, pluribus disputare, cum ipsamet, tanquam summorum Capitulorum persuasione, ac consuetudini Germaniæ, Fideliumque sensui repugnans, absurditatem suam demonstrat. Id unicum dicam, quod Astrologus hic iterum

principium petendo, sophistam agat. Nihil enim prorsus ex Germaniæ Concordatis, quod vel in speciem sibi faueat, producere potest, nisi quod Nicolaus V. Pontifex in Bulla Concordatorum, cuius initium ad sacram decreuerit, ut in Monasterijs Romana Sedi immediate non subiectis (siue ea sint non exempta, siue exempta sed mediata) super quibus pro confirmatione ad dictam Sedem non consuevit haberi recursus, Electi pro confirmatione ad Curiam Romanam venire non teneantur. Ut verò aliquid ex hoc Concordatorum articulo concludere possit Astrologus, necessario subsumere debet: Atqui nos hic versamur in casu eiusmodi Monasterij, cuius vacante Abbatia, aut Prælatūra regulari, electio Conuentualis Canonice facta fuit, confirmatioque, ex vi Concordatorum, ad Episcopum in Monasterio non exempto, at verò in exempto ad Superiorem regularem pertinet: Ergo immiscere se non debet Pontifex. Cum itaque assumptio ista falsissima sit, & ad casum controuersie nihil omnino pertinens, ideo denuò hinc apparet hominis huius versutia, quando ea quæ nihil in se momenti, aut rationis habent, ita proponit, ac si intentionem causæ suæ plurimum adiuuarent.

Quæ verò de deuolutione, & iure tam actiua disponendi Ordinariis competente, quam passiuo ipsorum Religiosorum, quibus iuxta Sacros Canones, prouideri debeat, obscure intermiscet, de his supra p. 1. loco 8. & p. 2. cens. 3. & 4. dictum.

Q

CLN.



## CENSURA XXX.

269. **F**OL. 178. num. 10. hæc habentur:  
Non releuat. Opponentem, quod per apostasiam quorundam Monachorum, dicat (pag. 319. Iustæ defenf.) olim Ecclesiam vniuersalem spoliata fuisse, quasi ratione huius, Ecclesia ius & actionem ad Monasteria desolata consequeretur. Verba ipsius sunt: Rectè dicitur, quod per eam Monachorum à Fide Catholica defectionem, & qua inde secuta est, Monasteriorum occupationem, seu traditionem laicis factam, Ecclesia vniuersalis spoliata fuerit. Si enim aliquis ratione possessionis suæ, ad iura soluenda obligatum se professus fuerit, postea verò soluere contumaciter recuset, is spoliare censetur eum, cui se obligatum profitebatur, c. querelam 24. de elect. vbi id tradit Innoc. n. 3. Abb. in c. peruenit n. 3. de cens. Ad eod. vti etiam interdicto vnde vi locus sit, secundum Legistas apud Bart. in l. 2. ff. Quorum bonorum, Menoch. rem. 1. recup. n. 87. Atque Abbas & Conuentus, dum Catholici erant, profitebantur Monasteria, & bona ac iura ecclesiastica obligata esse Ecclesie vniuersali, eiusque supremo Capiti, &c. atque per recessum à Fide, obedientiam atque subiectionem omnem contumaciter subtraxerunt: Ergo &c. Subiungit postea Astrologus: Nos bonitatem Syllogismi scrupulose non examinabimus. Ad rem quod attinet, in ijs Monasterijs rarissimis, in quibus apostatarunt Abbates & Conuentus, non negamus Ecclesiam vniuersalem fuisse spoliatam, sed negamus illud ab Opponente congruè probari. Nam quotquot ab ipso citantur Authores in propositione maiori, omnes lo-

quantur de pensione, censu, seu præstatione annua, qualem annuam pensionem Monasteria non dabant Ecclesie vniuersali; Cap. querelam loquitur expressè de pensione sexdecim denariorum Papiensis moneta debita annuatim Ecclesie S. Agnetis. Et paulò post: In huiusmodi, quando præstatio est realis, quia soluitur ratione certa rei, fatentur omnes Legistæ posse agi interdicto possessorio.

Vbiq; sibi similis est Astrologus, malitiam æquè ac inscitiam suam prodens. Primis verbis suis in errorem trahere conatur Lectorem, quasi ex sententia mea, propter Monachorum apostasiam seu à Fide recessum, vniuersalis Ecclesia spoliata fuerit, atque ex hoc capite Roman. Pontifex, tanquam Ecclesie vniuersalis Pastor, ius actionemque ad ista Monasteria vacantia (ipse desolata vocat) sua auctoritate ordinanda, acquisierit. Vno verbo, persuadere vult, Monachos, me auctore, à Monasterijs excludendos esse, eò quod anteceffores eorum, ob apostasiam seu lapsum in hæresin, Ecclesiam spoliarent. Similia attulit Aduersarius in astro inextinct. fol. 110. argum. 8. iuncto fol. 137. n. 99. & in act. perduell. fol. 22. Cum tamen hanc ipsam falsitatem atque calumniam, quia etiam Theologo, quem defendi, obiecta fuerat, disertè reiecerim pag. 340. 341. Iustæ defensionis.

Vltèrius, quod per Monachorum v. g. à Fide defectionem, lapsumque in hæresin, præcisè loquendo, Ecclesia vniuersalis spoliata fuerit, ego non docui, sed vt certiorè doctrinam traderem,



derem, vnà cum defectione à Fide coniunxi alia, quæ inde secuta sunt, quia videl. subiectionem, & obedientiam Ecclesiæ Prælati ipso facto negarunt, (eorum v.g. decreta respuendo, Vilitatores repellendo, charitatiua subsidia, annatas seu primos fructus, aliasque præstationes debitas denegando) vel denique etiam ipsa Monasteria, & Ecclesias iniquis occupatoribus tradendo. Hac ego ratione, vt Theologum illum à calumnia defenderem, ostendi, Ecclesiam vniuersalem per apostasià à Fide, &c. à Monachis, alijsque Ecclesiasticis olim spoliata fuisse.

Numquid aliquid in hac doctrina reprehendi potest? Quid enim certius, quid in omnibus tribunalibus notius, aut vilitatius est, quàm si Monachi alijsque Ecclesiastici non exempti subiectionem Episcopo diocæsano subtrahant, ideoque eum, aut delegatos ipsius ad Monasterium, aut domum parochialem non exemptam visitandi causa accedentes non admittant, repellant, spoliū contingere, & possessorio interdicto recuperandæ agi posse, posito, quod opposcentes se præualuerint, & Episcopus animum visitandi deposuerit. Quid item notius, quàm spoliationem v.g. accidere, si vel ex Ecclesia, quæ iuris diocæsalis est, cathedraticum, vel ex domibus intra terminos parochiæ sitis, numus parochialis, iuxta loci cuiusque consuetudinem, denegetur; quasi is debitus non sit?

Verùm obijcit Aduersarius: Inc. illo querelam sermonem esse de pen-

sione annua denegata, sed & Doctores à me allegatos de annua præstatione loqui. En hominis huius infantiam. Numquid, quia in rescripto Pontificis casus specialis de annua sexdecim denariorum Papiensium pensione deciditur, ideo decisio ad casus alios, ob rationis identitatem, applicari non potest? Parum abest, vt & hoc inferat, neminem spoliatum censerī, etiam ob negatam pensionem annuam, quæ Ecclesiæ v.g. alteriusve possessionis contemplatione præstari solita erat, nisi fuerit sexdecim denariorum Papiensis moneta. Legisse debuerat, quod Iulianus scripsit in l. 12. ff. de legibus: *Non possunt omnes articuli sigillatim aut legibus, aut senatusconsultis comprehendī, sed cum in aliqua causa sententia eorum manifesta est, is qui iurisdictioni præest, ad similia procedere, & ita ius dicere debet*: Accedit, quod ex hoc ipso c. querelam; Innocent. ibi, Abbas prope finem, & alij, generalem regulam expressè colligunt, quod pro iuribus incorporalibus concedatur *utile interdictum vnde vi*.

Denique acutem retigisse videtur Astrologus, atque clarè ostendisse, quod non rectè probārim, Ecclesiam à Monachis illis spoliata fuisse, quia quando præstatio est realis, siue debita ratione certæ rei, secundum omnes Legistas, interdicto possessorio agi potest, vt videre licet apud Bartol. in l. ult. ff. Quorum bonorum: secus autem, si sit personalis tantum. Sed quid inde contra me inferri potest? Numquid non ea sexdecim denariorum pensio annua pari ra-

Q. 2

tionē



tionem realis fuerat: quia à Presbytero Ecclesiæ S. Saluatoris debita erat Ecclesiæ S. Agathæ, intuitu eiusdem Ecclesiæ Saluatoris (quippe pleno iure subiectæ alteri Ecclesiæ) sed per denegationem, à Presbytero subtrahita. Eodemque modo, ut supra dictum, Monachi alijque Ecclesiastici Episcopis, ipsique Rom. Pontifici, ratione Ecclesiarum suarum, etiam ad reales quasdam præstationes obligati fuerant. Accedit denique, quod in Bartolo loco allegato legere potuisset Astrologus si in persona (inquit) habeam aliquod ius reale, quia est meus ascriptitius, possum agere interdicto etiam possessorio, ut in c. querelam. Subiungamus iam: Atqui Roman. Pontifex habet ius reale in personis Religiosorum, id est, eorum personas; ratione professionis religiosæ, obligatas sibi tenet, ita ut vindicationi locus etiam sit, ac reductioni, si à subiectione & obedientia eius se subtraxerint; non secus, quam maritos uxorem à se recedentem; & Dominus seruum fugientem vindicare ac repetere potest: Ergo etiam in hoc casu possessorio interdicto, locus est, prout ipsemet quoque Aduersarius falsus fuit fol. 136. B. 93.

## CENSURA XXXI.

180. **F**ol. 185. in princ. hæc scribit: *Fateatur* (Laymann pag. 261. & p. 469. Iustæ defensi.) *Casarem vi iuramenti sui obligatum ad Monasteriorum iura conseruanda; inter quæ ipsorum Ordinum præcipua esse, non abnuir: titulo ta-*

*men gratitudinis ab Ecclesia posse remitti Casareum homagium; ne videlicet in teneatur esse fidelis Aduocatus antiquorum Ordinum religiosorum: ne obligetur ex officio eius, & per eos restauranda Germania benefacere, eos defendere, ac tueri.*

Insignis hæc est fallatio. Dixerat Auctor libelli famosi, cuius titulus *Disceptatio de Monasteriorum translatione*: Imperatorem nostrum eam sibi auctoritatem non vendicare, ut ob labores & sumptus bellicos, velit esse nouus fundator aut dotator Monasteriorum ab hæreticis recuperandorum: scire enim suam Maiestatem, vi iuramenti obligatam se arma sumpsisse, ut Ecclesijs & Monasterijs, sua quæque bona recuperaret. Ad hoc respondit in allegata cit. p. 469. Quod obijcit Disceptator, *Casarem vi iuramenti sui, & quia supremus Ecclesiarum Aduocatus ac defensor est, obligatum & coactum fuisse* (supple, ad recuperandas Ecclesias & Monasteria) id verum quidem est, & supra dictum in refut. c. 4. mem. 20. sed inde non rectè quispiam inferre poterit, *Casari Ecclesiam, saltem titulo gratitudinis, obligatam non esse: ut iusta voluntati acquiescat, eumque in fundandis de nouo Collegijs, Academijs, &c. tanquam nouum fundatorem, & dotatorem censeri; ac coli velit.* Hæc verò dicta sunt in iusta defensione, ut Theologus secularis, qui hunc in Iudicio suo de nouo Fundatore discursum protulerat, à calumnijs defenderetur.

In allegato autem mem. 20. seu pag. 261. Iustæ defensioni hæc habentur: *Notandum Quod Theologus in suo discursu tanquam certum ponat, Casaream Maiestatem*



Maieſtatem expenſas & ſumptus factos nō  
repetituram, vt ſuo fiſco quippiam adi-  
ciat: Si, inquit, Imperator liberaliter con-  
donat, &c. Quandoquidem Caſarea Ma-  
ieſtas, ratione iuramenti, & Imperatoria  
ſuprema dignitas, ex officio ſuo, tanquam  
Eccleſiarum Adlocutus, eas (errore Ty-  
pographi politum eſt eos) defendere,  
& iura, ac bona earundem (iterum vi-  
tioſe impreſſum eſt eorundem) ab hoſti-  
bus recuperare debet. Hinc itaque homo  
malus calūniandi anſam accepit, quaſi  
iſ in locis faſſus fuerim, Caſarem, vi  
iuramenti ſui, obligatum eſſe ad Mo-  
naſteria extincta iſtis Ordinibus re-  
ſtituenda. Quod ab intentione mea,  
iſſique quæ paſſim in libro Iuſtæ de-  
ſenſionis tradidi, prorsus alienum,  
nunquam à me ſignificatum fuit. Ad-  
uertet enim Lector, ſi contextum e-  
ius pag. 261. inſpexerit, nullam om-  
nium Ordinum aut Monachorum  
mentionem ibi factam fuiſſe, neque  
aliud vocabulū antea fuiſſe, ad quod  
relatiuum eos, eorundem referri potue-  
rit, ac proinde Typographi error per  
quam manifestus omnibus pateat.

187. Adiungam hic ſimilem, & aliquā-  
tō grauiorem impoſturam, quam eo-  
dem fol. 185. nu. 9. profert Aſtolo-  
gus: Nescio, & iudicium prudētiōribus  
relinquo, num iuſtè defendatur S. C. Ma-  
ieſtas, quando mentio ſit pag. 270. Iuſtæ  
deſenſionis pactionum Simoniacarum,  
&c. cum tamen conſtet, inueſtituram ali-  
cuius Monasterij ab Imperatore nunquam  
petitam, neque datam fuiſſe. Sed cum ali-  
cubi Monasterium Religioſis Ordinibus anti-  
qui, licet aliena diœceſis, graues ob cauſas,  
ſanctiſſet Imperatorio nomine conceſſum

fuerit, preces tamen pro impetranda inue-  
ſtitura & conſenſu per Caſarem & alios  
Principes ad Apoſtolicam Sedem tranſmiſ-  
ſe, contractum Simoniacum aut intruſio-  
nem Sacratissimo Imperatori aſſingere non  
permittunt.

Grauiſſimam hanc calumniam ex  
pectore ſuo, omni, vti apparet, viru-  
lencia repleto, euomit Aſtri inex-  
tincti Auctor: Siquidem mihi de ea  
controuerſia, ad quam ipſe alludit,  
quod Deo conſcio affirmo, nunquā,  
cum iſta ſcriberem, in mentem venit  
cogitare. Sed neque verbum vllum  
in ea quam allegat pag. 270. reperit-  
tur, quo vel Caſaream Maieſtatem  
de pacto Simoniaco inſimulaſſe, vel  
de Monasterij in aliena diœceſi ad a-  
liud Monasterium translatione, incor-  
poratione vè locutus videri poſſim:  
vt manifeſto etiam hinc appareat,  
præcipuum Aſtologi propositum  
fuiſſe, varijs commentis, falſationi-  
bus & impoſturis, cuiuſcunque Or-  
dinis, ac dignitatis perſonas, præcipuè  
verò Religioſos aduerſus Societatis  
noſtræ Patres concitare, & armare.

Dixerat Theologus ille, qui è So-  
cietate non eſt, Non licere Imperatori,  
aut eius Commiſſarijs Religioſos, qui Mo-  
naſteria propria auctoritate inuaſerunt,  
vtpote intruſos, in tali detentione defende-  
re, quæ etiam ſuprà allegauī p. 1. loco  
1. §. Cæterum. Hæc verba à Theolo-  
go illo prolata, antequam de dicti  
Monasterij translatione quidquā a-  
ctum aut cognitum fuit, cum ab Au-  
ctore ſuſceptæ deſenſi, ita impugna-  
rentur: Cur non liceat illis Religioſis Mo-  
naſteria, auctoritate Caſarea hæreticis ere-



pta, occupare, aut Imperatori illos in sic  
occupatū defendere? Et paulò post: Quod  
Theologus iste intrusos vocet, iniuria est,  
pag. 266. Iustæ defension. Respondi  
ego allegata pag. 270. Pater, Theolo-  
gum illum iniuriam non intulisse, quando  
intrusionis vitium ipsi obiecit, qui sine ca-  
nonica vocatione, & institutione, spi-  
ritualium Monasteriorum iurium posses-  
sionem acceperunt. Alioquin, si Doctores  
isti Theologi veritatem propalare non au-  
derent, consequens foret, ut occasione Edi-  
cti Casarei, quod summa cum prudentia,  
iustitiæq. conceptum à Rom. Apostolica Se-  
de laudatum fuit, plurima in Imperio con-  
fusiones, & Simoniaca pacta, aliæque ma-  
la prouenire possent. Arbitror, id verè à  
me dictum, videl. pronum esse, ut  
taliam accendant, si Religiosis quibusli-  
bet vacantia hæc Monasteria, eo solo  
ostenso, quòd eiusdem Ordinis sint,  
absque Romani Pontificis, atque Or-  
dinariorum loci auctoritate, intrare  
liceat. Vtrum verò re ipsa talia in-  
commoda acciderint ante annos cir-  
citer quinque, non in his Germaniæ  
provincijs. (de quibus nihil scio) sed  
in partibus inferioribus, maximè in-  
ferioris Saxoniz, ibi inquiri potest:  
Et credibile est, Theologum illum,  
cuius defendendi causâ ea à me scri-  
pta sunt, talia etiam inaudisse, quan-  
doquidem & ad nos, qui distantiores  
sumus, famâ & literis delata fue-  
runt. Sed hæc cum ad propo-  
situm non sint, hic mis-  
sa faciamus.

(.)

## CENSURA XXXII.

**E** Od. fol. 188. num. 10. ita legitur: 181.  
Cum asseritur pag. 314. 315. Iust. de-  
fens. falsum esse, quòd tota Casarei Edicti  
dispositio spolio nitatur, Imperator argui-  
tur de iniusto processu. Nam nemo actio-  
nem aliquam habet, ipso Opponente teste  
fol. 33. Iust. def. ad recuperationem Mona-  
steriorum, adeoque nemo ante omnia resti-  
tuendus est, nisi spoliatus, eiusve hæres seu  
successor. Quòd si modò Edictum spolio non  
nititur, prius & ante factam restitutionem,  
iudicialiter audiendi sunt detentores, quos  
extra casum spolij inauditos damnare, ius-  
tum non est. Atque hoc illi semper hæte-  
nus inclamârunt, se auditos non esse: qui-  
bus egregiè patrocinator Opponens.

Hic denique apparet, quam  
accepta occasione, quo item decipi-  
endi, nocendiq. proposito, tam  
multa fol. 136. 137. 138. disputârunt de 81. 82.  
spolio, num. eo Edictum Casareum 83.  
nitatur, & secundum illud spoliati  
ante omnia restituendi sint, necne.  
Egi de hac re in censura 15. Sed quia  
varia suis dictis, tenebras iniiciendi  
causâ, inuoluebat Astrologus, ideo  
ne rerum multitudo sedium Lectori  
afferret, quædam ad hunc locum,  
quem etiam ipse allegando insinuat  
fol. 137. n. 95. reseruauit.

Ansam cauillandi accepit Aduer-  
sarius ex Iustæ defens. pag. 13. & pag.  
314. quas etiam ad marginem hic no-  
tauit. Redigam verò in argumen-  
tationis formam, quæ ipse suprà con-  
fusus attulerat disputando, hic autem  
me accusando, breuiter comprehen-  
dit.



dic. Nemo ante omnia restituendus est, nisi spoliatus, siue, quod eodem redit, Priuilegium restitutionis ante omnia locum non habet, nisi spoliū acciderit. Atqui iuxta doctrinam Laymanni, non pauca Monasteria & sacra Collegia, hæretici detinent, etiam post Passauicam transactionem occupata, in quibus spoliū non accidit: Ergo ex mente Laymanni, detentores horum Monasteriorum ac Collegiorum iuste cogi non possunt, ut ea ante omnia restituant, sed prius iudicialiter audiri debent: Quia in re Cæsarem, eiusque Edictum iniustitiæ arguit, atque hæreticis patrocinatur.

Propositionem maiorem dictæ ratiocinationis colligi ait ex pag. 13. Iustæ def. quali ibi docuerim, quod nemo actionem aliquam habeat, &c. Assumptionem verò ex pag. 314. Dixeram enim pag. 313. *Quæstio in eo versatur, num Edictum Cæsareum de restituendis bonis Ecclesiasticis, tanquam ratione & fundamento, nitatur spolio, adeoque ad ea tantum Monasteria, sacra Collegia, & Ecclesias se extendat, in quibus spoliū interuenit.* Negat prior Theologus: Si loquamur de spolio propriè dicto, &c. Et postea p. 314. *Falsum est, dicebam, quod Auctor libelli dixit, totam Edicti Cæsarei dispositionem niti spolio.*

Enumerabo nunc fraudes, & falsationes Astrologi: Prima in eo cernitur, cum me pag. 13. docuisse refert, quod nemo actionem aliquam habet ad recuperationem Monasteriorum, nisi spoliatus, eius sit hæres, seu successor. Mea autem verba sunt hæc: Si Abbates v.g.

Ord. S. Benedicti actionem aliquam haberent ad recuperationem Monasteriorum, ea potissimum prætendi deberet, quod à Lutheranis per vim iniustam occupata sint, atque spoliari restitui debeant.

Atqui hæc actio seu interdictum possessionis recuperandæ dictis Abbatibus competere non potest: Cum istud interdictum seu remedium possessorium non detur nisi spoliato, & hæredi, seu successori spoliati l. 1. §. de iur. iur. & §. interdictum, ff. de vi, &c. At verò isti Abbates, v.g. Schurenensis, Murensis, Andecensis nunquam spoliati sunt bonis ac iuribus Monasteriorum sitorum in VVittenbergia, cum ea nunquam possederint: Sed neque successores sunt eorum Abbatum, aut Monachorum, qui è VVittenbergia eiekti aut spoliati fuerunt, &c.

Videmus hinc, quod locutus fuorim de spolio propriè dicto, unde nascitur remedium recuperandæ possessionis Unde vi: idque appellauit potissimum, quia propter odium spoliantis, in iure efficacissimum est ad restitutionem consequendam: Accedit, quod notum sit, pleraque Monasteria ab hæreticis detentoribus, eorumve Maioribus per vim occupata fuisse. Qua fronte itaque Aduersarius ex pag. illa 13. colligere & Lectori obtrudere potest, quod nemo actionem aliquam habeat, &c. nisi spoliatus? Nonne secundum omnes Iuristas, vocula maximè, potissimum (qua ipsa usus fui) non exclusiua, sed inclusiua est aliorum, quæ non exprimuntur? Ideo ex ijs ipsis verbis meis, rectè infertur, etiam alia esse possessoria remedia, licet non tam efficacia, aut præcipua, quibus



quibus restitutio Monasteriorum obtineri queat. Imò hoc ipsum verbis clarissimis expressi p. 315. *Extra controuersiam est, vigore Edicti Casarei, multa Monasteria, sacra Collegia, aliaque bona Ecclesiastica restituenda esse, tametsi actio de spolio, seu interdictum, unde vi, intentari non possit.* Et mox, post enumeratos casus, adieci: *In his casibus vigore Casarei Edicti, conformiter Paci Religionis, restitutio bonorum fieri debet, non actione ex spolio, sed ex alijs possessorijs Edictis, prout apud Iurecons. notissimum est.*

Altera fraus in eo consistit, quòd assertionem meam pag. 314. *Falsum est, totam Edicti Casarei dispositionem nisi spolio, eò malitiosè deriuat Aduersarius, quasi negare uoluerim, restitutionem ab iniquis detentoribus vi Edicti Casarei, peti posse, nisi spoliū antecesserit.* Cum tamen oppositum huius clarè tradiderim cit. pag. 315. assert. 2. Accedit etiam quòd doctrina ea, *Edictum Casareum spolio non nisi, restitutionem Monasteriorum & sacrorum Collegiorum, nequaquam impedit, sed magis promoueat, atque Ecclesiasticis faciliorem recuperationis viam aperiat, quia, uti supra in cens. 18. explicatum, ipsi neque vim, neque aliam occupationem iniustam positiuè ostendere coguntur, sed id duntaxat, quòd tempore editæ transact. Passauicæ, id est, Anno Christi 1552, die 2. Augusti, in possessione extiterint.*

Tertia fraus in eo consistit, quòd tum hic, tum fol. 137. nu. 95. persuadere conatur, controuersiam in eo versari, vtrum Religiosi Ordinum

ante omnia restituendi sint: Id verò me negasse ea pag. 13. quia ipsi per vim spoliati non fuerint, ideoque remedium possessorium unde vi intentare non possunt. Veruntamen de hac questione, vtrum restitutio ante omnia, siue incontinenti, & non admissis probationibus de iure proprietatis, fieri debeat, ne verbo quidem memini. Insuper rationem, cur Monachi qui iam viuunt, Monasteriorum restitutionem petere non possint, eam palàm assignaui pluribus in locis, quia eorum possessionem nullam vnquam habuerunt, neque sunt successores illorum, qui possessione olim priuati fuerunt, pag. 13. 318. 483. Apparet itaque, Aduersarium non aliam ob causam, nisi vt controuersia statum perturbaret, fol. suo 36. & 37. copiose admodum ostendere conatum esse, non tantum eos, qui violentia, sed etiam qui metu, dolo, aliave iniusta de causa, possessione priuati sunt, ante omnia restituendos esse, prout docuerit Beroius in c. 1. n. 31. derestit. spoliatorum. Siquidem hæc ad rem, qua de egimus, nihil omnino pertinent, sed solum calumnia inferendæ causæ allata esse mox patebit.

Prius tamen obiter, ac incidenter admonere volui Lectorem iuris peritum, Beroi illam sententiam, tametsi à multis approbetur, tamen nullo in iure satis stabilitam reperiri, uti benè docuit Menoch. rem. 1. recuperandæ, n. 243. 244. Sed de violento inualore id specialiter & expressè decretum, vt ad restitutionem rei, illico, & non admissa iuris exceptione com-



compellatur, l. i. C. Si per vim, vel alio modo, l. si quis ad fundum, C. ad L. Iuliam de vi, c. in literis S. c. cōquerente 7. de restit. spoliat. Ea propter Bartol. in l. si de vi. 37. ff. de iudicijs ait, quod possessor ante omnia restituendus sit, procedere, *vbi est illata vera violentia; secus in quasi violentia.* Et rationem afferunt Abb. in cit. c. i. n. 4. Menoch. cit. rem. i. n. 239. 243. quia interdicitur *vnde vi* magis priuilegiatū est; tum in fauorem spoliati; tum in odium spoliantis, qui propriam anu sibi ius dicere voluit, & ob id maxime puniendus est, l. si quis in tantam, C. Vnde vi.

Id verò minùs iuridicum est, quòd Aduersarius contendit, eum qui per metum iniuste illatum possessionem amisit, spoliatum esse, ideoque ante omnia restituendum. Nam spoliatio locum vtrique habere non potest in eo, qui absolute loquendo, non iniustus, sed volens possessione excessit: Atqui metu adactum, absolute loquendo, volentem & consentientem esse, si non ex iure l. si mulier, 21. §. si metu, ff. Quod metus causa, certè ex Theologia didicisse debuisset Astrologus. S. Thom. 1. 2. q. 6. ar. 6 Aristot. lib. 3. Eth. cap. 1. & docet Menoch. in allegato remed. 1. n. 102. non possessorio remedio, sed potiùs rescissorio opus esse aduersum eum, qui per metum iniuste illatum rem acquisiuit; propterea quòd actus siue acquisitio mero iure valeat, sed rescindi debeat: Idque etiam in beneficialibus locum habere egregie docuit Gl. in c. super hoc §. ver. resignationem, de re-

nunc. Abb. Panorm. in c. 2. n. 19. de his quæ vi.

Redeo iam ad propositum, & afferò quartam ac principalem Astrologi fraudem: Omnia enim quæ in allegatis folijs copiose disputauit, eò denique direxit, vt dicere posset, restitutionem horum Monasteriorum, & Collegiorum, me iudice, de iure non potuisse fieri *ante omnia*, seu non auditis detentoribus, si iura sibi competentia obijcere, atque incontinenti ostendere velint; Eaque re, hæreticis me patrocinari, Cæsaris autem Edictum restitutionis, eiusque executionem arguere: *Si Edictum spolio non innititur*, (inquit) *prius & ante factam restitutionem, iudicialiter audiendi erunt detentores*: Et mox, *illi semper hætenus inelamarunt, se auditos non esse.* Sed quid audio, Astrologe? Nunquid A catholici ante imperatam eis sacrorum Collegiorum restitutionem, executionemque auditi non fuerunt? Cùm tamen constet, eas ipsas controuersias, quæ in Cæsareo Edicto definitæ sunt, eamque præcipuè quæ de Monasterijs, & c. restituendis est, sepe numero in Imperialibus Comitibus propositas, ab vtraque parte, oblatis Cæsari petitionibus, exceptionibus, replicationibus, discussas fuisse; ad eò, vt ipsimet Protestantes, cùm aliàs, tum Anno 1566. Augustæ earum decisionem à Cæsare fieri, desiderârint.

Deinde quàm in scitè loqueris Astrologe eod. fol. 185. n. 10. quòd *extra casum spoliij, inauditos damnare iustum non sit*: Cùm neque in casu spoliij id iure concessum, præterquam si causa

R

aded



adeò manifesta sit, & euidenter appareat, etiam audiatur Reus, nullam prorsus defensionem ipsi competere posse: Tum verò non tantum in casu spolijs, sed etiam in alijs causis inauditum damnare iniustum non est.

Bona, humanoque generi utilis est Dialectica; omni encomio digna Iurisperitia: Sed si in animum malum, fraudibusque struendis idoneum cadat, etiam modica scientia (qualis in hoc homine est) magna mala parere potest.

## CENSURA XXXIII.

183.

**F**OL. 187. plures ineptias atque calumnias congerit, quas singulas piget referre. Vnam, exempli causa, proponam ex n. 16. *Istas duas propositiones*, inquit Aduersarius, quarum una est, quod *Cæsar in hoc casu nostro restitutionum Monasteriorum debeat procedere ut iudex*, atque partibus implorantibus, prout secundum iura constitutum est, iustitiam administrare; Altera, *Cæsarem etiam alijs qui spoliati non sunt, neque officium Iudicis implorant, Monasteria cum Rom. Pontificis auctoritate, assignare posse*; qui simul asserat, cum ait Opponens (pag. 357. 358.) manifestè sibi ipsi esse contrarium. Ne igitur Oppositor (Laymann) sibi ipsi sit contrarius, ambas admittere non potest. Posteriores autem in tractatu suo ubique propugnat; proindeque priorem respuat, necesse est. Vnde sequitur, quod secundum ipsum, Imperator in præfenti casu nostro, non debet procedere ut iudex, neque partibus implorantibus, prout secundum iura constitutum est, iustitiam administrare. Hoc ipsum,

& nihil aliud, hæcenus desiderarunt omnes heretici, qui perspicue vident, se ex Monasterijs, non nisi supremi Iudicis officio, expelli posse.

Pueriles hæc nugæ sunt, quas ferula, non calamo repellere oporteret. Breuiter dico, posteriorem propositionem dilucidè veram esse; contrarium autem, siue aduersantem huic propositioni fore eum, qui dixerit: Quod Cæsar debeat procedere ut iudex, siue non possit aliter ad Monasteriorum imperandam restitutionem procedere, nisi officium eius imploratum fuerit. Quid ipsum claris verbis reieci; eò quod Cæsar. Maiestas utroque officio in Monasteriorum horum recuperatione prædita sit; videl. tam Iudicis partium actioni & petitioni deferuentis; quam supremi Ecclesiarum Aduocati, à partium petitione liberi.

Quando itaque sophisticè hinc colligit, quod Imperator in præfenti casu, si officium eius tanquam Iudicis, imploratum sit, iustitiam administrare non debeat, puerilitas hinc eius atque stultitia apparet. Consistit autem fallacia in hoc, quod ex sensu diuiso inferat compositum, siue ex absoluto hypotheticum. Absolutè enim necessarium non est, Cæsarem procedere ut Iudicem; cum possit etiam ex libero officio procedere: Hypotheticè autem, si videl. officium eius à partibus legitime impleretur, necessarium est eum procedere. Aduertat autem Lector, ex his puerilibus nugis atque fallacijs, quantas calumnias struxerit Aduersarius: Nam eod.



123. eod. fol. 187. postquam dixisset, ex doctrina mea sequi. *Casarem ab antiquis Ordinibus imploratum ut Iudicem, vel Aduocatum teneri sub graui obligatione, partibus implorantibus iustitiam non administrare, neque tutelam. Et mox, Imperatorem, si prius administraret partibus implorantibus iustitiam, siue tutelam, peccare mortaliter; Postea subiungit cit. n. 16. Qua in re minime gentium ab Opponente defenditur, sed grauissimè impetitur Imperator, cui nobilissimum officium, adeoque sceptrum Iudicis, ausu temerario, (quantum est ex voto scribentis) adimitur, & è sanctis manibus excutitur: Est proinde, quod merito omnes boni tanta sese insolentia, & Imperatorij proscriptioni muneris opponant.*

249. Et fol. 218. n. 3. hæc lego: Docet Oppositor (Laymann Iustæ defenf. pag. 357. 358.) *Casarem in hoc casu nostro non debere procedere ut Iudicem, neque partibus imperantibus, prout secundum iura constitutum est, iustitiam administrare, adeoque Casarem aduentantibus ad ipsum Abbatibus & Religiosis pro restitutione Monasteriorum sibi de iure debitorum, oportere clementissimum vultum auertere, debere afflictis & implorantibus iuris remedia negare; & sub graui obligatione in conscientia teneri illos iustissimè supplicantes non attendere, non audire, veluti tales, qui postulent rem, qua cum felici reparatione Germania subsistere non possit. Annectit vero ibi cum his imposturis verba quædam ex proæm. Iustæ defenf. n.*

26. *quæ nihil omnino ad propositum eius faciunt.*

CENSURA XXXIV.

Fol. 138. n. 26. & fol. 189. reprensit me Aduersarius, quod in Iustæ defensionis proæmio dixerim, rationes septem in mandata Cæsarea à Concipiente quodam obreptitiè intrusas fuisse: Id verò dictum existimat Astrologus in grauem Cæsareæ Maiestatis, atque Consiliatorum eius iniuriam cedere. Sed aliter censuerunt sapientes, ipsique Imperatores Romani, sicuti inter alios annotauit Valerius Zafius tom. 6. operum lib. 2. consil. 10. fol. 130. edit. Francof. Princeps Roman. multitudine arduorum negotiorum præuentus ad omnia per eum emanata non potest aduertere, Philipp. Corneus consil. 135. lit. c. p. 4. Quod & Cicero in oratione Rosciana diligenter tractat: Nam & pacis constituendæ rationem, inquit, & belli gerendi potestatem cum solus Imperator habeat, cum omnes in vnum spectent, vnus omnia gubernet, mirum non esse, si aliquis non aduertat: cum præsertim tam multi occupationem eius obseruent, tempusque aucupentur iniqua impetrandi. Quos certe importunos suggestores Rex Agesilaus exarmare volens, si quid iniqui ab eo obreperetur, declarauit, se dixisse illud, non promississe: Et quod à Principe obreptio non sit insolita, facit l. Prædial. C. de locat. prædiorum lib. 11. l. fin. C. de diuers. præd. l. vlt. C. de fund. & saltibus lib. 11. cum multis similibus. In qua obrepenti consuetudine Cæsaris Officiales, quos lex Cæsarianos nominat, non modicè notabiles esse videntur, quod & Imperator prodidit in l. facultas 7. in fine, C. de iure fisci, lib. 10.

R 2

Id



Id quoque præterire non debeo, quod in Epistola P. Confessarii, & à me in Iusta defens. dictum fuit, à non nemine, à Concipista quodam, rationes erroneas in mandata Cæsarea fuisse intrusas. A duersarios in Act. perduel. fol. 8. & astri inext. fol. 188. n. 26. ad Cæsaris Consiliarios inuidiosè detorquere: Quod Imperator in aula sua assumat, amet, ac remuneretur homines, vel etiam Consiliarios pessimos, qui contra voluntatem suam Maiestatis, epistolas concipiant, intrudant tam enormia, &c.

Plura videri possunt in Antimelandro p. 2. fol. 43. & seqq. Id verò hic quærere libet ex Aduersario, si grauis culpæ reus (vt ipse arbitratur & valde exaggeratur in act. perduell. fol. 8. & 9.) cenferi debet, qui in Cæsaris Curia obreptionem accidisse affirmat, cur ipsemet palam significet fol. Astri inext. 193. in princ. Literas à Cæsarea Maiestate scriptas ad Fridlandiæ Ducem, Excellentissimum Dominum Tillium, Commissarios Generales executionis, & ad tres PP. Prouinciales Societatis IESV (vt videre licet in append. Iustæ defens. lit. a b c.) subreptitias esse. Cur fol. suo 245. circa medium hæc verba effutit. Astrologus? An verò, & quantum valeat impetratum nuperrimè decretum cassatorium Congregationis Palatinatus contra Conuentum Ratisbonensem (PP. Benedictinorum) an sit dicendum subreptitium, & per falsa narrata impetratum, sicut & inhibitiones, sub excommunicationis pœna, Conuentum illum adiri prohibentes, & suspensiones Pontificalium, aliq, consilio quorundam consecuta; an, in-

quam, non subsistente narrata derogatione iurium Episcopaliū, iustificari possint, cum sine culpa non debeat infligi pœna, prudentioribus iudicandum relinquimus.

Allegato fol. 189. alia cauillationes afferuntur; quarum vna est, quod pag. 415. 416. Iustæ defens. Illustriss. & Excellentiss. Principis Pauli Sauelli ad Sacram Cæsaream Maiestatem scripta epistola, à me latinè reddita fuerit, aliquibus verbis omisis, quibus de Commendis & pensionibus Episcoporum mensæ non applicandis mentio fiebat, quod ipsum etiam in act. perduellionis fol. 7. obiecit Aduersarius. At verò, fraude nulla me vsum fuisse, partim ex eo colligi potest, quia nullam prorsus causam habui ea reticendi; cum clarè ediderim in præm. n. 30. Si in rationibus, aut mandatis inhibitiū tantum fuisset, ne rationes, pensiones, aut Commendæ in his Monasterijs peterentur, aut impetrarentur absque Cæsaris scientia & consensu, &c. nullam earationes censuram meruissent. Locum integrum reperiet Lector p. 1. loco 3. Partim verò ex eo, quia epistolam eam integrè, nullo verbo omisso, aut mutato, idiomate quo erat scripta Italico, produxi; ita vt insipiens nimis fuisset, si de industria latinam versionem falsatam adiunxissem. Verum, cum Italici idiomatis, quod omnes nōrunt, qui me nōrunt, imperitus essem, hanc (quod DEVS nouit verum esse) diligentiam adhibui, arque Epistolam illam duobus, vni Italo, alteri Germano Italicae linguæ gnaro, latinè vertendam dedi: Postea cum versiones ambas contulissem, &

& con-

185. n. 1  
27.



& consentientes agnouissem, eam, quæ intelligentior videbatur, selegi, & iustæ defensionis inserui. Itaque necessario consequens est, quod Typographus, inter festinandum, verba ea omiserit.

Altera cauillatio: Etsi iniusta defensione prioris siue sæcularis Theologi Iudicium de Monasteriorum translatione mirè laudârim, tamen in hac sola de Commendis & pensionibus materia, quas Theologus ille mensis Episcoporum non assignandas iudicauit, me ab ipso dissensisse: Hunc verò dissensum inde ostendit Astrologus; quia Opponens Laymann in proæm. iustæ defens. n. 31. dixit; *Hæc præter & contra Caesar. Maiestatis scientiam ac voluntatem* (in epistolam Oratoris Cæsarei & ad quosdam Episcopos S. R. I. Principes) *inserta fuisse.* Verum hic iterum Lectorem fallit accipiendo sensum diuisum pro composito. Quæro itaque; Ad quidnam eo n. 31. referebatur illud *Hæc*? Num simpliciter & absolutè ad commendas ac pensiones Episcoporum mensis non applicandas, sicuti Astrologus falsè insinuat? An verò ad commendas & pensiones, quatenus earum applicatio ad mensas Episcoporum damnata in Epistolis erat, quod coram DEO vix ac difficulter excusari posset, si in iure diuino stabilita dispositiones, &c. prout hunc locum integrum videre licet p. 1. loco 3.

Alia quoque dicta mea, signatis quibusdam verbis, quasi formalia sint, affert hic Astrologus: Negationes commendarum sacris Canonibus

& Ecclesiastica immunitati repugnare: Item, intentionem non concedendi commendas necessariò refellendam; & similia plura, quæ omnia ab Astrologo conficta, & falsata sunt; Aut ostendat, me tale quid scripsisse; producatque textum integrum; non autè duo, vel tria verba, antecedentibus & consequentibus fraudulenter omisiss.

CENSURA XXXV.

DIXERAM in proæm. iustæ defens. n. 22. in rationibus septem, epistolæ ad Oratorem Cæsarem insertis, quædam contineri falsa & scandalosa; Videl. quod coram DEO vix ac difficulter excusari queat, si similes in iure diuino stabilitæ fundationes, contra Fundatorum mentem aliò conuertantur & applicentur. Contra ita insurgit Sophista iste: Si hoc dictum repugnat veritati, si in iure diuino stabilitæ fundationes contra Fundatorum voluntatem immutentur, consequenter eius oppositum erit verum (de quolibet enim vera est affirmatio vel negatio) quod videlicet coram DEO non vix, nec difficulter, sed facîle possit excusari; si in iure diuino stabilitæ fundationes contra Fundatorum voluntatem immutentur: Atqui hæc ipsa propositio contraria est legi naturali & diuina, adeoq. falsa & in praxi coram DEO non excusabilis.

Respondetur; Enuntiationes simplices & categoricas ita esse comparatas, vt, si vna neget, quod altera affirmat, contradictoriæ efficiantur, quarum hæc natura est & conditio, vt simul veræ, aut simul falsæ esse non possint.

R 3



possint. Sed alia ratio est de enunciationibus ex coniuncto extremo, & quæ virtute duplices seu compositæ sunt; adeoque ad earum veritatem requiritur, ut utraque coniunctionis pars vera sit. Nam si pars una falsa sit, tota enuntiatio de extremo coniuncto falsa efficietur; quia effectus sequitur deteriorem partem suæ causæ. Exempli causa: *Diabolus Lucifer qui in cælo nunc est, DEVM videt. Diabolus Lucifer qui in cælo nunc est, DEVM non videt.* Ambæ propositiones, tanquam falsæ, rectissime rejici possunt. At verò ad captiones vitandas eiusmodi copulatas enunciationes diuidere consultius est; *Diabolus Lucifer nunc in cælo non est; Et Diabolus Lucifer DEVM non videt.*

Sic etiam in nostro casu, si ueritate illa prima, eo sensu propositio referebatur: Translatio Monasteriorum ab Ordine, pro quo olim fundata erant, ad alium Ordinem, &c. quippe iuri diuino, & voluntati Fundatorum repugnans, coram DEO vix difficulter excusari potest. Hanc propositionem Theologus, eiusque defensor Laymannus falsam dixerunt, & errori obnoxiam. Idcirco ne vera erit hæc propositio? Translatio ea Monasteriorum ad alium Ordinem, &c. quippe iuri diuino & Fundatorum voluntati repugnans, coram Deo non vix, nec difficulter excusari potest. Nequaquam: Simpliciter autem & securè dicitur Sophistæ: Ista translatio Monasteriorum iuri diuino ac Fundatorum voluntati non repugnat; Et, coram Deo non vix ac difficulter excusari potest.

Id quoque aduertere potest, quod Sophista noster, ut fraus non deprehendatur, propositionem, quæ Theologus ille (à me defensus cap. 4. mem. 1. Iustæ defens.) ut falsam & temerariam damnauerat, mutando ac falsando, simplicius ac præcisius attulit; *Coram DEO vix ac difficulter excusari posse, si in iure diuino stabilitæ foundationes contra Fundatorum voluntatem immutentur.* Hæc verò propositio inserta non erat in epistola ad Oratorem, aut Episcopos; & ideo à Theologo reprehendi non potuit. Sed his verbis formata fuerat propositio, quam Theologus & ego eius defensor, damnauimus: *Quod coram Deo vix ac difficulter excusari queat, si similes in iure diuino stabilitæ foundationes contra Fundatorum mentem & institutum aliò conuertantur, & applicentur, proæm. Iustæ defens. n. 22. & fol. 164.* In hac enim coniuncta, & virtualiter duplici enunciatione, significatur, hanc, de qua agebatur, translationem Monasteriorum iuri diuino Fundatorum voluntati repugnare; quod cum falsum sit, tota ea complexa propositio falsa efficitur, ut infra, cens. 46. iterum dicitur.

## CENSURA XXXVI.

**F**OL. 194. in princ. Similem prioris captionem in medium profert Sophista. Epistolæ Cæsar. Maiestatis ad Oratorem hæc verba intrusa fuerant. *Discrete committimus, &c. ut sollicitè auertatis, ne vlla isthic sub Edicto nostro comprehensa Monasteria, Ecclesia, loca sa-*

CRA.



stra, aut bona inde dependentia, &c. auri Ordini, quam cui dicata sunt, sub prae-textu maioris boni, concedantur, aut quocunque tandem modo in Ordinum aliorum praeiudicium, ac alios usus conuertantur. Locus integer reperietur in Iustae defen-s. proæm. n. 9.

Insurgit iam Astrologus, & ait: Si hæc prohibitio vel propositio (Nevlla Mo-nasteria, &c. in aliorum praeiudicium, ad alios usus conuertantur) falsa, scandalosa, temeraria est, ex consequenti illius contra-dictoria erit vera, fideiq; principijs consen-tanea, Vt aliqua Monasteria, &c. in alio-rum praeiudicium, ad alios usus conuertan-tur: Adeoq; licitum erit Iudici, & principijs fidei Catholica coherens, in aliorum pra-iudicium ferre sententiam. Postea verò grauitur in Laymannum inuehitur, quod tueatur, eiusmodi translationem Monasteriorum nō modò esse iniquam, etiamsi fiat in aliorum praeiudicium, sed op-positum esse falsum, erroneum, scandalosum.

Ad hæc respondetur, propositionem illam; Monasteria (de quibus sermo est) eorumque bona in alio-rum praeiudicium ad alios usus trans-ferrì non possunt, complexam esse & virtute geminam: Sensus enim est, Translatio Monasteriorum ad alium pium usum, in Ordinum praeiudi-cium cedit; Et ideo permitti non de-bet. Huius verò prior pars cum falsa sit, tota complexio vt falsa reijci po-est.

Veruntamen Theologus à me de-fensus, de hac ipsa propositione lo-cutus non fuit, quando dixit, Inten-tionem hanc esse præsumptuosam, temera-riam, Ecclesie Catholica perniciosam, pag.

47. Iustae defen-s. Sed ideo vel maxi-mè rationes ac propositiones dictis epistolis insertas damnauit, quia di-ctum erat; Illud enim (vt à Sanctitate sua vel motu proprio, vel ad oppor-tunam aliorum instantiam, &c. Mo-nasteria ad alios usus conuertantur) permittere ac dissimulanter ferre, vt nec in conscientia possumus, ita uer, &c. Iustae defen-s. proæm. n. 2. Propterea censuit Theologus ille; Si rationum Auctor in-tendit vltèrius probare, Sac. Caesar. Maie-statem in conscientia obligatam esse, vt om-nia bona ecclesiastica recuperata antiquis Ordinibus, improbante etiam Christi Vi-cario, restituant; si id, inquam, Author ratio-num vel probare, vel re ipsa efficere intendit, vt re vera ex post facto, & rerum euentu, & ex ipso titulo rationum videtur voluisse intendere, Dico, intentionem illam esse præsumptuosam, temerariam, Ecclesie Ca-tholica perniciosam, &c. Iustae defen-s. pag. 46.

Porro titulus rationibus præfixus, ex quo secularis ille Theologus colle-git, Auctoris earum intentionem eò spectare, quod Caesaris conscientiae repugnaturum esset, si Monasterio-rum aliquod ex ijs, quæ ab Acatoli-cis recuperata sunt, eiusue bona ad alios usus applicari sineret, iste erat: Rationes & argumenta, ob quæ Sacra Cæ-sar. Maestas Monasteria & bona eccle-siastica Ordinibus, & non alijs restituere possit ac debeat.

CENSURA XXXVII.

Fol. 195. in fine, hæc adfert: Quid in ea deliberatione conclusum fue-rit,

204



rit, recenset Opponens n. 34. proam. Iusta defenſ. Quamobrem cum à Sacra Caſar. Maieſtate tam ex ſecretiore conſilio, quam ex Imperiali Aula deputati legiſſent ſcripturas, ſeu conceptiones Theologorum, quibus rationes ea damnabantur, tanquam Sacris Canonibus, traditioni, & immunitati Eccleſiaſtica repugnantes, mox, inquit, Domini Conſiliarij deputati declararunt, mentem ſuam non diſcrepare à iudicijs Theologorum. Hac ille, ſed non abſque DD. Deputatorum iniuria. Nam à perſona in dignitate conſtituta, nos ex ipſa Aula Caſarea 18. Iunij praſentis anni ſic rem narrari accepimus: Quae ſcribuntur in proamio libri n. 34. de Deputatorum à Caſare declaratione, tam fabuloſa ſunt, quam verum eſt illos olim Deputatos nunquam conueniſſe in aliquam conſultationem. Ita teſtantur, qui ex numero Deputatorum fuerunt.

Ad haec ita reſpondeo; Speciem facti, ſeu rei geſtae declarationem, quam attuli proam. 1. & proam. 2. n. 33. 34. non me conſiſſe, ſed ab ijs accepſiſſe, & quidem in ſcripto, qui certam notitiam habebant, & ſi opus fuerit, teſtari poterunt. Contra verò Aſtrophologus proferit literas perſonae in dignitate conſtitutae; ſed fruſtra: Cum talia, quae in facto conſiſtunt, cognosci ac iudicari non poſſint, niſi inſpectis & examinatis literis, atque perſona producentis, num iſ forte conſcripſerit, falſarint; praefertim ſi de eiſmodi falſationibus ſuſpectus ſit, imò manifeſtè conuictus, aut deprehenſus, videl. Aſtri inextincti Auditor.

## CENSURA XXXVIII.

FOL. 204. oftendere conatur Ad- 226.  
uerſarius, Reuerendiſſ. & Illuſtriſſimos DD. Episcopos, S. R. I. Principes, à me in iuſta defenſione non rectè deſenſos fuiſſe; Nam eo caſu, quo omnes mortui ſunt in Collegio, ſentit (Laymann) mox omnes titulos, ac iura collegialia eſſe extincta, ac proinde non agnoſcit in Monasterijs ullam electionis propriè dictam deuolutionem fieri ad proximum Superiorem. Quando inſuper dicit (pag. 182. 406. Iuſta defenſ.) quòd Episcopus in Monasterijs iam vacantiſſimis non poſſet inſtituere Clericos ſeculares, abſque conſenſu, & auctoritate Summi Pontificis; cum omniſ exceptionis firmiter regulam, videtur hic inſinuare, Episcopum in Monasteria iam vacantia poſſe inſtituere Clericos regulares, abſque conſenſu Summi Pontificis. Quod tamen verum non eſt.

Has itidem nimis friuolas redargutiones eſſe, facile apparebit. Quod ad 1. attinet, verum eſt, me in caſu iſto, ſi omnibus è Collegio mortuis tituli extincti ſint, nullam electionis propriè dictam deuolutionem meminſſe; cum neque iura canonica meminerint: Hac enim, cum deuolutionis mentionem faciunt, loquuntur de titulis beneficiorum in corpore Eccleſiae vacantium, quòd ea, ſi Electores vel Collatores ob delictum, vel negligentiam, non prouideant, ad alium, plerumque Superiorem deuolui debeant. Itaque propriè dicta deuolutio ad Superiorem Praelatum ſupponit



supponit titulum beneficij existere, sed ob incidentem casum, ab inferioribus prouisionem factam non fuisse.

At verò ego longè veriorē Episcopis, & similibus Prælati potestatem tribui, si Monasteria exempta non sint; Videl. quòd in casu isto extinctionis totius Collegij, aut Monasterij, prouisionem & ordinationem facere possint, iure proprio, & non deuoluto. Etenim potestas deuoluta dicitur cum ordine ad inferiores v. g. Conuentuales ad quos de iure pertinet Abbatem, aut Priorem eligere, sed ob negligentiam, vel suspensionem intermittunt: At verò in nostro casu, cum Cōuentuales omnes mortui sint, nulla vel fingi potest eligendi potestas, quæ ab inferioribus ad Superiorem, videl. Episcopum, deuoluatur. Falsum itaque est, Iustæ defens. Auctorem hac in re locorum Ordinarijs aduersari. Videat Lector quæ dicta sunt suprâ in cens. 3.

Quod attinet ad 2. ante omnia obseruari debent puerilitates Astrologi: Vt, cum id inter oppugnationes Episcoporum numerat, quòd Iustæ defens. Auctor insinuare videatur, Episcopum iure proprio atque ordinario, adeoque sine speciali Summi Pontificis licentia, in Monasterijs istis vacantibus instituere posse Clericos regulares. Estne hoc Episcopos non iustè defendere, eosve oppugnare? Deindè, quàm inscitè colligit, hanc ipsam à me doctrinam insinuari, quia dixerim, Episcopos in his Monasterijs non posse, sine Pontificis auctoritate, instituere Clericos seculares? Cū

ergo omnis exceptio firmet regulam, &c. Sed quæ obsecro hic exceptio? Nisi fortè de hac loquatur, *sine Pontificis consensu & auctoritate*: Inde autem rectè quidem confirmatur regula in alijs quæ excepta non sunt, id est, quòd nemo alius, præter Summum Pontificem, licentiam & auctoritatem dare possit, vt in Monasterijs istis vacantibus Clerici seculares instituantur. Quòd verò inde consequens sit, aut vlla insinuatio fiat, Episcopum Clericos regulares, aliòsue Religiosos instituere, posse, nondum ostendit Astrologus.

Voluit, vt arbitror, imperitus iste Iurecons. aliam regulam, quæ in memoriam non occurrebat, hic allegare. Qui de vno affirmat de opposito negare, Et, qui de vno negat, de opposito affirmare censetur, c. nonne, de præsumpt. Idque vocant *argumentum à sensu contrario*. Scire tamen debuisset Aduersarius, quòd isthæc regula plures limitationes suscipit, quarum hæc præcipua est, si ratio afferri possit, cur de vno speciatim affirmatum aut negatum aliquid fuerit, non item de altero opposito. Id verò in casu nostro perspicuè cernitur, quandoquidem Sacri Canones, allegati Iustæ defens. ca. 4. mem. 3. satis indicant, quòd Clericorum secularium institutio in Monasterijs, etiam vacantibus, Episcopalem potestatem excedat. Quamobrem ipsemet quoque Aduersarius tum in act. perduell. fol. 35. tum in anathom. pag. 88. allegato Innoc. III. testimonio, produxit c. 4. causa 19. q. 3. *Quæ semel dicata sunt Monasteria cum*

S

con-



*consilio Episcoporum, maneant perpetua Monasteria, id est, Religiosorum habitacula: Propterea mox explicatius adiungitur, Nec posse ea ultra fieri secularia habitacula.*

At verò nullum, ut arbitror, in toto iuris canonici corpore, decretum reperietur, ex quo quaestio isthac satis decidi queat: Vtrum Episcopus, in casu isto Monasterij extincti, si exemptum non sit, constituere possit alterius Ordinis Regulares. Hec itaq; causa est, cur ab ea quaestione de industria abstinuerim, atque in re magni momenti, in neutram partem quidquam statuere ausus fuerim: Praesertim, cum satis notum sit, nemini Episcoporum Germaniae in mentem venisse, ut sua auctoritate, siue absque Sedis Apostolicae commissione, in vacantia ista Monasteria alterius Ordinis Religiosos introduceret.

36. Allegat quidem Astrologus fol. 167. num. 16. in negantem quaest. partem c. inter quatuor, de Religiosorum domibus. Quod tamen ad propositum non est, sicuti ostensum in allegato mem. 3. Iustae defens. Quia Pontifex & DD. de alio ibi casu loquuntur, ut videl. Monasterium ab Episcopo reformandum sit, in quo unus aut plures ius tituli, ac sustentationis adhuc habeant, per Religiosos eiusdem Ordinis reformari debere. Aliae autem Doctorum auctoritates, quas ibidem Astri inextincti Auctor cumulat, partim de simili casu loquuntur, videl. si Collegium solum sit per mortem omnium, unico permanente, restituendum esse & ordi-

nandum, per alios eiusdem professionis Clericos, aut Regulares: Quia Collegium in vno solo manet veluti in proxima potentia, & is proprie dictum ius actionemque habet, ut corpus Collegij redintegretur. Partim verò auctoritates Doctorum id solum definiunt, omnibus Clericis aut Religiosis emortuis, alios à proximo Superiore subrogandos esse. Vtrum verò ij eiusdem professionis, & qualitatis esse debeant, id non expriment: Aut, si quis Doctorum exprimat, non debet Auctori Iustae defens. obesse, cum is de hac re nunquam disputarit.

Illud verò minus tolerandum, grauioremque censuram mereri videtur, quod Aduersarius noster contendat, adeò secundum Sacros Canones, in Monasterijs per mortem omnium solutis, alios eiusdem Ordinis ac professionis Religiosos instituendos esse, ut etiam ipse Rom. Pontifex hac lege restrictus sit, & ita quidem, ut, seclusa plenitudine potestatis absolutae, cui tamen non nisi in casu manifesta ac grauissime necessitatis locus esse possit, aliter statuere aut disponere nequeat, fol. Astri inextincti 108. n. 18. fol. 112. n. 33. fol. 163. & pluribus seq. Et speciatim de Monasterijs Ordinis S. Benedicti, fol. 35. Act. perduell. & p. 88. Anatomiae.

Fol. autem 167. Astri inext. ita ratiocinatur: Translationem Monasteriorum vacatium ad Collegia, Scholas, &c. non fieri à Summo Pontifice per concursum, in quo datur praeventio, vel inde patet, quia nemo potest cum altero concurrere, nisi & alter cum ipso concurrat:

Abi



At liquidi iuris est, quod nullus inferiorum Pontifice, possit Ecclesias regulares mutare in Collegia, Seminaria, Academias. Videat lector, an non per hanc doctrinam Rom. Pontificis potestas, quæ in administratione ecclesiasticorum beneficiorum ac bonorum maximè extolli solet, nimis abijciatur, videl. ut cōcurrendo cum inferioribus Ordinarijs, eorum actiua potestati conformatus, & alligatus esse debeat.

CENSURA XXXIX.

250.

**F**OL. 219. n. 4. hæc calumniando effutit Aduersarius. Falsum & erroneum est, inquit idem (Laymann fol. 52. Iustæ defens.) si fundatio in pium vsum destinata, ex fine bono ad meliorem conuertatur, iniustitiam esse. Ex quo dicto omnium suorum Monasteriorum fundationes sibi luxari vident Religiosi, adeoque nullum superesse, quod non facile possit auferri. Primò, quia fol. 57. tuetur cum Filiucio: Bona vni Ecclesiæ, id est, catui ecclesiastico, siue regulari siue seculari, attributa, posse valide & pro libitu voluntatis, à Sum. Pontifice ab illa auferri, & in aliam alienari. Dicunt, pro libito, ut intelligatur, ad hoc aliud non requiri, quàm ipsius Pontificis beneplacitum. Secundo, quia talis translatio cuiusvis existentis & florentis Monasterij, iuxta sententiam Opponentis, non tantum est valida, sed etiam licita, si fiat ex fine bono ad meliorem vsum, v.g. Scholarum, Seminariorum, aut Collegiorum: càm falsum & erroneum sit, secundum ipsum, dicere, in tali translatione iniustitiam esse: vbi autem nulla intercedit iniustitia, ibi sententia lata, adeoque Mona-

steriorum translatio, præsertim à Summo Magistratu lata, licita est. Et hoc modo nullum Monasterium, nulla Ecclesia Collegiata, nulla fundationes tuta, & secure manebunt.

Graues hic iterum falsationes, & calumniæ cumulantur, quas breuiter ostendam. Primò, declarandum, qua occasione verba illa, quæ tamen præcisa, & non integra ab Aduersario allegata sunt, pag. 52. Iustæ defens. protulerim. Dixerat susceptæ defens. Auctor relatus pag. 45. Extra controuersiam est, ad bonum publicum facere erectionem Collegiorum & Seminariorum, atque hinc esse, ut illi qui aliorum ecclesiasticorum bonis & prouentibus inhiant, istum titulum vbique suis conatibus prætexant: Ex hoc eodem fundamento Inuictissimum Imperatorem, vrgere ac hoc æquum putante Summo Pontifice, diuiti subditi superflua bona in tam laudabiles vsus pro maiore Reipubl. Christiana bono conuvertere posse, concludendum foret. Et paulò post: Quin imò minùs laderetur iustitia, vel charitas, si Princeps ex plenitudine potestatis auferret ab opulento superflua bona, quibus in DE I offensam, & proximè lationem, in abutitur, quàm si fundatio ad pium vsum destinata, ex bono fine, ad meliorem conuertatur. Hæc indoctè pariter, & malitiosè dicta, pluribus refutauit cap. 2. mem. 2. Et inter alia, pag. 51. ita respondi: Falsum & erroneum est, si fundatio in pium vsum destinata, ex fine bono, ad meliorem, supple vsum, conuertatur, iniustitiam esse, & quidem maiorem, quàm si bona diuiti auferantur, ut Schola, Collegia, aut Parochia edificetur. Nū ex verbis istis rectè,

S 2

an



an verò calumniosè, intulerit Astrologus, omnium Monasteriorum fundationes luxari, Lector ipsemet iudicabit.

Secundò, calumniosè agit Aduersarius, quando ait, ex mente P. Filliucij, & Laymanni, bona vni Ecclesiae attributa, posse validè & pro libitu voluntatis, à Summo Pontifice auferri, & in aliam alienari, eo sensu, quo ipse intelligi vult, vt id etiam licitè, & iustè fiat, siue, vt Roman. Pontifex non peccet: Cùm tamen ambo oppositum huius, expressis verbis, ex receptissima Doctorum sententia, tradiderimus, vt videre licet Iustae defensionis pag. 57. 264. 265. vbi hæc verba leguntur: Quae fuerit P. Filliucij sententia, superius dictum fuit, eadem videl. quae Felini, quod Papa INIVSTE agat, si absque causa vni Ecclesiae sua bona adimat, & alteri tribuat: Idemque docuit P. Molina tract. de iust. disp. 12. nu. 22. P. Leonardus Lessius lib. 2. de iust. cap. 4. dub. 7. & hac est communis Patrum Societatis IESV sententia. Hæc ibi.

Terriò, falsitas, & calumnia est, quod translatio Monasterij existentis atque florētis ad vsum meliorem scholarum, &c. licita sit. Nuspiam id legitur in Iusta defension. sed prorsus contrarium locis paulò antè citatis, & pag. 266. 377.

## CENSURA XI.

250. **E**Od. fol. 219. num. 5. ita loquitur Astrologus: Neque Sedem Apostolicam, neque Sacros Canones, nec etiam Ordines antiquos iustè defendit Oppositor, cū

ait pag. 160. 491. Si Religiosi aliqui malè viuunt in Monasterio, esse canonicam Monasterij ad alium Ordinem transferendae causam, idque constare tum ex Ecclesiae praxi, tum ex Concil. Gen. Oecum. sub Alexandro III. in Appendice, tit. Ne Clerici vel Monachi &c. Monachi non regulariter viuentes, per alterius debent Ordinis institutionem puniri. Quae postrema sententia verba, ac si essent formalia, diuerso typo describi voluit. Sed en tibi verba ipsius Alexandri in c. relatum. Ne Clerici vel Monachi ex epist. ad Episcopum Londonensem, non ex Oecum. Concilio desumpta. Relatum est nobis, quod Monachi de H. seculariter viuunt, & alios exemplo suo corrumpunt. Ideo, mandamus, quatenus eos ad obseruantiam regulæ, appellatione remota, compellas: Vel, si tibi resisterint ausu temerario, eis eiectionis, Fratres alterius Ordinis (si non potest prescriptum Monasterium in suo Ordine reformari) in illud inducas. Et paulò post: Vnde apparet falsum esse dictum Opponentis, quod Monachi non regulariter viuentes, per alterius debeant Ordinis institutionem reformari, neque Alexandrum III. istud ibi decreuisse.

Latet hic iterum fraus atque deceptio, quam mox aperiam, pag. 491. Iustae defension. ita scripsi: Significauimus in refutat. c. 3. memb. 3. hanc esse iustam causam Monasterij tradendi saltem per Apostolicæ Sedis auctoritatem, alterius Ordinis Religiosis, si Regulares, qui prius in Monasterio positi erant, iterum atque iterum adhibita cura & admonitione, ad reformationem adduci non potuerunt, sicuti pluribus exemplis ostendi potest, & significatum est in Concil. generali sub Alexandro III. quem locum allegauimus pag. 160. Vbi hæc verba.



verba leguntur: *Esse hanc Canonicam Monasterij transferendi causam, constat tum ex Ecclesia praxi, tum ex Concil. generali Oecumenico sub Alexandro III. in appendice tit. Ne Clericus vel Monachus, &c. Monachi non regulariter viuentes, per alterius debent Ordinis institutionem puniri.*

Videamus iam, quid reprehendat Aduersarius. Ait, me postrema ista verba, tanquam formalia essent, diuerso typo describi voluisse, cum tamen verba Alexandri III. Papæ in c. relatum, Ne Clerici vel Monachi, longè aliud significant. Sed quid hoc ad rem? Allegauit ne ego ijs in locis c. relatum lib. 3. decretal. tit. Ne Clerici vel Monachi? Et ridiculum valde est, quod Astrologus ait, verba ea, quibus me oppugnare, & falsitatis arguere vult, non ex Oecumenico Concilio ab se desumpta esse: Siquidem hac ipsa de causa frustra nititur, & Lectori fucum facit, cum ego ex Lateranensi Concilio testimonium meum produxerim.

Sciendum itaque, quodd in Conciliorum tomis responsum illud Alexandri III. Pontificis ad Episcopum Londonensem, aliter legatur, quam lib. 3. compilat. decretal. Gregor. IX. allegato tit. Ne Cler. vel Monachi. Relatum est auribus nostris, quodd Monachi de Nestro. seculariter viuunt, & alios exemplo corrumpunt: Inde est, quodd auctoritate Apostolica tibi indulgemus, vt eos ad obseruandam monasticam regulam, appellatione remota compellas, aut, si tibi resistere temerario ausu, eis abiectis, Fratres Cisteriensis (fortè Cisterciensis) Ordinis

in praescriptum Monasterium inducas, vt labores impiorum iusti edant, & illi inde rubore suffusi, ad sui Ordinis obseruantiam conuertantur, Concil. generalis sub Alexand. III. par. 27. cap. 7. & videre licet tom. 3. Concil. per Laurent. Surium, edit. Colon. Ann. 1557 fol. 689. col. 1. Edit. Veneta Sixti V. Pontificis auspicijs, apud Dominic. Nicolinum Anno 1585, tom. 4. fol. 164. col. 2. Edit. Græcolatina Colonienfi, studio & industria Seuerini Binij, Sumptibus Ioannis Gymnici, Anno 1598. tom. 3. p. altera fol. 570. col. 1.

At verò in appendice eiusdem Concilij Oecumenici, quam ego allegauit, atque inde verba ea pagina 161. Iustæ defenf. accepisse me testatus sum, eodem prorsus modo, nullo apice mutato, reperiuntur in omnibus editionibus: *Monachi non regulariter viuentes per alterius institutionem puniri debent*, Edit. illa Laur. Surij fol. 619. col. 1. Edit. Veneta fol. 94. col. 1. Edit. Græcol. Colon. fol. 570. col. 1.

Habet itaque Astrologus regulam illam Canonicam in tomis Conciliorum Apostolicæ Sedis auctoritate expressam, quam malitiosè oppugnauit. Neque aliud hoc loco adijcere necesse est, nisi quod controuersia quoque statum, & meam de ea sententiam malitiosè expresseit Aduersarius, fol. eo 219. nu. 5. *Si Religiosi aliqui malè viuunt in Monasterio, esse canonicam Monasterij ad alium Ordinem transferendi causam.* Hæc autem ego non dixi, sed longè aliter meam mentem explicauit cit pag. Iustæ defenf. 491. *Si iterum atq; iterum adhibita cura*



& admonitione, ad reformationem adduci non potuerunt, &c.

## CENSURA XLI.

262. **F**OL. 222. & pluribus seqq. tum priuatis vltro citroque misis literis, quas Astrologus in omniū notitiam producere non veretur, tum etiam publicè edito Notarij instrumento, ostendere conatur, falsum esse, quod à quibusdam relatum & scriptum, inquit, DD. Commissarios Ordinis Cisterciensis, & Congregationis Bursfeldensis, Monasteria Virginum, & aliqua obscuriora virorum Societati hęc celsisse.

De hac re, ad ostendendam hominis huius vanitatem, breuiter aliqua annotabo: I. In publico eo instrumento fol. 227. continetur: Relatum esse, quod Dom. Archiabbas Harsfeldensis, tanquam Plenipotentarius Ordinis, in praesentia R. Patris Lamormaini, omnia Monasteria Virginum, vnà cum Monasterijs obscuris virorum, Societati concesserit, vt ea sibi ipsi Societas, pro bono Religionis, applicare queat: Cum tamen iste Dom. Abbas non Plenipotentarius, sed merus Mandatarius fuerit, atque talem concessionem, (fol. 122. 223. 226. astri inextincti appellatur *cessio* & *alienatio* Monasteriorum) nunquam fecerit, nec facere potuerit. Et infra fol. 286. publicæ protestationis copiam Astrologus producit, in qua Dom. Abbas Cæsariensis se dictam Monasteriorum celsionem, renuntiationem,

& traditionem factam esse, negat.

Sed, quid opus erat publicis hæc instrumentis ostendere? quandoquidem notum est, tametsi Domini illi Commissarij cum plenissima potestate ad Cæsaream Aulam pro recuperatione Monasteriorum Ordinis, destinati fuissent, tamen concessionē, seu celsionem, ac renuntiationem nullam eos facere potuisse: Sed neque R. P. Lamormaini, aut suo, aut Societatis nomine acceptare, cum omnis huiusmodi pactio, celsio, seu concessio ipso iure irrita sit.

II. Me quoque in eam sententiam trahere conatur, quasi dixerim, talem celsionem, siue concessionem factam fuisse, quia pag. 372. Iustæ defension. vocauit *ultranream oblationem Monasteriorum*: Et pag. 274. 275. *promissionem Prælatorum quorundam*. Veruntamen qualisnam ea oblatio aut promissio fuerit, satis explicatum est à Theologo in iudicio suo ead. pag. 275. Iam de facto aliqui (Prælati Ordinum) consentiunt, & quadam cum annexis Ordinibus offerunt domicilia. Et clariùs à me Iustæ defens. pag. 31. Monasteria Virginum, quæ suorum Ordinum essent, & ab Acatholicis detinebantur, in clarissimorum hominum praesentia, Societati se PERMISSVROS sponte & liberaliter declararunt. Et clarissimè pag. 402. Ad id solùm conferret Ordinis consensus, quod Societas absque inuidia, & cuiusquam offensione, Monasteria aliqua, si ad Collegium, Scholæ, & Seminariorum erectionem, à Roman. Pontifice, & Cæsare donarentur, acceptare posset.

Ipsæ-



263. Ipsemet quoque P. Lamormaini Cæsareus Confessarius in epistol. ad Reuerendiss. Abbatem Cæsariens. fol. 224. *Astri inextin. Cum Sum. Pontifex, ante annos octo, quando ego Confessarius non eram sua Maiestatis, S. C. Maiestati fecerit potestatem, cum scitu Domini Nuncij, disponendi ad bonum Religionis Catholicae, de Monasterijs Monialium quae erant recuperata eo tempore, quando melius est, quod facere forsitan posset Imperator eo iure accepto, fieri beneuolentissimis Ordinibus, ut beneficium ab illis acceptum censeatur?*

III. Cum parum, aut nihil intersit, siue illi Domini Commissarij declarationem hanc fecerint, aut non fecerint, quandoquidem certissimum est, Societatem ex illa nihil prorsus sibi iuris vindicare, neque eo titulo seu ratione, vllum Monasterium accepturam esse, iterum dico, me intelligere non posse, quoniam consilio talia instrumenta, & vltro citroque amice scriptae epistolae in lucem publicam vulgatae fuerint.

Eandemque censuram meretur, quod in act. perduellionis fol. 15. in lucem proferantur literae, quas quidam è nostra Societate Sacerdos ad Dom. suum Cognatum scripsit: Hoc insigni, inter alia, per Aduersarij maleuolentiam, adiecto mendacio Literas illas (quibus insinuat, Monasterium quoddam Virginum, tunc desertum penitus, atque à Comitibus Nassouijs A catholicis in usum hospitalis conuersum, Patrum Societatis vsibus applicari posse) nomine ac mandato P. Prouincialis, P. Recto-

ris, ac Professorum Academiae Moguntinae, imò totius eius Prouinciæ emanasse: Cum tamen cõstet, ac probari possit, Patrem illum proprio motu, & absque vllius iussu, priuatas eas & amicas literas scripsisse.

## CENSURA XLII.

Fol. 238. & pluribus seqq. iterum congerit Aduersarius quæ causam eius non adiuuant; quædam autem vitiosè ad propositum suum allegat. Inprimis copiosè demonstrare aggreditur, multas congregationes, adeoque vnita corpora esse, quæ Caput non habeant: Cum tamen ego de hoc vniuersim nunquam disputarim; sed tantum de Monasterijs Ordinum Regularium dixerim, ut vnum corpus efficiant, necessarium esse, ut vni Capiti, tanquam ordinario Prælato subijciantur: Neque fieri posse, ut duos Prælatos habeant, quorum vnus alteri subordinatus non sit.

Secundò ait, quod etiam Ordo S. Benedicti habeat vnum Caput, videl. S. Patrem Benedictum in cælis, & Pontificem Max. in terris. De his suprâ egi p. 1. loco 6. & p. 2. cens. 10. & 11.

Tertiò inquit, non rectè docuisse: Quod Religiosi, qui Generalem Ordinis sui habent, exempti atque Episcopis subiecti non sunt: Vice versa, quicumque Episcopis subiecti sunt, Generalem habere non possunt, Iustæ defens. fol. 363. & fol. 9. Et enim hanc doctrinam refutari posse putat per responsionem Honorij III.

in c.



in c. ult. de statu Monachorum : Et verba Abb. Panormitani in c. Ne religiosi, quod est ult. de Regul. Erasmi Chokier de iurisd. Ordin. in exemptos p. l. q. 17. n. 22.

Verum allegata ista nihil prorsus obstant, assertioni meae : Siquidem aperte locutus fui de Capite, seu Generali Ordinis, qui sit ut Praelatus ordinarius, & quasi episcopalem iurisdictionem erga inferiores Abbates, aliosque Professos exercens, cit. p. 9. Iustae defens. Apparebit autem in allegato c. ult. & penult. de statu Monachorum, Praesidentes illos tali auctoritate & iurisdictione praeditos non fuisse. Ita enim legitur ex Concil. generali sub Innocentio III. in allegato c. penult. *Ipsi quatuor praesint Capitulo uniuerso, ita quod ex hoc nullus eorum sibi auctoritatem praelationis assumat : unde, cum expedierit, prouida possit deliberatione mutari.* Quae verba animaduertit Astrologus intentioni suae aduersari, ideo violenter eorum sensum interuertit fol. 240. in fine : *Nihil hic esse, quod deroget ipsorum Praesidentium iurisdictioni vel auctoritati in subiectos Abbates : sed eantem, quod obstat arrogantia, ne quis ita sibi assumat praelationem, ut credat se mutari non posse, cum expedierit.* Profecto vel inde liquet, hominem hunc malam causam fouere, quia talia effugia quaerit. Et estne, aut vnquam fuit audire, (praesertim in Ordine S. Benedicti) ut Praelati, & quidem maiores ac generales, pro libitu, si expedire videatur, amoueri possint?

Præterea ait Innoc. III. in allegato

c. penult. *Ordinentur in eodem Capitulo religiosa ac circumspecta persona, quae Abbatias eiusdem regni, aut Prouinciae VICE nostra studeant visitare, corrigentes & reformantes, quae correctionis & reformationis officio viderint indigere : Ita, quod si Rectorem loci cognouerint ab administratione penitus amouendum, denuntient Episcopo proprio, ut illum amouere procuret. Quod si non fecerit, Visitatores hoc referant ad Apostolicam Sedis examen.*

Si Praesidentes illi fuissent Praelati ordinarii, concurrentes in iurisdictione cum Episcopo, non priuatiue, sed cumulatiue (sicut explicat Aduersarius fol. 241. n. 32. 33.) quid opus fuisset, ut Visitatores isti visitarent, inquirerent, corrigerent, & reformarent Monasteria (prout etiam legimus in c. ult. alleg. tit.) auctoritate Apostolicae Sedis, cum talem potestatem ab ipsis Praesidibus accipere potuissent? Quid etiam opus fuisset, ut, si Abbas ob dilapidationem amouendus videretur, Episcopo dioecetano denunciaretur, eoque adimplere negligente, Sedi Apostolicae intimaretur, cit. c. ult. §. Quod si Abbas. Potuissent utique etiam Praesidentes auctoritatem suam interponere, si cum Episcopo concurrentem habuissent.

Ad Panormitanum quod attinet in allegato c. ult. de Regular. Is expressè loquitur de Abbate generali cum simili potestate constituto, quales erant Praesides in supra allegato c. penult. & ult. de statu Monach. Videl. qui habeat potestatem inferiores Abbates, Priores, &c. excommunicandi,



micandi, fugitiuos & eieetos ad Monasteria sua reducendi. Cum itaque nec ex illis constitutionibus, quibus Panormitani doctrina innititur, nec ex eiusdem verbis villo modo colligi possit, eiusmodi Præsidentem, aut Abbatem generalem, debere esse Prælatum ordinarium, ideo nihil allegatio ista ad rem facit.

Sed neque Erasmi à Chokier doctrina de Iurisd. Ordinarij p. 1. qu. 15. quidquam mihi repugnat, cum præcisè loquatur de potestate, speciali iure à Sede Apostolica concessa alicuius Ordinis Patri Generali, ad visitandum, corrigendum, iudicandum omnes Ordinis personas, exinde non rectè inferri, Ordinem esse exemptum ab Episcopo. Quod verum est, atque satis id colligi potest ex cit. c. penult. & ult. *Iurisd. specialis*, ait Chokier cit. loco, *consentur concessa cum mulatiue, non verò priuatiue*. Et postea: *Ex priuilegio quocunque Pontificis, nunquam censetur ordinaria potestati derogatum, nisi exemptio formalibus vel equipollentibus verbis concedatur, text. in c. pastoralis, de priuilegiis. Vnde etiam si Ordinum Generales ius habeant visitandi, corrigendi, iudicandi totum Ordinem, non ideo tamen Ordo à iurisdictione Ordinarij exemptus esse censendus est, nisi Ordini nominatim exemptio concessa sit*. Ostendere autem deberet Altrologus, quòd talis Abbas à Sede Apostolica iure speciali constitutus ad visitandum, ac corrigendum totum Ordinem, in ordinaria iurisdictione ac prælatura concurreret cum Episcopo, quod neque ex Erasmo à Chokier, neque villo Auctore, vnamquam ostender.

Denique omittere non possum hominis huius ineptiam, quando ad confirmationem eorum, quæ aduersus me disputauit, etiam Panormitani testimonium sol. suo 241. n. 33. profert, in c. quoniam n. 4. de Offic. Ordinarij. Numquid autem Papa possit prouidere dispensatiue, vt duo Episcopi sint in eodem Episcopatu omnino pares. Textus singul. videtur innuere quod sic, c. non autem, causa 7. q. 1. Nam hoc accidit in persona S. Augustini. Refert tamen ibi Archidiaconus Augustinum dixisse, quòd si sciuisset prohibitionem Ecclesia, non acceptasset. Credo tamen, quòd ex causa posset Papa id statuere: Nam olim in primitiua Ecclesia omnes Episcopi regebant Ecclesias in communi, vt notatur in c. cum sit, de appellat.

Cum receptum sit apud Doctores, quòd allegatio Doctoris, super qua ipse fundatur, non plus probat, quam id quòd allegatur, perspicue liquet, hanc Abb. Panormitani doctrinam Aduersario plus obesse, quam prodesse. Etenim rectissimè obseruauit allegatus Archidiaconus, errorem hunc agnouisse S. Augustinum, sicuti ipsemet testatur epist. 120. tom. 2. Adhuc in corpore posito B. memoria Patre Episcopo meo sene Valerio, Episcopus ordinatus sum, & sedi cum illo, quod Nicano Concilio prohibitum fuisse nesciebam, nec ipse sciebat. Addo, quod Gl. fin. super cit. c. non autem, adeò, id pro absurdo habuerit, si in vno episcopatu duo essent Episcopi, potestate pares, vt quasi vim inferendo illi textui, dixerit, quòd Augustinus in administratione fuerit minor, & alterius vicarius; redens rationem, Ne sit ibi monstrum ha-

T bens



bens duo capita, c. quoniam, de officio Ordinarij. Vbi hæc verba legimus, ex Concilio generali sub Alexandro III. Papa: Prohibemus omnino, ne vna eademq; ciuitas siue diocesis diuersos Pontifices habeat, tanquam vnum corpus diuersa capita, quasi monstrum.

At verò in c. cum sit Romana, de appellat. nihil prorsus habetur, quod vel in speciem Abbatis sententiam adiuuare possit. Præterquam quod etiam fallum est, in primitiua Ecclesia Episcopos omnes rexisse Ecclesias in communi. Tamen enim omnes Apostoli à Christo Domino immediate acceperint potestatem erga Ecclesiam vniuersalem (prout Aduersarius obijcit cit. fol. 241.) omnes tamen S. Petro subiecti, ab eodemque particularium Ecclesiarum Episcopi creati fuerunt, ita vt alter alterius iurisdictioni saltem ordinatè ac decenter, se immiscere non deberet. Denique non apparet causa, ob quam Roman. Pontifex statuere posset, vt in eodem episcopatu essent duo Episcopi omnino pares, siue ita, vt neuter alteri vlllo modo subordinatus existat. Neque obstat, id docuisse Abbatem Panormitan. magnum quidem Canonistam, sed exiguum Theologum.

## CENSURA XLIII.

Quandoquidem Aduersarius fol. suo 229. acriter in me inuehitur, quia docuerim, Monasteria Ordinum, quæ Episcopis subiecta sunt, Generale Caput habere non posse, idè afferendæ sunt aliæ Astrologi, & qui-

dem insignes circa hoc punctum imposturæ, quibus refutatis, res tota magis adhuc elucebit. Fol. 240. ita loquitur: Generalis, absolute sumptus, abstrahit ab exemptione, diuiditurq; in Generalem exemptum, & Generalem non exemptum. Quare, cum Martinus Nauarrus comm. 4. de Regular. n. 22. §. Secundo fit, tanquam membra opposita ponit, esse Generalem & esse subiectum Episcopo, manifestè loquitur de Generali exempto, qualis est in omnibus serè Ordinibus mendicantibus, in quibus, vt ait loco cit. Nauar. quasi omnia Monasteria sunt exempta à iurisdictione Episcopi. Illuc nos Lectorem remittimus.

Operæ pretium erit, callidas, quæ hic latent machinationes ac fraudes, discutere, & ad veritatis cognitionem, aperire. Primò, Quid sibi vult Astrologus, quando ait Generalem Ordinis alium esse exemptum ab Episcopis, & alium non exemptum? Intelligine debet, sicuti verba sonant de ipsomet Generali, posse aliquem constitui qui Ordinis Generale Caput sit, & tamè Episcopis subiectus? Iste sensus prorsus repugnat Aduersarij intèctioni, vti perspicuè apparet ex dictis eius, præsertim fol. 242. n. 32. & seq. Inter alia ait: Elucet propositionem Opponentis falsam esse, nempe, esse inauditum in Ecclesia, & Sacris Canonibus aduersari, vt Religiosi duos Superiores habeant, quorum vnus alteri SVBORDINATVS non sit. Imò in Ordine S. Benedicti, & Canonico-regularium Regularium S. Augustini, hoc ipsum Sacri Canones expresse iubent, ac præcipiunt. Intelligit c. penult. & c. vlt. de statu Monach. quæ n. 31. allegat.

An



An verò improprie verba illa Astrologi accipi debent? ut sensus sit: Alium esse Generalem Ordinis, aut Monasteriorum exemptorum: Alium verò Generalem Ordinis aut Monasteriorum non exemptorum. Tunc friuola nimis & inepta reddetur interpretatio doctrinæ Nauarri, quòd is tanquam membra opposita ponens, *Esse Generalem, & esse subiectum Episcopo*, loquatur de Generali exempto. Quid enim certius, aut manifestius esse potest, quàm esse Generalem Ordinis, aut Monasteriorum Episcopo subiectorum, oppositum esse Generali Ordinis aut Monasteriorum exemptorum? Quòd si hoc tantum voluisset Nauarrus, profectò opus non fuisset, ut in hac re ostendenda, utpote ex ipsis terminis notissima, aliquot typi columnas impleret. Non euadet itaque Astrologus, quidquid dicat, quomocunque sua verba, quæ lubricè, & ad decipiendum aptè posita sunt, interpretetur.

Cæterum, ut res ad oculum pateat, præsertim quia ipsemet Aduersarius ad textum Nauarreum appellat, idèd verba eius aliqua exscribam, ut hominis illius impudentia, atque peruersitas iterum cognoscatur. Comm. llo 4. de Regular. dicto nu. 22. hæc verba habet Nauarrus. *Iure communi antiquo, non faciebant vnā Congregationem & vnum corpus multa Monasteria, sed singula singulariter subiacebant Episcopis, c. i. c. si quis Abbas & c. Abbates 18. q. 2. Imò nec attento iure nouiore Concilij generalis positi in c. In singulis, & c. Ea que, de statu Regul. Per qua licet fuisset*

*constitutum, ut in singulis regnè, vel prouincijs omnium singulorum Ordinum singula Concilia singulis quibuscunque triennijs fierent ad statuendum & reformandum in eis, priuationes tamen Prælatorum remittebantur Episcopis.*

Iterum, interiecta vna columna, ita loquitur Nauar. Ex prædictis desumitur ratio, quare aliqui Canonici regulares non possint cogi transire ad aliud Monasterium, etiam eiusdem Diocesis, aliquot autem sic. Illi enim qui non faciunt vnum corpus, nec habent Generalem qui sit Caput illius, sed singula eorum Monasteria singulariter subsunt Episcopis, vel Papa immediate, non possunt ad id cogi. Et mox: Illi verò, quorum Monasteria faciunt vnum corpus, & habent Generalem qui est Caput eius, poterunt ad id compelli iure particulari suorum statutorum, confirmatorum à Papa, per qua suo consensu sua regula adiecta, faciunt vnum corpus, & habent vnum Generalem, qui est Caput eius.

Et paucis interiectis: Secundò sit, ut subtiliter, & utiliter dubitari possit, An executio cap. 8. de Regular. Concil. Trid. sess. 25. quo iubentur omnes Regulares etiam Canonici, Congregationes in suis prouincijs, iuxta formam Concilij Generalis positi in c. in singulis, & c. ea que, de statu Monach. possint fieri prædicta coactiones, & facultates ad transeundum de vno Monasterio ad aliud eiusdem prouincie? Ad quod breuiter respondeo, quòd non. Quia dispositio illorum capitulorum non se extendit ad hoc, neque præcipit quòd sit, vel fiat aliquis Generalis eorum: Imò expresse disponunt, ut Superiores eorum remaneant subditi Episcopis, ut per se patet, & supra tactum est.

T 2

Hæc



Hæc est doctrina Mart. Nauarri, quæ tantò pluri ab omnibus æstimari debet, quantò ille cùm in praxi ecclesiastica, tum vel maxime in regularibus eiusmodi quæstionibus, utpote & ipse S. Augustini regularis Canonicus, ante alios Canonistas, exercitior est. Per eam autem doctrinam penè omnia, quæ Astrologus fol. suo 290. & 238. vsq; ad 252. acriter reprehendit, tanquam malè in Iustæ defensi tradita fuerint, approbantur, hominis quoque illius tam inscitia, quam malitia detegitur.

Primò enim perspicuè apparet, Præsides illos, de quibus mentio fit in c. In singulis, nò fuisse propriè Monasteriorum Capita, aut Prælatos. Quia licet fuerit constitutum, ait Nauarrus, ut singulis triennijs fierent Capitula, ad statuendum & reformandum, priuationes tamen Prælatorum remittebantur Episcopis.

Secundò apparet, quòd Nauarrus pro oppositis, seu simul non consistentibus habuerit: Monasteria Episcopis subiecta habere Generalem, qui sit Caput illorum. Id verò, & non aliud docuit Iustæ defensi. Auctor: Ergo frustra oppugnatur ab Aduersario: Esse hanc eius doctrinam falsam, errorem grauem: Eam in Ordinibus S. Benedicti iniuriam redundare: Graues omnium Ordinariorum cordibus insidias strui, uti Lector legere poterit fol. 238. n. 29. & fol. 239. in fine, astri inextincti.

Tertiò apparet: Si Monasteria, quæ exempta non sunt, secundum constitutionem Concilij generalis c. penul.

& ult. de statu Monachorum, ad Capitula redigantur, non ideo inferri posse, quòd faciant vnum Corpus, aut habeant Generalem. Quia non precipit Concilium, inquit Nauarr. ut sit, vel fiat aliquis Generalis eorum: Imò expressè disponunt (ea cc.) ut Superiores eorum remaneant subditi Episcopis.

Quartò apparet, secundum Nauarri doctrinam, Prælatos in Monasterijs Episcopo subiectis, neque cogere posse Religiosos suos, neque eisdem facultatem concedere ad aliud transeundi Monasterium. Dubitari potest, inquit, utrum iuxta Concil. Trident. & Constitut. In singulis, fieri possint prædictæ coactiones & facultates ad transeundum & c. Ad quod respondeo, quòd non. Eodemque n. 22. §. Tertio quòd, hanc vnicam rationem affert Nauarr. cur in Ordinibus Medicantium. Prouincialis potest facere facultatem Monachis, vel Fratibus suæ prouinciae, & etiam cogere eos ad transeundum: Generalis autem potest facere facultatem transeundi, simul & cogere ad transeundum non solum de vno Monasterio ad aliud eiusdem prouinciae, sed etiam ad aliud alterius, rationem, inquam, adfert, quia Monasteria illorum sunt exempta à iurisdictione Episcoporum, atque diuisa in prouincias, & habent suos Prouinciales, & Generalissimum immediatè subiectum Papa.

Per hæc autem Nauarri dicta refutantur, quæ ab Astrologo fol. 129. fol. item 246. & multis seqq. de potestate ac iurisdictione regularium Prælatorum in suos, disputat, & Doctorum auctoritates cumulat, quarum non paucas inter se prorsus contrarias,

71.  
309.



trarias, reperiet Lector: Contraria autem allegantem de falsitate suspectum esse, ipsemet antea dixerat. Non pauci item ab ipso allegati Doctores vel aperte falsum dicunt, uti est illud ex Octaviano Spathario allegatum fol. 249. in fine: *Receptissimum est in toto Orbe, à tempore D. Gregorij I. Regulares OMNES* (id verbum maiusculis expressi voluit Astrologus) *exemptos esse ab Episcoporum iurisdictione: Vnde iam Episcopi non possunt procedere in causis criminalibus contra delinquentes Regulares, partim verò, & quidem non pauci eorum loquuntur de Regularibus Hispaniæ, Italiæ, & aliorum quorundam regnorum, in quibus Regulares omnes, aut ferme omnes exempti sunt. Sed de hac re ad propositum non est agere.*

CENSURA XLIV.

306. **F**OL. 244. n. 39. ita scribit Aduersarius: *Supereft, ut hoc loco errorem historicum & chronographicum, quod se vtroq; inuoluit Opponens (Laymann.) in appendice fol. 17. circa Monasterium Ochsenhusanum, ex archiuo eiusdem Monasterij obiter emendemus. Sic enim habet ille: Ochsenhusum olim Congregatio Monialium, postea Prapositura Ordinis S. Benedicti, incorporata ut membrum Monasterio S. Blasij, demum auctoritate Martini V. ante annos 180. factum est proprium Monasterium Ordinis S. Benedicti, nihilominus pendens à Monasterio S. Blasij Hundium fol. 280. & Cass. Bruschium fol. 96. Et paulò post: Certum quoque est, tam Opponentem, quam praeallegatos Auctores*

(Hundium, Bruschium, & Myreum) *falsi in assignatione temporis, aut Maximi Pontificis, quo exemptionem huiusmodi accidisse scribunt. Neque enim per Martinum V. Anno Domini 1420. sed vnde triginta annis prius à Bonifacio IX. concessa fuit hac exemptio, nimirum Anno 1391. prout constat ex Bulla authentica eiusdem Bonifacij IX. quam ex Archiuo Ochsenhusano saepius in manibus habuimus.*

Ad hoc dicitur primò: Rectissime egisse Aduersarium, quando ex officij obligatione, pro celeberrimo Ochsenhusano Monasterio scribere voluit, ne alioquin imprudens Lector aliquis, ex verbis iustæ defens. deceptus, illud adhuc hodie à Monasterio S. Blasij dependere arbitraretur.

Secundò: Tametsi non immeritò dubitare quispiam posset, utri parti, quoad chronologiam, maior fides habenda sit, tribusne illis Auctoribus, qui consentientes affirmant, exemptionem factam fuisse à Martino V. anno 1420. An verò Astri inextincti Auctori, exemptionem à Bonifacio IX. concessam esse asserenti, præferatim, cum is ausus non sit exemptionis Bullam verbis coherentibus afferre, sed partem eam, in qua perpetua liberatio, &c. exprimitur, eo modo fol. 245. Astri inext. collocarit, ut Lector cognoscere rō possit, num Martini V. an verò Bonifacij IX. verba allegentur: Veruntamen, cum nescius non sim, Aduersarium magnam utriusque rerum Ochsenhusani Monasterij notitiam habere, ut & Archiuum ipsi pateat, neque valde credibile sit, in re ista exigui prorsus momēti fallere

T 3.

voluisse:



voluisse: Ideo per me licet, ut Historicorum illorum relatio, donec certius aliquid cognoscatur, in hac temporis assignatione, vacillet.

Tertio autem dicitur: Imprudenter egisse Aduersarium, quando iuste defens. Auctori, seu potius illi, qui Monasteriorum translatorum Catalogum composuit, errorem, & quidem duplicem, longa verborum deductione, adscribere aggressus est. Cum tamen nimis facilis & manifesta sit illius defensio. Quando enim scripsit, Præposituram Ochsenhusanæ, quæ Monasterio S. Blasij incorporata erat, postea factam esse Monasterium proprium, nonne insanus fuisset, & tibi contradixisset, subiiciendo, nihilominus pendere à Monasterio S. Blasij? Est itaque perspicuum illud mendum Typographi, qui pro nihil omnino (quod facile accidere potuit, præsertim inter propeandum) posuit nihilominus. Ad temporis verò rationem quod attinet, Auctor catalogi, posuit verba formalia Hundij, & quia cum eo alios quoque hac in re consentire vidit, non immerito ipsis fidem habendam esse censuit.

## CENSURA XLV.

339. **F**ol. 252. n. 4. hæc leguntur: B. mem. P. Petrum Canisium plurimum commendat (iustæ defens. Auctor) quantumvis omnes allata laudes minores sint ipsius meritis: Inprimis autem fragmentum illud epistolæ Pij IV. quæ incipit. Ad aures nostras, dilecto filio nostro Othone Cardinali Augustano referente, peruenit

etc. Constat enim ex c. quàm graui, de crim. falsi, iun. Gl. ibid. Hostiensi in summa eod. tit. n. 3. & communi, literas Pontificias esse falsas, in quibus Episcopi, præsertim Cardinales, à Papa filij vocantur, cum sit stylus Romana Curia, ut fratres, non filij appellentur. Itaque tantum virum, sinceriore encomio, quo dignissimus est, cohonestare debuisset.

Triumphum hic agit Astrologus, quia Aduersarium suum Laymanum de manifesto falsi crimine conuicit. Textus enim allegati c. nimis clarus est: Nam Innocent. III. Papa scribens ibi ad Episcopum quendam, ait, se in literis, quæ, sub nomine suo Episcopo præsentatæ fuerant, deprehendisse falsitatem, atque admiratum fuisse, quòd tales literas à se crediderit emanasse: Cum scire debeas, Apostolicam Sedem consuetudinem in suis literis hanc tenere, ut Patriarchas, Archiepiscopos, & Episcopos, fratres, ceteros autem Reges, Principes, vel alios cuiuscunque Ordinis, filios in nostris literis appellemus. At verò in iusta defens. pag. 510. produxi ego epistolam Pij IV. Pontificis, tanquam ad P. Petrum Canisium B. M. scriptam, in qua Papa Ottonem Cardinalem Augustanæ Sedis Episcopum, filium appellat, & non fratrem. Consequens itaque est, ut & falsas literas protulerim, eaq; re bonum P. Canisium, maiore encomio dignum, minimè cohonestarim. Eandemque reprehensionem P. Matthæus Raderus, quem tamè ipsemet Astrologus fol. suo. 180. circa medium, doctissimum appellauit, vnà mecum merebitur: Nam ex eius lib. 1. cap. 11. de vita

172.



vita Petri Canisij fol. 113. literas eas accepi, ipseque P. Raderus satis significauit, se *originale exemplum* in manibus habuisse.

72. Quid dicemus? quomodo factum excusabimus? ne alioquin eodem crimine falsationis literarum Apostolicarum inuoluamur, quo Astrologus, quando Pij II. Bullam falsauit fol. 130. & ostendi supra cens. 13. Explicabo rem clarè, ut iterum Astri inext. Auctoris cum malitia, tum inscitia, quas ut indiuiduas socias in pectore suo gerit, manifesta fiant. In primis notum est, quod vna eademque persona in diuersis Ecclesijs diuersa officia, dignitates, appellationesque fortiri possit; ut qui v. g. in Cathedrali Canonicus est, in altera Collegiata Decanus sit: Tum verò si quaratur, à quonam officio aut beneficio appellationem potius fortiri debeat; respondebitur, in primis rationem habendam esse loci, in quo vel persona residet, vel ex quo ad eam literæ diriguntur. Si enim Capitulum Cathedralis, vel Episcopus ad illum, de quo locutus sum, literas scribat, potius appellabit Canonicum, quam Decanum: Deinde considerationem esse oportere eius quod est dignius: Nam à digniore appellationem fieri, plerumque consuetum est: Ideoque ille Canonicus potius, quam Decanus nuncupandus erit.

172. Applicemus hæc ad propositum: Otto Truchsessius anno 1561. die 5. Martij, quo eæ literæ à Pio IV. Pontifice datæ sunt, in Augustana Ecclesiæ Episcopus fuit, at verò in Romana

Ecclesia Cardinalis Presbyter, & nondum Episcopus. Sunt enim S. R. E. Eminentissimi Cardinales aliqui titulo suo Diaconi, alij verò Presbyteri, & alij, ique sex tantum, Episcopi. Romanus Pontifex inter hos, tanquam Caput præcipui Romani Cleri, residens, omnes Cardinales Diaconos & Presbyteros *filios* suos vocat: sex verò illos Episcopos, *fratres*. Quia cum ratio, tam antiqua & laudabilis consuetudo postulat, ut Romanus Pontifex in appellationibus istis potius ad Rom. præcipuæ Sedis, quam particularium Ecclesiarum titulos, attendat.

Hunc Romanæ Ecclesiæ stylum Romæ, si quæ vtilia sunt acitare voluisset, addiscere potuit Astri Auctor: Eandem quoque consuetudinem ex Germania nostra, Vngaria, Boemia, Moravia cognoscere. Nam, ut exempli causa dicam: Eminentissimus Pragensis Archiepiscopus, antequam Cardinalis esset, in literis Apostolicis *frater* appellatus, sed cum primum in S. R. E. Cardinalium numerum ascitus, *filium* à Romano Pontifice vocatus fuit.

Verum ne existimet Astrologus, me diuinare, aut pro arbitratu ista confingere, ideo ex Cathedralis Augustanæ Sedis Archiuio produco Apostolicæ Sedis literas ad supra dictum Ottonem Cardinalem, & Augustanum Præsulem diuersis temporibus scriptas: Literæ Pauli III. Pontificis, datæ die vlt. Iulij, Anno 1545. Pontificatus anno vndecimo, quarum initium: *Dilecte fili, salutem & Apostolicam*



stolicam benedictionem, Tua deuotionis erga Nos, & Sedem Apostolicam sinceritas, tuorumq; magnitudo meritorum promeretur, &c. Inscriptio verò est ista, Dilecto filio nostro Ottoni, Sancta Rom. Ecclesia Presbytero Cardinali Augusten. nuncupato.

Alia litera eiusdem Pauli Papæ III. datæ die 1. Augusti, Anno 1545. Pontificatus anno vndecimo, quarum initium: Dilecte fili, nostram salutem & Apostolicam benedictionem. Volentes tibi, qui pro tuorum magnitudine meritorum, Cardinalatus honore præfulgere, ac Ecclesia Augusten. ex dispensatione Apostolica præesse dignosceris, illa concedere, &c. Inscriptio ista, Dilecto filio nostro Othoni Sancta Rom. Ecclesia Presbytero Cardinali Augusten. nuncupato.

Alia litera Iulij III. Papæ, die 16. Febr. Anno 1555. Pontificatus verò quinto datæ, quarum initium: Dilecte fili, nostram salutem & Apostolicam benedictionem: Ne quid vllò vnquam tempore, tametsi interdum, non ita necessariò prætermittamus, quod ad nostrum solliciti & boni Pastoris officium spectare videatur, vtque charissimo in Christo Filio nostro Romanorum Regi in ijs, quæ cum DEO possumus & vobis semper satisfiat: Dilectum filium nostrum Ioannem tituli S. Laurentij in Lucina Presbyterum Cardinalem Moronum, nostrum & sanctæ huius Sedis de latere Legatum, ad eius Serenitatem misimus, &c. Inscriptio literarum, Dilecto filio nostro Ottoni tit. S. Sabina Presbytero Cardinali Augusten. nuncupato.

Proferam nunc motum proprium, quem Pius IV. Papa ad eundem Cardinalem Ottonem dedit, cum is ti-

tulo Episcopus Albanensis esset, id eoque in ijs à Pontifice frater appellatus fuit, Anno Incarnat. Dominicæ 1562. Non. Decembr. Pontificatus anno tertio: Eius initium est: Pius Episcopus seruus seruorum DEI, Venerabili fratri Othoni Truchses de VValpurg Episcopo Albanensi, Cardinali Augustano nuncupato, salutem & Apostolicam benedictionem. Ad personam tuam, quam meritis pollecerem, & virtutibus insignitam multiplicium gratiarum muneribus insigniuit Altissimus, paternæ considerationis dirigen-tes intuitum, &c.

Inunc Astrologe, atque imposte- rum disce prius, quàm alios docere audeas, aut tanquam malè docuerint, seu scripserint, temerè accusare.

## CENSURA XLVI.

Fol. 253. non longè post principium hæc scripsit Astrologus: An dicere vult Opponens procem. Iustæ defen- sionis. n. 13. boni Confessarij munus esse, iustitiam impedire: naturalis rationis dictamen præcipere, vt æquum pro iniquo reputetur: Societatis regulas iubere, vt moneatur Imperator, quod coram DEO facile possit excusari, si in iure diuino stabilitæ foundationes contra voluntatem fundatorum, etiam in aliorum Ordinum præiudicium, ad alios vsus conuertantur, & doctrinam contrariam continere errores, falsa, non satis coherencia cum fidei Catholica principijs, Ecclesiastica traditioni &c. adeoque Societatis regulas iubere, vt Monasteria suis Ordinibus debita, per Confessarios Principum, reiectis motibus & mandatis legitimis, ad Societatem deriuentur, iuxta id quod



ad quod alibi (ad marg. allegatur monita  
privata Societat. IESV cap. 3.) reperiō: In  
Germania & Polonia magna est auctoritas  
Episcoporum, qui paruo labore collata re  
cum Principe, Monasteria, Parochias,  
Preposituras, Altaria, fundationes, &c. no  
bis possunt attribuire, contentatione qua  
cunque facta sacerdotibus secularibus: quod  
in ijs locis assequi possumus, ubi Catholicis  
haeretici & schismatici sunt permixti: o  
stendaturq; Episcopis, magnum fructum eos  
hac re facturos, quem à secularibus Sacer  
dotibus & Monachis prater tantum expe  
ctare non possint.

Calumniandi ansam Astrólogo hic  
præbuit epistola, quam ad Sac. Cæs  
sar. Maiestatem R.P. Guilelmus La  
mormaini scripsit: Literis, tam ad Epi  
scopos, quam ad Oratorem Cæsareum, ra  
tiones & argumenta quadam apponuntur,  
quæ neque faciunt ad probandam equitatē  
Cæsarei mandati; & propositiones conti  
nent, non solum menti, rescriptis, & praxi  
Sac. Cæs. Maiestatis Vestra, & Impera  
torum Antecessorum (etiam eorum qui ca  
talogo Sanctorum sunt adscripti) & Sum  
morum Pontificum è diametro oppositas; sed  
etiam eiusmodi, ut sine temeritate, scanda  
lo, errore, pronunciari non possint; cum do  
ctrinam contineant non satis coherentem  
cum Fidei Catholica principijs. Quas ratio  
nes certum est, obreptitiè in Sac. Cæs.  
Maiestatis Vestra epistolas, contra mentem  
Vestra Maiestatis, à non nemine incautè, &  
extra omne propositum, intrusas esse; quas  
qui intrusit, fortè non aduertit, se iuri &  
authoritati tam sue Sanctitatis, quam Sa  
cræ Cæs. Maiestatis Vestra plurimum de  
trahere. Exhibuit etiam mihi non ita pri  
dem Illustriss & Reuerendissimus Cardina

lis Palottus legendum quoddam scriptum,  
quo scripto ad me misso, propositiones illa  
omnes continentur; & è quo, ut apparet, in  
epistolas Cæsareas irreperunt. Cum igitur  
& Roma, & ex Imperio graviter arguar  
ego imprimis, (cum enim illa proponantur,  
tanquam si Maiestas Vestra tuta conscien  
tia aliud facere non possit, omnes existi  
mant, conscio & probante Confessario ista  
proponi, & scribi) & scriptura longa super  
ea re sint confecta, & ad me missa, quibus  
ego fugillor, &c. Videri possunt quæ se  
quuntur Iustæ defens. pag. 326.

Ante omnia hic quædam anno  
tasse, operæ prætium erit. I. Quod P.  
Confessarius Cæsareus, non obscure  
indicar, Cæs. Maiestatem mandasse  
quidem, ut ad Oratorem suum, &  
quosdam Dominos Episcopos scri  
beretur (intellige, de Monasterijs, bo  
nisque Ecclesiasticis Romæ, præpro  
perè & sine scientia ac voluntate suæ  
Maiestatis non concedendis, neque  
petendis) attamen epistolis ac man  
datis ijs, rationes & argumenta erro  
res, &c. continentia (quæ ante hac ab  
aliquo concepta, & Eminentissimo  
Cardinali Palotto transmissa fue  
rant) contra mentem & praxin suæ  
Maiestatis, obreptitiè intrusa fuisse.

II. Quod P. Confessarius cul  
pam eius obreptionis nō in Sac. Cæs.  
Maiestatis Domin. Consiliarios con  
ferat; sed in unicum hominem, qui in  
cautè & extra omne propositum ra  
tiones eas literis intrusit. Exinde au  
tem falsitatis arguuntur, quæ in act.  
perduell. fol. 6. & seqq. scripta, & be  
nè refertata sunt in Antimelandro P.  
Laurentij Forer p. 2. c. 2.

V

III. Cur



III. Cur P. Confessarius, postquam ex varijs locis ad ipsum transmissis scripturis, admonitus fuerat, ut huic rei remedium adhiberi curaret, denique in animum induxerit, ad Sacr. Cæsaream Maiestatem *memoriale* illud transmittere: Videl. quia rationes illæ & argumenta præ se ferrebant, Cæsarem ratione conscientia obligatum esse, ut prohibeat, ne vlla talis Monasterij, aut bonorum ecclesiasticorum translatio ad alium Ordinem, Episcopalem mensam, aliūve usum pium fiat, eò quòd coram Deo vix ac difficulter excusari queat, si similes in iure diuino stabilitæ foundationes, *contra fundatorum mentem & institutum*, alio conuertantur & applicentur. Id verò, iuri & autoritatum suæ Sanctitatis, tum Cæsareæ Maiestatis plurimum detrudere, rectissime censuit P. Lamormaini.

His annotatis, intelligentur verba proœm. n. eo. 13. quem Astrologus allegauit: Cum à pluribus, & quod maxime attendendum erat, à Romanis quoque, & Nuncijs Apostolica Sedis, ipsosq. ad Cæsaream Maiestatem destinato Cardinale Palotta admoneretur, denique tum his admonitionibus, tum ipsa rei grauitate atque officij sui, secundum conscientiam, obligatione permotum Patrem Confessarium rectè egisse, & aliter agere non debuisset: imò si Cæsaream Maiestatem non monuisset, quòd reprehensionem meritus fuisset, tanquam boni Confessarij officio, secundum naturalis rationis dictamen & Societatis nostræ regulas, non rectè functus.

Supereft iam, ut Astrologi nostri falsationes, & calumnias numeremus.

Primò: Inanis, quin & iniqua est suggestionis illa: An dicere vult Opponens, boni Confessarij munus esse, iustitiam impedire, &c. Quandoquidem nunquam ostendit Astrologus, Monasteria, & bona eorum ecclesiastica, de quibus nobis sermo est, ad eò esse Ordinibus debita, ut iustitiæ, ac iuri naturali vel diuino repugnaturum sit, si aliqua eorum Pontificia & Imperatoria auctoritate ad alium Ordinē, aliamve piam causam transferantur. Itaq. apparet hinc, Astrologū petitione principij, siue assumptione eius, quòd manifestè falsum & ecclesiasticæ traditioni repugnans est, Lectori denuo imponere voluisse.

Alterà, eaque insignis falsatio & impolitura est, quando significat, Imperatorem à Confessario, & quidem, me interpretante, secundum Societatis nostræ regulas, monitum fuisse, quòd coram DEO facile possit excusari, si in iure diuino stabilitæ foundationes contra voluntatem fundatorum, etiam in aliorum præiudiciū ad alios vsus conuertantur. Quæ omnia verba Aduersarius, distincto charactere, & quædam eorum maiusculis literis, quasi Aduersariorum suorum sint, signari curauit: Cum tamen nec verborum illorum contextus, nec sensus aut sententia, seu in epistola P. Confessarij, seu in Iustæ defens. libro vsipiam reperiantur. Et verò, nemo hominum, nisi insanus aut impius sit, ad Sacr. Cæs. Maiestatem, scribere audebit, quòd coram DEO facile excusari possit, si in iure diuino stabilitæ foundationes, contra mentem fundatorum, etiam in aliorum præiudiciū ad alios



alios usus conuertantur. Non itaque hoc voluit P. Confessarius, sed falsum & errori obnoxium esse censuit, quod in intrusis rationibus significabatur, conscientiae Caesaris, ac iuri diuino repugnaturum, si talem Monasteriorum translationem, per Apostolicæ Sedis auctoritatem, fieri permittat.

Itaque, ut clarissimè rem totam explanem, ratio illa prima, epistolæ Caesaræ obreptitiè intrusa, *Quod coram DEO vix ac difficulter*, &c. propositiones inter se copulatas continet, quæ ita diuidi & in syllogismi formam redigi debent: *Coram DEO vix ac difficulter excusari potest*, si in iure diuino stabilitæ foundationes contra fundatorum mentem aliò conuertantur: Si autem per Sedis Apostolicæ auctoritatem, consentiente Cæsare, Monasteria aliqua, ad alium Ordinem, vel pium usum transferrentur, tum in iure diuino stabilitæ foundationes, contra fundatorum mentem, aliò cōuerterentur: Ergo talis translatio coram DEO vix ac difficulter excusari potest. Hæc ratiocinatio, cuius propositio minor falsa, & erronea est, tota vitiosa, eiusque illatio ut falsa damnari debet: quia, uti Dialectici aiunt, *conclusio sequitur deteriorem partem suæ causæ*.

Sophistam igitur agit Astrologus, quando ex eo, quod Confessarius Cæsareus in epistola sua, Theologus secularis in iudicio, eorumque defensor I. aymannus, rationem illam in epistolas Cæsareas intrusam de errore damnarunt, in sensu utique complexo, ipse colligit, & Lectori proponit

sensum diuisum, quasi ab Aduersarij suis propositiones singulæ negatæ fuerint, etiam Maior illa, *Quod coram DEO vix ac difficulter excusari potest, si in iure diuino stabilitæ foundationes contra fundatorum mentem, aliò transferantur*. Dixi de hac re etiam supra cens. § 4. propterea quod Astrologus tam hic, quam fol. suo 194. easdem pueriles fallacias copiosè deducat, & in act. perduell. fol. 8. & 32. eadem repetiuntur.

Tertia Astrologi impostura in hoc consistit, quod rationes eas, à mente Sacr. Cæs. Maiestatis alienas, iisque vitiatas literas Cæsareas, *motiua & mandata legitima* non tantum appellare, sed etiam, tanquam res extra controuersiam posita sit, exinde P. Confessariū, & Societatem nostram, eiusque regulas oppugnandi occasionem sumere audet, licuti mox apparebit.

Quarta enim, eaque grauis admodum, ac perniciosa hominis huius impostura in eo cernitur, quādo ex suppositio, à pessimis hominibus conficto libello, cuius inscriptio, *Monita priuata Societatis IESV*, malevolentiae suæ atque odij erga nos effundendi causā, iniqua subsidia asciscit: Cum tamen ea *monita priuata*, tanquam libellus famosus, & perniciosa aduersus Societatem conficta commenta continens, primum in Polonia (ubi typis excusa erant) ab Illustrissimo & Reuerendiss. Nuncio Apostolico, Episcopo item Cracouiensi, deinde etiam Romæ ab Eminētissimis Cardinalibus *Congregationis Indici* ante



annos 18. damnata fuerint; & non multò post videl. Anno 1618. à P. Iacobo Gretsero, b. m. tribus libris apologeticis, Ingolstadij editis, refutata. Quæ fusiùs declarata reperientur in Anatom. P. Laurentij Forer sect. 6. fol. 66. & seqq.

Tamen verò ea monita priuata dum reiecta & refutata fuerint, tamè à tribus circiter annis, multa, manu scripta exemplaria per Germaniam, maleuolorum hominù studio transmissa, & vulgata sunt; non eadem verborum ac sententiarum forma, sed sicuti calumniatori cuilibet ad nocendum accommodatiùs visum fuit: Vidiq; ego ipse, Oeniponti ac Hallæ Tyrolis, intra biennium, verbis ac sententijs discrepantia exemplaria, quæ diuersorum Ordinum Religiosis, vtrisque secularibus missa, aut donata fuerant; & tam absurda, atque à Societatis nostræ instituto, ac viuendi consuetudine, abhorrèntia complectebantur, vt nemo hominum, qui Societatis nostræ aliquam notitiam habuit, ijs fidem habere posset. Quamobrem incredibile necesse est in Astrologi pectore contra Societatem nostram cõceptum esse odium, quòd posthàbita tùm veritatis agnitione, tùm Apostolicæ Sedis censura, priuata ea monita denuo ad Societatem denigrandam, & apud rerum ignaros exosam reddendam, veluti ex orco reuocare non erubuerit. Idque longè copiosius in Anatomia

pag. 49. & videre licet in Anatom. P. Laurentij Forer sect. 6.

## CENSURA XLVII.

Fol. 253. prope finem hæc adfert 349  
Aduersarius: Neque in operis (Iustæ defen.) fronte, vbi Opponens hæc verba posuit, Cum facultate Superiorum, & Cæsareæ Maiestatis priuilegio, prudentes persuadere sibi vllò modo possunt, Oppositorem habuisse facultatem, multò minus Cæsareum priuilegium, contra Prælatos Ecclesiæ, Sacratissimum Imperatorem, antiquos Ordines, ipsosq; Canones & Concordata scribendi, vel taliter scripta palam euulgandi.

Rèsp. Iustæ defen. librum in Dilingana Acadèmica Typographia, appposito tam Auctoris, quàm Typographi nomine, excusum fuisse, exploratum & indubitatum est. Sed & id satis notum, atque testatum, quòd ex ea Academia, & Typographia nullus liber prodeat, nisi antea legitime census, probatusq; sit, atque à Superioribus accepta edendi facultate. Denique nec id in dubium vnquam reuocatum, quòd eadem Typographia libros cum Cæsareo priuilegio excudendi, ac vendendi facultatem habeat. Veruntamen, si ad verba Astrologi rectè attendimus, ipse hæc non negat absolutè, sed, vt frequenter solet, per sensum compositum Lectorem fallere studet, Oppositorem non habuisse facultatem & priuilegium contra Prælatos Ecclesiæ, &c. scribendi & euulgandi.

Ego autem efficacius arguo Astrologum, atque absolutè, vereq; dico; Quòd nullum penitus libros eos Astrologiam ecclesiasticam & Astrum inextinctum.



inextinctum edendi priuilegium à Cæsare acceperit; ac proinde nō sine falsatione, in fronte librorum hæc verba posuerit, Cum perpetuo Cæsar. Maiestatis priuilegio.

CENSURA XLVIII.

356

**F**OL. 258. prope finem, hæc scripsit Aduersarius: *Constat, ante suscepta defensionis editionem, dictorum duorum, imò plurium Theologorum, aut similium iudicia, controuersias, animaduersiones, vel discursus, quin etiam typo contra religiosos Ordines exinde commissas, atque durantibus Rati bona Comitij Electoralibus, passim apud Magnates & Consiliarios Principum distributas Annotationes, itemq; Disceptionem, ut vocant, solidam & modestam, absque authoris, vel typographi nomine, & absque legitima approbatione per haud ignotos homines prodijisse. Et in margine annotantur hæc verba, Quomodo fuerint prouocati ad scribendum Ordines antiqui.*

Multæ hic falsitates ac deceptiones latent, quas breuissimè. aperiendo veritatem, detegam. I. Controuersias, Animaduersiones, vel Discursus, (necquid, quam res se habeat, Lector ex verbis Astrologi colligat) nemo ex Patribus Societatis nostræ vel scripsit, vel typo vulgauit.

II. Quod attinet ad Annotationes, & Disceptionem solidam ac modestam (quæ vix trium quaternionum folia explebant) res ita se habet. Cum & alij libelli famosi manu scripti, & illa ipsa suscepta defensio, contra iudicium duorum Theologorum super translatione

resituendorum in Imperio Cœnobiorum ad Societatem IESU cum adiuncta ei Disceptione seu questione, verum bona ecclesiastica & Monasteria, &c. typis publicis excusa prodijisset, & in Comitij Ratisbonens. Ann. 1630. plurimis Principibus, Comitibus, Consiliariis Cæsareis, alijsque clam & palam magno numero à quibusdam Religiosis distributa fuisset, rogatus per literas fui, ut de his controuersijs sententiam meam conciperem, & Dilinga Ratisbonam mitterem. Parui, & misi circa medium Octobr. eiusdem Anni, duas quæstiones, (prout falsus etiam sum in Iustæ defens. præmio n. 85.) vnà cum Annotationibus, quarum Astrologus hic meminit; sed sine additionibus ex Ioann. Trithemio Abbate collectis; quippe quas nunquam vidi, antequam typis publicis prodierunt. Excusæ autem fuerunt annotationes, & quæstiones illæ non Ratisbonæ, sed alibi; me nesciente, quas neque in typo vidi, donec Ratisbonam iter facienti, eodem mense extremo Ingolstadij mihi exhibitæ fuerunt.

III. Postquam Ratisbonam veneram in vigilia S. Wolfgangi, seu penult. die Octobris, ostensum mihi fuit volumē, duos in se libellos complectens, *Susceptam defensionem, & Disceptionem seu questionem.* Quod aliquot antè hebdomadibus, Principibus, & Proceribus, ut dixi, Ratisbonæ oblatum erat, & in plurimorum tunc manibus versabatur. Hæc notissima & contestatissima sunt. Qua fronte itaque Astrologus Lectori in-



sinuare audet, imò apertè edicere, antiquos Ordines ex duabus quæstionibus ijs, & annotationibus typo editis, ad scribendum aduersus Societatem nostram prouocatos fuisse? Cū tamen manifestè constet, antequam de scribendis ijs annotationibus aut quæstionibus cogitationem ullam suscepissem, famolos illos libellos non tantum scriptos, sed & excusos fuisse, perque omnium manus Ratisbonæ volitasse. Præterea, ut Astrologi mendacium ab omnibus liquidò deprehendatur: Quæro, si ex editis illis annotationibus ac quæstionibus, occasio scribendi aduersus Societatem accepta fuit, cur neque in suscepta defensione, nec in adiuncta disceptatione, vlla earundem annotationū aut quæstionum mentio facta? Cur rationes & argumenta non refutata? Præsertim verò additiones ex libris Ioann. Trithemij, quæ plerisque etiam alijs displicuerunt, cur ita taciti Scriptores illi dissimularunt, & tantum in duorum Theologorum refutandis iudicijs occupati fuerunt?

I.V. Quod ad ea Theologorum iudicia attinet, verè dixit Astrologus, non fuisse duorum tantum: Erant enim quinque, partim è Societate nostra, partim aliorum Theologorum. Quodd autem exinde occasio accepta fuerit contra Societatem nostram libellos manu scriptos vulgandi, aliosque typis publicis edendi, equidem non diffiteor: Sed cuiusnam culpa? horum profectò, qui ea quinque iudicia clanculum nacti, duo ex ijs selegerunt, & tanquam à Patribus Societatis

profecta essent, publico typo in lucem dederunt, ac postea liberrimè, imò calumniosè refutarunt, sicuti etià relatum Iustæ defens. procem. n. 1. & seqq. Sin ea calliditas non interuenisset, iudicia illa Theologorum, & tota controversia in publicam notitiā non venisset, sed inter eos, ad quos pertinebat, examinata & dijudicata permansisset. Falsumque omnino est, quod idem Astrologus dixit fol. suo 2. 3. nu. 3. Iudicia illa *Vienna plurium manibus trita fuisse, quando Cesar de deputandis aliquibus Consiliarijs nedum cogitabat.*

339.

V. Etiam in eo grauitè errare Astrologum minimè dubito, cūm scriptionem illam & vulgationem libellorum aduersus Societatem, antiquis Ordinibus absolutè tribuit: Certum enim est, paucissimos dumtaxat aliquos homines conscios, & adiuuantes fuisse, reliquos verò plerosque tam Dominos Abbates, quam alios Monachos, postquam libellos eos viderunt, ac legerunt, improbasse, & adhuc improbare.

VI. Miror equidem, quodd Astrologus non obscuris verbis insinuare audet, reprehensionem mereri, si librum aliquem, Auctoris vel Typographi non appposito nomine, aut sine legitima approbatione, quispiam in lucem edat. Ita profectò est, atque vtinam hæc res, prout etiam secundum Imperij Constitutiones oporteret, in obseruationem veniret. Sed hæc censura quem ferit? Non Laymannum, qui nihil vnquam in lucem edi curauit, nisi legitimè approbatum, & vel suo



fuo appposito nomine, vel saltem Typographi & loco impressionis. Ferit autem vel maximè ea censura Astrologia Ecclesiastica Auctorem, qui complures, per continuum biennium, scripsit libros, & postea publico typo edidit, neque suo, aut Typographi nomine, neque loco impressionis appposito. His verò duobus, *Astrologia ecclesiastica* & *Astri inextincti*, apposuit quidem nomen suum, impressionis verò locum addicere non est ausus, sed id solum apposuit: *Ex typographia Sangeorgiana*, atque adeo de legitima eorum librorum approbatione nullam hactenus fidem fecit.

## CENSURA XLIX.

357.

**F**OL. 259. in medio ait Astrologus: *Ipsemet Oppositor in sua, ut vocat, Disceptatione solida & modesta, mox sub initium præfationis, antiquorum Ordinum Religiosos Monasteria sua legitime representantes, Diabolo capellam secus templum ædificanti comparavit, antequam suscepta defensio prodiret in lucem.*

Hic iterum geminata sunt mendacia; Alterum, quòd ea Disceptatio prodierit antè, quàm suscepta Defensio: cuius contrarium ostendi supra, cens. 48. n. 2. & 3. Alterum, quòd in eius præfatione Religiosos legitime sua repetentes comparauerim Diabolo, capellam secus templum ædificanti. Nam neque ego præfationem illam Disceptationi præposui, sed is qui edidit me inlcio: neque in illa fit ea comparatio, quàm fingit Astrolo-

gus: Sed dicitur Diabolum tenere suum solenne, ut quod alias facere solet, etiam nunc faciat in Germania, & iuxta templa, in quibus iterum antiqua religione DEVM speratur esse colendum, ædificet capellam scandalorum & Discordiarum, & segeti bonarum frugum interfeminet litigiorum zizania. Hæc est illius præfationis aperta sententia, cum generale dictum illud: *Nusquam DEO templum adificatur, quin malus genius capellam iuxta illud erigere conetur*, ostendit etiam locum habere in præfati recipiendorum bonorum Ecclesiasticorum negotio. Quòd sanè non est comparare quemquam Diabolo, sed generalis dicti veritatem in particulari ostendere, ac thesin applicare hypothesi.

## CENSURA L.

**A**STROLOGUS Q. sua vlt. siue à fol. 257. vsque ad finem libri, ostendere conatur; *Susceptam defensionem, & Disceptationem*, libellos famolos non esse, prout à me in Iustæ defens. proœm. n. 49. & seqq. appellati fuerunt. At verò tertium libellum, manuscriptum, cuius & in proœmio, ac Synopsi, atque ipso Iustæ defens. libro passim à me mentio facta fuit, defendere nō audet: quare eum ad infamiam pertinere satis significare videtur Aduersarius: Et tamen susceptæ defensionis Auctor, quem perinde ac teipsum amat ac tuetur Altri inextincti Auctor, ex illo ipso libello famosissima in suam defensionem trāscribendo;

354.



bendo, quodammodo factum proprium effecit, Iustæ defens. proæm. n. 3.

Porro, ut Aduersarius duos illos typo editos libellos ab infamia aliquo modo liberet, ideo ad ea quæ in Iustæ defens. proæmio; & ad aliqua eorum, quæ in Synopsi contra illos allata sunt, respondere conatur. Has responsiones examinare, aut contra eas replicare propositum mihi non est: Præsertim cum in ea synopsi plurima aded absurda, atque à veritate, omniq; honestate abhorrentia dicta, ex libellis illis à me congesta sint, ut nemo hominû facilè tam effrons reperiri queat, qui ea approbare aut defendere audeat. Quare ipse quoque Astrologus non omnia, sed ea duntaxat quorum absurditatem palliolo aliquo contegere se posse existimauit, in specie proferre, atque excusare ausus fuit; ita tamen, ut nouas falsationes, atque iniurias subinde effunderet, prout facilè, si opus esset, ostendere possem, ( & videri E. C. potest fol. 259. n. 3. vbi per insignem iniuriam Theologo seculari imputatur, quod ipsi nunquam in mentem venit) Veruntamen inspectis ijs, quæ in Iusta defens. maximè in dicta Synopsi à me relata sunt, & computatis cum ijs quæ ab Astrologo proponuntur, Lector prudens ac doctus, veritatem ilico deprehendet.

357. Paucula quædam, in Societatis nostræ iniuriam redundantia, præterire non possum. Fol. 161. contendit Aduersarius, rectè scripsisse libelli famosi Compilatorem, quod Societas

pedetentim à primo instituto deficiens, occasum vergat; Et, Observantiam regularem apud Patres Societatis obfiscari, fol. 53. & 155. susceptæ defensionis; Idque duobus argumentis: Primum ducit ex libello R. P. Claudij Aquauiax, Societatis nostræ Generalis, cuius inscriptio: *Industria ad curandos animi morbos, pro Superioribus Societatis.* Ex ijs refertur ab Astrologo caput 15. cuius titulus, *Secularitas, & aulicis mus, hoc est, mundanitas & honor aulicus concilians gratiam, & familiaritatem externorum.* Moxq; sic orditur: *Periculosus est hic morbus, & intra, & extra Societatem, qui paulatim subit sub specie quidem lucrificandi Principes, &c.* Eandemq; objectionem attulit Aduersarius in act. perduell. fol. 61. 62. 72. & in Anatomia fol. 9. 45 Considerabit verò prudens Lector, num yllam causam iustam habuerit homo iste Societatem nostram publicis scriptis denigrandi, eò quod bon. mem. P. Claudius collegerit morbos animi, qui in Societatem nostram, nisi Superiorum industriâ præpediantur, irrepere possunt, ijsq; salubres curationes præscripserit, atque ad domorum Societatis præpositos, & Collegiorum rectores miserit: Cum potius exinde colligi debeat, Societatis institutum, regularumq; observationem in vigore conseruari, quòd vitia, ac morbi animorum, quæ ob humanam infirmitatem quandoq; contrahuntur, tam peruigili Superiorum cura cognosci, impediri, aut curari soleant. Accedit, quòd si ea, quæ in Epistolis aut exhortationibus asceticis, ab ecclesia-



eleſtaſticis viris, pro Religioſorum hominum, aliarumque ſacrarum Congregationum ſpiritali profeſſu, ſcripta aut dicta ſunt, ad earundem dedecus transferre aliquis velit, nemo non vidgat, pro inſano, aut diſciplinæ eccleſiaſticæ oſore, habendum fore.

Alterum verò argumentum Aſtrologus ſumpſit ex libro Ioannis Mariana de Regimine Societatis, quem cap. 20. ſcripſiſſe refert: *Jeſuita ſub pietatù ſpecie multu implicatur negotijs valde alienis, maguq, ſecularibus, quam ſpiritalibus;* &c. fol. 263 in princ. Qui & cap. 4. & in epilogo, maximam eſſe neceſſitatem aſſerit, eorundem Ordinem reſormandi. De hoc libro P. Ioanni Mariana adſcripto, ac dudum damnato, ex quo plurima conuiciandi cauſa Auctori Anatomia attulit, opus non eſt aliquid me dicere, cum eius libri ſuppoſitiuiam originem, mendacia & falſitates copioſe oſtenderit P. Laurent. Forer in antanat. ſect. 7. fol. 80. & ſeqq.

Arque in hac nunc ſcripta, & in lucem edenda Altri inextincti Cenſura, quæ ad pernicioſas admodum

fraudes, falſationes, & criminationes, vt maximè neceſſaria, intermitteri non potuit, acquieſco. Neque opus fore arbitror, vt de his controuerſijs ab aliquo è Societate noſtra quidquam ampliùs reſpondeatur, etiamſi Aduerſarij porrò nos inſtare pergant. Etenim ſi Lector ea, quæ ex parte noſtra, deſenſionis cauſa, ſcripta ſunt, conferre velit cum ijs, quæ vel hætenus obiecta, vel deinceps fortasſe obijcientur, facile veritatem deprehendet. At verò ſine tali collatione, aut examine, fidem obſectatoribus habere, præſertim talibus, qui in manifeſtis mendacijs ac falſationibus ſæpè deprehendi ſunt, non niſi imprudentis aut malè affecti hominis proprium eſt. Spero autem, DEVM Opt. Max. qui veritatis amans, mendacij autem & falſitatis perpetuus oſor eſt, ipſo rerum euentu pro innocentia iudicaturum: vel, ſi in hac vita differtur iudicium, certi ſumus, vocandos nos eſſe ad aliud tribunal, Chriſti Domini, inquam, qui illuminabit abſcondita tenebrarum, & manife-

ſtabit conſilia cordium,

A M E N.

X

IN.



# INDEX RERVM PRÆCI- PVARVM QVAE IN HOC LIBRO CONTINENTVR.

**A**BBAS vel Præpositus Monasterij plenam bonorum administratio- nem secundum Sacros Canones obtinet. *p. 2. cens. 13. §. Quod vero ad alterū.*

Abbas seu Præpositus generalis alicuius Ordinis interdum est ex iure primæ- uo. & communi, interdum verd ex iure speciali priuilegij, vel præscriptæ consue- tudinis. *p. 2. cens. 3. §. Quod vero.*

Abbas seu Præpositus generalis, Ordinis non exempti esse non potest, qui videl ordinariam, & quasi episcopalem iurisdictionem, cum Episcopo obtineat. *p. 2. cens. 42. §. Tertio. & cens. 43. §. Primo enim.*

Abbates præsidentes iuxta c. penult. & ult. de statu Monachorum, non sunt Prælati ordinarij. *p. 2. cens. 41. §. Verum allegata.*

Abbates seu Præpositi eorum Ordinum, qui non faciunt vnum Corpus, nec habent vnum Caput generale, transitum ad alium Ordinem aut Monasterium imperare, aut concedere, sua auctoritate, nō possunt, ex mente Mart. Nauarri. *p. 2. cens. 43. §. Quarto.*

ACTIO cum definitur *ius petendi in iudicio quod sibi debetur*, non de quocunque debito, sed quod iustitiæ est, intelligitur, *p. 2. cens. 4. §. Quarto.*

Actio, propriè dicta differt à Iudicis im- lorato officio. *ibid.*

Actionem pro recuperatione Mona- steriorum extinctorum multi instituere possunt, videl. Rom. Pontifex, Imperator, Patronus, Aduocatus, &c. Interim verum est, quod nemo hominum iam reperitur, qui iure tituli, aut proprietatis actionem, vendicationemque eorum intentare queat. *p. 2. cens. 5. & cens. 8. prope finem.*

Tamen si fateamur, quosdam Prælatos Ordinum, quorum Religiosi professio-

nem edunt cum stabilitate loci, pro resti- tutione horum Monasteriorum agere posse, ad ea ordinandum; non tamen inde inferri potest, quod ea tanquam sua, seu Ordinis sui propria vindicare possint. *p. 2. cens. 3. in fine.*

Actio, pro recuperatione vacantium horum Monasteriorum, & sacrorum Collegiorum, vt ea secundum Canones ordinent, pertinet ad proximum Præla- tum, ad quem, spectato communi iure, e- lectio pertinet. *p. 2. cens. 3.*

ALIENATIONEM si Prælati alicui Ec- clesiæ concedere, eamve confirmare pos- sit, non ideo consequens est, quod etiam de bonis eius Ecclesiæ disponere queat. *p. 2. cens. 13. §. Quod vero ad alterum.*

Sibona vnius particularis Ecclesiæ ad aliam, per Sedis Apostolicæ auctoritatem transferantur, an, & qua ratione alienatio dici possit. *p. 2. cens. 27. in fine.*

ASTROLOGIÆ ecclesiasticæ Gasparis Scioppij censura generalis, *in Prefat.*

In ea Sacræ Scripturæ deprauationes cumulantur. *ibid.*

ASTRI INEXTINCTI liber pri- ma fronte speciem doctrinæ præ se fert; re ipsa verò parum eruditionis, multum calliditatis & astutiæ in se continet, *in prefat.*

ASTROLOGVS, idem est, qui PHILO- XENVS MELANDER & Auctor ANA- TOMIÆ contra Societatem Iesv. *in prefat.*

Astrologus complures libros se per continuum biennium adornasse gloria- tur. *in prefat.*

Astrologus miro fraudis artificio, quæ in diuersis, atque longè distitis paginis reperit verba, quibusdam omis- sis, aut alijs à se ipso additis, in vnam coherentem sententiam, calumniæ inferendæ causa, *in fine.*



# INDEX RERVM.

frequenter connectit, *In præfat. & p. 1. loco 3. p. 2. cens. 1.*

Astrologus siue Aſtri inextincti Auctor arguitur manifesti mendacij, quando scribere ausus est, quod PP. Societatis per quæstiones, & annotationes de Monasteriorum extinctione editas, occasionem præbuerint Aduersarijs scribendi *Suppositam Defensionem, & Disceptionem. p. 2. cens. 42.*

Astrologus, siue aſtri inextincti Auctor, multa de Monasterio Ochsenhufano scribit; eique meritò fides habenda; cum & archiuum Monasterij ipsi pateat, *p. 2. cens. 44.*

BENEFICIORVM tituli in Ecclesijs Collegiatis, per singulorum titulatorum mortem vacant: sin autem omnes mortui sint, adeoque Collegium dissolutum sit, tituli desinunt esse acti. *p. 2. cens. 6. §. Vt fraud. & cens. 7.*

Si sit spes reparationis, seu restitutionis Ecclesiæ Collegiatæ per mortem omnium soluta, beneficiorum tituli aliquo modo vacantes dici possunt *p. 2. cens. 7.*

Aliud est beneficij titulum vacantem, aliud vero extinctum esse, *p. 1. loco 1. §. Alterum, & p. 2. cens. 7.*

In beneficijs ac titulis ecclesiasticis locus non est successioni hæreditariæ: Neque substitutus ius suum accipit ab Antecessore, sed per nouam creationem, aut institutionem. *p. 2. cens. 2. §. Tamen si, & cens. 9. in fine.*

Beneficiorum deuolutionis ad superiorem Prælatum duæ tantum species in iure reperiuntur: vna propter negligentiam; altera ob casum priuationis, si indigne eligatur. Tertiã autem confinxit Astrologus *p. 1. loco 8. §. pergit.*

Bona Monasteriorum per mortem omnium extinctorum, vacantia sunt, & tanquam accessoria censentur adherere materiali structuræ aut loco Monasterij deserti, profanati, aut diruti, *p. 1. loco 1. §. Alterum, & p. 2. cens. 7. §. Hic iterum, & cens. 5. Secundo.*

CÆSAREA MAIESTAS secundum iustitiæ leges, tanquam supremus Ecclesiæ

rum Aduocatus, repetit Monasteria ab iniquis detentoribus, tamen eam per mortem omnium extincta sint. *p. 1. loco 4. §. Superest.*

Cæsar in repetendis Monasterijs ab ijs, qui iniquè detinent, non tantum iudicis officio secundum partis petitionem; sed etiam liberrimo officio, etsi nemo adsit qui actionem instituat, fungi potest *p. 1. loco 5. in fine, & p. 2. cens. 33. §. Pueriles.*

Cæsareum Edictum, partibus prius non auditis, executionem imperalle falsissimum est, *p. 2. cens. 32. prope finem.*

In Cæsareo Edicto non continetur, quod Monasteria Religiosis eorundem Ordinum, quibus olim fundata erant, necessariò restitui debeant. *p. 2. cens. 3.*

Non est insolitum aut inauditum, quod in Cæsaribus, aut alterius Principis decreto aut rescripto obreptio contingit, *part. 2. cens. 34.*

Cæsarea mandata obreptitia, non possunt vocari Cæsaribus mandata *p. 1. loco 2. post princ.*

Cæsareæ Maiestatis editæ epistolæ, seu rescripta de Monasterijs aliò non applicandis partim de obreptione ac falsitate argui debent, partim non debent. *p. 1. loco 3. §. Similem, & loco 4. §. Eadem.*

Cæsar. Maiestatis mens non fuit per rescripta improbare simpliciter vniones, seu applicationes Monasteriorum ad alios vsus pios, sed impedire duntaxat, ne eas absque scientia & consensu Maiestatis suæ instituantur, *p. 1. loco 3. §. Locum in rege.*

Cæs. Maiest. amplissimos Dom. Confiliarios nullo verbo perstrinxit iustæ defensionis Auctor, *p. 1. loco 2.*

CAPTIO sensus compositi, accepti pro diuiso valde familiaris est Astrolog. seu Auctori Aſtri inextincti, *p. 1. loco 3. §. Eluces, & loco 5. Et p. 2. cens. 16. §. Illi fallit, cens. 46. §. Sophist.*

Captio Accidens, qua etiam docti interdum falluntur, non raro vsus est Aſtri inextincti Auctori, *p. 1. loco 6.*

Captio æquiocationis sæpè usurpata fuit ab Auctore aſtri inext. *p. 1. loco 7. p. 2. cens. 6. & cens. 16. §. Arbitrari.*

X 2

Captio



# INDEX RERV M.

Captionem petitionis principij frequenter exercet, p. 2. *conf.* 16. §. III. *fallit*, *conf.* 29. *Et* *conf.* 4. §. *Supereft.*

Captio, quæ est à dicto secundum quid, ad dictum simpliciter ab Astrologo usurpata p. 2. *conf.* 16 §. IV. *Lectorem.*

CARDINALES S. R. E. alij sunt titulo Diaconi, alij Presbyteri, & alij Episcopi: p. 2. *conf.* 43 §. *Applicemus.*

Cardinales, qui titulo suo Diaconi vel Presbyteri sunt, à Rom. Pont. in literis filij appellantur, non fratres; tamen in alia Cathedr. Ecclesia Episcopi sunt p. 2. *conf.* 45.

Cardinales septem, qui titulo Episcopi sunt, Rom. Pontifex fratres suos appellare solet, p. 2. *conf.* 45.

Card. Otto Truchsessius. August. Præful, posterioribus vitæ suæ annis Episcopus Albanensis fuit; Et idem in literis Papalibus *frater* appellatus. *ibid.*

COLLEGIUM sacrum interdum dissoluitur cum spe reparationis, interdum autem sine spe reparationis, p. 1. *loco* 1. §. *Alii*, *qui*, *Et* p. 2. *conf.* 7.

Collegij sacri dissolutio alia est, quæ fit per Superioris sententiam (eamque Astri inextincti auctor fallaciter, appellavit dissolutionem *iuris*). Alia quæ fit facto, videl per mortem, aut renunciationem omnium Collegiatorum: quæ ipsa dissolutio etiam iuris, ac de iure est p. 1. *loco* 7. *prope finem*, p. 2. *conf.* 6. §. *Quarta fraus*, *conf.* 8. §. *Clarissima.*

Si sacrum Collegium cum spe reparationis de facto solum sit, tituli eius & iura alia Collegialia veluti dormiunt, seu habitu permanere censentur. *part.* 1. *loco* 1. §. *Aliqui*, *Et* *part.* 2. *conf.* 7. §. *Verumtamen.*

Si Collegium sacrum solvatur, quæcunque dissolutione, bona eius vacare dicuntur, & ad Superioris dispositionem devoluta p. 1. *loco* 7. §. *Eodem*, *Et* p. 2. *conf.* 8. *post princ.*

Si in Collegio sacro, alijs omnib. mortuis, vnus solus supersit, penes eum iura Collegij seu Congreg. permanere censentur, p. 1. *loco* 8 §. *Iterum.*

Collegium Clericorum secularium certis casibus, per Episcopi auctoritatem, conuerti potest in Monast. siue Conuentum Regul. p. 2. *conf.* 19. §. V. *Inter.*

Ad sacrum Collegium constituendum necesse non est, vt Collegiati in eo titulum seu ius beneficij habeant. p. 2. *conf.* 14. §. I V. *vis.*

Vide verb. *Monasterium*, Et verb. *Societas* *IESV.*

CORPORIS mortalis membra necesse non est inseparabilia esse. p. 2. *conf.* 14. §. *ad secundum.*

Corporis moralis membra, plerumque bona ac iura, vti & officia, separata habent. p. 1. *loco* 6 §. *Respondeo.*

Non ad cuiusque corporis moralis rationem pertinet, vt vnum Caput habeat; Sin autem sermo sit de Ordinum Monasterijs & sacris Collegijs, verè dicitur quod vnū Corpus non efficiant, nisi quatenus vnū Caput habet. *eod. loco* 6. §. *Sophist.*

DECEPTIONVM loci ac veluti sedes, quibus vsus fuit Astri inextincti Auctor. p. 1. *loco* 1. *Et* *seqq.*

Inter alias deceptiones ea frequenter vsus fuit, quod quæstionis statum peruerterit. p. 1. *loco* 1 p. 2. *conf.* 2. *princ.*

Deinde, quod in ijs ponendis ac demonstrandis prolixus fuit, quæ causam & intentionem eius non adiuuant. p. 1. *loco* 8. *Et* p. 2. *conf.* 3.

DECIMARVM parochialium translatione ad mensas Abbatum regularium ineptè & inscitè dissevit Astri inextincti Auctor. p. 2. *conf.* 21.

DOMINIVM & possessio bonorū Monasterij per mortem omnium dissoluti, non est penes Ordinem, cuius Religiosi possessionem edunt cum stabilitate loci p. 2. *conf.* 8. §. *Quarid.*

ECCLESIA nomen interdum accipitur pro edificio materiali, interdum verò pro fidelium Congregatione. p. 2. *conf.* 6. *princ.* *Et* p. 2. *conf.* 7 §. *Hic iterum.*

Ecclesia vniuersalis ita à Christo Domino instituta est; vt vni visibili Capiti seu Pastori generali subdit: Similiter quoque particularis quælibet Ecclesia vnum particulam.



secularem Pastorem, seu vnum Caput in spiritualibus habere debet. *p. 1. loco 6. §. Sophistica.*

Ecclesia cum vniuersalis, tum particularis cuiuslibet Caput inuisibile solus Christus est. *p. 2. cens. 9. §. dico. 4.*

Fidelium Congregationi, non potest Christus assignari tanquam inuisibile Caput Ecclesie, nisi quatenus habet etiam visibile Caput in terris. *p. 2. cens. 10. §. Ad hac.*

Ecclesia, cuius Pastor spiritualis decessit, dici solet *viduata, orbata*; quia secundum presentem statum ei aliquid deest. *p. 1. loco 6. §. Sophistica p. 2. cens. 6. §. Ad hoc.*

Ecclesia viduata Pastore retinet iura sua Collegialia. *p. 2. cens. 10. Ad questionem.*

Ecclesiarum iura alia sunt realia siue localia; alia verò corporalia siue communiter personalia. *p. 2. cens. 6. §. Porro.*

ENUNTIATIO complexa, vel quæ est ex coniuncto extremo vt vera sit, opus est, ambas eius partes, quas virtualiter continet, veras esse. *p. 2. cens. 35. cens. 46. §. Itaque.*

Episcopus agere potest pro recuperatione Monasteriorum, quæ exempta non sunt, vt ea secundum S. S. Canones ordinet. *p. 2. cens. 3.*

Nun Episcopus in Monasterijs morte omnium dissolutis alterius Ordinis Religiosos instituire possit, in sacris Canonibus definitum non reperitur. *p. 1. loco 8. §. At verò c. p. 2. cens. 38.*

Episcopi duo eiusdem ciuitatis aut diocesis esse non possunt. *p. 2. cens. 4. prope finem* Idque in Nicæno I. Oecumenico Concilio definitum fuisse, testatur S. Augustinus, *ibid.*

Episcopo subiectos esse Religiosos, & Caput generale habere, tanquem opposita, refert Martinus Nauarrus. *p. 2. cens. 43.*

FVNDAO Ordini S. Benedicti generatim ac indeterminatè fieri potest; quem admodum & legatum relinqui. *p. 2. cens. 9. §. Multa.*

Inter foundationis dispositionem atque

obligationem; & inter foundationis executionem distinguere oportet. Quæ enim generatim siue indeterminatè facta est fundatio Clericis, aut Pauperibus v. g. ea per executionem erga aliquos determinatur & extinguitur. *ibidem.*

Fundatio si aliquibus in perpetuum, atque inuolabiliter facta sit, non obstat, quo minus mutatio fiat in casibus iure concessis. *part. 2. cens. 9. §. Reperitur.*

In foundatione distinguere oportet inter conditionem hominis, & conditionem legis. *p. 2. cens. 3. in fine.*

Si FVNDAO conditionem Sacris Canonibus non aduersantem foundationi apposuit, ea seruari debet. *part. 2. cens. 3. in fine.*

Fundator, si nihil specificè exprimat, censetur disponere cõformiter iuri communi, siue Sacris Canonibus. *p. 2. cens. 3. in fine. cens. 8. §. Quartò, vers. III. Dico, Fundatorem.*

Fundatorum voluntates cuiusnam auctoritate mutari, vel secundum episcopiam declarari possunt. *p. 2. cens. 25. §. Dixi.*

Per translationem Monasteriorum vacantium ad alium pium vsum, fundatorum voluntates non mutantur. *ibid. §. Si hac dicta.*

HÆRES aliquis Sanctorum in testamento institui potest. Et quisnam huius institutionis sensus sit. *part. 2. cens. 9. dicto 3.*

Hæreditas, patrimonium, filiatio, locum non habent in ecclesiasticis beneficijs, ac titulis spiritualibus. *p. 2. cens. 2. §. Tamen, cens. 9. in fine.*

HÆRETICVS, qui antea beneficium seculare aut regulare possedit, per lapsum in hæresin, possessionem beneficii non amittit defacto, sed de iure. *p. 2. cens. 15. §. Hac idè.*

IVRS vocabulum æquiuocū est; Quandoque enim accipitur pro Iudicis sententia. Quandoque, vt idem sit quod lex, seu statutum: Interdum verò accipitur pro facultate quippiā agendi. *p. 1. loco 7. §. In eo.*

X. Iura.



# INDEX RERVM.

Intra Monasterij, alteriusve Collegij Sacri alia sunt materialia, siue realia; quæ per se ac directè adificio, vel solo inhære-  
re censentur: Alia verò sunt spiritualia &  
Collegialia, quæ ipsi Corpori Congrega-  
tionis per se ac directè insunt, eoquæ de-  
sinente desinunt. *p. 1. loco 1. §. Alterum. p. 2.  
cens. 6.*

**LIBELLVS** Actoris quid in se contine-  
at. *p. 2. cens. 18. §. Animalis.*

**LIBRVM** edere sine approbatione legi-  
tima, aut non appposito nomine Aucto-  
ris, vel Typographi & loci editionis,  
prohibitum est. *p. 2. cens. 48. §. V. I. Miror.*

**MAXIME**, est vox non exclusiua, sed  
inclusiua eorum, quæ expressa non sunt:  
*p. 2. cens. 31. §. Videmus.*

**MONASTERIVM** interdum accipitur  
pro materiali Religiosorum habitatione;  
interdum verò pro Religiosis in vnum  
congregationis Corpus collectis. *p. 1. loco  
7. §. Fallacium. & p. 2. cens. 7.*

Monasterium, cuius Professi omnes  
mortui sunt, diuersa ratione dicitur va-  
cans, & extinctum. *p. 2. cens. 7. §. Hic iterum.*

In Monasterio exempto, cuius Profes-  
si omnes mortui sunt, ordinatio eius per-  
tinet ad Superiorem, cui iure communi  
& ordinario confirmatio, aut institutio  
Prælati competit. Sin autem iure speciali  
præscriptionis aut Priuilegij Prælatus  
inferiorem Superior confirmare soleat,  
inspici debet, quousque hoc ius speciale  
se extendat. Agnosci tamen debet subor-  
dinatio, ac dependentia à Romano Pon-  
tifici. *p. 2. cens. 3.*

Quod Monasteria Episcopis subiecta,  
si per mortem omnium vacantia sint, per  
eiusdem Ordinis Religiosos ordinari de-  
beant, in nullo canone expressum reperit-  
ur. Sed etsi extaret talis canon, non ta-  
men inde sequeretur, quod Religiosis ijs  
proprie dicta actio, seu repetitio Mona-  
steriorum competat. *p. 2. cens. 4. §. Quarto,  
& cens. 38.*

De Monasterijs per mortem omnium  
extinctis, & bonis eorum vacantibus, de-  
feruntur testimonia Doctorum, *p. 2.  
cens. 8.*

Monasteriorum vacantium, ad alium  
Ordinem, piamue causam translatio, per  
ordinariam Ecclesiasticæ iurisdictionis  
potestatem fit. *p. 2. cens. 26. & cens. 27. & 28.*

Monasteriorum ad alium Ordinem  
translationem Concordatis Germaniæ  
repugnare falsum est. *p. 1. loco 4. post princ. &  
p. 2. cens. 29.*

Translationem Monasteriorum Edi-  
cto Cæsareo restitutionis aduersari, fal-  
sum est. *cod. loco 4. §. Tertiò, & p. 2. cens. 1. §.  
Tertia fraus.*

Si Monasterij aut sacri Collegij totus  
Conuentus mortuus sit, superstiti Præ-  
lato, tituli regulares censentur vacare, at-  
que de nouo conferendi sunt; tamen si Ec-  
clesia numerata non sit. *p. 2. cens. 6. in fine.*

**OFFICIA** aut dignitates plures eadem  
persona gerere potest: Tunc verò appella-  
tionem plerumque à potiore sortitur.  
*part. 2. cens. 45. §. Quid dicemus.*

**ORDO**, Religio, Clerus plerumque ac-  
cipitur indeterminatè pro omnibus Re-  
ligiosis, aut Clericis: interdum verò de-  
terminatè ad certam alicuius Ecclesiæ  
Congregationem. *p. 2. cens. 9. §. Dico II. &  
cens. 22. §. I. V. ait.*

Vt Ordinis alicuius Religiosi vnum  
Corpus efficiant, necessarium est, vt v-  
num Caput generale habeant. *p. 2. cens. 41.  
princ.*

Ordinum eorum Monasteria aut sacra  
Collegia, quæ ita sub vniuersalis Cap-  
itis gubernatione sunt, vt Religiosos de  
loco in locum transferre; ijque ea trans-  
latione ius in Monasterio aut sacro Col-  
legio acquirant, atque ali debeant, pro-  
priè dictam Corporis mystici, seu Eccle-  
siæ vnionem habent. *part. 1. loco 6. §. Quid  
itaque, & p. 2. cens. 13.*

Inter Ordines Mendicantes & non  
Mendicantes discrimen. *p. 1. loco 6. cit. §.  
Quid itaque, & p. 2. cens. 12. §. Sed ne existimet.*

Ordinum Religiosi qui Episcopis sub-  
iecti sunt, non habent Caput vnum Ge-  
nerale. *part. 2. cens. 43. §. Secundo.*

Ordinis Cisterciensium Religiosis à  
Sede Apostolica præceptum est, vt bona  
in Monasterijs non habeant separata seu  
propria.



# INDEX RERVM.

propria. *part. 2. cens. 12. in fine.*

PONTIFEX ROMANVS est. Generalis Prælatus omnium Ordinum Religiosorum non diuisim, sed collectiue sumptorum. *p. 2. cens. 1. § Astrologus.*

Pontifex Romanus est I. Caput generale omnium Christi Fidelium II. Caput generale omnium Religiosorum. III. Caput Rom. Ecclesiæ, tanquam propriarius Episcopus. *ibidem.*

Si Rom. Pont. amoto Generali alicuius Ordinis, Ipsemet officio Generalatus specialiter fungi vellet, nulla Ordinis substantialis mutatio fieret; secus, si tantum communi ratione Generalis esse, siue manere vellet. *p. 2. cens. 11. in fine.*

POSSESSO, quam animo & corpore quis habuit, non amittitur, nisi vtrumque in contrarium actum sit. *part. 2. cens. 15. §. Secundo.*

Possessionis causam nemo sibi mutare potest. *ead. cens. 16. §. Aduertere.*

Possessorium interdictum *unde vi* efficacissimum est inter interdicta possessionis recuperanda. *part. 2. cens. 32. §. Videmus.*

Possessorium interdictum *unde vi* magis priuilegiatum est, quam alia interdicta recuperanda. *part. 2. cens. 32. §. Prius tamen.*

RELIGIOSORVM stabilitas variè accipi solet. *p. 2. cens. 12. §. Qua de.*

Religiosi, qui professionem edunt cum stabilitate loci, efficiuntur vnius Monasterij filij, & quasi possessio. *p. 2. cens. 12. §. Est itaque, ibi cens. 13.*

Inter Religiosos, qui edunt professionem cum stabilitate loci, & alios qui professionem non ita restrictam edunt, non paruum discrimen. *p. 2. cens. 12. §. Sed ne.*

Religiosus, qui professionem edit cum stabilitate loci, certo suo Monasterio acquirit: alius vero Religiosus, qui non ita professionem edit, acquirit Ordini, si acquisitionis bonorum capax sit. *p. 2. cens. 13. §. Quoad primum.*

Religiosi, qui professionem edunt cum stabilitate loci, ob quandam æquitatem, & per tacitum ac rationabiliter præsum-

ptum Ecclesiasticorum Prælatorum consensum, meritò admissi fuerunt ad petendum Monasteria. *p. 2. cens. 15. in fine.*

Religiosos omnes, sub vno generali Capite Roman. Pontifice, peculiarem inter se Ecclesiam constituere, atque idcirco mutuam bonorum operum & meritum inter se communionem habere verisimile est. *p. 2. cens. 1. §. Astrologus.*

Si Religiosi secundum regulam non videntur, & reformationi contumaciter se opponant, regula canonica est, vt per alterius Ordinis institutionem puniantur. *p. 2. cens. 40.*

Religiosis, qui edunt professionem cum stabilitate loci, integrum non est, petita licentia Prælati sui, transire ad Monasterium eiusdem Ordinis, si id æqualis, multoque minus, si laxioris obseruationis sit. *p. 2. cens. 12. §. Examinemus.*

Per eius Religiosi, qui cum stabilitate loci professi sunt, ad aliud eiusdem ordinis Monasterium translationem, prius vorum quodammodo relaxatur. *ead. cens. 12. §. Examinemus. Et §. Immerito.*

Religiosus transiens ad aliud, etiam eiusdem Ordinis, Monasterium, professionem de nouo, saltem tacitam, edere debet. *ead. cens. 12. §. Veniamus.*

Religiosus translatus ad aliud Monasterium, siue eiusdem, siue diuersi Ordinis, sedere debet secundum tempus professionis, seu incorporationis in secundo Monasterio. *ibid. §. Addamus.*

SOCIETAS IESV varijs membris constat. *p. 2. cens. 14. §. Ad secundum.*

Corpus Societatis IESV interdum strictius, & interdum latius in Constitutionibus eiusdem accipitur. *ead. cens. 14. §. Ad argumenta.*

Societatis Professi non sunt capaces dominijs aut possessionis reddituum in Collegijs. *ead. cens. 14. §. IV. ait.*

Bona & redditus Collegiorum Societatis IESV, quoad dominium & possessionem, sunt penes Scholasticos eiusdē Societatis in communi, at vero quoad plenam gubernationem, & administrationem, sunt penes Societatem professam, quæ



# INDEX RERVM.

Quæ illam in Præpositum generale tran-  
stulit. *p. 2. cens. 14. §. Altera. & §. V l. obscure.*

Si Collegium Societatis Iesv spolia-  
rum sit, Societas Professæ, seu potius Præ-  
positus Generalis agere potest ad restitu-  
tionem, nomine eiusdem Collegij, seu  
Scholasticorum, qui spoliati fuerunt: quæ  
admodum & tutor agit nomine pupilli.  
*ead. cens. 14. §. Deinde in fine.*

Societas Iesv, qua facultate polleat  
bona vnus Collegij, si abundantia esse  
censeantur, ad aliud Collegium transfe-  
rendi. *p. 1. loco 6. prope finem.*

Societatis Iesv Scholastici, qui post  
probationis biennium tria simplicia vota  
ediderunt, verè & propriè sunt Religiosi,  
& membra Societatis Iesv. *ead. p. 2. cens. 14.  
§. Deceptus. & §. neque occurrit.*

Societatis Iesv priuata monita, suppo-  
sititia & à pessimis hominibus conficta  
sunt. *p. 2. cens. 40. in fine.*

Societatis Iesv Præpositus P. Claudius  
Aquauina b. m. industrias scripsit ad Su-  
periores eiusdem Societatis, quibus ani-  
morum morbi caneri & curari debeant:  
exinde autem nequaquam colligi potest,  
Societatem deficere (sicut Astrum inextrin-  
cti Author arbitratur) sed potius conser-  
uari & augeri. *p. 2. cens. 49.*

SPOLIUM interdum strictè ac propriè  
accipitur, interdum verò latè & impro-

priè. *p. 2. cens. 15. §. Vt an.*

Propositio hæc, *Quid ad suum non admis-  
situr, u. spoliatur*, vniuersaliter accepta, vera  
non est. *part. 2. cens. 17. §. Inanes.*

Spolium, an, & quomodo contingat,  
erga Pontificem Romanum, aut Episco-  
pum Diocesânum, si Religiosi vel Cleri-  
ci à Fide Catholica deficiant. *p. 2. cens. 30.  
§. Vterius.*

Num per subtractionem pensionis an-  
nuæ spolium contingat, iuxta c. querelam  
24. de Elect.

Qui Monasteria ab A catholicis deten-  
toribus Edicti Cæsarei, recuperare cupi-  
unt, spolia positiuè & specificè ostendere  
non tenentur. *p. 2. cens. 18. §. Vterius.*

An & quinam spoliati ante omnia re-  
stituturi sint. *p. 2. cens. 3.*

TRANSLATIONEM bonorum Ecclesia-  
sticorum ab vna Ecclesia ad aliam, an, &  
quatenus Rom. Pontifex facere possit. *p.  
2. cens. 27. §. Allegat hi.*

Ad translationem Monasterij extincti,  
seu bonorum eius vacantium, ad alium  
pium vsum, nemini ius suum aufertur.  
*Ibid §. Hac autem.*

VACAT Ecclesia vel de iure, vel de fa-  
cto. *p. 2. cens. 15. §. Hac ideo.*

De vacantibus Monasterijs, ac bonis  
eorum, vide verb. *Beneficia*, & verb. *Bona*,  
& verb. *Iura*.

Laus Deo.

005267200



